

A. Ҳожиаҳмедов

Ўзбек
арбузи
нусамни




3.3 43 22

ХАҚАРО ИСЛОМ ТАДҚИҚОТ МАРКАЗИ

АНВАР ҲОЖИАҲМЕДОВ

**ЎЗБЕК АРУЗИ
ЛУФАТИ**

«ШАРҚ» НАШРИЁТ-МАТБАА КОНЦЕРНИНИНГ
БОШ ТАҲРИРИЯТИ
ТОШКЕНТ—1998



Тақризчилаr: АЛИБЕК РУСТАМОВ,
Ўзбекистон Фанлар Академиясининг ҳақиқий аъзоси,
филология фанлари доктори, профессор,
БОТИРБЕК ҲАСАНОВ, филология фанлари доктори

© «Шарқ» нашриёт-матбаа
концернининг Бош таҳририяти,
Тошкент—1998

МУАЛЛИФДАН

«Халқнинг маънавияти ва маданияти, унинг ҳақиқий тарихи ва ўзига хослиги қайта тикланаётганлиги,— деб ёзадилар ҳурматли президентимиз И. А. Каримов, — жамиятимизни янгилаш ва тараққий эттириш йўлидан муваффақиятли равишида олга силжитишида ҳал қилувчи, таъбир жоиз бўлса, белгиловчи аҳамиятга эгадир»¹.

Безавол маънавиятимизнинг баркамол ҳазиналаридан бирини минг йиллик тарихга эга бўлган мумтоз шеъриятимиз ташкил қилади. Асрлар мобайнида халқимиз дилига энг олижаноб умумбашарий гояларни жо қилиб, унинг маънавий-маданий равнақига хизмат қилиб келган ана шу бебаҳо ҳазина мамлакатимиз узра истиқлол қўёши порлаган ҳозирги айёmdа ҳам мустақиллик мафкураси ва ахлоқини шакллантиришга мадад бермоқда, Ўзбекистон аҳлини инсонпарварлик, халқпарварлик, халқлар дўстлиги, маърифатпарварлик, эзгу инсоний қадриятлар руҳида тарбиялашда таъсирчан восита вазифасини бажармоқда.

Мумтоз шеъриятимизга хос юксак ғоявийлик ва етук бадииятдан атрофлича баҳраманд бўлмоқ, ҳар бир ижодкор қаламининг бадиий салоҳиятини англаб етмоқ, шеърларга хос нафис оҳангларни ҳам, сўз санъатининг бетакрор назокату латофатини ҳам ҳис этмоқ учун ушбу безавол обидаларга асос бўлган аруз шеърий ўлчов тизимининг назарий қонун-қоидалари ва амалий хусусиятларидан атрофлича хабардор бўлмоқ талаб этилади.

Аруз бармоққа нисбатан анча мураккаб, айни чоқ-да анча мукаммал ўлчов тизими. Ушбу ўлчовда битилган шеърий асарларни ифодали ўқиш учун ҳам аруз тизими асослари, унинг хилма-хил баҳр ҳамда вазнлари, уларнинг рукнлари ва чизмалари, ўта чўзиқ ҳижоллар, васл ҳодисаси, имола, тафийир, азл каби ҳолатларни англаб етмоқ зарур. Ўрта мактаблар, олий ва ўрта

¹ И. А. Каримов. Ўзбекистон иқтисодий ислоҳотларни чукурлаштириш йўлида. Тошкент, «Ўзбекистон», 1995, 139—140-бетлар.

максус ўқув юртлари талабалари, ҳатто ўқитувчилари-нинг, шунингдек, радио ва телевидение дикторлари, бадиий сўз усталари, театр актёrlарининг арузда битилган шеърий асарларни ифодали ўқишида қийналишлари ҳам аruz назарияси ва амалиётини чукур эгалламаслик оқибатидир.

Безавол мумтоз шеъриятимизга хос юксак бадиийликни чукур англаб етмоқ учун ҳам аruz илмини пухта ўзлаштириш шарт. Шеърий ўлчов бадиий асар шаклининг муҳим бир қиррасини ташкил этиши аданбиёт муҳлислари ва мутахассисларига яхши маълум. Шундай экан, шеърий асарда танланган вазн ва шоирнинг ундан фойдаланишдаги маҳоратини қашф этиш ижодкорнинг бадиий салоҳияти даражасини белгилашга имкон бериши шубҳасиз. Зоро, ҳар қандай шеърий асарда вазн тасодифий танланмайди. Ижодкор ўз ғоявий-бадиий ниятидан келиб чиқсан ҳолда ўзи ифодаламоқчи бўлган ғоялар, тасвирламоқчи бўлган лирик ёки эпик тимсоллар, асарда акс этирилувчи воқеалар, ҳиссиятларни юксак бадиият билан жилолантиришга кўл келадиган шеърий ўлчовларга мурожаат этади, уларнинг ритм-оҳанг имкониятлари заминида таъсирчан, мазмундор ва нафис мисралар, байтлар, бандлар яратади.

Қадимий ва сержилва аruz вазнининг ранго-ранг ўлчовларига таяниб қалам тебраттган ижод соҳиблари юздан ортиқ шеърий ўлчовнинг турфа оҳангларини батафсил ўрганиб чиқиб, уларнинг энг халқчил, мусикий, сержило турларини танлаганлар, ҳар бир шеърий ўлчовнинг ўзига хос жиҳатлари, товушларнинг мунаққаш жилоларидан моҳирона фойдаланганлар. Минг йиллик безавол шеъриятимизнинг улкан хазинаси фикримизнинг ёрқин далилидир. Юсуф хос Ҳожиб ва Аҳмад Югнакий, Рабғузий ва Хоразмий, Атоий ва Лутфий, Алишер Навоий ва Бобур, Машраб ва Ҳувайдо, Мунис ва Оғаҳий, Нодира ва Амирий, Муқимий ва Фурқат сингари ўнлаб буюк қалам соҳибларининг бадиият даҳосини қашф этмоқ учун уларнинг ўз асарлари вазни устида ишлаш маҳоратини атрофлича тадқиқ этиш муҳим илмий-маърифий аҳамиятга эгадир.

Мумтоз шеъриятимизнинг бизга қадар етиб келган нодир қўлёзмаларини тўғри ўқиши ва нашрга тайёрлаш учун ҳам аruz илми ва амалиётини билиш зарурый шартлардан саналади. Зоро, ҳар қайси асарнинг ваз-

ни, мисраларнинг руҳи ҳусусиятлари, ҳар бир ҳижонинг чўзиқ ёки қисқалигини англаш уларнинг бехато ўқилишига имконият яратади. Мумтоз шеъриятимизнинг кўплаб нашрларида учраб турадиган мати хатолари, сакталиклар нашрга тайёрловчи олимлар ва нашириёт ходимларининг вазн масаласига эътиборсиз қарашлари оқибати эканлиги шубҳасизdir.

Ҳозирги шеъриятимизда аruz вазнидаги ғазал ва рубоййлар, мухаммас ва мусаддаслар битиш анъанаси давом этмоқда. Ёш ижодкорлар орасида ҳам ушбу ўлчовга иштиёқ кучайиб бормоқда. Маълумки, мазкур вазн асосида асар яратиш учун аruz назарияси ва амалиётини пухта эгаллаш даркор. Ҳозирги адабиётимизда аruz заминида ёзилган шеърларнинг вазнлар жиҳатидан чекланганлиги, оҳанглар жилосининг маҳдудлиги ижодкорларнинг аruz имкониятини атрофлича ўрганиб олмаганликлари, бу ўлчов тизимиға хос бир неча осон вазн билангина кифояланадиганлари натижасидир. Аruz илмини чуқур ўрганиш, буюк шоирлар ижодининг вазн ҳусусиятларини тадқиқ этиш, бу соҳадаги маҳорат сирларидан баҳраманд бўлиш ушбу ўлчов асосида ғоявий-бадиий баркамол, оҳанглар жиҳатидан ранг-баранг ва жозибадор бадиий дурдоналар яратишга имкон бериши муқаррар.

Аruz илмини пухта эгаллаш мумтоз адабиётимиз обидалари бўлмиш дилбар ғазалу мухаммасларга мусиқа басталовчи бастакорлару шу асарларни ижро этувчи хонандалар учун ҳам ниҳоятда зарур.

Шеърий асарнинг вазн ҳусусиятларини яхши билмайдиган бастакор унга мусиқа танлаш ёки басталашда нуқсонларга йўл қўйиши, аруда битилган асарларни ўқий олмайдиган хонанда ашула сўзларини бузиб талаффуз этиши табиий. Санъаткорлар аruz ҳусусиятларини пухта ўзлаштирган ҳолдагина бу каби нуқсонлардан халос бўлишлари мумкин.

Кўрамизки, аruz назарияси ва амалиётини ўрганиш адабиётшунослик, санъатшунослик, матншунослик соҳаси мутахассислари, мактабларнинг адабиёт ўқитувчилари, аруда шеър битишни истовчи шоирлар, бадиий сўз усталари учун алоҳида аҳамиятга эга. Бу масалада уларга аruz илмига оид илмий ва илмий-оммабоп асарлар, қўлланмалар яқиндан ёрдам бериши шубҳасиз. Адабиётшунослигимиз тарихида аruz илмига оид анчагина асар яратилган. Алишер Навоий ва Заҳириддин Бобурнинг «Мезонул авзон» ҳамда

«Мухтасар» асарларида умуман аruz назариясининг, хусусан, ўзбек арузи қонун-қоидаларининг анча кенг ёритилганлиги кўпчиликка маълум. XX асрда ҳам ушбу мураккаб илмга бағищланган Фитратнинг «Аruz ҳақида», Алибек Рустамовнинг «Аruz ҳақида сұхбаттар», Уммат Тўйчиевнинг «Ўзбек шеъриятида аruz системаси», каби асарлари яратилди.

Мазкур китоб муаллифининг «Аruz назарияси асослари», «Мактабда аruz вазнини ўрганиш» каби қўлланмалари ҳам ушбу муаммога бағищланган.

Ушбу луғат мумтоз шеъриятимиз муҳлиси бўлган аҳли диллар, олий ва ўрта мактабларнинг ўқитувчилари, филолог ва санъатшунос талабалар, ўқувчиларнинг аruz илмини ўрганишларига амалий ёрдам кўрсатиш мақсади билан тузилди.

Аruz шеърий ўлчов тизими анча мураккаб. Унинг араб, форс ва туркий шеъриятларда қўлланган барча ўлчовларини ўрганиш анча мушкилот туғдиради. Ўзбек шеъриятида яратилган асарларни ифодали ўқиш ҳамда вазн нуқтаи назаридан таҳлил этмоқ учун ўзбек арузи назарияси, хусусан, шеъриятимиздагина қўлланган баҳр ҳамда вазнларни ўзлаштириш кифоя қиласди. Шунинг учун ҳам мазкур луғатда туркигўй шоирлар ижодидагина фойдаланилган зиҳофлар, руқнлар, баҳрлар, вазнлар доирасидагина фикр юритдик.

Араб ва форс арузи ҳақида маълумот олишни истаган ўқувчилар бошқа маҳсус китобларга мурожаат қилишлари мумкин.

Аruz илмига доир ушбу луғат адабиётшунослигимизда янги бир тажриба. Бинобарин, унда баъзи нуқсонлар, эътибордан четда қолган назарий масалалар, ўлчовлар ҳам бўлиши мумкин. Муҳтарам китобхонларимизнинг луғат ҳақидаги танқидий фикрлари, мулонҳаза ва таклифлари бу каби нуқсонларни кейинги нашрларда бартараф этишга ёрдам бериши шубҳасиз.

A

Абтар. «Мафоийлун» аслининг «батар» («илдизидан афдариш») зиҳоfiga билан ўзгартирилиши оқибатида ҳосил бўлган *фаъ* (чизмаси: —) тармоқ рукнининг номи бўлиб, «илдизидан афдарилган» деган маънони ифодалайди (*Қаранг*: «батр», «фаъ»).

Ажабб. «Мафоийлун» аслининг «жабб» («бичиш — ахта қилиш») зиҳофи билан ўзгартирилиши натижасида ҳосил бўлган «фаал» (чизмаси: у —) тармоқ рукнининг номи бўлиб, «бичилган, ахта қилинган» маъносини ифодалайди. (*Қаранг*: «жабб», «фаал»).

АЗалл. «Мафоийлун» аслининг «залал» («соннинг гўштсиз бўлиб қолиши») зиҳофи билан ўзгартирилиши туфайли юзага келган «фоъ» (чизмаси: ~) тармоқ рукнининг номи бўлиб «гўштсиз бўлиб қолган» деган маънони ифодалайди. (*Қаранг*: «Залал», «Фоъ»)

АЗЛ — «четлатиш» маъносини англатувчи аруз атамаси бўлиб, адабий тилда чўзиқ ўқилувчи унлиларни шеърий асарларда вазн талабига кўра қисқа унли тарзida ўқилишини ифодалайди. Масалан, Лутфийнинг

Ул ойким, анинг меҳрида машҳури жаҳонман,
Афсуски, билмаски не чоғлиқ нигоронман

байтида *нигорон* сўзи таркибидаги олдинги «о» унлиси адабий тилда чўзиқ талаффуз қилинган ҳолда, шеърда қисқа ўқилади. Чунки у ҳазажи мусаммани ахраби макфуфи маҳзуф вазни таркибидаги фаулун рукнининг биринчи қисқа ҳижоси — фаъ ўрнида келади. Худди шундай ҳолатни Гадоий ижодида ҳам учратамиз. Унинг

Гар ҳуснунга кўнглим *нигорон* бўлди, не бўлди?
Ошуфта расвойи жаҳон бўлди, не бўлди?

байтида *нигорон* сўзи таркибидаги биринчи унли вазнга мослаштириб қисқа ўқиладики, бу ҳолат ҳам қулоққа эриш туюлади. Саккокийнинг мужтаси мусаммани маҳбуни маҳзуф вазнида ёзилган ғазалидаги

Жоним фидоси анинг, кошки менинг бу таним
Оти туёқидин учқон губор бўлса эди

байтидаги **жоним** сўзи таркибидаги чўзиқ «о» унлисининг; ражази мусаммани солим вазнида ёзилган фазалидаги

Бағримга ёқиб ҳажр ўти бу кун ичимни қўйдуур,
Ёлғиз **жонимга** тонг била, билман, не пайдо
бўлгуси

байтидаги **жонимга** сўзи таркибидаги чўзиқ «о» унлисининг қисқа ўқилиши ҳам азл саналади.

Амиқ баҳри арузнинг асосий ўлчовларидан бўлиб, унинг асосини фоилун ва фоилотун аслларининг кетма-кет такрори ташкил қиласди. Мазкур баҳрнинг мусаммани солим вазни руқнлари ва чизмаси бир мисрада

фоилун фоилотун фоилун фоилотун
— v — — v — — — v — — v — —

тарзидадир. Ушбу баҳр ҳақида аруз илмига бағишлиланган кўп асарларда маълумот учрамайди. Алишер Навоийнинг «Меъзонул авzon» асарида ҳам бу ҳақида маълумот берилмаган. Бобур ўзининг «Мухтасар» асарида мазкур баҳр ҳақида тўхтаб, унинг форс шеъриятида майдонга келганлигини уқтиради ҳамда юқорида таъкидланган вазнга мисол қилиб

Кел бери, эй париким, ҳажрдин хастадурман,
Лаълинга ташнадурман, зулфунга бастадурман.

байтини, шу баҳрнинг мураббаи солим вазнига эса

Кел манга қил назар сен,
Кел манга қил гузар сен

байтини келтиради.

Амиқ¹ баҳри ўзбек шеъриятида қўлланмаган.

Ариз баҳри арузнинг асосий ўлчов турларидан бири бўлиб, унинг асосини **мафоийлун** ҳамда **фаулун** аслларининг кетма-кет такрори ташкил қиласди. Унинг саккиз руқнли солим вазни руқнлари ва чизмаси бир мисрада

мафоийлун фаулун мафоийлун фаулун
v — — — v — — v — — — v — —

¹ «Амиқ» арабча сўз бўлиб, «чукур» деган маънони ифодалайди.

тағылалып. Ариз¹ баҳри аруз илмига оид асарларнинг күчиллигига келтирилмаган. Бу баҳр Навоийнинг «Мезонул авзон»²ида ҳам тилга олинмайди. Бобур үзининг «Мухтасар» асарида ушбу баҳр ҳақида тұхталар әкан: «...Бу вазнда төзій³ шеър топмайдурлар. Бу ондай ажам шуароси пайдо қилиб, мақлуби тавил деңгурлар, ариз ҳам дерлар», — деб таъкидтайди. Шоңр мазкур баҳрнинг юқорида таъкидланган мусаммани солим вазнига

Лабинг маржон, тишинг дур, хатинграй ҳадинг гул,
Сочинг анбар, юзунг ҳур, менгинг мұлттон,
Юзунг мул

байттани мисол қилиб көлтирган. Шунингдек, Бобур аризи мусаммани мусаббағ, аризи мусаммани мақбұз, аризи мураббаи солим вазнларига ҳам бир байтдан миссоллар берған.

Мазкур баҳр ҳам шеъриятимизда құлланмаган.

Аруз I. Түркій адабиётлар, жумладан, ўзбек шеъриятыда таҳминан IX асрдан бери құлланыб келинасттан шеърий үйчов тизими номи бўлиб, кўнчилик арузшунослар таъкидича, уибу илм асосчиси Халил ибн Аҳмад яшаган жой яқинидаги воҳа исемидан олинған. Алишер Навоий үзининг «Мезонул авzon» асарида бу ҳақда тұхталар әкан: «Халил ибни Аҳмад раҳматулоҳки, бу фанинг воизидур, чун араб эрмиш ва анииг яқинида бир волий эрмишкі, ани «Аруз» дерлар эрмиш ва ул волийда аъроб уйларини тикиб жилва бериб, баҳдга қиорурлар эрмени. Ва уйни араб байт дер. Чун байтларни бу фан била мезон қилиб, мавзунини номавзунин аюрурлар, гүёки қиймат ва баҳоси маълум бўлур, бу муносабат била «аруз» дебтурлар», — леб таъкидлағанди.

«Жамиъ-ул-мухтасар» асарининг муаллифи Воҳид Габризий эса: «Сўзлашув тишида чодир уйни тутиб түриши учун унинг ўртасига қўйиладиган ёғочни «аруз» дейдилар. Арузийлар (яъни аруз билимдонлари) байтдаги биринчи мисранинг охирги руқнини «аруз» деб атайдилар. Чодир уйни шу ёғоч уншаб тур-

¹ «Ариз» сүзл арабча бўлиб, «энди», «кепи» мағноларини ифодалайди.

² Төзій — арабий, әраб тишидан.

³ Бобур. Мухтасар. «Фан», 1971, 27-бет.

ганидек, байт ҳам мана шу рукига таянали, зеро бу руки ўқилганда, ушбу шеърнинг қандай вазн асосида яратилганилиги, унинг тўғри ёки нотўғрилиги аён бўлади», — деб ёзди.

Аруз тизими қисқа ва чўзиқ ҳижоларнинг шеър мисраларида муайян тарзда гурухланиб такрорланишига асосланади. Ҳижоларнинг бу хил такрори шеърда майин ва мусиқий оҳанг яратишни таъминлайди.

Аруз тизимининг энг кичик бўлаги сокин, яъни мустақил ундош ёки чўзиқ унли, шунингдек, мутаҳаррик, яъни ҳаракатли, ўзидан кейин қисқа унлilar келувчи ундош ҳарфлардир. Уларнинг турлича бирикувидан сабаб, ватад, фосила деб аталувчи йирикроқ бўлаклар, уларнинг ҳам бирикувидан эса аруз асоси бўлган 8 та асосий, асл бўлаклар — рукилар юзага келади. Фаулун, фоилун, мафойлун, фоилотун, мустафъилун, мафъулоту, мутафоилун ва мафоилатун деб аталувчи ушбу асл рукиларнинг айнан ёки турлича бирикиб такрорланишидан аруз тизимининг асосий ўлчовлари — баҳрлар ҳосил қилинали. Баҳрларнинг сони 19 та бўлиб, улар мутақориб, мутадорик, ҳазаж, рамал, ражаз, комил, вофир баҳрлари бир хил рукин такроридан; хафиф, мұжтасс, музориъ, мұнсариҳ, мұқтазаб, тавил, мадид, басит, қариб, мушокил, ғариб, сарій баҳрлари икки хил рукин такроридан ҳосил бўлади. Бу ўн тўққиз баҳрдан 11 таси ўзбек адабиётида қўлланган бўлиб, улар мутақориб, мутадорик, ҳазаж, рамал, ражаз, комил, музориъ, мұжтасс, хафиф, мұнсариҳ ва сарій баҳрларидир.

Ҳар қайси баҳр бир неча вазн — ўлчовни ўз ичига олади. Ўзбек шеъриятида жами 100 атрофида вазн қўлланган.

Аруз тизими вазнлари асосида яратилган лирик шеърлар ёқимли мусиқий оҳангга эга бўлиб, куйлаш учун қулайдир. Бундай асарлар мумтоз мусиқамиз ва халқ мусиқасининг юзлаб куйларига ниҳоятда мос тушиди.

VIII асрда яшаб ижод қилган араб адабиётшунос, мусиқашунос олими Халил ибн Аҳмад, томонидан асос солинган «Аруз» шеърий ўлчов тизими қарийб бир минг уч юз йилдан бери араб, форсий ва туркий адабиётларнинг асосий шеърий мезони сифатида қўлланниб келади. Унинг бунчалик кенг кўлами, умрбокийлиги арузга хос латиф мусиқийлик, оҳанглар рангбаранглиги, ҳаёт воқелиги ва инсоний ҳиссиётлар

олтимини сержило мисралар воситасида таъсирчан, жоибадор ифодалаш имкониятларининг бениҳоялиги билан белгиланади.

Араб шеъриятига VIII асрдан татбиқ этилган мазкур ўлчов тизими IX аср бошларидан оқ форс-тожик алашибётидаги ҳам қўллана бошлади ҳамда Рудакий, Фирдавсий, Дақиқий, кейинроқ Умар Хайём, Сальни, Ҳофиз Шерозий, Жомий каби буюк шоирлар нажодидан мустаҳкам ўрин эгаллади.

Қисқа ва чўзиқ ҳижоларнинг шеър мисраларида муайян мутаносиблиқда тақрорланишига асосланган ўлчов тизими қадимти туркий адабиётда араб истилесига қадар ҳам қўлланиб келган эди. Шартли равишида «Қадимги туркий аруз» деб аталиши мумкин бўлган мазкур ўлчов тизими хусусиятларини Маҳмуд Қонғарийининг «Девону луғатит турк» китобидан ўрин олган қадимий қўшиқлар ва лирик шеърлар мисолида яққол кузатиш мумкин.

IX—X асрларда туркий халқлар орасидан етишиб чиққан кўплаб шоирлар ўша давр анъаналарига мувофиқ ўз асарларини араб тилида битар эканлар, аruz ўлчовига асосландилар, хилма-хил мусиқий ва жозибадор вазнлар заминида ғоявий ва бадиий жиҳатдан баркамол қасида ва ғазаллар, рубоий ва қитъалар яратдилар. XI асрнинг машҳур адабиётшунос озими Абу Мансур ас-Саолибийнинг «Ятимат-уд-даҳр» китобида бундай ижодкорлардан кўпларининг номлари ва асарлари зикр қилинган. Бу даврда туркий тизида ҳам арузининг енгил ва ўйноқи ўлчовларида кўплаб лирик шеърлар ёзилганлиги шубҳасиз. Зоро, бу хил тажрибаларсиз XI асрда Юсуф Ҳос Ҳожибининг «Куталғу билик» дек йирик достонининг майдонга келиши маҳол эди.

XII аср туркий адабиётининг намунаси сифагида бизгача етиб келган «Ҳибатул ҳақойик» достони аruz назарияси ва амалиётини ўзлаштириб, нафис бадиий асарлар яратиш анъанаси бу даврда ҳам давом этиб ривожланиб борганидан далолат беради. XIII—XIV асрлар давомида аruz ўлчови Паҳлавон Маҳмуд, Балриидин Чочий каби мутафаккир шоирларнинг форсий шеъриятида ҳам, Носириддин Рабғузий, Хоразмий, Қутб, Сайфи Саройи каби соҳиби қаломларининг туркий асарларида ҳам кенг қўлланди ва ўзбек адабиётининг асосий шеърий мезони бўлиб қолди. Бу ижодкорлар томонидан кўплаб лирик шеърлар, «Қи-

саси Рабгузий» китобидаги газал ва қасиладар, қигъява маснавийлар, «Мұхаббатнома» достони, «Хисрав ва Ширин», «Гулистан» таржималари каби ўлмас асарларни битишка мөхирона фойдаланилган 30 дан ортиқ вазн аruz ўлчовининг адабиётимизга тобора чуқурроқ кириб борганини, шоирларимиз ушбу мураккаб ўлчов тизими назариясини тобора шуктароқ эгаллаб, хилма-хил вазнлар асосида гўзат шеърий бадиалар яратиш маҳоратини ҳам изчиллик билан ўрганиб боргандарини кўрсатиб турибди.

XV аср ўзбек арузи ривожида алоҳида босқич саналади. Чунки бу давринг биринчи ярмида Хоразмий, Атойи, Саккокий, Дурбек, Сайфи Саройи, Лутфий сингари туркигүй ижодкорлар ўз асарларини арузнинг энг жозибали ўлчовлари асосида яратиб кўплаб вазнларни шеъриятимизга олиб кирган бўлсалар, буюк Алишер Навоий ўзининг лирик шеърлари, достонларини яратиш жараёнида аruz ўлчовининг барча имкониятларини синовдан ўтказиб, юзга яқин вазини қўллаб, бу соҳада энг яхши муваффақиятларга эриниди.

Алишер Навоийнинг мазкур соҳадаги анъаналари-ни лавом эттирган Заҳириддин Мұхаммад Бобур ўзбек арузини янги тараққиёт босқичига кўтарди.

Алишер Навоий ва Заҳириддин Бобур изидан боргани ўзбек шоирлари хилма-хил вазнларни ўз шеъриятларида санъаткорлик билан қўллаб бориб ўзбек арузини камол топтирилдилар, қатор-қатор янги ўлчовларни кашф этиб, уни янада такомиллаштирилдилар. Бу соҳада Маширраб ва Нодира, Мунис ва Оғаҳий, Мұқимий ва Фурқат, Ҳамза ва Авлоний каби соҳиби каломларининг хизмати катта бўлди.

Аruz инқилобдан кейинги даврда ҳам ўзбек шеъриятининг асосий шеърий мезонларидан бири бўлиб хизмат қилди. Чўлпон, Ҳ. Олимжон, Ғ. Еулом, Ойбек, Ўйғун каби шоирларимиз асосан бармоқ вазнни асосида ижод қилган бўлсалар ҳам, энг яхши лирик шеърларини яратишка аruzга ҳам мурожаат қилдилар. Ҳабибий, Собир Абдулла, Чустий каби ижодкорларининг аксар асарлари мана шу шеърий мезон асосида ёзилган эди.

60-йилдари иқтидорли ёш шоир Эркин Воҳидов ўзининг «Ёшлик девони» билан шеъриятимизда арузнинг қайта жонланишига кучли таъсир кўрсатди. Унинг қадимий, лекин тоят мусиқий, замондошимиз-

га хос лирик кечинмаларни ниҳоятда латиф ифодалашга имкон берувчи мазкур қадимий ўлчовдаги шеърлари аruz имкониятларини яна бир бор намойиш қилди, унинг ҳали ўз умрини тугатмаганини, бу ўлчов заминида ранг-баранг туйғулар мавжини энг лилрабо мисраларда жилолантириш мумкинлигини исботлаб берди. 60—80 йиллардаги ёшлар шеъриятида аruz мезонидаги кўплаб лирик асарлар бевосита мана шу девоннинг таъсири остида яратилди, десак хато бўлмас. Абдулла Орипов, Жамол Камол, Ойдин Ҳожиева, Эътибор Охунова каби кўплаб шоирлар ўз шеърлари билан ўзбек аруzinинг гўзалигини, жозибали оҳангларга бойлигини яна бир бор далилладилар.

Хозирги адабиётимизда, 90-йиллар шеъриятида ҳам аruz мустақил Ўзбекистонимизнинг дилрабо тароналарини, замондошимиз қалбидаги нозик ва мураккаб туйғуларни шаффоф мисраларда акс эттириш ишига муносиб хизмат қилиб келмоқда.

Аruz (II). Аruz ўлчов тизими асосида яратилган шеърий асар байтларидаги биринчи мисранинг охирги руқни ўрни номи. Мисрадаги шу руқн ўқилгандан сўнгтина шеърнинг қайси баҳр ҳамда вазн асосида яратилганлиги, мисранинг танланган ўлчовга мувафиқлиги, шоирнинг вазн танлаш, оҳанг яратиш маҳоратини аниқдаш мумкин бўлади.

Арузшунослик. Аruz тизими асрлар давомида араб, форс-тоҷик ва туркий шеъриятларда амалий жиҳатдан қўлланиб келиши билан бир вақтда ушбу адабиётшуносликларда назарий жиҳатдан ҳам такомиллашиб борди, аruz маҳсус илм сифатида мактаб ва мадрасаларда муттасил ўргатилди, мазкур шеърий мезон назарияси ва амалиётига доир кўплаб илмий тадқиқотлар яратилди, рисолалар битилди. Ҳалил ибн Аҳмаднинг «Ал аruz» рисоласидан сўнг Ибн Усмон Мазиний, Имом Аҳмад ибн Абдураббиҳ, Ибн ал-Хатиб ат-Табризий, Зиёвуддин Абул Жайш ал-Ҳазражий каби араб олимлари ушбу илмга доир асарлар яратиб, аruz тараққиётига муносиб ҳисса қўшдилар.

Аruz илми ҳақида айниқса форс-тоҷик адабиётшунослигига кўплаб асарлар битилди. Мавлоно Юсуф Нишибурий (X аср) форсий тилда аruzга оид илмий асар яратган олимларнинг биринчиси эди. Рашидиддин Ватвот (XIII аср)нинг «Ҳадойиқ ус-сехр», Шамс Қайс (XIII аср)нинг «Ал-мўъжам фи меёр ашъор ал-

ажам», Насриишин Тусий (XIV аср)нинг «Метъерул ашъор», Салмон Савожий (XIV аср)нинг «Қасиатун маснуот ал-аруз», Абдураҳмон Жомий (XV аср)нинг «Рисолаи аruz» асарлари форс-тожик арузининг назарий ва амалий ривожида алоҳида аҳамиятига эга бўлди.

Аruz илми ривожига туркӣ ҳалқлар орасидан етишиб чиққан адабиётшунос олимлар ҳам муносиб ҳисса қўшиллар. Машҳур файзасуф Абу Наср Форобий (Х аср), Абу Али ибн Сино (Х—ХІ асрлар), Абул Қосим Замаҳшарий (ХІ—ХІІ асрлар), Абу Яъқуб Юсуф ибн Абубакр Саккокий (ХІІ—ХІІІ асрлар) ўзларининг араб ва форсий тилда битган илмий асарлари билан фақат араб ва форсий арузларгина эмас, айни вақтда туркӣ аruz тараққиётига ҳам сезилларли таъсир қўрсатдилар.

Туркӣ арузининг назарий ва амалий жиҳатдан шаклланиши ва изчил ривожланиб боришида, Алишер Навоийнинг илк бор туркӣ тилда яратилган «Мезонул авzon» («Вазнлар ўлчови») асари алоҳида аҳамиятига эга бўлди. Улуғ мутафаккир шоир аruz қонилларини, хилма-хил баҳрлари ҳамда вазнларини туркӣ тилда муфассал баён қилиш билан чекланиб қолмай, туркӣ ҳалқларнинг оғзаки шеърияти мезони билан аruz вазнлари ҳамоҳанглигини атрофлича лалиллари ҳамда туркӣ тил хусусиятларини назарла тутган ҳолла арузининг туркӣ адабиётларда, хусусан, ўзбек шеъриятида кенг қўлланиши мумкин бўлган кўнглаб ўлчовларини ҳам белгилаб берди.

Ўзининг лирик шеърлари ва достонларини яратишда арузининг рангоранг вазнларини синчковлик билан синовдан ўтказган Навоий туркӣ тилларда ҳам аruz ўлчовлари асосида турли-туман жанр ва шаклларда тоят латиф лирик асарлар яратиш ва йирик достонларни битин мумкинligини амалан исбот ҳам қилиб берган эди. Бу билан шоир туркӣ тилнинг бекиёс бойлиги ва бетакрор гўзаллигини шеърий ўлчов жиҳатидан ҳам намойиш қилди.

Ўзбек арузининг назарий ва амалий жиҳатдан яна-да камол топишида Заҳирииддин Муҳаммад Бобурнинг «Мухтасар» деб номланган йирик илмий асарининг аҳамияти бекиёсdir. Олим ва шоир Бобур арузининг назарий асосларини мукаммал ёритади, аruz ўлчовларининг форсий ва туркӣ шеърияtlардаги мавқенини, қўламини ҳар икки адабиётнинг ўтимас намуналари билан далиллайди, айни вақтда ўзбек арузи ўлчовлар

доирасининг нихоятда кенглигини таъкидлаш мақсадида шеъриятимизда қўлланилиши мумкин бўлган 537 ўлчовни (улардан 400 га яқини мутлақо янги, Бобур томонидан кашф қилинган вазнлар) санаб ўтиб, улардан ҳар бирига бир байтдан мисоллар келтиради. Бинобарин, «Муҳтасар» ўзбек арузи тараққиётида алоҳида ўрин тутади.

XIX аср охирларида Зокиржон Фурқат ҳам аруз илмига доир рисола битган эди. Ҳалигача нашр қилинмаган бу асарни профессор Фулом Каримов Остроумов фондидан топган эди. 16 бетлик бу кичик рисолада шоир арузниң шеъриятимизда кенг қўлланган 55 вазни ҳақида маълумот берган, ҳар қайси ўлчовга форсий ва туркий адабиётлардан мисоллар келтирган¹.

Инқиlobдан кейинги даврда ҳам ўзбек арузининг назарий ва амалий масалаларини илмий тадқиқ этиш лавом этди. 1936 йили Фитрат қаламига мансуб «Аруз ҳақида» рисоласи нашр этилди. Олим унда аруз қоинуларини соддалаштириб баён қилади, шеъриятимизда қўлланган энг мусиқий ўлчовларнинг оҳанг хусусиятларини таъкидлаб, уларга ўзбек адабиётидан мисоллар келтиради.

1948 йили адабиётшунос олим Содик Мирзаев «Навоий арузи» мавзусидаги номзодлик диссертациясини ёзиб тугаллади. Тадқиқотда арузниң назарий масалалари Навоий «Мезонул-авзон»и асосида баён қилинган, Навоий шеъриятида қўлланган баҳрлар таъкидлаб кўрсатилган эди. Олимнинг улкан хизмати шунда бўлдики, у Навоийнинг «Ҳазойин-ул-маоний» асаридаги 3132 шеърнинг вазн хусусиятларини илк бор аниқлаб чиқди, уларнинг рукнларини, чизмаларини белгилаб берди. Бу жадваллардан адабиётшуносларимиз ҳануз фойдаланиб келмоқдалар.

Ўзбек арузининг назарий ва амалий масалалари таниқли олим Алибек Рустамовнинг «Аруз ҳақида сұхбатлар»² рисоласида ҳам ўз ифодасини топган. Гадқиқотчи ўз асарида Фитрат рисоласидаги анъаналярни янада ривожлантириб, аруз қонунлари, хилмажил баҳрлар, вазнларнинг оҳанг хусусиятларини осонлаштириб ифодалаш усулини қўллади. А. Рустамовнинг Навоий ва Ҳабибий шеърларининг вазн хусу-

¹ Қаране: F. Каримов, Ҳалқ, тарих, адабиёт. F. Фулом номидаги адабиёт ва сипъат нацирлости, Тошкент, 1977, 125–126-бетлар.

² Алибек Рустамов. Аруз ҳақида сұхбатлар. Тошкент, «Фан», 1972.

сиятлари ҳақидаги тадқиқотлари¹ ҳам ўзбек арузидағи бадий маҳорат муаммоларини ҳал қилиш нұқтаи назаридан ақамиятлидір.

Адабиётшунос С. Ҳасановнинг Бобур рисоласи тадқиқига бағищланган изланишлари ҳам² ўзбек арузининг назарий ва амалий муаммоларини ҳал қилишга, хусусан, мазкур рисоланинг илмий-амалий қимматини атрофлича ёритишга бағищланган эди.

Кейинги йилларда ўзбек арузининг назарий масалаларини ўрганиш устида захматкаш олим Уммат Тўйчиев жиiddий илмий текширишлар олиб борди, унинг «Ўзбек поэзиясида аруз системаси»³ сарлавҳали йирик илмий асарида ана шу тадқиқотларнинг натижалари ўз ифодасини топган.

Адабиётшунос А. Ҳожиаҳмедовнинг «Мактабда аруз вазнини ўрганиш»⁴, «Аруз назарияси асослари»⁵ асарлари ушбу ўлчов тизимини мактаб ва олий ўқув юртларида ўрганишга бағищланган ўқув қўлланмалари сифатида яратилди.

Қўриниб турибдики, XV асрдан бери ўзбек арузининг ҳам назарий, ҳам амалий масалалари изчиллик билан тадқиқ қилиниб келди, ушбу шеърий мезоннинг етакчи хусусиятлари энг мақбул, мусиқий баҳрлари ҳамда вазнлари белгиланди, имкониятлар кўлами аниқланди, бальзи ижодкорларнинг аруздан фойдаланишдаги маҳорати муносиб баҳоланди.

Лекин ўзбек арузи тарихи, камолат хусусиятлари, ҳар қайси ўзбек шоири ижодидаги ўрни, ҳар бир соҳиби каломнинг оҳанг яратишдаги санъаткорлигини ўрганиш соҳасида кўпдан-кўп муаммолар адабиётшунослигимиз олдидаги долзарб вазифалардан бўлиб турибди. Бу муаммоларни ҳал қилиш учун эса аввало иқтидорли арузшунос мутахассисларни тарбиялаб етиштириш, мактаб ва олий ўқув юртларида ўзбек арузи назарияси ва амалиётини чукур ўрганиш лозим.

Аруз доиралари. Аруз тизими асосчиси Халил ибн Аҳмад баҳрларнинг ўзлаштирилишини осонлаштириш

¹ А. Рустамов. Ҳабибин шеърларининг вазни. Адабий мерос, 2-сон, Т., 1971; А. Рустамов. Навоийнин бағий маҳорати, Тошкент, 1979.

² Қаранг: С. Ҳасанов. Бобурнинг «Аруз рисоласи» асарин. Тошкент, «Фан», 1981.

³ У. Тўйчиев. Ўзбек поэзиясида аруз системаси. Тошкент, «Фан», 1985.

⁴ А. Ҳожиаҳмедов. Мактабда аруз назарияни ўрганиш. Тошкент, «Ўқитувчи» нацирети, 1978; иккиччи нацири, «Ўқитувчи» нацирети, 1995 йил.

⁵ А. Ҳожиаҳмедов. Аруз назарияси асослари. ТошДУ нацирети, 1982.

мақсадида рукнлар, улардаги сокин ва мутаҳаррик ҳарфлар (ёки қисқа ва чүзиқ ҳижолар) сонининг тенглигига кўра ўзаро яқин бўлган баҳрларни гуруҳлаштириб, уларнинг ритм-оҳанг хусусиятларини, ўзаро яқинлиги ва фарқларини доира ичидаги келтирилган бир мисра шеър мисолида кўрсатишни маъқул кўрди ва 15 баҳрни ўз ичига олувчи тўрт доира ихтиро қилди. Ҳар қайси доира қанча баҳрни ўз ичига олса, шунча бўлакка бўлинган бўлиб, уларда шу баҳрларнинг олти ёки саккиз рукнли солим ёки зиҳофли вазнларининг рукнлари ҳам келтирилади. Доира атрофига берилган мисрани биринчи сўздан бошлаб ўқилса, бир баҳр, иккинчи сўздан бошлаб ўқилса, иккинчи баҳр, учинчи сўздан бошлаб ўқилса, учинчи баҳр, шу тарздан неча баҳр жамланган бўлса, барчаси келиб чиқади. Шу тарзда доирага бирлашган баҳрлар асосларининг бир-биридан фақат чўзиқ ёки қисқа ҳижолар ўрни билангина фарқланиши ўзлаштирилади.

Жумладан, Бобурнинг «Мухтасар» асаридан ўрин олган «Доираи мужталиба»да ҳазаж, ражаз ва рамал баҳрлари бирлашган бўлиб, улар учун мисол тариқасида «Жафо кўп қилма, эй маҳваш, жафо сендиндуур нохуш» мисраси келтирилган. Доира уч бўлакка бўлиниб, ҳар қайсисида у ёки баҳрнинг саккиз рукнли солим ўлчови рукнлари ўрин олган. Юқоридаги мисрани бошидан бошлаб ўқилса, доирада берилган «мағойлун мағойлун мағойлун мағойлун» рукнларига мувофиқ келувчи ҳазажи мусаммани солим вазни, кейинги сўздан бошлаб «Кўп қилма, эй маҳваш, жафо, сендиндуур нохуш жафо» тарзида ўқилса, рукнлари мустафъилун мустафъилун мустафъилун бўлган ражази мусаммани солим вазни, учинчи сўздан бошлаб «Қилма, эй маҳваш, жафо, сендиндуур нохуш жафо кўб» тарзида ўқилса, рукнлари фоилотун фоилотун фоилотун фоилотун қўринишидаги рамали мусаммани солим вазни ҳосил бўлади.

Худди шу усул билан мутақориб ва мутадорик баҳрлари яна бир доирага, комил ва вофир — учинчи доирага, тавил, мадид, басит тўртинчи доирага, мунсариҳ, муқтазаб, музориъ ва мужтасс — бешинчи, хифиф, қариб, мушоқил, гарип, сарип, баҳрлари олтинчи доирага бирлаштирилади. Ҳар қайси доира арузшунослар томонидан айрича номланган бўлиб, баъзи номлар барча асарларда бир-бирига мос келса, бошқалари фарқланади. Чунончи, мутадорик ва мутақо-

риб баҳрларини бирлаштирувчи доира Навоий ва Бобур асарларида бир хил — «Доираи муттафиқа» деб, хафиф, қарип, ғарип, сарій ва мушокил баҳрларидан ташкил топган доира ҳар иккى арузшунос томонидан «Доираи мунтазиа» деб аталган бұлса, ҳазаж, ражаз, рамал баҳрлари учун тузилған доира «Мезонул авзон»да «Доираи мұхталифа» деб аталса, «Мұхтасар»да. «Доираи мужталиба» деб, комил ва воғир баҳрларини бирлаштирувчи доира Навоий томонидан «Доираи мұхталаита» деб аталған бұлса, Бобур томонидан «Доираи мұхталифа» деб номланған. «Доираи мүштабиҳа» деб аталған доира «Мезонул авзон»да тавил, мадид ва басит баҳрларини ўз ичига олади. Худди шундай доира «Мұхтасар»да «Доираи мұхталифа» деб юритилади. Навоий мунсарих, музориъ, мұқтазаб ва мұжтасс баҳрларини «Доираи мұхталифа»га бирлаштирган бұлса, Бобур худди шундай доирани «Мүштабиҳа» деб атайди. Бундай фарқдарни аruz илмиға бағишиланған барча асарларда күзатиш мүмкін.

Арузшуносларнинг илмий рисолаларидан ўрин олған доиралар сон жиҳатидан ҳам фарқланиши мүмкін. Чунончы, Халил ибн Аҳмад түрт доира келтирган бұлса, Воҳид Табризийнинг «Жамиъ-ул-мұхтасар» асарида 6 та, Навоийнинг «Меъzonул авзон»ида 7 та, Бобурнинг «Мұхтасар»ида 9 та доира келтирилған.

Аруз доираларининг ички тузилиши ҳам турли. Ҳар қайси арузшунос доираларнинг осон түшунилишига интилиб, турлиша шакллар яратғанлар. Масалан, Навоий ҳар қайси баҳрнинг маълум вазни рукнларини доира бұлакларига жойлаштирган бұлса, Бобур уларни доира ичидаги доирачаларда акс эттиради. Бошқа арузшунослар яна ўзгача йўл тутадилар.

Аруз доираларидан ҳозирги даврда ҳам ушбу илмини ўзлаштиришда унумли фойдаланиш мүмкін. Зеро доиралар кўргазмали қуроллардан саналади.

Аслам фаулун аслининг «салм» («бузилиш», «нуқсон етиши») зиҳофи билан ўзгартирилгандан сўнг ҳосил бўлган «фаълун» (чизмаси: — —) тармоқ рукни номи бўлиб, «бузилган», «нуқсонли» маъноларини ифодалайди (қаранг: «салм»).

Асллар аруз шеърий ўлчов тизими асосини ташкил қилувчи саккиз асосий рукн мажмуъи. Асллар фаулун, фоилун, мафоийлун, фоилотун, мустафъилун, мафъулоту, мутафоилун ва мафоилатун рукнларидан

иборат. Арузшунос олимлар ушбу аслларни «афойилу тафойил» деб ҳам атайдилар.

Фаулун (чизмаси: v — —) бириккан ватад (ватади мажмұй)дан кейин бир енгил сабаб (сабаби хафиғ) келишидан;

Фоилун (чизмаси: — v —) енгил сабабдан кейин бириккан ватад (ватади мажмұй) келишидан;

Мафойилун (чизмаси: v — — —) бириккан ватад (ватади мажмұй) дан сүңг икки енгил сабаб (сабаби хафиғ) келишидан;

Фоилотун (чизмаси: — v — —) икки енгил сабаб (сабаби хафиғ) үртасида бириккан ватад (ватади мажмұй) келишидан;

Мустафъилун (чизмаси: — — v —) икки енгил сабаб (сабаби хафиғ)дан сүңг бириккан ватад (ватади мажмұй) келишидан;

Мафъулоту (чизмаси: — — — v) икки енгил сабаб (сабаби хафиғ) дан сүңг, ажралған ватад (ватади мафруқ) келишидан;

Мутафойилун (чизмаси: v v — v —) кичик фосила (фосилаи сүгрө) дан кейин бириккан ватад (ватади мажмұй) келишидан;

Мафойлатун (чизмаси: v — v v —) бириккан ватад (ватади мажмұй)дан сүңг кичик фосила (фосилаи сүгрө) келишидан ҳосил бўлади.

Юқоридаги саккиз асллининг турлича такроридан аruz тизими асоси бўлган 19 баҳр юзага келади (қаранг: «Баҳрлар», «сабаб», «ватад», «фосила»).

Асрар «фаулун» аслининг «сарам» («олдинги тишинни синдириш») зиҳоfiga дуч келиши оқибатида ҳосил бўлган «фаълу» (чизмаси: — v) тармоқ рукнининг номи бўлиб, «олдинги тиши синдирилган» деган маънони ифодалайди.


«Афойилу тафойил» аruz шеърий ўлчов тизими нинг асоси бўлган саккиз асосий руқн. Уларни қўпинча «асллар» деб юритилади (қаранг: «Асллар»).

Ахраб «мафойилун» аслининг «харб» («вайрон қилиш») зиҳофи билан ўзгартирилиши натижасида юзага келган «мафъулу» (чизмаси: — — v) тармоқ рукнининг номи бўлиб, «вайрон қилинган» деган маънони ифодалайди.

Ахраб шажараси рубоий вазнларидан 12 тасини ўз ичига олувчи туркум бўлиб, уларнинг барчаси мафойилуннинг ахраб тармоғи мафъулу руқни билан бошлангани учун шу ном билан аталган. Ушбу ўлчов-

лардан түрттасининг иккинчи руқнлари мафоийлун аслининг мақбуз тармоғи мафоилунга, түрттасининг иккинчи руқнлари шу аслининг макфуғ тармоғи мафоийлуга, яна түрттасининг иккинчи руқнлари мафоийлун аслининг солими-мафоийлунга тенг бўлади. Иккинчи руқнлари мафоилун ва мафоийлуга тенг вазнлардан түрттасининг учинчи руқни мафоийлунга, яна түрттасининг учинчи руқни мафоийлуга тенг бўлади. Иккинчи руқни мафоийлун бўлган тўрт вазннинг учинчи руқни мафоийлун аслининг ахрам тармоғи мафъулун ёки ахраб тармоғи мафъулудан ташкил топади. Учинчи руқнлар мафоийлун ё мафъулун бўлганда, тўртинчи руқнлар мафоийлун аслининг ажабб тармоғи фаал ёҳуд ахтам тармоғи фаулдан иборат бўлади.

Ахраб тармогининг юқоридаги таркибда тузилган ўн икки вазнини шундай кўrsatiш ҳам мумкин:



Юқоридаги вазнлар ўз тузилишига күра рубоийнавислигимизда күп ё кам құлланған, айримларидан мутлақо фойдаланилмаган.

Шеъриятимизда яратилған рубоийларнинг аксарият мисралари иккинчи рукни мафоилун бұлған **аҳраби мақбуз шаҳобчасига** мансуб түрт үлчовға асослағанды. Бунинг сабаби ушбу вазнларда қисқа ва чүзиқ ҳижоларнинг жойлашиши туфайли ҳосил бўлувчи ёқимли, салоботли оҳангда албатта. Бу түрт вазн қуидагилардир:

Ҳазажи мусаммани аҳраби мақбузи солими аблар.

Ҳазажи мусаммани аҳраби мақбузи солими азалл.

Ҳазажи мусаммани аҳраби мақбузи макфуфи

ажабб.

Ҳазажи мусаммани аҳраби мақбузи макфуфи

ахтам.

Ўзбек адабиётида (Навоий, Бобур, Мунис, Оғаҳий, Аваз ижодида) яратилған бир вазнли 150 рубоийдан 100 таси ушбу шаҳобча үлчовларида битилған.

Иккинчи рукни мафоийлуга teng **аҳраби макфуф шаҳобчаси** таркибига киругчи түрт вазндан юқоридаги мақбуз шаҳобчаси үлчовларига нисбатан рубоийнавислигимизда нисбатан камроқ фойдаланилған. Булар:

Ҳазажи мусаммани аҳраби макфуфи солими аблар.

Ҳазажи мусаммани аҳраби макфуфи солими азалл.

Ҳазажи мусаммани аҳраби макфуфи ажабб.

Ҳазажи мусаммани аҳраби макфуфи ахтам

вазнларидир.

Иккинчи рукни мафоийлунга teng бўлған **аҳраби солим шаҳобчасига** мансуб түрт вазн эса шеъриятимизда мутлақо қўлланмаган. Бунинг сабаби ушбу үлчовлар ўртасида, яъни иккинчи ва учинчи рукиларда беш ёки олти чўзиқ ҳижонинг ёнма-ён келиши туфайли оғир оҳанг ҳосил бўлишидир. Бу түрт вазн:

Ҳазажи мусаммани аҳраби солими ахрами аблар.

Ҳазажи мусаммани аҳраби солими ахрами азалл.

Ҳазажи мусаммани аҳраби солими ажабб

Ҳазажи мусаммани аҳраби солими ахтам.

Аҳраб шажараси вазнларидан ҳар бирига хос хусусиятлар ва уларнинг шеъриятимизда қўлланиш қўламини шу вазнлардан ҳар қайсиси ҳақидаги маълумотлардан билиб олишингиз мумкин.

«АХРАБИ МАҚБУЗ» ШАҲОБЧАСИ ВАЗНЛАРИ

ҲАЗАЖИ МУСАММАНИ АХРАБИ МАҚБУЗИ СОЛИМИ АБТАР вазни рубоийнавис шоирлар ижодида бошқа рубоий ўлчовларига нисбатан кўпроқ қўлланган. Унинг рукнлари ва чизмаси бир мисрада

мафъулу мафоилун мафоийлун фаъ
— — v v — v — v — — — —

тарзидадир. Таркиби эса мафоийлун аслининг ахраб тармоғи мафъулу, мақбуз тармоғи мафоилун, солим кўриниши мафоийлун ҳамда абтар тармоғи фаълардан ташкил топади. Ушбу ўлчов шеъриятимиздаги қўпчилик рубоийларнинг таркибида қатнашади.

Кўйидаги рубоийларнинг барча мисралари мазкур ўлчов асосида яратилган:

Чун ишқи кўнгулнинг ичра бунёд айлар,
Фам бирла хароб мулкин обод айлар.
Жон бирла анинг ғамига бўлсам банда,
Ул дамда мани ғаминдин озод айлар.

(Хофиз Хоразмий)

Жонимға етибтуур хумор, эй соқий,
Май тутқилу берма интизор, эй соқий.
Аввал ўзунг айла ихтиёр, эй соқий,
Тутқил менга сўнгра зинҳор, эй соқий.

(Навоий)

Аҳбоб, фироқингиз била эл нетгай,
Сизларга киши не чора айлаб етгай.
Жамъиятингизни жамъ тутқай тенгри,
Бобурни доги бу жамъда жамъ этгай.

(Бобур)

ҲАЗАЖИ МУСАММАНИ АХРАБИ МАҚБУЗИ СОЛИМИ АЗАЛЛ вазни олдинги, ҳазажи мусаммани ахраби мақбузи солими абтар ўлчовидан фақат охирги ҳижонинг ўта чўзиқлиги билангина фарқланиб, рукнлари ва чизмаси ҳар мисрада

Мафъулу мафоилун мафоийлун фоъ
— — v v — v — v — — — — ~

тарзидадир. Яъни олдинги уч руқн олдинги вазндарига каби бўлиб, охирги руқнгина мафоийлун аслининг азалл тармоғи фоъга тенг бўлади.

Ушбу ўлчовда битилган рубоий мисраларини барча рубоийнавис шоирларнинг шу жанрдаги асарларида учратишимиш мумкин.

Ушбу рубоийларнинг барча мисралари мазкур ўлчовдадир:

Маҳбубдуур гулу висоли матлуб,
Кўрмак ани гулбун узра билгил маҳсуб.
Базм ичра узуб кетурган эрмас марғуб,
Ул навъки, мажлис ичра ўлган маҳбуб.

(Навоий)

Қиши бўлдию бўлди барча тому тош қор,
Жамъияти бор кишига бордур хуш қор.
Бу қишида ёмон йўлу паришон ҳолим,
Ё раб, мени яхшилиқ сориға бошқор.

(Бобур)

Мунис, менгадур дамеки жонон мунис,
Бахтимдек ўлур сипехри гардон мунис.
Чун борди қошимдин эҳтиroz айлаб ёр,
Не толеъ эрур манга, не даврон мунис.

(Мунис)

**ҲАЗАЖИ МУСАММАНИ АХРАБИ МАҚБУЗИ
МАКФУФИ АЖАББ** вазни шеъриятимизда кенг қўлланган рубоий ўлчовларидан саналади. Унинг рукила-ри ва чизмаси ҳар мисрада

мафъулу мафоилун мафоийлу фаал
— — v v — v — — v v —

тарзи дадир. Бинобарин, унинг таркибини ма-
фоийлун аслининг ахраб тармоғи мафъулу (садр ва
ибтидода), мақбуз тармоғи мафоилун (олдинги
ҳашвда), макфуф тармоғи мафоийлу (кейинги ҳашв-
да) ҳамда ажабб тармоғи фаал рукилари ташкил эта-
ди. Унинг таркибидаги 6 та қисқа ва 7 чўзиқ ҳижо-
нинг шу хилдаги такори ёқимли ва салоботли
оҳанг ҳосил қиласи. Шу туфайли ҳам ушбу ўлчовдан
XIV асрдан бошлиб рубоийнавис шоирлар кенг
фойдаланганлар. Алишер Навоий, Заҳириддин Бо-
бур, Мунис, Огаҳий, Аваз каби рубоийнавислар
ижодида мазкур ўлчов айниқса кенг қўлланган. Уш-
бу рубоийларнинг барча мисралари мазкур ўлчов
асосида ёзилган:

Ҳар кимсаки сўз демак шиорида дурур,
Маъни гули нутқининг баҳорида дурур.
Сўз ким десун улки ихтиёрида дурур,
Сўз яхшилиғи чу ихтисорида дурур

(Навоий)

Ишқинг нетай ихтиёrsиз қилди мени,
Сабримни олиб қарорсиз қилди мени.
Оlam эли ичра орсиз қилди мени,
Зуҳд аҳлиға эътиборсиз қилди мени.

(Бобур)

Куйидаги рубоийларнинг 1,2 ва 4-мисралари ушбу ўлчовда:

Сўз дур сочибон сўзунгдин андоқки садаф,
Даҳл аҳди қошида йўқ анга қадри хазаф.
Доно ҳаргиз қилмади нодон била баҳс,
Хомуш бўлу ҳасудга бўлма тараф.

(Мунис)

Гул бўлмогуси юзунг жамолига эваз,
Сарв ўлмогуси қадинг ниҳолига эваз.
Жон берса ўлукка нечаким оби ҳаёт,
Бўлгуси қачон лабинг зулолига эваз.

(Оғаҳий)

То бўлди бир ойни ишқига зор кўнгул,
Андин бери субҳи шом бемор кўнгул.
Ул навъ этиб ўзни гирифтори фироқ,
Минг ҳасрат ила аламга дучор кўнгул.

(Аваз)

ҲАЗАЖИ МУСАММАНИ АХРАБИ МАҚБУЗИ
МАҚФУФИ АЗАЛЛ вазни ҳам ахраб шажарасига
мансуб рубоий ўлчовларидан бўлиб, руқнлари ва чиз-
маси бир мисрада

Мафъулу мафоилун мафойилу фаул
— — v v — v — v — v~

тарзидадир. Мазкур ўлчов олдинги ҳазажи мусаммани ахраби мақбузи макфуфи махзуф вазнидан охирги ҳижонинг ўта чўзиқлиги билангина фарқланади. Яъни охирги руқн мафойилун аслининг **азалл** тармоғи **фаулга** тенг бўлади.

Ушбу ўлчов гарчи унча кўп бўлмаса-да, барча ру-
боййнавислар асарларида қўлланади.

Куйидаги рубоийларнинг барча мисралари шу ўл-
човда битилган:

Ул дурри саминки, бор эди қўзума ёш,
Айларда ажал анга жафо расмини фош.
Фам тирноғидин қилиб қарогимни харош,
Ёшургой эдим они қўзум уйида кош.

(Навоий)

Эй қомати сарву лаблари обиҳаёт,
Будур тилагимки етгамен васлинга бот.
Ҳажрингда манга не сабр қолди, не сабот,
Ё кел бу сорига, ё мени ўзунга қот.

(Бобур)

«АХРАБИ МАКФУФ» ШАҲОБЧАСИ ВАЗНЛАРИ

ҲАЗАЖИ МУСАММАНИ АХРАБИ МАКФУФИ
СОЛИМИ АБТАР рубоийнавислигимизда кенг қўл-
ланган ўлчовлардан бири бўлиб, рукнлари ва чизмаси
бир мисрада

Мафъулу мафоийлу мафоийлун фаъ
— — v v — — v v — — — —

тарзидадир. Унинг таркибини мафоийлун аслининг **ахраб** тармоғи **мафъулу** (биринчи рукнларда), макфуф тармоғи **мафоийлу** (иккинчи рукнларда), солим кўри-
ниши (учинчи рукнларда) ҳамда **абтар** тармоғи **фаъ** (охирги рукнларда) ташкил этади. 4 қисқа ва саккиз ҷўзиқ ҳижонинг ушбу тартибда жойлашиши рубоийга хос вазмин оҳанг ҳосил қиласи. Шунинг учун ҳам шоирларимиз унинг имкониятларидан ўз рубоийлари-
ни яратишда кенг фойдаланиб келганлар. Мазкур вазн Лутфий, Ҳофиз Ҳоразмий, Алишер Навоий, Бо-
бур, Мунис, Огаҳий, Аваз каби рубоийнавислар бит-
ган асарларнинг кўплаб мисраларини яратишда қўл-
ланган. Куйидаги рубоийлар эса бутунисича ушбу вазн асосида ёзилган:

Жонимга қилур жавру жафо ёр асрү,
Ким ёр ичида жавру жафо бор асрү.
Бўлдум чекибон жавру жафо зор асрү,
Мен жавркашу ёр жафокор асрү.

(Навоий)

Эй ёр, сенинг васлинга етмак мушкил,
Фархунда ҳадисингни эшитмак мушкил.
Ишқингни доги бартараф этмак мушкил,
Бошни олибон ҳар сори кетмак мушкил.

(Бобур)

Зарра учебон нойири аъзам бўлмас,
Ер болиш этиб авжи фалак ҳам бўлмас.
Инсон аро нодонни билинг ҳайвондур,
Ҳайвон неча зўр айласа одам бўлмас.

(Оғаҳий)

ҲАЗАЖИ МУСАММАНИ АХРАБИ МАКФУФИ
СОЛИМИ АЗАЛЛ вазни ахраб шажарасидаги рубоий
ўлчовларидан бири бўлиб, юқоридаги ҳазажи мусам-
мани ахраби макфуфи солими айттар вазнидан охирги
ҳижонинг ўта чўзиқлиги билангина фарқланади.
Ўнинг руқнлари ва чизмаси бир мисрада

Мафъулу мафойилу мафойилун фоъ
— — v v — — v v — — ~

шаклидадир. Яъни олдинги уч рукни юқоридаги вазн
сингари бўлиб, охирги рукнигина мафойилун асли-
нинг **азалл** тармоги **фоъга** teng.

Ушбу ўлчов рубоийнавис шоирларнинг асарлари
мисраларида кам бўлса-да қўлланган. Жумладан, Али-
шер Навоий қаламига мансуб:

Ёшимфа бағир қони чу эрди монанд,
Кўз асрари ёшдек бўлуб андин хурсанд.
Турмоди кўзумда еткач ул сарви баланд,
Бўлмас киши фарзанди кишига фарзанд.

рубоийсидаги 1-, 2-, 4-мисралар шу хил ўлчовда би-
тилган. Бобур яратган

Аҳробга қилсанг гузар, эй ел, ногоҳ
Ул жамъни бу сўзумдин этгил огоҳ:
Сиз кўргандек эсон-саломаттур биз,
Сиз доги эсон бўлғасиз иншооллоҳ.

рубоийсининг биринчи ва тўртинчи мисралари ушбу
вазн асосида ёзилган. Муниснинг

Ҳар дамки хаёлингни қилурман, эй шўх,
Уммиди висолингни қилурман, эй шўх.
Ўлган танима равон кирап ширин жон,
Чун ёди зулолингни қилурман, эй шўх.

рубоийсидаги барча қофиядош мисралар мазкур ўлчовда ёзилган.

**ХАЗАЖИ МУСАММАСИ АХРАБИ МАҚФУФИ
АЖАББ** рубоийнавислигимизда энг күп құлланған вазнлардан биридер. Рукнлари ва чизмаси бир мисрада

Мафъулу мафоийлу мафоийлу фаал
— — v v — — v v — — v v —

тарзидә бүлған ушбу ўлчов мафоийлун аслининг **ахраб** тармоғи **мафъулу** (садр ва ибтидода), **макфұф** тармоғи **мафоийлу** (ҳашвларда) ҳамда **ажабб** тармоғи **фаал** (аруз ва зарбда) рукнларига асосланади. 5 та қисқа ва еттита чүзик ҳижонинг жуфт-жуфт бўлиб тақорланиши ушбу вазнга енғил ва ёқимли, айни чогда рубоийларга хос салоботли оҳанг багишлайди.

Ушбу ўлчов асосида ёзилған мисраларни дастлаб Лутфий, Сайфи Саройи ва Ҳофиз Хоразмий рубоийларида учратамиз. Алишер Навоий ва Бобур, Мунис ва Оғаҳий сингари етук шоирлар ижодида эса бу ўлчов жуда кенг құлланған.

Қуйидаги рубоийларнинг барча мисралари шу вазнда битилған:

Жоҳилки ҳасад бўлғай аниңг жаҳлига зам,
Нур эл кўзидин англаста ўз кўзида кам,
Кўзларни алишмоққа чекиб тиги ситам,
Эл кўзини ҳам ўйгаю ўз кўзини ҳам.

(*Навоий*)

Золимки эрур зулму жафо ҳосил анга,
Зулм этгали — ўқ хотир ўлур мойил анга.
Бўлмоқ хуш эмас қылғонидин күшдил анга,
Ўз зулмидин — ўқ ўлғусидур қойил анга.

(*Навоий*)

Коғир кўзи бедод аён айлади ло,
Жавр ўқиға жонимни нишон айлади ло.
Ҳар лаҳза ишим оху фигон айлади ло,
Охир мени расвойи жаҳон айлади ло.

(*Оғаҳий*)

**ХАЗАЖИ МУСАММАНИ АХРАБИ МАҚФУФИ
АХТАМ** вазни ҳам ахраб шажарасига мансуб ўлчовлардан бўлиб, рукнлари ва чизмаси бир мисрада

Мафъулу мафоийлу мафоийлу фаул
— — v v — — v v — — v v ~

тарзидадир. Бинобарин, мазкур ўлчов юқоридағи вазндан охирги ҳижонинг ўта чўзиқлиги билангина фарқланади: олдинги уч руқн олдинги вазнданғи каби бўлиб, охирги, аруз ва зарб рукнлари ўрнида **мафоийлун** аслининг **ахтам** тармоғи **фаул** келади.

Ушбу ўлчов ҳам аксарият рубоийнавислар ижодида маълум даражада қўлланиб келган.

Мисоллар:

Алишер Навоийнинг


Нодғонлиғ иши элда малолатға далил,
Доно улус оллида хижолатға далил.
Беасл иши бўлмади адолатқа далил,
Донолиг эрур элда асолатға далил.

рубоийсидаги қофиядош мисралар шу ўлчов асосида ёзилган.

Ахрам «мафоийлун» аслининг «харм» («бурунни кесиш» (зиҳофиға дуч келиши оқибатида ҳосил бўлган «мафъулун» (чиzmаси: — — —) тармоқ рукнининг номи бўлиб, «бурни кесик» маъносини ифодалайди. Ушбу руқн ахрам шажарасига мансуб рубоий вазнларининг 10 тасида биринчи руқн, иккитасида 1, 2, 3-рукнлар ўрнида келади. (Қаранг: «Ахрам шажараси»).

Ахрам шажараси рубоий ўлчовлари гуруҳи бўлиб, ўз ичига мафоийлун аслининг **ахрам** тармоғи бўлмиш **мафъулун** рукни билан бошланувчи 12 вазнни олади. Ушбу шажараға мансуб тўрт вазннинг иккинчи рукнлари мафоийлун аслининг **аштар** тармоғи **фоилунга**, тўрттасиники шу аслнинг **ахраб** тармоғи **мафъулуга**, яна тўрттасиники шу аслнинг **ахрам** тармоғи **мафъулунлардан** бирига teng бўлади. Иккинчи рукнлари **фоилун** ёки **мафъулуга** teng вазнларнинг учинчи рукнлари мафоийлун аслининг солимидан ёки шу аслнинг **макфуф** тармоғи **мафоийлудан**, иккинчи рукнлари **мафъулунга** teng бўлган тўрт вазннинг учинчи рукнлари **мафъулун** ёки **мафъулудан** иборат бўлади. Учинчи руқн **мафоийлун** ёки **мафъулун** бўлиб келганда, бундай вазнларнинг тўртинчи рукнлари **мафоийлун** аслининг **абтар** тармоғи **фаъ** ёки **азалл** тармоғи **фоъга**, учинчи рукнлари **мафоийлу** ёки **мафъулу** бўлиб келган вазнларнинг тўртинчи рукнлари **мафоийлун** аслининг **ажабб** тармоғи **фаал** ёки **ахтам** тармоғи **фаулга** teng

бұлади. Ахрам шажараси вазнларини қуйидагича күрсатиш ҳам мүмкін:



Юқоридаги 12 вазн үз хусусиятларига күра ру боййавислигимизда турли даражада құлланған. Иккінчи рукни фоилун (аштар)га тенг бўлган тўрт вазндан ушбу шажаранинг бошқа ўлчовларига нисбатан енгилроқ бўлганни учун шеъриятимизда нисбатан кенгроқ фойдаланилган. Булар:

Хазажи мусаммани ахрами аштари солими айтар.

Хазажи мусаммани ахрами аштари солими азалл.

Хазажи мусаммани ахрами аштари макфуфи ажабб.

Хазажи мусаммани ахрами аштари макфуфи ахтам.

Ўлчовларидир.

Ушбу шажаранинг иккінчи рукни мафьулуга тенг бўлган яна тўрт вазн тузилишига кўра оғирроқ оҳангга эга, чунки уларнинг барчаси беш чўзиқ ҳижо билан бошланади. Шунга кўра улар рубоийнавислигимизда жуда кам құлланған.

Булар қуидаги ўлчовлардир:

Ҳазажи мусаммани ахрами ахраби солими абтар.
Ҳазажи мусаммани ахрами ахраби солими азалл.
Ҳазажи мусаммани ахрами ахраби макфуфи ажабб.
Ҳазажи мусаммани ахрами ахраби макфуфи ахтам.

Иккинчи рукни мағъулунга тенг бўлган тўрт вазн эса жуда оғир оҳангга эга. Чунки буларда 9 ёки 10 чўзиқ ҳижо кетма-кет келади. Шу туфайли ҳам улар асосида яратилиши мумкин бўлган мисралар ўқиш учун ноқулай. Ана шу хусусиятига кўра ушбу тўрт вазндан шеъриятимизда мутлақо фойдаланилмаган. Булар:

Ҳазажи мусаммани ахрами абтар.
Ҳазажи мусаммани ахрами азалл.
Ҳазажи мусаммани ахрами ахраби ажабб.
Ҳазажи мусаммани ахрами ахраби ахтам

ўлчовларидир.

Ахрам шажараси вазнларига хос хусусиятларни улардан ҳар бири ҳақидаги маълумотлардан билиб олишининг мумкин.

«АХРАМИ АШТАР» ШАҲОБЧАСИ ВАЗНЛАРИ

**ҲАЗАЖИ МУСАММАНИ АХРАМИ АШТАРИ
СОЛИМИ АБТАР** вазни ахрам шажарасига мансуб рубоий ўлчовларидан бўлиб, рукнлари ва чизмаси бир мисрада

мағъулун фоилун мафоийлун фай
— — — — v — v — — — —

тарзидадир. Иккита қисқа ва тўққизта чўзиқ ҳижонинг ушбу тартибдаги такрори анча оғир оҳангни вужудга келтиради. Шунинг учун ушбу ўлчовдан жуда кам ҳолатларда фойдаланилган. Мазкур вазнда битилган рубоий мисралари Алишер Навоийга қадар учрамайди. Шоир ушбу ўлчов имкониятларини илк бор ўз рубоийларида синааб кўрган эди. Чунончи, унинг қаламига мансуб

Ҳажрингда менинг сабрима жуз нуқсон йўқ,
Кўнглум аро ғайри нолау афғон йўқ.
Жонимга ҳаёт умиди худ имкон йўқ,
Йўқ, йўқ, йўқ, сабр йўқ, кўнгул йўқ, жон йўқ.

рубоийсининг охирги мисраи

Хақдин эмин бүлубки жон топқайсен,
Файридин хавфи бегарон топқайсен.
Андинки рижойи жовидон топқайсен,
Хавф айлаки, файридин амон топқайсен

рубоийсидаги аввалги икки мисра ушбу ўлчов асосида ёзилган. Бобурнинг

Асру күп эмиш журъату ҳиммат сизга,
Рӯзи қылғай худой нусрат сизга.
Мардоалиғингизни бори эл билди,
Рахмат сизга, ҳазор раҳмат сизга.

рубоийсининг иккинчи ва тўртинчи мисралари мазкур ўлчовдадир.

ҲАЗАЖИ МУСАММАНИ АХРАМИ АШТАРИ СОЛИМИ АЗАЛЛ вазни рубоийнавислигимизда энг кам қўлланган ўлчовлардан саналади. Ахрам шажара-сидаги ушбу вазн рукнлари ва чизмаси бир мисрада

мафъулун фоилун мафоийлун фоъ
— — — — v — v — — — —

тарзидадир. Кўриниб турганидек, мазкур ўлчов таркибидаги олдинги уч руқни юқоридаги рубоий вазни — ҳазажи мусаммани ахрами аштари солими абтар билан айнан ўхшашиб, охирги рукнгина фарқ қиласди: ушбу ўлчов мафоийлун аслининг азалл тармоғи фоъ руқни билан тугалланади. Икки қисқа, саккиз чўзиқ ва бир ўта чўзиқ ҳижонинг шу тартибдаги таркибидан тузилган мазкур ўлчов анча оғир оҳангга эга. Шунинг учун ҳам ундан шоирларимиз жуда кам фойдаланганлар. Алишер Навоийнинг икки рубоийсидаги биттадан мисра ҳамда Бобур рубоийсида-ги ягона мисра шу ўлчовда ёзилган. Навоийнинг

Ёш улғайса тоқи муқарнасадур дард,
Балки мамлу сипеҳри атласдур дард,
Қари кишига балки кам эрмасдур дард,
Юз сиҳати бўлса, қарилиқ басдур дард.

рубоийсидаги иккинчи мисра ҳамда

Бекаслигу дард қуйида гард ўлмоқ,
Хушроқки ямон била ҳамовард ўлмоқ.
Ёлғуз бўл, топма ранжпарвард ўлмоқ,
Хушроқ чу ямон рафиқдек фард ўлмоқ.

рубоийсининг учинчи мисраи мазкур ўлчовда ёзилган.
Бобур яратган

Келдим санга юз умид бирла, эй моҳ,
Лекин ёндим юзингни кўрмай, юз оҳ.
Ҳамсуҳбату ҳамроҳни нетай бу йўлда,
Дардинг манга ҳамсуҳбату, ишқинг ҳамроҳ.

рубоийсидаги иккинчи мисра ҳам шу вазнададир.

ҲАЗАЖИ МУСАММАНИ АХРАМИ АШТАРИ
МАКФУФИ АЖАББ вазни ҳам ахрам шажарасига
мансуб рубоий ўлчовларидан бўлиб, руқнлари ва чиз-
маси бир мисрада

мафъулун фоилун мафойилу фаал
— — — — v — v — — v v —

тарзиададир. Унинг таркибини мафойилун асли-
нинг ахрам тармоғи мафъулун (садр ва ибтидода),
аштар тармоғи фоилун (олдинги ҳашвда), макфуф
тармоғи мафойилу (кейинги ҳашвда) ҳамда ажабб
тармоғи фаал (аруз ва зарбда) руқнлари ташкил эта-
ди. Ушбу ўлчовда 4 қисқа ва 8 чўзиқ ҳижонинг
юқоридаги тарзда такрорланиши ахрам шажараси-
нинг бошқа вазнларига нисбатан енгилроқ оҳангни
ҳосил қиласди. Мазкур ўлчов Алишер Навоийдан
бошлаб Бобур, Огаҳий каби шоирлар яратган ру-
боийларда кам бўлса-да қўлланиб турган. Жумладан,
Алишер Навоий қаламига мансуб

Хуштур бўлсоқ иковла ҳамдам сену мен,
Бир-бирга десак етушса ҳар фам сену мен.
Бўлсоқ бор эсак ҳарамга маҳрам сену мен,
Муғ дайри аро бўлса ватан ҳам сену мен

рубоийсининг биринчи мисраи мазкур ўлчовда битил-
ган. Бобур ёзган

Сен гулсену мен ҳақир булбулдумен,
Сен шуъласен, ул шуълаға мен қулдумен.
Нисбат ўйқтур деб ижтиnob айламаким,
Шаҳмен элга vale санга қулдумен

рубоийсидаги учинчи мисра ҳам ушбу вазн асосида
яратилган. Огаҳий ёзган

То тушти фироқ ўтиға бемор кўнгул,
Юз дарду фаму аламга дучор кўнгул.
Даврон ситами тийғидин афгор кўнгул,
Бўлмиш мандин маълуу безор кўнгул!

рубоийсининг охирги мисраи ҳам мазкур ўлчовдадир.

**ҲАЗАЖИ МУСАММАНИ АХРАМИ АШТАРИ
МАКФУФУ АХТАМ** вазни ҳам ахрам шажарасига мансуб рубоий ўлчовларидан. Ўнинг рукнлари ва чизмаси бир мисрада

мафъулун фоилун мафоийлу фаул
— — — — v — v — — v v ~

тарзидадир. Кўриниб турганидек, ушбу ўлчов юқорида кўрганимиз **ҳазажи мусаммани ахрами аштари макфуфи ажабб** вазнига яқин бўлиб, олдинги уч рукни у билан айнан бир хил, фақат охирги рукннагина мафоийлун аслининг **ажабб** тармоғи **фаал** ўрнига шу аслининг **ахтам** тармоғи **фаул** келган холос. Бу хил таркибдаги қисқа ва чўзиқ ҳижолар анча оғир оҳанг ҳосил қиласди. Шунга кўра ушбу ўлчовдан рубоийнавислигимизда фойдаланилмаган.

«АХРАМИ АХРАБ» ШАҲОВЧАСИ ВАЗНЛАРИ

**ҲАЗАЖИ МУСАММАНИ АХРАМИ АХРАБИ
СОЛИМИ АБТАР** вазни ахрам шажарасидаги рубоий ўлчовларидан бўлиб, унинг рукнлари ва чизмаси бир мисрада

мафъулун мафъулу мафоийлун фаъ
— — — — — v v — — — —

тарзидадир. Унинг таркибини **мафоийлун** аслининг **ахрам** тармоғи **мафъулун** (садр ва ибтидода), **ахраб** тармоғи **мафъулу** (олдинги ҳашвлар ўрнида), **солим** кўриниши **мафоийлун** (кейинги ҳашвларда) ҳамда **абтар** тармоғи **фаъ** рукнлари ташкил этади. Иккитагина қисқа ва тўққиз чўзиқ ҳижонинг бу хил такрори оғир оҳанг ҳосил қиласди. Шу туфайли бу ўлчов рубоийнавислигимизда кам қўлланган. Мазкур вазнда ёзилган дастлабки мисраларни Ҳофиз Хоразмий рубоийларидага кўрамиз. Чунончи, унинг

Ишқ ичра қачонки бенишон бўлгайман,
Қул ҳам бўлсам шоҳи замон бўлгайман.
Хоки қадамингға бош қўюб ер ўпсам,
Оламнинг ичинда комрон бўлгайман

рубоийсининг иккинчи мисраси шу ўлчов асосида яратилган эди.

Алишер Навоийнинг

Олам тарки кишига ҳимматдин эрур,
Ким кўп шиддат ул сори рағбатдин эрур.
Нафсингга қаю аламки шиддатдин эрур,
Махфий тутмоқ они муруватдин эрур.

рубоийсидаги иккинчи ва тўртинчи мисралар ушбу ўлчов асосида ёзилган. Бобурнинг

Бир зулфдин, эй кўнгул, паришон бўлма,
Бир юзга ҳам асрү зору ҳайрон бўлма.
Мен сенга демонки, тарки ишқ эт, лекин,
Андоқ қилким, сўнгра пушаймон бўлма

рубоийсидаги охирги мисра ҳам шу ўлчовда.

ҲАЗАЖИ МУСАММАНИ АХРАМИ АХРАБИ СОЛИМИ АЗАЛЛ вазни ҳам ахрам шажарасига мансуб рубоий ўлчовларидан бириди. У олдинги ҳазажи мусаммани ахрами ахраби солими абтар вазнидан охирги ҳижонинг ўта чўзиқлиги билангина фарқланади. Шунга қўра унинг рукнлари ва чизмаси бир мисрада

мафъулун мафъулу мафоийлун фоъ
— — — — — v v — — — ~

тарзидадир. Мазкур ўлчовнинг аввалги уч руқни юқоридаги вазн каби бўлиб, охирги руқн **мафоийлуннинг ахтам** тармоги **фоъга** тенг.

Бу вазн ҳам рубоийнавислигимизда жуда кам қўлланган бўлиб, баъзи шоирлар яратган асарларнинг айrim мисраларигина унинг асосида ёзилган. Жумладан, Алишер Навоийнинг

Эй жони ҳабибу кўнгли аҳбобқа лол,
Мен ҳам қилдим жону кўнгулни ирсол,
Кўнглумга бер аҳбоб била жоми висол,
Жонимни ҳабиб аёги туфроғига сол

рубоийсидаги иккинчи мисраш шу ўлчовдадир.

ҲАЗАЖИ МУСАММАНИ АХРАМИ АХРАБИ МАКФУФИ АЖАББ вазни рубоийнавислигимизда кам қўлланган ахрам шажараси ўлчовларидан бири бўлиб, таркибини **мафоийлун** аслининг **ахрам** тармоги **мафъулун** (садр ва ибтиода), **ахраб** тармоги **мафъулу** (олдинги ҳашвларда), **макфуф** тармоги **мафоийлу**

(кейинги ҳашвларда) ҳамда **ажабб** тармоғи **фаал** (аруз ва зарбда) ташкил этади. Шунга кўра унинг рукнлари ва чизмаси бир мисрада

Мафъулун мафъулу мафоийлу фаал
— — — — — v v — — v v —

тарзидадир. Мазкур ўлчов шеъриятимизда битилган рубоийларнинг баъзи мисраларида қўлланган. Ушбу вазнда ёзилган мисралар дастлаб Алишер Навоий рубоийларида учрайди. Огаҳий ҳам баъзи рубоийларида бу ўлчовга мурожаат қиласан. Жумладан, Алишер Навоий қаламига мансуб

Ҳар кимки тамаъдуур гирифторлиги,
Не суд анга аҳди саҳо ёрлиги.
Иzzат бермас нақду дирам борлиги,
Ким бўлди тамаъдин кишининг хорлиги

рубоийсидаги учинчи мисра шу ўлчовда ёзилган эди. Огаҳийнинг:

Борди кўнглум, келмади дилдор ҳануз,
Васлига магар топмади ул бор ҳануз.
Ё васлига еткач бўлубон маҳви жамол,
Холимни анга қилмади изҳор ҳануз.

рубоийсидаги биринчи мисра ҳам мазкур вазн асосида яратилган.

ҲАЗАЖИ МУСАММАНИ АХРАМИ АХРАБИ МАКФУФИ АХТАМ ҳам ахрам шажарасига мансуб рубоий ўлчовларидан бўлиб, олдинги вазндан охирги ҳижонинг ўта чўзиқлиги билан фарқланади. Рукнлари ва чизмаси бир мисрада

мафъулун мафъулу мафоийлу фаул
— — — — — v v — — v v ~

тарзидадир. Кўриниб турганидек, ушбу ўлчовда ёзилган рубоий мисраларининг олдинги уч рукни **ҳазажи мусаммани ахрами ахраби макфуфи ажабб** вазnidаги каби бўлиб, охирги руки **мафоийлун** аслининг **ахтам** тармоғи **фаулга** тенг бўлади.

Мазкур ўлчов шоирларимизнинг баъзи рубоийларидаги бирон мисрада қўлланади. Масалан, Алишер Навоий биттган:

Ул дамки қуёш айлади мағрибқа ружувъ,
Гар суҳбат ўшул қуёш била топса вуқувъ,

Хуштур құлмоқ жом қүёшиға шуруъ,
Ул дамғачаким, қилур қүёш жоми тулуъ
рубоийсидаги учинчи мисра, Бобурнинг

Хажрингда не қон қолдики ютмайдурмен,
Күз ёшини ҳар лаңза қурутмайдурмен,
Дийдорингнинг ҳаққини, эй юзи қүёш,
Тенгри ҳақи, бир зарра унутмайдурмен.

рубоийсининг учинчи мисраси ушбу үлчовда яратилған эди.

Ахтам «мафоийлун» аслининг «хатм» («тишни тағидан синдириш») зиҳоғига дуч келиши натижасида ҳосил қилингандык «фаул» (чизмаси: v~) тармоқ рукнининг номи бўлиб, «тиши тағидан синдирилган» деган маънони ифодалайди. (Қаранг: «Хатм», «Фаул»)

Аштар «мафоийлун» аслининг «шатар» («нұқсон қилиш») зиҳоғи билан ўзgartирилиши оқибатида юзага қелган «фоилун» (чизмаси: — v —) тармоқ рукнининг номи бўлиб, «нұқсонли» деган маънони ифодалайди. (Қаранг: «Шатар», «Фоилун»).

Б

Байт аruz илмиға кўра ҳар бири бир неча рукндан ташкил топган қофияли ёки қофиясиз икки мисра шеър демакдир.

Ҳар қайси байт 4, 6, 8, баъзан 12, 16, 20, 36 рукндан ташкил топиши мумкин. 4 рукнли байтлар «мураббаъ» (арабча «тўртлик» дегани) 6 рукнлилари «мусаддас» (арабча «олтилик» дегани), 8 рукнлилари «мусамман» (арабча «саккизлик» дегани) тарзида номланади. 12 рукнли байтлар кўпинча «мустаҳзод» номи билан юритилади. 16, 20, 36 рукнли байтлар эса алоҳида номланмай, рукнлар сонига кўра «16 рукнли», «20 рукнли» ёки «36 рукнли» деб аталаверади.

Байтни ташкил қилувчи рукнлар ўрнига кўра ҳам номланади. Биринчи мисранинг биринчи рукни «садр», охиригүй рукни «аруз», иккинчи мисранинг биринчи рукни «ибтидоъ», охиригүй рукни «зарб», ўргадаги барча рукнлар қанча бўлишидан қатъий назар «ҳашв» деб аталади.

Басит баҳри («басит» арабча сўз бўлиб, «ёзиқ» маъносини ифодалайди) арузининг асосий үлчов турларидан бири бўлиб, унинг асосини **мустағъилун** ва **фоилун** аслларининг кетма-кет такорори ташкил қила-

ди. Чунончи, унинг саккиз руқнили солим вазни руқнилари ва чизмаси ҳар мисрада

Мустафъилун фоилун мустафъилун фоилун
— — v — — v — — v — — v —

кўринишига эга. Алишер Навоий «Меъзонул авзон» асарида юқоридаги вазнга мисол қилиб

Эй сунбулинг халқаси бўйнумға тоқиб расан,
Ҳар тобида юз бало, ҳар торида минг шикан

байтини келтирган. Бобурнинг «Мухтасар» асарида ушбу вазнга мисол тариқасида

Эй бевафо, келмадинг ҳаргиз менинг ёнимা,
Ҳажринг нелар қилмади бу тинмагур жонима

байтини келтиради. Бобур шу асарда басит баҳрининг яна етти вазнiga туркий мисоллар келтирган эди.

Шеъриятимизда басит баҳри қўлланмаган. Уни араб шеъриятига маҳсус деб ҳисобланади.

«Батар» зиҳоф номи бўлиб, «илдизидан афдариш» деган маънони ифодалайди. Бу хил ўзгаришга дуч келган мафоийлун аслининг олдинги уч ҳижоси туширилиб, қолган лун қисми ўзига тенг **фаъ** тармоқ руқни билан алмаштирилади ва «илдизидан афдарилган» маъносида **абтар** деб юритилади.

Баҳр — арабча «денгиз» демакдир. Аруз атамалиридан бири бўлиб, ушбу тизимни ташкил қилувчи асосий, йирик ўлчов турини ифодалайди. Баҳрлар **асллар** ёки **афойилу тафойил** деб аталувчи саккиз руқннинг турлича таркибда такрорланишидан ҳосил қилинади. 7 аслнинг айнан такоридан 7 баҳр тузилади:

1. Фаулун асли такоридан мутақориб баҳри,
2. Фоилун — « — мутадорик — « —
3. Мафоийлун — « — ҳазаж — « —
4. Фоилотун — « — рамал — « —
5. Мустафъилун — « — ражаз — « —
6. Мутафоилун асли такоридан комил баҳри
7. Мафоилатун — « — вофир — « —

юзага келади. Мафъулоту асли такрорланмайди.

Саккиз аслнинг бири бири билан қўшилиб тақрорланишидан яна 12 баҳр ҳосил қилинади. Шулардан 7 таси биттадан олинган икки асл тақрорига асосланади:

1. Мафоийлун ва фоилотун асллари тақроридан музориъ,
2. Фоилотун ва мустафъилун — « — хафиғ,
3. Мустафъилун ва фоилотун — « — мужтасс,
4. Мустафъилун ва мафъулоту — « — мунсарих,
5. Мафъулоту ва мустафъилун — « — муқтазаб,
6. Фаулун ва мафоийлун — « — тавил,
7. Фоилотун ва фоилун — « — мадид,
8. Мустафъилун ва фоилун — « — басит

баҳрлари ҳосил қилинади.

Иккита бир хил ва битта иккинчи хил асл тақроридан яна тўрт баҳр тузилади.

1. 2 та мафоийлун ва 1 фоилотун тақроридан қариб,
2. 2 та фоилотун ва 1 мафоийлун — « — мушокил,
3. 2 та фоилотун ва 1 мустафъилун — « — ғарип,
4. 2 та мустафъилун ва 1 мафъулоту — « — сариъ

деб аталган баҳрлар вужудга келади.

Баъзи арузшунослар (шу жумладан, Бобур ҳам) юқоридаги 19 баҳрга яна икки баҳрни қўшадилар. Булардан бири **ариз** деб аталган баҳр бўлиб, **мафоийлун ва фаулун** асллари (мафоийлун олдин келади) тақроридан тузилади. **Амиқ** деб номланган кейинги баҳрни эса **фоилун ва фоилотун** аслларининг (фоилун олдин келади) тақрори ҳосил қиласди.

Юқоридаги 21 баҳрдан 9 таси, яъни воғир, муқтазаб, мадид, басит, қариб, мушокил, ғарип, ариз ва амиқ баҳрлари бизнинг шеъриятимизда мутлақо қўлланмаган, улар арабий ва форсий шеъриятга махсус ўлчов турлари саналади; мутадорик, комил ва тавил баҳрларидан эса жуда кам шоирлар фойдаланганлар. 9 баҳр, яъни ҳазаж, рамал, ражаз, музориъ, хафиғ, мужтасс, мунсарих, сариъ, мутақориб баҳрлари шеъриятимизда фаол қўлланилган.

Аруз илми асосчиси бўлган Халил ибн Аҳмад баҳрлар сонини 15 та қилиб кўрсатган эди. Булар тавил, мадид, басит, комил, воғир, рамал, ҳазаж, ражаз,

мунсарих, музориъ, сариъ, хафиф, мужтасс, муктазаб, мутақориб баҳрлари эди. Форсий арузшунослар бу рўйхатга яна тўрт асосий ўлчовни — мутадорик, қараб, фарид (жадид), мушокил баҳрларини қўшдилар. Баъзилари эса ариз ва амиқ баҳрларини ҳам баҳрлар сирасига киритдилар.

БАҲРЛАРНИ АНИҚЛАШ УСУЛЛАРИ

Аруз тизими асосида яратилган шеърий асарларнинг баҳрларини аниқлаш учун бир неча усулдан фойдаланиш мумкин. Мумтоз арузшуносликда баҳрлар **тақтиъ** усули билан белгиланган. Бунинг учун байт оҳанг бўлаклари — рукнларга ажратилиб, ҳар қайси рукннинг асл ёки тармоқ рукнлардан қайси бирига тенг қелиши белгиланиб, шу асосда баҳр номи топилган. Жумладан, Алишер Навоийнинг

Мени мен истаган ўз суҳбатига аржуманд этмас,
Мени истар кишининг суҳбатин кўнглум писанд этмас

байти рукнларга «Мени мен ис — таган ўз суҳ — батига ар — жуманд этмас, мени истар — кишининг суҳ — батин кўнглум — писанд этмас» тарзида ажратилиди. Энди оғзаки равишда ҳар қайси рукннинг аруз тизимига мансуб қайси асл ё тармоқларга мослигини аниқлаймиз. Масалан, «мени мен ис» рукни оҳанг хусусиятига кўра «мафоийлун» аслига тенг келади (уни фоилотун ёки мустафъилун асллари билан ўлчаб кўрсак мувофиқ тушмайди). Кейинги ҳар қайси рукн ҳам шу аслга мосдир. Бинобарин, байтдаги барча рукнлар мафоийлун аслига тенг экан. Ушбу асл такроридан тузилган баҳр эса **ҳазаж** деб аталишини биламиз. Шунга кўра ғазалнинг ҳазаж баҳрига мансублигини айтишимиз мумкин бўлади. Махмурининг «Хафалак» шеъри баҳрини аниқлайдиган бўлсак, ундаги бирон байтни шу тарзда тақтиъ қилиб кўрамиз. Чунончи:

Яшаган кулбаларин банда баён гар қилсам,
Бир ката, икки ката, уч олачуқ, тўрт каталак

байти «Яшаган кул — баларин бан — да баён гар — қилсам, бир ката ик — ки ката уч — олачуқ тўрт — каталак» тарзида рукнларга бўлинади. «Яшаган кул» рукни оҳанг жиҳатидан «фаилотун» тармоқ рукнига тенг; «баларин бан», «да баён гар» рукнлари ҳам шу

ўлчовда, «қылсам» рукни «фаълун» тармоқ рукнига тенг. **Файлутун** ва **фаълун** тармоқ рукнлари фоилотун аслидан ҳосил бўлгани бизга маълум. Бинобарин, уларнинг ўрнига шу аслни қўйсақ, **фоилотун** асли такрорига асосланган мазкур баҳр **рамал** эканлигини белгилашимиз мумкин.

Эркин Воҳидов қаламига мансуб:

Барг остидан мулойим боқсан иболи фунча,
Не сирни сақлагайсан, бағринг нечун тугунча

байти тақтиъ билан рукнларга «Барг ос ти — дан мulo йим — боқсан и — боли фунча, Не сир ни — сақлагайсан — бағринг не — чун тугунча» тарзида ажратилади. «Барг ости», «боқсан и» рукнлари **мағъулу** тармоқ рукнига, «дан мулойим», «боли фунча» рукнлари эса **«фоилотун»** аслига тенг. **Мағъулу** рукни **мағоийлун** аслидан ҳосил бўлгани маълум. Демак, шеър баҳри **мағоийлун** ва **фоилотун** аслларининг кетма-кет такрорига асосланган, шу туфайли **музориъ** деб аталади.

Баҳрларни аниқлашда тақтиъ усулини қўллаш унча осон эмас. Чунки аruz тизими хусусиятлари, асл ва тармоқ рукнларнинг оҳанг ўлчовларини пухта ўзлашиб олмаган ўқувчи хатоларга йўл қўйиши мумкин. Шу туфайли баҳрларни ёзма тарзда аниқлаш усули анча қулай ҳисобланади. Бу хил йўл тутилганда, байт аввал ифодали ўқилади-да, барча ҳижоларнинг чизмаси белгиланади, шундан сўнг байт рукнларга ажратилиб, ҳар бир рукн чизмасига кўра қайси асл ёки тармоқ рукнига мослиги аниқланади. Жумладан, Лутфийнинг

Сенсан севарим, хоҳ инон, хоҳ инонма,
Қондур жигарим, хоҳ инон, хоҳ инонма

байтини ифодали ўқиб, сўнг рукнларга ажратсак

— — v v — — v v — — v v — —

чизмаси ҳосил бўлади. Ҳар қайси рукн чизмаси асосида байт мисралари

мағъулу мағоийлу мағоийлу фаулун

тармоқ рукнларига мувофиқлигини белгилаймиз. Ҳар уч тармоқ рукн мағоийлундан ҳосил бўлган, шунга кўра ғазал ҳазаж баҳрида ёзилгани маълум бўлади.

В

Вазн — шеърий асарнинг ритм-оҳанг хусусиятларини уларнинг таркибидаги рукнлар сони ва турига кўра ифодаловчи ўлчов.

Аруз ўлчов тизими асосида яратилган шеърий асарларнинг вазн хусусиятлари байтларни ташкил қиливчи ритмик бўлаклар — рукнларнинг сони, ҳар қайси рукннинг аруз тизимига хос қандай ўлчов бирликлари — асллар ва уларнинг фуруъларига тенглиги, яъни қайси баҳр унинг қандай ўлчов тури асосида яратилганлиги билан белгиланади.

Аруз қоидаларига мувофиқ, вазн у ёки бу баҳр таркибидаги ўлчов саналади, ҳар қайси баҳр эса қўплаб вазнлардан ташкил топади. Аруззунослар уларни матбуъ, яъни ёқимли ва номатбуъ, яъни ёқимли бўлмаган, мустаъмал, яъни, шеъриятда қўлланувчи ҳамда мухтараъ, яъни ихтиро қилинган каби турларга ажратадилар. Масалан, «Мухтасар»да Заҳириддин Бобур аруз тизимидағи 21 баҳр ўз ичига жами 537 вазнни олиши, улардан 289 таси мустаъмал, 248 таси мухтараъ, 162 таси матбуъ, 104 таси мустаъмали матбуъ эканини таъкидлайди. Демак, унинг фикрига кўра, форсий ва туркий шеъриятларда жами 537 вазнда шеър битиш мумкин. Улардан 289 таси XV асргача ҳар икки шеъриятда қўлланиб келган, шу жумладан, 104 вазн ёқимли ўлчовлардир. 248 вазнни эса Бобур ихтироъ этган бўлиб, улардан ҳам бемалол фойдаланиш мумкин. Бобур 21 баҳр вазнларини шу тарзда кўрсатади. Улардан ўзбек шеъриятига маҳсуслари қуидагилар:

Баҳр номи	Жами вазн	Шу жумладан		
		мустаъмал	мухтараъ	мустаъмали матбуъ
1. Мутақориб	42	20	22	8
2. Мутадорик	26	14	12	3
3. Ҳазаж	105	61	44	19
4. Ражаз	63	32	31	10
5. Рамал	59	31	28	12
6. Комил	22	9	13	4
7. Мунсарих	34	20	14	8
8. Музориъ	24	19	5	7
9. Мужтасс	20	11	9	6
10. Сариъ	17	1	6	1
11. Ҳафиҳ	22	9	13	3
Ж а м и	366	103	197	81

Туркий шеъриятларда құлланиб келган аруз вазнлари шеър бирлиги бүлгап байтлар таркибидаги ритмик бұлаклар — рукнлар сонига күра түрт рукнли, (мурабба) олти рукнли (мусаддас), 8 рукнли (мухаммас), шунингдек, мутатаввал (күп рукнли), яни 12 рукнли (мустаҳзод), 16 рукнли, 20 рукнли, 36 рукнли үлчовлардан ташкил топған. Улардан лирик шеъриятимизда 8 рукнли, лиро-эпик шеъриятда эса 6 рукнли вазнлар қенг құлланған. 4 ва 12 рукнли вазнлардан нисбатан кам фойдаланилған. 16 рукнли вазнларда эса бармоқ билан санарлы лирик шеърлар яратылған халос.

Профессор Фитрат ўзининг «Аруз ҳақида» деб аталған рисоласида ушбу тизимга хос вазнларни ҳижолар сонидан келиб чиққан ҳолда «саккизликлар»дан то «йигирмалик»ларға қадар бўлиб қўрсатған эди.

Арузшунослар баҳр ҳамда уларнинг вазнларини қандай аслларга асосланиши жиҳатидан «муттафиқул аркон» (бир хил рукнли) ва «мухталифул аркон» (хар хил рукнли) турларга ажратғанлар. Бинобарин, бир хил аслларнинг тақороридан тузиладиган мутақориб, мутадорик, ҳазаж, раЖаз, рамал, комил ҳамда воғир баҳрлари вазнлари муттафиқул аркон (бир хил рукнли), икки хил аслнинг маълум тартибдаги тақороридан ҳосил бўладиган музориъ, хафиғ, мужтасс, муқтазаб, мунсариҳ, тавил, мадид, басит, қариб, мушокил, ғариф, сариъ, ариз, амиқ баҳрлари вазнлари мухталифул аркон (турли хил рукнли) вазнлар саналади.

ВАЗНЛАРНИ АНИҚЛАШ УСУЛЛАРИ

У ёки шеърий асарнинг вазнини аниқлаш учун аввало тақтиъ ёки чизмалар асосида баҳр аниқланади, сўнг шеър байтларининг неча рукндан ташкил топғани белгиланади. Маълумки, байт түрт рукндан ташкил топған бўлса **мурабба** (түрт рукнли), олти рукндан иборат бўлса **мусаддас** (олти рукнли), саккиз рукндан тузилған бўлса, **мусамман** деб аталади. Рукнлар сони ундан күп бўлса, уларнинг сони кўрсатилиб, «16 рукнли», «20 рукнли» деб аталаверади. Мустаҳзод шаклида битиладиган шеър эса 12 рукнли бўлиб, вазн охирида «мустаҳзод» сўзи қўшиб айтилади.

Шундан кейин шеър байтларида қўлланған рукнларнинг турлари, номлари аниқланади. Агар байтдаги барча рукнлар у ёки бу аслнинг ўзига teng бўлса,

бундай вазн, яъни рукилари фақат аслларга тенг, яъни ўзгаришга учрамаган деган маънода **солим** (соғлом) деб юритилади. Агар байтда тармоқ рукилар ҳам қатнашган бўлса, улар номма-ном саналади. Баҳр номи, байтнинг неча рукили эканлиги, рукиларнинг номлари шеър вазнини ифодалайди. Масалан, Бобурнинг

Хазон япроги янглиғ гул юзунг ҳажрида сарғардим,
Кўруб раҳм айлагил, эй лоларух, бу чеҳраи зардим

байтининг барча рукилари мафойилун аслига тенг, байтдаги рукилар сони эса саккизта. Бинобарин, шеър ҳазаж баҳрининг саккиз рукили ўлчовида ёзилган бўлиб, рукилари аслнинг ўзигагина тенглиги учун шеър вазни ҳазажи мусаммани солим деб кўрсатилади. Огаҳийнинг

Эй жамолингдур жаҳон зебандаси,
Ою кун эрмас онинг монандаси

байтининг ўлчовини аниқласак, унда фоилотун ва фоилун рукилари иштирок этганини кўрамиз. Фоилун тармоги ҳам фоилотун аслидан ҳосил бўлган, демак шеър рамал баҳрида ёзилган. Байтдаги рукилар сони 6 та, демак мусаддас. Ҳар қайси мисрадаги 1—2 рукилар фоилотуннинг аслига, охирги рукилар шу аслнинг маҳзуф тармоги-фоилунга тенг. Бинобарин, шеър вазни рамали мусаддаси маҳзуф деб аталади.

Увайсий қаламига мансуб

Эй гул, жигарим қони узорингга муносиб,
Юз порали кўнглум доги хорингга муносиб.

байтининг ўлчовини аниқласак, унинг рукилари

мағъбулу мафойилу мафойилу фаулун

тарзида эканини кўрамиз. Ушбу тармоқ рукиларнинг ҳар бири мафойилундан ҳосил бўлган, яъни байт шу асл такрорига асосланувчи ҳазаж баҳридадир. Байтдаги рукилар сони саккизта, яъни мусамман. Мағъбулу — мафойилун аслининг ахраб тармоги, мафойилу — макфуф, фаулун эса маҳзуф тармоги. Шунга кўра шеър вазнини ҳазажи мусаммани ахраби макфуфи маҳзуф деб кўрсатамиз.

Юқоридаги ифода — байт (шеър) вазнининг қисқа ифодаси, чунки унда фақат қўлланган тармоқ руки

номигина күрсатилиб, унинг ўрни ҳам, солим руқн ҳам күрсатилмаган. Шунинг учун бу хил ифода аруз илми билан мукаммал таниш бўлмаган кишига шеър вазни ҳақида аниқ тасаввур беролмайди. Байт (шеър) вазнининг тўлиқ ифодасини бериш учун эса ҳар қайси руқн, жумладан, асллар номини ва ўрнини аниқ кўрсатиш талаб қилинади, яъни садр, ибтидоъ, ҳашв, аруз ва зарб руқнлари ўлчови таъкидланади. Жумладан, юқоридаги мисолда байтдаги садр ва ибтидоъ руқнлари ўрнида **мафоийлуннинг ахраб** тармоғи — **мафъулу**, ҳашвлар ўрнида шу аслнинг макфуф тармоғи мафоийлу, **аруз** ва **зарб** руқнлари ўрнида эса **мафоийлуннинг маҳзуф** тармоғи **фаулун** қўлланган. Шунга кўра байт вазнини ҳазажи мусаммани садр ва ибтидоъ — **ахраб**, ҳашвлар — **макфуф**, аруз ва зарб — **маҳзуф** деб кўрсатилади. Ана энди байтдаги ҳамма руқнлар ўрнида қайси тармоқ руқнлар қўллангани аниқ бўлди.

Шуни ҳам айтиб ўтиш керакки, шеърлар вазнини кўрсатишда асосан унинг қисқа ифодаси қўлланади. Лекин аруз илмидан хабардор киши байтга назар ташлаб вазнининг тўлиқ ифодасини аниқлай олади.

Васл — (арабча «уланиш») аруз тизими асосида яратилган шеърий асарларни ифодали ўқиш жараёнида вазн талаби билан айрим ёпик ҳижолар охиридаги ундошни ундан кейин турган ҳамда унли билан бошланган ҳижога қўшиб талаффуз этиш ҳодисаси. Ана шу қоидага амал қилинмаса, ҳижолар тартиби бузилиб, оҳангга жиддий путур етади. Жумладан, Муқимиининг

Навбаҳор, очилди гуллар сабза бўлди боғлар,
•Суҳбат айлайлик, келинглар, жўралар, ўртоғлар

байтини вазнга мувофиқ ўқиш учун «суҳбат» сўзининг «бат» ҳижоси охиридаги «т» ундошини ундан кейин турган сўздаги «ай» ҳижосига улаб «тай» тарзида талаффуз этиш керак бўлди. Алишер Навоий қаламига мансуб

Бу гулшан ичраки йўқтур бақо гулига сабот,
Ажаб саодат эрур чиқса яхшилик била от.

байтидаги «шан» ва «дат» ҳижолари охиридаги «н» ва «т» ундошлари улардан кейин турган ҳижоларга қўшилган ҳолда «нич», «те» тарзида ўқилиши шарт. Акс

ҳолда қисқа ҳижко ўрнида турган «шан» ва «дат» ҳижолари чўзиқ ҳижко ҳосил қилиб, вазннинг бузилишига сабаб бўлади.

Шеъриятимизда бу ҳодиса жуда кўп учрайди (қаранг: «Аруз вазnidаги шеърларни ифодали ўқиш»).

Васли «ҳо». Аруз тизимида яратилган шеърий мисралардаги айрим ёпиқ ҳижоларнинг охирги ундошини вазн тақозоси билан ўзидан кейин турган ва «ҳ» ундоши билан бошланувчи ҳижога қўшиб ўқиш ҳодисаси. Бу жараёнда, одатда «ҳ» ундоши тушиб қолади. Ушбу ҳодиса кам бўлса-да, ўзбек адабиётида, хусусан, халқ оғзаки ижоди таъсирида ижод қилган ва «туркона» деб аталувчи содда услугга риоя қилувчи шоирларнинг асарларида учрайди. Жумладан, Муқимиининг «Танобчилар» асаридаги

Бўлди таажжуб қизиқ ҳангомалар,
Арз этайин эмди ёзиб номалар

байтидаги «қизиқ» сўзи охирида турган «қ» ундоши кейинги «ҳан» ҳижосига улаб талаффуз қилинади. Бу жараёнда «ҳ» ундоши тушиб қолиб, «қ» «ғ» га айланади ва «фан» (қизи — фангомалар тарзида) ўқилади.

Машраб қаламига мансуб

Кўзума кўринур мани дилбарим ҳар қаёнада,
Ишқини ёр айладим ўзума бу замонада

байтининг биринчи мисрасидаги «дилбарим» сўзининг охирги «м» ундоши ўзидан кейинти «ҳар» ҳижосига қўшиб ўқилганда «ҳ» ундоши тушиб қолиб мазкур ҳижко «мар» тарзида талаффуз қилинади.

Ватад. Арабча «қозиқча» маъносини ифодаловчи аруз атамаси бўлиб, икки мутаҳаррик ва бир ёки икки сокин ҳарфдан (бир чўзиқ ёки ўта чўзиқ ва бир қисқа ҳижодан) ташкил топган бўлак демакдир. Ҳижоларнинг ўрнига кўра ватадлар мажмӯъ (бириккан), мафрұқ (ажралган) ва қасрат (кенг) турларига бўлинади.

Аксар ҳолларда ватадлар сабаб ёки фосилалар билан бирикиб асл ва зиҳофли рукнларни ҳосил қиладилар.

Ватади қасрат («кенг, мўл ватад») аруз атамаларидан бўлиб, туркий адабиётшуносликда дастлаб Бобурнинг «Мухтасар» асарида учрайди. «...ватади қасрат мураккабдур тўрт ҳарфдин, икки аввалғи мутаҳаррик, икки сўнгти сокин, нечукким: **нишон** ва **ниҳон**, **кўтарт**

ва **йибарт**, — деб таъкидлайди муаллиф. Айтилганларни соддароқ баён қилсак: ватади касрат бир қисқа ҳижко ва ундан кейин келган ўта чўзиқ ҳижонинг бирикувидан ташкил топган ритмик бўлакдир. У мустақил ҳолда фаул (v ~) тармоқ рукнини, сабаблардан кейин келиб эса фоilon (— v ~) ҳамда мустафъилон (— — v ~) тармоқ рукнларини ҳосил қиласди.

Ватади мажмуъ (бириккан ватад) икки мутаҳаррик ва бир сокин ҳарфнинг ёки қисқа ҳижодан сўнг келган чўзиқ ҳижонинг бирикувидан ташкил топган ритмик бўлакдир. Олдинги мутаҳаррик ҳарф ёки қисқа ҳижко сокин ҳарф ёки чўзиқ ҳижога қўшилиб ўқилгани туфайли бириккан ватад деб аталади. Уни шеър чизмасида v — тарзида ифодалаш мумкин.

Бириккан ватадлар мустақил ҳолда чизмаси у — тарзида бўлган ажабб тармоқ рукнини, сабаблар билан қўшилиб фаулун (v — —), фоилун (— v —), мафойлун (v — — —), фоилотун (— v — —), мустафъилун (— — v —) аслларини, кичик фосила (фосилаи суғро) билан бириқиб эса мафоилатун (v — v v —) ҳамда мутафоилун (v v — v —) аслларини ҳосил қиласди. Унинг иштирокида кўплаб тармоқ рукнлар ҳам юзага келади.

Ватади мафруқ (ажралган ватад) икки мутаҳаррик ва улар ўртасида келган бир сокин ҳарфдан ёки чўзиқ ҳижко ва ундан кейин келган қисқа ҳижодан ташкил топган ватад бўлиб, чизмада — v тарзида ифодаланаади. Унинг ажралган деб аталишига сабаб шуки, қисқа ҳижко (кейинги мутаҳаррик ҳарф) чўзиқ ҳижко билан қўшилиб айтилмай, ўзидан кейинги ҳижко билан уланниб кетаверади. Шу туфайли ҳам у, бириккан ватадга қараганда кам қўлланади. Бу хил ватад мустақил ҳолда чизмаси — v шаклида бўлган фаълу (асрам) тармоқ рукнини, сабаблар билан қўшилган ҳолда эса мафъулу (— — v) ҳамда мафъулоту (— — — v) рукнларини ҳосил қиласди.

Вофир баҳри («вофир» арабча сўз бўлиб, «мўл» маъносини ифодалайди) арузнинг асосий ўлчовларидан бўлиб, «мафоилатун» аслининг такорига асосланади. Жумладан, унинг саккиз рукнли солим кўрининши рукнлари ва чизмаси ҳар мисрада

мафоилатун мафоилатун мафоилатун мафоилатун
v — v v — v — v v — v — v v — v — v v —

тарзидадир.

Вофир баҳри араб шеърияти учун маҳсус бўлиб, форс-тожик ва туркий шеъриятларда ундан фойдаланилмаган. Алишер Навоий ўзининг «Меъзонул авzon» асарида ушбу баҳр ҳақида ёзар экан, вофири мусаммани солим вазнига

Фироқ ўтидин қуяр баданим, тафидин
эриб оқар жигарим,
Ғамим будурурки, боғланибон юзунг
сари тушмагай назарим.

байтини, вофири мусаддаси солим вазнига эса

Не фурқат эрур сенингсизин ўртанур юраким,
Не бўлғай: агар менга гузар айласанг мираким

байтини мисол қилиб келтирган эди.

Бобур ўзининг «Мухтасар»ида вофир баҳрининг жами 21 вазнига туркий тилдаги ўз шеърларини мисол қилиб келтирган.

Д

Доира — қаранг: «Аруз доиралари».

Доираи «мужталиба» Бобурнинг «Мухтасар» асарида келтирилган ҳамда ҳазаж, ражаз, рамал баҳрларини ўз ичига оловчи аруз доирасининг номи бўлиб «мужталиба» сўзи «жозибали» маъносини ифодалайди. Мазкур уч баҳр учун «Қилма, эй маҳваш, жафо, сендиндуур нохуш жафо кўб» мисрасини келтирилган. Уни шу ҳолатда ўқилса, «фоилотун фоилотун фоилотун фоилотун» рукнларига мос келувчи рамали мусаммани солим вазни, «Кўб қилма, эй маҳваш, жафо, сендиндуур нохуш жафо» тарзида ўқилса, «мустафъилун мустафъилун мустафъилун мустафъилун» рукнларига мос бўлган ражази мусаммани солим вазни, «Жафо кўб қилма эй маҳваш, жафо сендиндуур нохуш» тарзида ўқилса, «мафоийлун мафоийлун мафоийлун мафоийлун» рукнларига асосланувчи ҳазажи мусаммани солим вазни ҳосил бўлади.

Доираи «мужталиба музоҳафа» Бобур ихтиро этган ва унинг «Мухтасар»идан ўрин олган аруз доираси номи бўлиб, ҳазаж, ражаз, рамал баҳрларининг зиҳофли вазнларини ўз ичига олади ҳамда шу жиҳати билан олимнинг мазкур рисолада келтирилган, юқоридаги уч баҳрнинг солим вазнларига асосланган «Доираи мужталиба»сидан фарқ қиласи. «Мужталибаи

музоҳафа» доирасида берилган «Мени ким қўрадур ёр, мени ким сўрадур ёр» мисраси шу тарзда ўқилса ҳазажи мусаммани макфуф (рукнлари: мафоийлу мафоийлу мафоийлу), «Ким қўрадур ёр мени, ким сўрадур ёр мени» тарзида ўқилса, ражази мусаммани матвий (рукнлари: муфтаилун муфтаилун муфтаилун муфтаилун), «Қўрадур ёр мениким, сўрадур ёр мениким» тарзида ўқилса, рамали мусаммани маҳбун (рукнлари: фаилотун фаилотун фаилотун фаилотун) ҳосил бўлади.

Доираи «мужталибаи муҳтариъа» Бобур ихтиро қилган ва унинг «Мухтасар» асарида келтирилган аруз доираси номи бўлиб, ҳазаж ва рамал баҳрларини ўз ичига олади. Ҳар икки баҳр учун келтирилган «Менингча ким қилур вафо, менингча ким чекар жафо» мисрасини шу тарзда ўқилса, доирадаги «мафоилун мафоилун мафоилун мафоилун» руқнларига мос бўлган ҳазажи мусаммани мақбуз вазни, «Ким қилур вафо менингча, ким чекар жафо менингча» тарзида ўқилса, «фоилоту фоилоту фоилоту фоилоту» руқнларига мувофиқ бўлган рамали мусаммани макфуф вазни келиб чиқади.

Аруз илмига доир бошқа асарларда бу хил доира учрамайди.

Доираи «мужтамиа». «Мезонул авзон»да келтирилган ҳамда музориъ, хафиғ, мужтасс, мунсариҳ, муқтазаб, қариб, мушокил, жадид (фариб) ва саріъ баҳрларини ўз ичига олувчи аруз доирасининг номи бўлиб, «жамланган, бирлашган» маъноларини ифодалайди. Навоий ушбу доира хусусида мазкур рисолада шундай деб ёзган эди:

«Агар мунсариҳ ва музориъ ва муҳтазаб ва мужтасс баҳриға зиҳофот йўл бериб, мусамман қилиб, бир доира қиубтурлар ва саріъ ва жадид ва қариб ва хафиғ ва мушокил баҳриға дағи зиҳофот дохил қилиб, яна бир доира қиубтурлар. Аммо буларнинг солиминики, анга ҳеч зиҳоф кирмамиш бўлғай, ҳеч доираға тартиб била забт қилмайдурлар. Бу мазкур бўлғон тўққуз асл баҳрнинг солиминики, зиҳофот дуҳулидин саломат қолмиш бўлғайлар, бир доираи азимада жамъ қилиб, ҳар бирининг ўрниға алоҳида мисол келтуруб, тўққузтасини яна бир мисрадан ҳам истихроҳ қилиб ул «Доираи мужтамиа» дейилди ва бу доира расми замон зурафосидин баъзисининг хаёлига келиб эрди, аммо фақир анга тартиб бердим...»

Доира ичидә шоир ушбу түккиз баҳрнинг мусаддаси солим вазнларига биттадан, жами түккиз мисра шеър, айни вақтда барча баҳрлар учун «Ваҳ-ваҳ йигит, бир-бир янгиб келгил бизга» мисрасини келтиради. Бу хил доира ушбу түккиз баҳрнинг рукнлар таркиби, оҳанг хусусиятлари, ўзаро алоқадорлиги ва бирбиридан фарқини осон тушуниб олишга ёрдам беради.

Доираи «мунтазиъа» Навоийнинг «Мезонул авзон»ида келтирилган ва хафиғ, қариб, ғариб, сариъ, мушокил баҳрларини ўз ичига оловчи доира номи бўлиб, «тартибли» деган маънони ифодалайди. Бобурнинг «Мухтасар» асарида ҳам ушбу доира шу тарзда номланган.

Алишер Навоий мазкур беш баҳр учун «Манга қўп қилма, ёр, сен бу жафони» мисрасини келтиради. Уни шу тарзда ўқилса, рукнлари «Файлутун мафоилун файлун» кўринишида бўлган хафиғи мусаддаси маҳбун вазни, «Сен бу жафони манга қўп қилма ёр» тарзида ўқилса, рукнлари муфтаилун муфтаилун фоilon кўринишида бўлган сариъи мусаддаси матвийи мавқуф вазни келиб чиқади.

Бобур ўз «Мухтасар»идаги «Доираи мунтазиъа»да ушбу баҳрлар учун «Санамо бизга бот сен де ҳикоят» мисрасини келтиради.

Доираи «муттафиқа» арузнинг мутақориб ва мутадорик баҳрларини ўз ичига олган ўлчов доираси номи бўлиб, «Бирлашган, дўстлашган» маъноларини ифодалайди. Алишер Навоий «Мезонул авзон»да ушбу доирага «Келиб дардима чора қилсанг не бўлғай» мисрасини келтиради. Уни шу тарзда ўқилса, рукнлари «фаулун фаулун фаулун фаулун» кўринишида бўлган мутақориби мусаммани солим вазни, «Дардима чора қилсанг не бўлғай келиб» тарзида ўқилса, рукнлари «фоилун фоилун фоилун фоилун» кўринишида бўлган мутадорики мусаммани солим вазни ҳосил бўлади.

Бобур ҳам ўз «Мухтасар»ида ушбу доирани «муттафиқа» деб атаб мисол тарзида «Юзи рашки хуршиди анвар бўлуптур» мисрасини келтиради.

Доираи «мухталита» арузнинг комил ҳамда воғир баҳрларини ўз ичига оловчи доира номи бўлиб, «қо-ришиқ, аралаш» маъносини ифодалайди.

Алишер Навоий ушбу доира баҳрлари учун «Боқишинг бало, боришинг алам, туришинг жафо, қили-

нинг ситам» мисрасини келтиради. Уни шу тарзда ўқилса, рукнлари «мутафоилун мутафоилун мутафоилун мутафоилун» тарзида бўлган «комили мусаммани солим» вазни, «Бало боришинг, алам туришинг, жафо қилишинг, ситам боқишинг» тарзида ўқилса, рукнлари «мафоилатун мафоилатун мафоилатун» кўринишидаги вофири мусаммани солим вазни ҳосил бўлади.

Доираи «мухталифа» (I) «Мезонул авзон»да келтирилган ва мунсариҳ, музориъ, муқтазаб ҳамда мужтасс баҳрларини ўз ичига оловчи аruz доираси номи бўлиб, «ҳар хил, ихтилофли» деган маъноларни ифодалайди. Навоий мазкур баҳрларнинг етакчи ритм-оҳанг хусусиятларини акс эттириш учун «Ишқ этар тан фигор, шавқ қилур жон заиф» мисрасини келтиради. Уни шу тарзда ўқилса, рукнлари, «Муфтаилун фоilon муфтаилун фоilon» кўринишида бўлган мунсариҳи мусаммани матвийи мавқуф» вазни, «Этар тан фигор, шавқ қилур жон заиф ишқ» тарзида ўқилса, рукнлари «Мафойилу фоилоту мафойилу фоилон» тарзида бўлган «Музориъи мусаммани макфуфи мақсур» вазни, «Тан фигор шавқ қилур жон заиф ишқ этар» тарзида ўқилса, рукнлари «Фоилоту муфтаилун фоилоту муфтаилун» кўринишидаги муқтазаби мусаммани матвий вазни, ниҳоят, «Фигор шавқ қилур жон заиф ишқ этар тан» тарзида ўқилса, рукнлари «мафоилун фоилотун мафоилун фоилотун» кўринишидаги мужтасси мусаммани маҳбун вазни келиб чиқади.

Доираи «мухталифа» (II) Бобурнинг «Мухтасар» асаридан ўрин олган ҳамда тавил, мадид, басит, амиқ ва ариз баҳрларини ўз ичига оловчи аruz доираси номи бўлиб, «мухталифа» сўзи «ҳар хил, қарама-қарши» маъноларини ифодалайи. Бу хил доира ўзбек арузшунослигида янги ҳодиса бўлиб, Навоий «Мезонул авзон»ида учрамайди. Бобур ҳар беш баҳр учун мисол тариқасида «Кел, манга қил назар сен, кел манга қил гузар сен» мисрасини келтиради. Уни шу тарзда ўқилса, рукнлари «Фоилун фоилотун фоилун фоилотун» тарзида бўлган амиқи мусаммани солим вазни, «Манга қил гузар сен кел, манга қил назар сен, кел» тарзида ўқилса, рукнлари «Фаулун мафойилун фаулун мафойилун» тарзида бўлган тавили мусаммани солим вазни, «Қил гузар сен, кел манга, қил назар сен, кел манга» тарзида ўқилса, рукнлари «Фоилотун фоилун фоилотун фоилун» тарзида бўлган

мадиди мусаммани солим вазни, «Гузар сен кел, манга қил, назар сен кел, манга қил» тарзида ўқилса, рукилари «Мафойилун фаулун мафойилун фаулун» тарзида бўлган аризи мусаммани солим вазни, ниҳоят, «Сен кел, манга қил назар, сен кел, манга қил гузар» тарзида ўқилса, рукилари «Мустафъилун фоилун мустафъилун фоилун» тарзида бўлган басити мусаммани солим вазни юзага келади. Маълумки, ушбу бешала баҳр ҳам ўзбек шеъриятида қўлланмаган.

Доираи «муштабиҳа» (I) Алишер Навоийнинг «Мезонул авзон» асаридан ўрин олган ва тавил, мадид, басит баҳрларини бирлаштирувчи аruz доирасининг номи бўлиб, «муштабиҳа» сўзи «ўхшаш» деган маъноди ифодалайди. Ҳар уч баҳр учун келтирилган «Манга бир нафас сенсиз қарору таҳаммул йўқ» мисраси шу тарзда ўқилганда рукилари «Фаулун мафойилун фаулун мафойилун» кўринишида бўлган тавили мусаммани солим вазни, «Бир нафас сенсиз қарору таҳаммул йўқ манга» тарзида ўқилса, рукилари «Фоилотун фоилун фоилотун фоилун» кўринишидаги мадиди мусаммани солим вазни, «Сенсиз қарору таҳаммул йўқ манга бир нафас» тарзида ўқилса, рукилари «Мустафъилун фоилун мустафъилун фоилун» кўринишидаги басити мусаммани солим вазни ҳосил бўлади.

Ушбу доира Бобур «Мухтасар»ида келтирилмаган, мазкур асарда бу уч баҳр ариз ва амиқ баҳрлари билан биргаликда «Доираи мухталифа»ни ташкил этади.

Доираи «муштабиҳа» (II) Бобурнинг «Мухтасар» асаридан ўрин олган ҳамда мунсариҳ, музориъ, муқтазаб, мужтасс баҳрларини бирлаштирувчи аruz доирасининг номи бўлиб, «муштабиҳа» сўзи «ўхшаш» деган маъноди ифодалайди.

Тўртала баҳр учун келтирилган «Ҳусн санга бор зариф, табъ санга бор латиф» мисрасини шу тарзда ўқилса, рукилари «муфтаилун фоilon муфтаилун фоilon» кўринишидаги мунсариҳи мусаммани матвийи мавқуф вазни, «Санга бор зариф табъ санга бор латиф ҳусн» тарзида ўқилса, рукилари «мафойилу фоилоту мафойилу фоилоту» кўринишидаги музориъи мусаммани макфуф вазни, «Бор зариф табъ санга, бор латиф ҳусн санга» тарзида ўқилса, рукилари «Фоилоту муфтаилун фоилоту муфтаилун» кўринишида бўлган муқтазаби мусаммани матвий» вазни, ниҳоят уни «Зариф табъ санга бор, латиф ҳусн санга бор» тарзида

ўқилса рукнлари «Мафоилун фаилотун мафоилун фаилотун» кўринишидаги мужтасси мусаммани маҳбун вазни юзага келади.

Доираи «муштабиҳаи солим» Бобурнинг «Мухтасар» асарида келтирилган аruz доираси бўлиб, худди Навоийнинг «Доираи мужтамиа»си каби, музориъ, хафиф, мужтасс, мунсарих, муқтазаб, қариб, мушокил, жадид (ғариб) ва сариъдан иборат тўққиз баҳрнинг хусусиятларини уларнинг солим вазнлари воситасида намойиш қилиш мақсадини кўзлади. Доирада келтирилган «Бизга кел, кел, йигит, бот бир оёқ сен тут» мисрасини ушбу тўққиз сўзнинг ҳар биридан бошлаб ўқилганда, барча тўққиз баҳрнинг олти рукнли (мусаддас) солим вазнига мисол бўлади.

Бобурнинг таъкидлашича, бу доира Ҳўжа Носирiddин Тусийнинг «Меъёрул ашъор» китобида ҳам келтирилган экан. Муаллиф «Мир Алишер Навоий бу тўққиз баҳрнинг доирасин ўзига иснод қилибтур, ғолибан «Меъёрул ашъор»ни мутолаа қилмағандур», — деб ҳам ёzádi. Навоийнинг «Мезонул авзон»идаги «Доираи мужтамиа» билан танишган китобхон унинг Бобур ва Носирiddин Тусийлар доирасидан фарқли жиҳатини кўра олиши қийин эмас. Гап шундаки, Навоий ҳамма баҳрлар учун бир мисра шеърдан ташқари, ҳар қайси баҳр учун алоҳида мисралар ҳам келтиради. Худди шу жиҳатдан Навоий ўз доирасининг янгилигини таъкидлаган эди. Бинобарин, Бобурнинг танқидий фикри унча асосли эмас, деб биламиз.

Доираи «Мұтталифа» (I) «Меъзонул авзон»дан ўрин олган ҳамда ҳазаж, ражаз ва рамал баҳрларини ўз ичига оловчи аruz доирасининг номи бўлиб, «қўшилган, уйғунлашган» деган маъноларни ифодалайди. Шоир бу уч баҳр учун «Қўнгул қон, бил висолингда ғами ҳижрон хаёлидин» мисрасини келтиради. Уни шу ҳолда ўқилса, рукнлари «Мафоийлун мафоийлун мафоийлун мафоийлун» тарзида бўлган ҳазажи мусаммани солим вазни, «Қон бил висолингда ғами ҳижрон хаёлидин кўнгул» кўринишида ўқилса, рукнлари «Мустафъилун мустафъилун мустафъилун мустафъилун» тарзида бўлган ражази мусаммани солим вазни «Бил, висолингда ғами ҳижрон хаёлидин кўнгул қон» тарзида ўқилса, рукнлари «Фоилотун фоилотун фоилотун фоилотун» тарзида бўлган рамали мусаммани солим вазни ҳосил бўлади.

Ж

Жабб зиҳофлардан бирининг номи бўлиб, «бичиш, ахта қилиш» деган маънони ифодалайди. Бу хил ўзгаришга «мафоийлун» асли дуч келиб, унинг кейинги икки сабаби — чўзиқ ҳижоси туширилади, қолган «мафо» қисми ўлчов жиҳатидан ўзига тенг «фаал» тармоқ рукни билан алмаштирилиб, «ахта қилинган» деган маънода ажабб (ёки мажбуб) деб юритилади. Ушбу тармоқ рукни асосан ҳазаж баҳрининг робоий вазнларидан олтитасида охирги рукнлар — аruz ёки зарб ўрнида қўлланади. (Қаранг: «Рубоий вазнлари», «Ахраб шажараси», «Ахрам шажараси»).

3

Залал зиҳоф номи бўлиб, «соннинг гўштсиз бўлиб қолиши» деган маънони ифодалайди. Бу хил ўзгаришга дуч келган **мафоийлун** аслининг биринчи, учинчи, тўртингчи ҳижолари туширилиб, иккинчи ҳижоси ўта чўзиқ ҳижога айлантирилади, ҳосил бўлган **фөъ** тармоқ рукни «сони гўштсиз» маъносида **азалл** деб юритилади. Ушбу тармоқ рукни ҳазаж баҳрига мансуб робоий вазнларининг олтитасида аruz ва зарб ўрнида қўлланади.

Зарб аruz илмига қўра шеър байтининг иккинчи мисрасидаги охирги рукн ўрни номи. Бу ўринда хилма-хил таркибдаги бир ҳижоликдан беш ҳижоликкача бўлган солим ва зиҳофли, тармоқ рукнлар кела олади.

Зиҳофлар (ўзаришлар). Аruz тизимининг асоси бўлмиш саккиз асл (фаулун, фоилун, мафоийлун, фоилотун, мустафъилун, мафъулоту, мутафоилун ва мафоилатун) шеър мисраларидаги хилма-хил бўлак (рукн)ларини ўлчаш учун кифоя қилмайди. Шу туфайли, ўша аслларни турлича ўзгартириб, уларнинг бир қатор тармоқ (фуруъ)ларини ҳосил қилинган. Бу хил ўзаришлар аruz илмida зиҳофлар деб аталади.

Зиҳофлар асосан тўрт хил кўринишга эга:

1. Асллар сон жиҳатидан ўзгартирилиб, таркибидаги бир ёки бир неча ҳижо туширилади.

2. Асллар сифат жиҳатидан ўзгартирилиб, таркибидаги чўзиқ ҳижолар қисқа ёки ўта чўзиқ ҳижога, баъзан қисқа ҳижо чўзиқ ҳижога айлантирилади.

3. Асллар бир вақтнинг ўзида ҳам сон, ҳам сифат жиҳатидан ўзгартирилиб бир ёки бир неча ҳижоси туширилади, айни вақтда чўзиқ ҳижо қисқа ёки ўта чўзиқ ҳижога, қисқа ҳижо чўзиқ ҳижога айлантирилади.

4. Аслларнинг юқоридаги икки хил зиҳофга дуч келишидан сўнг ҳосил бўлган тармоқ руҳи яна бир бор сифат жиҳатидан ўзгартирилади.

1. Аслларнинг сон жиҳатидан ўзгартирилиши

Шеъриятимизда факат мафоийлун, фоилотун ва фаулун аслларининг сон жиҳатидан ўзгариши кузатилган бўлиб, улар қўйидагилардир:

№ №	Зиҳоф номи	Қайси ҳижо туширилади	Қайси асл ўзгартирилади	Ҳосил бўлган тармоқ руҳи	Унинг чизмаси	Аталиши
1.	Харм	I қисқа ҳижо	мафоийлун	мафъулун	— — —	ахрам
2.	Ташъис	II қисқа ҳижо	фоилотун	мафъулун	— — —	мушъяас
3.	Салм	— « —	фаулун	фатъулун	— —	аслам
4.	Ҳазф	охирги чўзиқ ҳижо	мафоийлун	фаулун	v — —	маҳзуф
5.	Жабб	кеининг икки чўзиқ ҳижо	фоилотун	фоилун	— v —	— « —
6.	Батр	олдинги уч ҳижо	фаулун	фаал	v —	— « —
			мафоийлун	фаал	v —	ажабб
				фаъ	—	абтар

II. Аслларнинг сифат жиҳатидан ўзгартирилиши

Шеъриятимизда беш хил аслнинг сифат жиҳатидан ўзгартирилиши кузатилади. Қўйидаги зиҳофларда асллар таркибидағи чўзиқ ҳижолар қисқа ҳижога айлантирилади:

№ №	Зиҳоф номи	Қайси ҳижо қисқа ҳижога айлантирилади	Қайси асл ўзгартирилади	Ҳосил бўлган тармоқ руҳи	Унинг чизмаси	Аталиши
1.	Ҳабн	биринчи	фоилотун мустафъи- лун	фаилотун мафоилун	v v — — v — v —	маҳбун — « —
2.	Тайй	иккинчи	фоилун мустафъи- лун	фаилун муфтаилун	v v — — v v —	матвий — « —
3.	Қабз	учинчи	мафоийлун фаулун	мафоилун фаулу	v — v — v — v	мақбуз — « —
4.	Кафф	тўртингчи	мафоийлун	мафоилу	v — — v	макфуф — « —
5.	Шакл	биринчи тўртингчи	фоилотун фоилотун	фоилоту фоилоту	—v — v v v — v	машкул — « —

Шеъриятимизда құлланған қуйидаги зиҳофларда эса чўзиқ ҳижолар ўта чўзиқ ҳижоларга айлантирилади:

№ №	Зиҳоффоми	Қайси ҳижо ўта чўзиқ ҳижога айлантирилади	Қайси асл ўзгартырилади	Ҳосил бўлган тармоқ руҳи	Унинг чизмаси	Аталиши
1.	Тасбиф	охирги	мафойлун фоилотун фаулун	мафойлон фоилийён фаулон	v — — ~ — v — ~ v — ~	мусаббаг
2.	Изола	охирги	мустафъилун	мустафъион	— — v ~	музол

III. Аслларнинг ҳам сон, ҳам сифатидан ўзгартырилиши

Шеъриятимизда фаулун, мафойлун, фоилотун ва мафъулоту аслларининг ҳам сон, ҳам сифат жиҳатидан айни бир вақтда ўзгартырилиши кузатилган. Куйидаги зиҳофларда асллар таркибидаги бирон қисқа ҳижо туширилиб, чўзиқ ҳижо қисқа ҳижога айлантирилади:

№ №	Зиҳоффоми	Ўзгариш мазмуни		Қайси асл ўзгартырилади	Ҳосил бўлган тармоқ руҳи	Унинг чизмаси	Аталиши
		Қайси қисқа ҳижо туширилади	Қайси чўзиқ ҳижо қисқа ҳижога айлантирилади				
1.	Шатр	биринчи	учинчи	мафойлун	фоилун	— v —	аштар
2.	Сарам	— « —	— « —	фаулун	фаълу	v —	асрам
3.	Харб	— « —	тўртинчи	мафойлун	мафъулу	— — v	ахраб
4.	Хабн ҳаэф	тўртинчи	биринчи	фоилотун	фаилун	v v —	махбуни махзуф
5.	Тайй, кашф	тўртинчи	иккинчи	мафъулоту	фоилун	— v —	матвийи макшоф

Куйидаги зиҳофларда асллар таркибидаги бир неча ҳижо туширилиб, қолган ҳижолардан охиргиси ўта чўзиқ ҳижога айлантирилади:

№ №	Зиҳоғ номи	Қайси ҳижолар туширилади	Қайси чўзиқ ҳижо ўта чузиқ ҳижога айлантирилади	Қайси асл ўзгартирилади	Ҳосил бўлган тармоқ руҳи	Унинг чизмаси	Аталиши
1.	Қаср	охирги чўзиқ ҳижо	III/II/чўзиқ ҳижо	мафоийлун	мафоийл	v — ~	мақсур
2.	Хатм	кейинги икки чўзиқ ҳижо	II чўзиқ ҳижо	фоилотун	фоилон	—v ~	— « —
3.	Залал	олдинги уч ҳижо	охирги ҳижо	мафоийлун	фаул	v ~	ахтам
4.	Тайй, Бақф	охирги қисқа ҳижо	III чўзиқ ҳижо	мафъулоту	фоъ	v ~	азалл
					фоилон	— v ~	матвийи мавқуф

Ушбу гуруҳга мансуб қатъ зиҳофида эса охирги икки ҳижо туширилиб, иккинчи қисқа ҳижо чўзиқ ҳижога айлантирилади. Бу хил ўзгаришга учраган фоилотун аслидан ҳосил бўлган **фаълун** тармоқ руҳни **мақтуъ** деб юритилади.

IV. Тармоқ руҳиларнинг ўзгартирилиши

Шеъриятимизда фоилотун ва мустафъилун аслларининг зиҳофларга дуч келиши натижасидан ҳосил бўлган уч тармоғининг яна қайта ўзгартирилиши, яъни яна бир чўзиқ ҳижонинг қисқа ёки ўта чўзиқ ҳижога айлантирилиши кузатилади. Булар қўйидагилар:

№ №	Зиҳоғ номи	Ўзгариш мазмуни	Қайси тармоқ руҳи ўзгартирилади	Ҳосил бўлган руҳи	Унинг чизмаси	Аталиши
1.	Хабн	Биринчи чўзиқ ҳижо қисқа ҳижога айлантирилади	фоилон	фаилон	vv ~	махбуни мақсур
2.	— « —	— « —	мустафъилюн	мафоилон	v — v ~	махбуни музол мақтуъи мусаббағ
3.	Тасбиг	охирги ҳижо ўта чўзиқ ҳижога айлантирилади	фаълун	фаълон	— ~	

И

Имола аруз атамаларидан бўлиб, вазн тақозоси билан таркибида чўзиқ унли бўлган айрим ёпиқ ҳижолари, унлини чўзиб талаффуз қилиш ҳисобига, ўта чўзиқ ҳижо қилиб ўқишни ифодалайди. Масалан, Бобурнинг

Ёз фасли, ёр васли, дўстларнинг сұхбати,
Шеър баҳси, ишқ дарди, боданинг кайфияти

байтидаги ёз, ёр, дўст, шеър, ишқ сўzlари таркибидаги о, ў, э, и унлиларини анча чўзиқ талаффуз қилинади. Булар тақтиъ ҷоғида, шунингдек, шеър чизмасида икки ҳижо, яъни бир чўзиқ ва бир қисқа ҳижо ҳисобига ўтади.

Истиҳлоф аруз атамаларидан бўлиб, жонли тилда қисқа талаффуз қилинувчи баъзи унлиларни шеърни ўқиш ҷоғида чўзиқ унли сифатида талаффуз қилишни ифодалайди. Масалан, Навоийнинг

Кеча келгумдур дебон ул сарви гулрӯ келмади,
Қўзларимга кеча тонг отқунча уйқу келмади.

байтида «кеча» сўзидаги «э» унлисининг чўзиқ унли тарзида ўқилиши истиҳлофга мисол бўла олади. Чунки кундалик ҳаётда «кеча» сўзидаги «э» унлисини қисқа талаффуз қилингани ҳолда, юқоридаги байтда вазн талаби билан ушбу унли чўзиқ ўқилмоқда. Бобурнинг

Қаро зулфунг фироқида паришон рўзгорим бор,
Юзунгнинг иштиёқида не сабру не қарорим бор

байтидаги «фироқида», «иштиёқида» сўзларидаги кейинги «и» унлилари ҳаётий талаффузга зид ўлароқ чўзиқ унли тарзида ўқилади. Огаҳийнинг

Юзунг очким, қуёш садқанг бўлуб бошингдин
айлансан,
Янги ой юз тавозуз кўргузуб қошингдин айлансан

байтидаги «бошингдин», «қошингдин» сўзлари таркибидаги «о» унлиси ҳам шу тарзда чўзиқ талаффуз қилинади.

Шеъриятда истиҳлоф ҳодисаси жуда кўп учрайди. Лекин бундай ҳолатларда унлининг чўзиқ талаффуз қилиниши қулоққа малол келадиган даражада бўлмаслиги керак. Чунончи, Саккокийнинг

Кўрмадим эй қиргуй қироқ, ғамзанг бикин кўзи
қаро,
Қилча жонимни олғали не мунча тадбир айлади

байтидаги «кўрмадим» сўзи таркибидаги «а» унлиси-
нинг вазн талаби билан чўзиб талаффуз қилиниши
ниҳоятда сунъийдир. Шу фазалдаги

Зоҳид кўзунг, қошинг кўруб юзин аюрди қибладин,
Қутулмади бу фитнадин ул неча тавзир айлади.

байтида «қошинг» сўзидағи «о», «юзин» сўзидағи «ю
(у)» унлиларининг чўзилиши ўқувчига унча эриш
туюлмаса, «қутулмади» сўзидағи олдинги «у» унлиси-
нинг чўзиқ талаффуз қилиниши қулоққа ёқмайди. Га-
доий қаламига мансуб:

Юрагим қон бўлдию ҳеч топмадим жон мақсади,
Сўз била охир мени ширин дудоқинг ўртади.

байтида «юрагим» сўзи таркибидаги **ю(у)** унлиси вазн
талаби билан чўзиқ талаффуз қилинади. Лекин бу ҳо-
лат ўқувчига манзур бўлмайди, чунки унлиниңг шу
тарздаги чўзилиши сунъийликка олиб келади. Га-
доийнинг

Чун кўнгулнунг ҳаллу иқди зулфунга вобастадур,
Ўз бошинг учун, бегим, қўйма ишини сарсари

байтидаги **учун** сўзининг олдинги унлисини вазнга
мувофиқлаштириб чўзиқ талаффуз қилиниши ҳам
ўқувчига эриш туюлади. Гадоий қаламига мансуб:

Хаста кўнглум ишини зинҳор ўз бошинг учун
Зулф янглиг солмагил, дар пову тутма сарсари

байтида **ишини** сўзининг биринчи унлиси ҳам чўзиқ
талаффуз қилинади.

Иқтидорли шоирлар бу хил истихлофларга йўл
қўймаганлар. Бундай ҳолатлар арузнинг ўзбек шеъ-
риятида қўлланиши эндиғина ўзлаштирилаётган XIV
асрнинг иккинчи ярми ва XV асрнинг биринчи ярми-
да кўпроқ учрайди.

XIV асрнинг II ярми, XV асрнинг биринчи ярми
шеъриятида қисқа «а» унлисини вазнга мувофиқлаш-
тирилган ҳолда чўзиқ «о» унлисига айлантириб ўзиш
ҳодисаси кўп учрайди. Масалан, Саккокийнинг

Минг жонни олғай эрди кўзинг юз бало била,
Бўлмоса ул шакар бикин эрнинг ҳимояти

...Висолинг шукрини билмодим, эй жон,
ложарам гардун
Эшикинг тупроқин ҳоли күзумга түтиё қилди
байтларида шу ҳолатни кузатамиз.

К

Кафф зихоф номларидан бири бўлиб, «қайтармоқ» деган маънони ифодалайди. Бу хил ўзгариш **мафойилун ва фоилотун** асллари охиридаги сокин ҳарфни тушириб қолдириш, бошқача қилиб айтганда, охирги чўзиқ ҳижони қисқа ҳижога айлантиришни назарда тутади. Биринчи аслдан қолган **мафойилу** (v — — v) ҳамда иккинчисидан ҳосил бўлган **фоилоту** (— v — v) тармоқ руқнлари «қайтарилган» деган маънода **макфуф** деб юритилади.

Кашф. Зихофлардан бирининг номи бўлиб «очиш» деган маънони ифодалайди. Бу хил ўзгаришда **«мафъулоту»** аслининг охирги қисқа ҳижоси туширилади, қолган **мафъуло** қисми ўзига тенг **мафъулун** (чизмаси: — — —) тармоқ руқни билан алмаштирилиб, «очилган» маъносида **макшуф** деб юритилади.

Ушбу руқн шеъриятимизда қўлланмайди, лекин унинг «тайй» зихофи билан яна бир бор ўзгартирилган кўриниши — фоилун (чизмаси: — v —) **матвийи макшуф** номи билан мунсариҳ ва сариъ баҳрлари таркибида иштирок этади. (Қаранг: «Мунсариҳ», «Сариъ»)

Комил баҳри («комил» сўзи арабча бўлиб, «мукаммал» маъносини ифодалайди) шеъриятимизда жуда кам қўлланган, айрим йирик ижодкорларнинг асарларидагина қўлланган баҳр бўлиб, **мутафоилун** аслининг тақрорига асосланади. Жумладан, унинг саккиз руқнили ўлчови бир мисрада

мутафоилун мутафоилун мутафоилун мутафоилун
v v — v — v v — v — v v — v — v v — v —

тарзида намоён бўлади.

Навоийнинг «Мезонул авзон» асарида комил баҳрининг комили мусаммани солим вазни руқнлари кўрсатилиб, мисол келтирилган. «Мухтасар»да эса ушбу баҳр 22 вазнни ўз ичига олиши таъкидланиб, барча вазнларга мисоллар келтирилган¹.

¹ Бобур. Мухтасар, 80—82, 167—168-бетлар.

Комил баҳри асосан араб арузига махсус бўлиб, туркӣ шеъриятда кам қўлланган. Ўзбек адабиётида ушбу ўлчовдаги илк (ягона) ғазални Алишер Навоий яратган. Ундан сўнг мазкур вазнни Оғаҳий, Муқимий сингари ижодкорлар синаб кўрдилар. Кекса арузчи шоир Ҳабибий ҳам ўз ғазалларидан бирини ушбу ўлчов асосида яратган эди.

КОМИЛ БАҲРИ ВАЗНЛАРИ

Комили мусаммани солим — шеъриятимизда жуда кам қўлланган ўлчовлардан бўлиб, руқнлари ҳамда чизмаси бир мисрада

мутафоилун мутафоилун мутафоилун мутафоилун
v v — v — v v — v — v v — v — v v — v —

тарзидадир. Ушбу ўлчовни биринчи марта ўзбек шеъриятида Алишер Навоий қўллаб, ўзининг

Не хаёл эди янаким қўнгул қуши сайдини ҳавас
айладинг,
Баданимга ҳар саридин ҳаданг отибон анга қафас
айладинг

матлали ғазалини ёзган эди.

Навоий анъаналарининг давомчиси бўлган Шермуҳаммад Мунис ҳам ушбу вазнда

Санамо, ғамингда ёқиб фалакни фифону нолау
оҳимиз,
Дили саҳтинга асар этмади нечук эрди баҳти
сиёҳимиз.

матлали ғазалини битди. XVII—XIX асрларда қатор ижодкорлар шу ўлчовда ғазаллар ёзиб кўрдилар. Кекса арузчи шоиримиз Ҳабибий ўз қаламини ушбу вазнда ҳам синаб, ғазал битган эди.

Ушбу вазнда битилган шеърлар «Шашмақом»нинг «Бузрук», «Рост», «Сегоҳ», «Ироқ» мақомларига мансуб «Талқинчаи рок», «Соқийномай савти сарвиноз», «Талқинчаи савти сабо», «Соқийномай мӯғулчаи сегоҳ», «Сегоҳ» таронаси, «Чанбари Ироқ», «Бозургоний», ўзинингдек, «Баёти Шеърозий II», «Сувора» куйларига мос бўлиб тушади.

Мисоллар:

Не балоли чарх экан ушбу дун манга ҳажрдан
ватан айлади,
Ватан ичра бор на тириклигим яна дардидин
кафан айлади.

(Увайсий)

Қаду оғзи ҳажрида дарду ғам етадур аламзада жонима,
Етур, эй сабо, бу хабарни ул қади сарву ғунча даҳонима.

(Оғаҳий)

Хирадимни горатин айлаган юзи ой-у соchlари ҳоладур,
Бу чаман аро на санавбару на суман билан гули лоладур

(Муқимиј)

Нахуш ўргилай караминг била қарасанг кулиб
назар айласанг,

Юрагингдаги фаразингни ҳам билайнин надур,
хабар айласанг.

(Ҳабибий)

M

Мавқуф мағъулоту аслининг «вақф» (тўхтатиш) зиҳофи билан ўзгартирилиши оқибатида ҳосил бўлган мағъулон (чизмаси: — — ~) тармоқ рукнининг номи. Ушбу руқн ўзбек шеъриятида қўлланмаган, унинг **тайй** зиҳофи билан яна бир бор ўзгартирилиши натижасида юзага келган ва **матвийи мавқуф** деб аталган фоilon (— v ~) тармоқ рукнидан мунсарих ва саріъ баҳрлари таркибида анча кенг фойдаланилган.

Мадид. Аруз тизимиға мансуб баҳрлардан бирининг номи бўлиб, «ҷўзиқ» деган маънони ифодалайди. Мадид баҳри **фоилотун** ҳамда **фоилун** аслларининг кетма-кет такрорланишига асосланади. Чунончи, мадиди мусаммани солим вазнининг рукнлари ва чизмаси бир мисрада

фоилотун фоилун фоилотун фоилун
— v — — — v — — v — — — v —

тарзидадир. Алишер Навоий «Мезонул авзон» асарида юқоридаги вазнга

Эй қадингдин сарвға минг хижолат ҳар нафас,
Сарв қаддингдин менинг кўнглума юз минг ҳавас

байтини мисол қилиб келтиради.

Бобур «Мухтасар» асарида мадид баҳри жами тўрт вазнни ўз ичига олиши; уларнинг барчаси мустаъмал бўлиб, иккитаси мустаъмали матбуъ эканини таъкидлаб, барча вазнларга Навоий шеърияти ва ўз асарларидан мисоллар келтиради.

Мадид баҳри араб шеъриятига маҳсус бўлиб, туркӣ адабиётларда қўлланмайди.

Мажзу. Аруз доираларида келтирилган саккиз руқнили (мусамман) солим вазннинг чорагига қисқартилиб, олти руқнили (мусаддас) солим ўлчовга айлантирилган ҳолатидир. «Ўл байтким, ҳар мисраъидин бир руқн андоқким, асл доирададур, кам қилмиш бўлғайлар, нечукким, баҳрики асл доирада мусаммандур, мусаддас бўлғай, мажзу дерлар», — деб ёзган эди Бобур «Мухтасар»да. Шу асарда «Мусаддасоти мажзуви солимул аркон» вазнига

Зихи руҳсоринг оллида қуёш тийра,
Күёштин йўқки андин эл қўзи хийра
мафоийлун мафоийлун мафоийлун

байтини мисол қилиб келтиради.

Макфуф мафоийлун ҳамда фоилотун аслларининг кафф («қайтармоқ») зиҳофига дуч келиши оқибатида ҳосил бўлган «мафоийлу» (чиzmаси: у — — v) ҳамда «фоилоту» (— v — v) тармоқ рукнларининг номи бўлиб, «қайтарилган» деган маънони ифодалайди.

Макшуф. Мафъулоту аслининг «кашф» («очиш») зиҳофига дуч келиши натижасида ҳосил бўлган мафъулун (чиzmаси: — — —) тармоқ рукнининг номи бўлиб, «очилган» деган маънони ифодалайди.

Матбуъ. «Ёқимли» деган маънони ифодаловчи арабча сўз бўлиб, вазнларга нисбатан қўлланади: аруз тизимиға мансуб вазнларнинг энг ёқимлилари шундай аталади. Чунончи, Бобур ўзининг «Мухтасар» асарида ҳар қайси баҳр вазнлари сони ва хусусиятлари ҳақида маълумот берар экан, уларни «мустаъмал» (яъни шеъриятда қўлланган), «мухтараъ» (яъни эндиғина ихтироъ қилинган, ҳали шоирлар ижодида қўлланмаган), «мустаъмали матбуъ» (яъни амалда қўлланган ёқимли вазн маъносида) ва муҳтараъи матбуъ (яъни қўлланмаган, лекин ёқимли) вазнларга ажратади. Жумладан, унинг фикрича, «Ҳазаж баҳри юз беш вазн бўлиб, 61 мустаъмал, 44 муҳтараъ, 19 вазн мустаъмали матбуъ, музориъ баҳрининг тўрт вазни «муҳтараъи матбуъ»дир.

Матвий. Мустафъилун аслининг «тайй» (йифиш) зиҳофи билан ўзгартирилиши оқибатида ҳосил бўлган «муфтаилун» (чизмаси: — v v —) тармоқ рукнининг номи бўлиб, «йифилган» деган маънони ифодалайди. (Қаранг: «Тайй», «Муфтаилун»).

Матвийи мавқуф. «Мафъулоту» аслининг «вақф» («тўхтатиш») ҳамда «тайй» (йифиш) зиҳофларига дуч келиши натижасида ҳосил бўлган «фоilon» (чизмаси: — v ~) тармоқ рукнининг номи бўлиб, «тўхтатилган ва йифилган» деган маънони ифодалайди.

Матвийи макшуф. «Мафъулоту» аслининг «кашф» («очиш») ҳамда «тайй» («йифиш») зиҳофларига дуч келиши оқибатида ҳосил бўлган «фоилун» (чизмаси: — v —) тармоқ рукнининг номи бўлиб «очилган ва йифилган» деган маънони ифодалайди.

Мафоийл мафоийлун аслининг «қаср» зиҳофиға дуч келиши натижасида ҳосил бўлган тармоқ руқн бўлиб, вазн чизмасида v — ~ тарзида ифодаланади ва мақсур деб юритилади. Мафоийл ҳазаж баҳрига мансуб ҳазажи мусаддаси **мақсур** ҳамда ҳазаж мусаддаси ахраби макфуфу мақсури мустаҳзод вазнлари таркибидағи охирги руқнлар (аруз ва зарб) ўрнида қўлланади. (Қаранг: «Ҳазаж баҳри вазнлари»).

Мафоийлон мафоийлун аслининг «тасбиф» зиҳофиға дуч келиши натижасида ҳосил бўлган тармоқ руқн бўлиб, вазн чизмасида v — — ~ тарзида ифодаланади ва мусаббағ деб аталади. Ушбу руқн ҳазажи баҳрига мансуб ҳазажи мусаммани мусаббағ вазни таркибидағи охирги руқнлар (аруз ва зарб) ўрнида қўлланади.

Мафоийлу мафоийлун аслининг «кафф» зиҳофиға дуч келиши натижасида ҳосил бўлган тармоқ руқн бўлиб, вазн чизмасида v — — v тарзида ифодаланади ва «макфуф» деб юритилади. Ушбу руқн ҳазаж баҳрига мансуб 16 вазн, жумладан 10 робой вазни таркибида 2—3-руқнлар (ҳашвлар) ўрнида қўлланади.

Мафоийлун (I) аруннинг асоси бўлган саккиз асл (афоийлу тафоийл)нинг бири бўлиб, вазндаги чизмаси v — — — тарзидадир. Ушбу аслининг айнан тақороридан ҳазаж баҳри, унинг бошқа асллар билан тақорорланишидан музориъ, тавил, қариб, мушокил баҳрлари ҳосил қилинади. Улардан ҳазаж ва музориъ шеъриятимизда кенг қўлланилиб, бошқаларидан фойдаланилмаган (улар араб шеъриятига маҳсус саналади)

Мафоийлун (II) мафоийлун аслининг солим кўриниши бўлиб, вазн чизмасида v — — — тарзида ифода-

ланади ва **солим** деб юритилади. Мафоийлун ҳазаж баҳрига мансуб 20 вазн, жумладан, 12 рубойй вазни таркибида 1—4-рукнлар (садр, ибтидоъ, ҳашвлар, аруз ва зарб) ўрнида қўлланади.

«МАФОИЙЛУН» АСЛИНИНГ ТАРМОҚЛАРИ

Мафоийлун асли ўн икки хил ўзгаришга дуч келади, натижада унинг шеъриятимизда фаол қўлланилган қуидаги 12 тармоғи (фуруъи) юзага келади:

№№	Ўзгариш номи	Ҳосил бўлган тармоқ руҳи	Унинг чизмаси	Аталиши	Қўлланиш ўрни
1.	Қабз	мафоийлун	v — v —	мақбуз	барча рукнларда
2.	Кафф	мафоийлу	v — — v	макфуф	ҳашвларда
3.	Харм	мафъулун	— — —	ахрам	садр, ибтидоъ, ҳашвларда
4.	Шатр	фоилун	— v —	аштар	— « —
5.	Харб	мафъулу	— — v	араб	— « —
6.	Тасбиг	мафоийлон	v — — ~	мусаббағ	аруз ва зарбда
7.	Қаср	мафоийл	v — ~	максур	— « —
8.	Ҳазф	фаулун	v — —	маҳзуф	— « —
9.	Жабб	фаал	v —	ажабб	— « —
10.	Хатм	фаул	v ~	ахтам	— « —
11.	Батр	фаъ	—	абтар	— « —
12.	Залал	фоъ	~	азалл	— « —

Мафоийлун асли ва унинг юқоридаги 12 тармоғи ҳазаж ва музориъ баҳрларига мансуб 35 вазн таркибида фаол қўлланиб келади.

Мафоилатун. Аруз тизимининг беш ҳижоли асосий (асл) рукнларидан бири бўлиб, чизмаси v — v v — тарзида, бинобарин, биринчан ватад (v —) билан кичик фосила (v v —)нинг биринчидан ташкил топган. Унинг такоридан **воғир** деб аталган баҳр тузилади. Мазкур баҳр араб шеъриятига маҳсус бўлиб, ўзбек адабиётида қўлланмайди (қаранг: «Воғир баҳри»).

Мафоilon. **Мустафъилун** аслининг «хабн» ва «изола» зиҳофларига дуч келиши натижасида ҳосил бўлган тармоқ руҳи бўлиб, шеър чизмасида v — v ~ тарзида ифодаланади ва **маҳбуни музол** номи билан юритилади. У ражази мусаммани матвийи маҳбуни музол (рукнлари: муфтаилун мафоилун муфтаилун мафоilon) вазни таркибида аруз ва зарб рукнлари ўрнидагина қўлланади. (Қаранг: «Ражаз баҳри вазнлари»).

Мафоилун (I) мафоийлун аслининг «қабз» зиҳофига дуч келиши оқибатида ҳосил бўлган тармоқ руҳи бўлиб, вазн чизмасида $v - v$ — тарзида ифодаланади ва **мақбуз** деб юритилади. Ушбу руҳи ҳазаж баҳрининг олти вазни, шу жумладан, тўрт рубоий вазни таркибида иккинчи руҳнлар (ҳашвлар) ўрнида қўлланади.

Мафоилун (II) мустафъилун аслининг «хабн» зиҳофига дуч келиши натижасида ҳосил бўлган тармоқ руҳи бўлиб, вазн чизмасида $v - v$ — тарзида ифодаланади ва **маҳбун** деб юритилади. Ушбу руҳи мустафъилун аслига асосланувчи ражаз, хафиғ, мужтасс баҳрларининг 10 вазни таркибида 1—4-руҳнлар (садр, ибтидоъ, ҳашвлар, аruz ва зарб) ўрнида қўлланади.

Мафъулоту аruz тизимининг асоси бўлган саккиз аслининг бири бўлиб, вазн чизмасида $— — v$ тарзида ифодаланади. Унинг айнан такоридан баҳр ҳосил бўлмайди, мустафъилун асли билан қўшилиб такоррланиши асосида эса мунсариҳ, муқтазаб ва сариъ баҳрлари юзага келади. Улардан мунсариҳ ва сариъ баҳрлари шеъриятимизда анча кенг қўлланган бўлиб, муқтазаб баҳридан фойдаланилмаган.

МАФЪУЛОТУ АСЛИНИНГ ТАРМОҚЛАРИ

Мафъулоту аслининг тўққиз хил ўзгаришга дуч келиши натижасида унинг жами 15 тармоғи ҳосил бўлади. Уларнинг қуйидаги иккитасидангина шеъриятимизда фойдаланилган:

№ №	Ўзгариш номи	Ҳосил бўл- ган тармоқ руҳи	Унинг чизмаси	Аталиши	Қўлланиш ўрни
1.	Тайӣ, кашиф	фоилун	$- v -$	матвийи макшуф	аруз ва зарбда
2.	Тайӣ, вақф	фоилон	$— v ~$	матвийи мавқуф	$— » —$

Ушбу икки тармоқ руҳи мунсариҳ ва сариъ баҳрларининг 4 вазнида фаол қўлланган.

Мафъулу мафоийлун аслининг «харб» деб аталган зиҳофига дуч келиши натижасида ҳосил қилинган тармоқ руҳи бўлиб **ахраб** деб аталади ва шеър чизмасида $— — v$ тарзида ифодаланади. Мафъулу руҳни ҳазаж ва музориъ баҳрига мансуб мусамман вазнларда, шу

жумладан ахраб шажарасига мансуб 12 рубойй вазни таркибида асосан биринчи (садр ва ибтидода), баъзан эса учинчи рукнлар (кейинги ҳашвлар) ўрнида қўлланади.

Мафъулун (I) мафоийлун аслининг **харм** деб аталган зиҳофга дуч келиши натижасида ҳосил бўлган тармоқ рукн бўлиб **ахрам** деб аталади ва шеър чизмасида — — — шаклида ифодаланади. Мафъулун (ахрам) рукни ҳазаж баҳридаги «ахрам шажараси» деб аталган 12 рубойй вазнлари таркибида асосан биринчи (садр ва ибтидой), баъзан 1—3-рукнлар (садр, ибтидой, ҳашвлар) ўрнида қўлланади.

Мафъулун (II) фоилотун аслининг «ташъис» зиҳофига дуч келиши натижасида ҳосил бўлган тармоқ рукн; чизмаси — — — тарзида бўлиб, «мушаъас» деб аталади. У шеъриятимизда жуда кам (фақат Муҳаммад Солиҳнинг «Шайбонийнома» достонидагина) қўлланган рамали мусаддаси мушаъаси маҳбуни маҳзуф, рамали мусаддаси мушаъаси маҳбуни мақсур, рамали мусаддаси мушаъаси мақтуъ вазнлари таркибида ҳашвлар ўрнида қўлланган.

Махбун. Фоилун, фоилотун ва мустафъилун аслларининг «хабн» («этакни йиғиш ва қисқартириш учун тикиш») зиҳофига дуч келиши натижасида ҳосил бўлган файлун (*v v —*), фоилотун (*v v — —*) ва **мафоилун** (*v — v —*) тармоқ рукнларининг номи бўлиб «этаги йигилган» маъносини ифодалайди. Файлун рукни мутадорик, фоилатун рукни рамал, хафиф, мужтасс, мафоилун рукни ражаз, хафиф ва мужтасс баҳрларининг қатор вазнлари таркибида иштирок этади.

Махбуни мақсур. Фоилотун аслининг «хабн» ва «қаср» зиҳофларига дуч келиши натижасида ҳосил бўлган **файлон** (чизмаси: *v v ~*) тармоқ рукнининг номи. Ушбу рукн рамал, хафиф ва мужтасс баҳрларининг қатор вазнлари таркибида иштирок этади.

Махбуни маҳзуф. Фоилотун аслининг «хабн» ва «ҳазф» зиҳофларига дуч келиши оқибатида юзага келган «файлун» тармоқ рукнининг номи бўлиб, у, рамал, хафиф ва мужтасс баҳрларига мансуб қатор вазнлар таркибида охирги, аруз ва зарб рукнлари ўрнида қўлланади.

Махбуни музол. Мустафъилун аслининг «хабн» ва «изола» зиҳофларига дуч келиши натижасида ҳосил бўлган **«мафоilon»** (чизмаси: *v — v ~*) тармоқ рукни номи бўлиб, ҳазажи мусаммани матвийи махбуни му-

зол вазнининг охирги, аруз ва зарб рукни ўрнида қўлланади.

Машкул. Фоилотун аслининг «шакл» («тушовлаш» зиҳофига дуч келиши оқибатида ҳосил бўлган «фаилоту» (чизмаси: v v — v) тармоқ рукни номи. Ушбу рукни фақат рамали мусаммани машкул вазнида садр, ибтидо, кейинги ҳашвлар ўрнида қўлланади).

Маштур. Аруз доираларида келтирилган вазнинг ярмига камайтирилган ўлчов, бошқача қилиб айтилганда, доирада келтирилган саккиз рукнли (мусамман) солим вазни ярмига қисқартириб, тўрт рукнли (мураббаъ) солим вазн ҳолига келтирилган ҳолати. «Ул байтким аркони аслийсидин нисф кам қилмиш бўлгайлар, маштур дерлар», — деб ёзади Бобур «Мухтасар» асарида. Ушбу асарда мураббаъ рукнли вазнлар шу ном билан келтирилади. Чунончи, ҳазаж баҳри вазнларига тўхталар экан, муаллиф «мураббаъоти маштури солим» вазнига

Қадинг сарви хиромондур,
Юзунг хуршиди тобондур.
Мафоийлун мафоийлун

байтини, рамал баҳрининг «мураббаъоти маштури солимул аркон» вазнига

Эй пари ҳажрингда ўлдум,
Келки сенсиз телба бўлдум
Фоилотун фоилотун

байтини мисол қилиб келтиради.

Мақбуз. Фаулун ва **мафоийлун** аслларининг «Қабз» («ушлаш») зиҳофига дуч келиши натижасида ҳосил бўлган **фаулу** (чизмаси: v — v) ва мафоилун (чизмаси: v — v ~) тармоқ рукнлари номи бўлиб, «ушланган» деган маънони ифодалайди. Улар мутақориб ва ҳазаж баҳрларининг қатор вазнлари таркибида иштирок этади.

Мақсур. Фаулун, мафоийлун ва фоилотун аслларининг «қаср» («қисқа қилиш») зиҳофига дуч келиши оқибатида юзага келган фаул (чизмаси: v ~), **мафоийл** (чизмаси: v — ~), фоilon (чизмаси: — v ~) тармоқ рукнларининг номи бўлиб, «қисқа қилинган» деган маънони ифодалайди. Ушбу рукнлар мутақориб, ҳазаж, рамал баҳрлари таркибида иштирок этади.

Мақтуъ. Фоилотун аслининг «қатъ» («кесиш») зиҳофига дуч келиши натижасида ҳосил бўлган «фаъ-

лун» (чизмаси: — —) тармоқ рукни бўлиб, «кесиб олинган» деган маънони ифодалайди. Ушбу рукн рамал, хафиф, мужтасс баҳри вазнлари таркибида иштирок этади.

Мақтуғи мусаббағ. Фоилотун аслининг «қатъ» («кесиши») ва «тасбиф» («тўлдириши») зиҳофларига дуч келиши натижасида ҳосил бўлган «фаълон» (чизмаси: — ~) тармоқ рукни номи бўлиб, «кесиб олинган ва тўлдирилган» деган маънони ифодалайди. Ушбу рукн рамал, хафиф ва мужтасс баҳрлари таркибида фаол иштирок этади.

Маҳзуф. Фаулун, мафоийлун ва фоилотун аслларининг «ҳазф» («ташлаш») зиҳоfiga дуч келиши натижасида ҳосил бўлган **фаал** (чизмаси: v —). **фаулун** (чизмаси: v — —) ва **фоилун** (чизмаси: — v —) тармоқ рукнлари номи бўлиб, «охири ташланган» деган маънони ифодалайди. Бу рукнлар мутақориб, ҳазаж, рамал баҳрлари таркибида фаол иштирок этади.

Мужтасс¹ баҳри арузнинг шеъриятимизда кенг қўлланилган турларидан бўлиб, унинг асосини мустафъилун ва фоилотун аслларининг кетма-кет такро-ри ташкил қиласди. Бинобарин, ушбу баҳрнинг мусаммани солим вазни рукнлари ва чизмаси бир мисрада

мустафъилун фоилотун мустафъилун фоилотун
— — v — — v — — — — v — — v — —

тарзидадир.

Алишер Навоий «Мезонул авзон» асарида мужтасс баҳрига тўхталар экан, унинг тўққиз вазнини санаб, ҳар бирига мисоллар қелтиради. Бобур эса «Мухтасар»да «мужтасс баҳри йигирма вазн, ўн бир мустаъмал, тўққиз мухтараъ, олти мустаъмали матбу»² дея таъкидлайди ва барча вазнларга мисоллар қелтиради.

Шеъриятимизда мужтасс баҳрининг 5 вазнидан фойдаланилган. Мазкур ўлчовларнинг ўзбек адабиётида XIV асрдан бошлаб ўрин олганлигини таъкидлаш мумкин. Зоро, Атоий, Саккокий, Гадоий, Лутфий каби шоирлар ижодида мужтасс баҳрининг 2—3 вазни асосида ёзилган ғазаллар учрайди. Алишер Навоий ушбу баҳр имкониятларини атрофлича ўргангани ҳол-

¹ «Мужтасс» арабча сўз бўлиб, «юлиниш» деган маънони ифодалайди.

² Бобур. Мухтасар, 181-бет.

да унинг беш ўлчовидан кенг фойдаланди. «Хазойинул маоний»даги 3132 шеърдан 348 тасининг (11 фоиз) шу баҳр вазнларида битилганлигининг ўзиёқ бундан далолат бериб турибди.

Мазкур баҳрдан Навоийдан сўнгги ўзбек шеъриятида ҳам кенг фойдаланилди. Хусусан, Мунис, Оғаҳий, Нодира каби шоирлар ижодида ушбу баҳрниң тўрт вазнига кенг мурожаат қилинди.

Ўзбек арузидағи мужтасс бахри вазнлари мустафъилун ва фоилотун аслларининг қуйидаги тармоқ рукнлари такрорига асосланади.

№ №	Тармоқ руки	Қайси аслдан ҳосил бўлган	Тармоқ руки чизмаси	Аталиши	Қўлланиш ўрни
1.	Мафоилун	мустафъи лундан	v —v —	маҳбун	1,3 рукнларда (садр, ибтидо, кейинги ҳашвада)
2.	Фаилотун	фоилотундан	v v — —	маҳбун	2,4-рукнларда (олдинги ҳашв, аruz ва зарбда)
3.	Файлун	— « —	v v —	маҳбуни	4-рукида (аруз ва зарбда)
4.	Фаилон	— « —	v v ~	маҳзуф маҳбуни	— « —
5.	Фаълун	— « —	— —	мақсур	— « —
6.	Фаълон	— « —	— ~	мақтуъи мусаббағ	— « —

Юқоридаги тармоқ рукнлардан **файлун**, **фаилон**, **фаълун**, **фаълонлар** бир шеърий асарнинг охирги, аruz ва зарб рукнлари ўрнида алмашиниб қўлланаверади, натижада 2—4 вазни асарлар вужудга келади.

Мужтасс баҳрига хос муҳим хусусиятлардан бири кўп вазнлиликdir. Яъни ушбу баҳрга мансуб бўлган ва шеъриятимизда кенг қўлланган тўрт вазн ўзаро яқин бўлиб, улар бир шеърнинг ўзида биргаликда қўлланаверади. Натижада шоирнинг хилма-хил оҳангларни алмаштириб бориш воситасида шеър ўйноқилиги, жозибасини кучайтиришига имконият яратилади.

Мужтасс баҳри вазнларида битилган ғазаллар «Шашмақом»нинг «Ироқ», «Сарабори Ироқ» куйлари, шунингдек «Баёти Шеърозий» ва бошқа кўплаб халқ куйлари билан ижро этилган.

Мужтасси мусаммани маҳбун шеъриятимизда унча кенг қўлланмаган вазнлардан ҳисобланади. Унинг руқнлари ва чизмаси ҳар мисрада

мафоилун файлутун мафоилун файлутун
v — v — v v — — v — v — v v — —

тарзидадир. Бинобарин, унинг таркиби **мустафъилун аслининг маҳбун тармоғи** — **мафоилун** рукни ҳамда **файлутун** аслининг **маҳбун тармоғи** — **файлутун** рукнлари такрорига асосланади.

Мазкур ўлчов Алишер Навоийгача бўлган шеъриятимизда кам қўлланган. Унинг асосида ёзилган шеърларни Навоий ижодида кўпроқ учратамиз. Шоирнинг «Хазойинул маоний»дан ўрин олган 10 газали ушбу ўлчовга мувофиқ ёзилган.

Мисоллар:

Кўзунг хаёлида йўқтур балодин ўзга мусоҳиб,
Висолинг орзусида ҳам дуодин ўзга мусоҳиб.

(*Атойй*)

Қадинг ниҳолики боғи ҳаёт тарфини тутмиш,
Магарки Хизру Масиҳо суву ҳавосида бутмиш.

(*Навоий*)

Паривашим қаро бўркинки бирён эгри қилибтур,
Магарки шамъи жамоли фатиласи эгилибтур.

(*Навоий*)

Яна бало чоқинин ишқ телба жонима урди,
Фано қуюни етибон кулумни кўкка совурди.

(*Навоий*)

Мужтасси мусаммани маҳбуни маҳзуф шеъриятимизда кенг қўлланган ўлчовлардан бири бўлиб, рукнлари ва чизмаси бир мисрада

Мафоилун файлутун мафоилун файлун
v — v — v v — — v — v — v v —

тарзидадир. Унинг таркибида **мустафъилун** аслининг **маҳбун тармоғи** **мафоилун** (биринчи ва учинчи рукнларда), **файлутун** аслининг **маҳбун тармоғи** **файлутун** (иккинчи рукнда) ҳамда шу аслининг **маҳбуни маҳзуф тармоғи** — **файлун** (охирги рукнда) иштирок этади.

Мазкур вазн ўзбек шеъриятида XIV асрдан қўл-ланга бошлаган, деб айтиш мумкин. Чунки Атоий, Гадоий, Саккокий, Лутфийлар ижодида шу ўлчов асосида ёзилган бир қатор ғазалларни кўриш мумкин. Ушбу вазндан Навоий лирикасида ҳам кенг фойдаланилган. Шоирнинг жами 98 шеъри, жумладан, 81 ғазали шу ўлчов асосида яратилганлиги аниқланган.

Мужтасси мусаммани маҳбуни маҳзуф вазни XVI—XIX асрлар шеъриятида ҳам кенг қўлланган. Жумладан, Мунис, Нодира, Машраб, Огаҳий каби шоирлар ижодида яратилган кўпгина шеърлар шу вазн асосидадир.

Мисоллар:

Ўтарда кўз учидинким бирор назора қилур,
Хирад чиқар йўлидин, ақлу ҳуш канора қилур.

(Атоий)

Агар қошимда ўшал гулузор бўлса эди,
Ғаме йўқ эди, ғамим гар ҳазор бўлса эди.

(Саккокий)

Нечаки жавр қилурсан, вафодин ортуқ эрур,
Карамки ўзгага қилсанг, жафодин ортиқ эрур.

(Лутфий)

Юзунгни рашки гulu аргувон демай, не дейин?
Қадинг ниҳолини сарви равон демай не дейин?

(Гадоий)

Етишса ишқ аро юз меҳнату бало қадаҳ ич,
Нафас-нафас қуюбон май тўла-тўла қадаҳ ич.

(Навоий)

Нигори гулбаданимни тушумда кўрсам эдим,
Лаби шакаршиқанимни тушумда кўрсам эдим.

(Нодира)

Зиҳи ситамки менга мунча, дилрабо, қиласиз,
Билиб туриб куяримни яна жафо қиласиз.

(Фурқат)

Мұжтасси мусаммани махбуни мақсур вазни шеъриятимизда анча кенг құлланған ўлчовлардан бўлиб, рукилари ва чизмаси бир мисрада

мафоилун фаилотун мафоилун фаилон
v — v — v v — — v — v — v v ~

тарзидадир. Бинобарин, унинг таркибини **мустафъи-лун** аслининг **махбун** тармоғи **мафоилун** (биринчи ва учинчи рукиларда), **фаилотун** аслининг **махбун** тармоғи — **фаилотун** (иккинчи рукинда) ҳамда шу аслнинг **махбуни мақсур** тармоғи — **фаилон** ташкил этади. Бу ўлчов юқоридаги **мұжтасси мусаммани махбуни маҳзузф** вазнидан охирги ҳижонинг ўта чўзиқлиги билан гина фарқланади, шунга кўра у билан биргаликда қўллана олади.

Мазкур вазн Атоий, Саккокий, Гадоий, Лутфий ижодида ҳам фойдаланилган. Алишер Навоийнинг жами 41 шеъри, жумладан, 34 ғазали, 4 қитъаси ва З муаммоси шу ўлчов асосида яратилган эди. Оғаҳий, Нодира каби шоирлар ижодида ҳам шу вазнда битилган газаллар учраб туради.

Мисоллар:

Яна бағишлагудектур манга ҳәёти мудом,
Ҳири шамоли насимина сад сабоҳу салом.

(*Гадоий*)

Начукки дард қироги аёғинг остида дол,
Узор нуқтаси янглиғ узоринг устида хол.

(*Навоий*)

Бошим ҷу гарду кўзум кўр сенсиз ўлмади бот,
Қошингда бош кўтариб кўз очарга қўймас ўёт.

(*Навоий*)

Риёу хирсу тамаъ савтидур таронаи шайх,
Эшиitmаким, ҳама афсун эрур фасонаи шайх.

(*Нодира*)

Мұжтасси мусаммани махбуни мақтуъ шеъриятимизда анча кенг қўлланиб келингандан вазнлардан бўлиб, рукилари ва чизмаси бир мисрада

мафоилун фаилотун мафоилун фаълун
v — v — v v — — v — v — — —

тарзидадир. Яъни унинг таркибини **мустафъилуи аслининг маҳбун** тармоғи **мағоилун** (биринчи, учинчи руқнларда), **фоилотун** аслининг **маҳбун** тармоғи **фаилотун** (иккинчи руқнларда) ҳамда шу аслнинг **мақтұь** тармоғи **фаълун** (охирги руқнларда) ташкил қиласы.

Үз таркибига күра ёқимли, куйга мос тушадиган жозибали оҳанга эга бўлган ушбу ўлчов шоирларимиз ижодидан кенг ўрин олган. Атоий, Саккокий, Гадоий, Лутфийлар ижодида фойдаланилган мазкур ўлчов унинг XIV асрда шеъриятимизга кириб келганидан далолат беради. Алишер Навоий ушбу вазнининг оҳанг имкониятларини ҳисобга олган ҳолда ўзининг жами 142 шеърини, жумладан, 119 ғазали, 16 қитъаси, 5 фарди ва 2 чистонини унинг асосида яратган эди. Мужтасси мусаммани маҳбуни мақтұь вазни кейинги давр шеъриятида ҳам шоирларимизнинг севимли ўлчовларидан бўлиб қолди.

Мисоллар:

Сени мен онгладим, бевафо эмиштуксен,
Кўнгулга офату жонга бало эмиштуксен.

(Атоий)

Унутти бир йўли ул ёри бевафо бизни,
Фироқи дарди била қилди мубтало бизни.

(Атоий)

Ол алга оина, юз кўр бу расму ойинда,
Тароватиму кўрунгай пари чиройинда.

(Саккокий)

Кўзунг карашма била бир боқиб бало қилди,
Лабинг табассум этиб, жонни мубтало қилди.

(Лутфий)

Қаро қўзум, келу мардумлиғ эмди фан қилғил,
Кўзум қаросида мардум киби ватан қилғил.

(Навоий)

Бинафшазорни сайр айларам баҳор ичра,
Не судким ани кўрмон бинафшазор ичра.

(Мунис)

Менинг жунунима Мажнунни бермангиз нисбат,
Қиулурму хору хашак тоби шуълаи ғайрат.

(Нодира)

Азизим, арзим эшит, лайливаш нигоримсан,
Муҳаббат аҳли учун марҳамат шиоримсан.

(Ҳабибий)

Мужтасси мусаммани маҳбуни мақтуъи мусаббағ
шеъриятимизда унча кўп қўлланмаган вазнлардан
ҳисобланади. Унинг рукнлари ва чизмаси бир мис-
рада

мафоилун фаилотун мафоилун фаълон
v — v — v v — — v — v — — ~

тарзидадир. Кўринадики, бу вазнда ёзилган шеър мисраларининг биринчи ва учинчи рукнлари **мустағъилун** аслининг **маҳбун** тармоғи **мафоилунга**, иккинчи рукнлари **фаилотун** аслининг **маҳбун** тармоғи **фаилотунга**, охирги рукнлари эса шу аслнинг **мақтуъи мусаббағ** тармоғи **фаълонга** тенг бўлади.

Ушбу ўлчов олдинги вазндан охирги ҳижонинг ўта чўзиқдиги билангина ажралиб турибди, шунга кўра у билан бир шеърда қўлланавериши мумкин.

Мазкур вазн шеъриятимизга дастлаб Алишер Навоий томонидан киритилган дейиш мумкин. Чунки унгача бўлган шеъриятда ушбу ўлчов учрамайди. Алишер Навоий «Хазойинул маоний»даги 50 фазали ва 6 қитъасини шу ўлчов асосида яратган эди. Кейинги асрларда ушбу ўлчов бошқа шоирлар томонидан ҳам қўлланди.

Мисоллар:

Фамингда бузди кўнгул хонумонини ҳижрон,
Тараҳҳум айламадинг хонумонинг ободон.

(Навоий)

Бошига май чиқибон бўлди ул ситамгар маст,
Йўқ аҳли ҳусн аро бир уйла қотили сармаст.

(Навоий)

Ҳануз васлинг аро ком топмайин даврон,
Ичурди кўнглума хунобаи ғами ҳижрон.

(Мунис)

Қиё-қиё боқишинг банда қилди, эй дилдор,
Табассум айлаганинг олди сабр бирла қарор.

(Фурқат)

Музол — **мустафъилун** аслининг «изола» («этак қўйиш») зиҳоfiga дуч келишидан ҳосил бўлган **мустафъилон** (чизмаси:— — v ~) тармоқ рукнининг номи бўлиб, «этаги узайтирилган» деган маънони ифодалайди. Бу рукн **ражази мусаммани музол** вазни таркибida иштирок этади.

Музориъ¹ баҳри шеъриятимизда кенг қўлланган ўлчов турларидан бўлиб, унинг асосини мафоийлун ва фоилотун аслларининг алмашиниб такрорланиши ташкил қиласи. Адабиётимизда унинг фақат саккиз руқнили вазнларидан фойдаланилган. Музориъ мусаммани солим ўлчовининг рукнлари ва чизмаси бир мисрада

мафоийлун фоилотун мафоийлун фоилотун
v — — — — v — — v — — — — v — —;

тарзи дадир.

Алишер Навоий «Мезонул авzon» асарида музориъ баҳрининг 12 вазни ҳақида маълумот бериб, уларнинг ҳар бирига мисоллар келтиради. Бобур ўзининг «Мұхтасар» асарида «Музориъ баҳри йигирма тўрт вазн: ўн тўқиз мустаъмал, беш муҳтараъ, етти вазн мустаъмали матбуъ», — деб таъкидлаб, шу 24 вазннинг ҳар қайсисига мисоллар келтиради. Шеъриятимизда музориъ баҳрининг тўрт ўлчовидан кенг фойдаланилган бўлиб, булар музориъ мусаммани ахраб, музориъ мусаммани ахраби мусаббағ, музориъ мусаммани ахраби макфуфи маҳзуф ва музориъ мусаммани ахраби макфуфи мақсур вазнларидир. Ушбу тўртала вазн ҳам ёқимли оҳанги, мумтоз мусиқага мослиги билан ажралиб туради.

Музориъ баҳри вазнлари шеъриятимизда XIV аср бошлариданоқ қўллана бошлагани маълум. Чунончи, «Қисаси Рабғўзий»да музориъ баҳрининг тўрт руқнили ва саккиз руқнили ўлчовларидан фойдаланилган. Атоий, Саккокий, Гадоий, Лутфийлар ҳам мазкур баҳрининг ёқимли ўлчовларини анча кенг қўллаган эдилар. Музориъ баҳри Алишер Навоийга мақбул бўлган ўлчовлар

¹ «Музориъ» арабча сўз бўлиб, «ўхшаш» маъносини ифодалайди.

дан саналади. Унинг «Хазойинул маоний»сидаги жами 105 шеърнинг, жумладан, 81 газали, 11 қитъаси, 6 муаммоси ва 7 фардининг ушбу ўлчов турларида битилганлиги фикримизга далил бўла олади.

Музориъ баҳри XVI—XIX асрларда ҳам шоирларимизнинг севимли ўлчовларидан бири бўлиб хизмат қилди.

Музориъ баҳри вазнларида ёзилган шеърлар «Шашмақом»нинг «Сарахбори бузрук», «Талқинчай Ироқ», «Сарахбори рост», «Сарахбори наво», «Сарахбори сегоҳ» каби 11 куи, шунингдек, «Гиря», «Дугоҳ Ҳусайн» каби қўплаб куйларга мос тушади.

Музориъ баҳрининг ўзбек адабиётида фойдаланилган вазнлари мафоийлун ва фоилотун аслларининг қўйидаги тармоқ рукнлари такорига асосланади.

№ №	Асл ва тармоқ рукнлар	Қайси аслдан	Руки чизмаси	Аталиши	Қўлланиш ўрни
1.	Мафъулу	мафоийлун	— — v	аҳраб	1,3 рукнларда (садр, ибтидо, кейнинг ҳашвда)
2.	Мафоийлу	— « —	v — —v	макфуф	3-рукнда (кеининг ҳашвда)
3.	Фоилотун	фоилотун	— v — —	солим	2,4-рукнларда (олдинги ҳашв, аруз ва зарбда)
4.	Фоилоту	— « —	— v — v	макфуф	2-рукнда (олдинги ҳашвда)
5.	Фоилийён	— « —	— v — ~	мусаббаг	охирги рукнда (аруз ва зарбда)
6.	Фоилун	— « —	— v —	маҳзуф	— « —
7.	Фоilon	— « —	— v ~	мақсур	— « —

МУЗОРИЪ БАҲРИ ВАЗНЛАРИ

Музориъи мураббаи аҳраб шеъриятимизда жуда кам қўлланган ўлчов бўлиб, рукнлари ва чизмаси бир мисрада

мафъулу фоилотун
— — v — v — —

тарзидадир. Халқ ўланларига яқин турувчи ўлчов фақат Рабғўзий асаридағина қўлланган бўлиб, унинг ягона намунаси Юсуф қиссаси ичидаги келтирилган

Кўз кўргани жамол ул,
Севмак ани ҳалол ул,
Андоғ жамол кўрубон
Ким севмаса вабол ул¹.

тўртлигидир.

Музориъи мусаммани ахраб шоирларимиз диққатини ўзига жалб этган вазнлардан бўлиб, рукнлари ва чизмаси бир мисрада

Мафъулу фоилотун мафъулу фоилотун
— — v — v — — v — v — —

тарзидадир. Кўриниб турганидек, ушбу ўлчов **ма-фоийлун** аслининг **ахраб** тармоғи — мафъулу рукни билан **фоилотун** аслининг солим ҳолида келиб кетмакет такрорланишига асосланади. 10 та чўзиқ ва тўртта қисқа ҳижонинг шу мутаносиблиқдаги такорори фоятда ёқимли ва мусиқий оҳангни ҳосил қиласди, шу туфайли уни мумтоз мусиқа куйларига солиб ижро этиш қулай.

Музориъи мусаммани ахраб вазни дастлаб «Қисаси Рабғузий»да учрайди. Асаддаги Юсуф қиссасида шоирнинг

Эрнинг балоси икки олам балоси — қуртқа,
Куртқа қарив улурса, солғил этини қуртқа

матлали кичик газали келтирилган эди.

Шеъриятимизда ушбу вазнда ёзилган дастлабки газаллар Лутфий ва Ҳофиз Хоразмийлар ижодида учрайди, Атоий, Гадоий, Саккокийлар ушбу ўлчовга мурожаат қилишмаган кўринади. Навоийнинг 5 газали ва бир фарди шу ўлчовда ёзилган.

Музориъи мусаммани ахраб вазни XV—XIX асрлар шеъриятида ҳам севимли ўлчовлардан бўлиб хизмат қилди. Ушбу вазндан ҳозирги замон шеъриятида, хусусан, Ҳабибий, Эркин Воҳидов каби ижодкорлар кенг фойдаланганлар.

Мисоллар:

Бўлди баҳору сенсиз йўқтур чаманда нури,
Фирдавс бўлди гулшан йўқтур дариф хури.

(Лутфий)

¹ «Қисаси Рабғузий». Тошкент, «Ёзувчи», 1990, 1-жилд, 119-бет.

Кулбамга баски гардун гам тоши ёғдурубдур,
Сабрим уйидек ул ҳам емрулғали турубтур.

(Навоий)

Хаттинг аро узоринг сабза ичида лола,
Ул чашми пурхуморинг лоладаги газола.

(Бобур)

Ошиқки ёрсиздур, валлоқки, жони йўқтур,
Тўтий эрур, валекин шаккарситони йўқтур.

(Ҳ. Ҳоразмий)

Кулбам сари, нигоро, келгил шитоб айлаб,
Гулдек узоринг узра хўйдин гулоб айлаб.

(Оғаҳий)

Ҳуру пари юзидин рухсорингиз чиройлик,
Жаннат гулидин, эй гул, гулзорингиз чиройлик.

(Фурқат)

Эй маҳваши замоним, эй ёр, хуш келибсиз,
Биздек гарибни йўқлаб, дилдор хуш келибсиз.

(Ҳамза)

Устозим, эй Навоий, баҳти бақо муборак,
Беш юз йил охирида қўрдунг вафо, муборак.

(Ҳабибий)

Барг остидан мулоийим боқсан иболи гунча,
Не сирни сақлагайсан, бағринг нечун тутунча?

(Э. Воҳидов)

Музориъи мусаммани ахраби мусаббаг шеърияти-
мизда унча кенг қўлланмаган вазнлардан саналади.
Унинг руқнлари ва чизмаси бир мисрада

Мафъулу фоилотун мафъулу фоилийён
— — v — v — — — — v — v — ~

тарзида бўлиб, асосини **мафоийлун** аслининг **ахраб** тармоги — **мафъулу** (биринчи ва учинчи руқнларда), **фоилотун** аслининг **солим** (иккинчи руқнларда) ва **му-
саббаг** тармоғи — **фоилийён** ташкил этади. Ушбу ўл-
чов аввалги, музориъи мусаммани ахраб вазнидан
охирги ҳижосининг ўта чўзиқлиги билангина фарқла-
нади, бинобарин, ҳар икки ўлчов бир шеърда қўлла-
ниши мумкин.

Мазкур вазнни туркий шеъриятда илк бор Алишер Навоий қўллаган, деб айтиш мумкин. Унгача бу ўлчов ўзбек шоирлари, хусусан, Атоий, Саккокий, Гадоий, Ҳофиз Хоразмий ва Лутфийлар ижодида учрамайди.

Мисоллар:

Рухсори жонибинда ул холи анбар олуд,
Ўт гўшасида гўё анбар тушуб қилур дуд.

(Навоий)

Музориъи мусаммани ахраби макфуфи маҳзуф шеъриятимизда кенг қўлланған вазнлардан бўлиб, руқнлари ва чизмаси бир мисрада

Мафъулу фоилоту мафоййлу фоилун
— — v — v — v v — — v — v —

тарзидадир. Унинг асосини **мафоййлун** аслининг **ахраб** тармоғи мафъулу (биринчи руқнда) ва **макфуф** тармоғи **мафоййлу** (учинчи руқнда), **фоилотун** аслининг **макфуф** тармоғи **фоилоту** (иккинчи руқнда) ҳамда шу аслнинг **маҳзуф** тармоғи **фоилунлар** (охирги руқнда) ташкил этади.

Қисқа ва чўзиқ ҳижоларнинг шу хил алманиниб тақрорланиши мумтоз мусиқа, хусусан, «Шашмақом» куйлари: «Сегоҳ», «Чоргоҳ» кабилар учун қулай оҳанг яратади. Шу туфайли шоирларимиз XIV асрдан XX аср бошларига қадар ушбу ўлчовда жуда кўп ғазаллар ёзганлар. Атоий ўзининг 13 ғазалини, Саккокий 6 ғазалини, Ҳофиз Хоразмий 115 ғазалини, Гадоий 12, Лутфий 44 ғазалини, Алишер Навоий 42 ғазалини, Оғайдий 15 ғазалини шу ўлчовда яратган эдилар.

Мисоллар:

Мушкин хатики, чаимаи ҳайвон наботидур,
Парвона жон ангаки тириклик баротидур.

(Атоий)

Эй меҳру моҳ юзунга жон бирла муштари,
Девона бўлди юзунга савдо билан пари.

(Саккокий)

Сарвақтимизга бир гузар эттинг, ажаб-ажаб,
Ногаҳ кўз учидин назар эттинг, ажаб-ажаб.

(Гадоий)

Эй щаккарингда мўъжизи Исо қаринаси,
Юсуф жамоли васфу сифотинг каминаси.

(Лутфий)

Кўнглум ҳарими ичра қилур жилва ул пари,
Андоқки, каъба ичра ҳарамнинг кабутари.

(Навоий)

Келтурса юз балони ўшул бевафо манга,
Келсун агар юзумни эвурсам бало манга.

(Бобур)

Билмон бу оқшом ул маҳи худком қайдадур,
Бегоналар била қадаҳ ошом қайдадур.

(Оғаҳий)

Мулку жаҳоним, эй шаҳи даврон тасаддуқинг,
Мулки жаҳон на бўлғусидур, жон тасаддуқинг.

(Нодира)

Излаб висолинг эй маҳи тобон қачонгача,
Тортай фироқ кечаси афғон қачонгача?

(Фурқат)

Токай юрай йўлингда кўзум ёшин оқтуруб,
Тиндур ёшим кўзумни жамолингға боқтуруб.

(Комил Хоразмий)

Музориъи мусаммани ахраби макфуфи мақсур ҳам
шеъриятимиздаги ёқимли ва севимли ўлчовлардан бў-
либ, руқнлари ва чизмаси ҳар мисрада

Мафъулу фоилоту мафоийлу фоилон
— — v — v — v v — — v — v ~

тарзидадир. Ўз тузилишига қўра ушбу вазн юқоридаги музориъи мусаммани ахраби макфуфи маҳзуф ўлчовидан охирги ҳижонинг ўта чўзиқлиги билангина фарқ қиласди. Таркиби эса **мафоийлу** аслининг **ахраб** тармоғи **мафъулу** (биринчи руқнда) ва **макфуф** тармоғи **мафоийлу** (учинчи руқнда), **фоилотун** аслининг **макфуф** тармоғи **фоилоту** (иккинчи руқнда), **фоилон** охирги, тўртинчи руқнда) лардан ташкил топади.

Ёқимли оҳангга эга бўлган ва шарқ куйларига мос бўлиб тушадиган ушбу ўлчов Атоий, Ҳофиз Хораз-

мий, Гадоий, Лутфий ижодида қўлланган эди. Алишер Навоий 16 фазали ва бир қитъасини шу ўлчовда битди. Мазкур вазндан XVI—XIX аср шоирлари Мунис, Огаҳий, Мужрим Обид каби ижодкорлар ҳам фойдаланганлар. Кекса шоир Ҳабибий ўз қаламини ушбу ўлчовда ҳам синааб кўрган.

Мисоллар:

Наргис кўзунгки, қошида боғу баҳори бор,
Жону кўнгулни олса муноқ ихтиёри бор.

(Атоий)

Васли нигору, фасли баҳору шароби ноб,
Ҳар кимга даст берса зиҳи баҳти комёб.

(Гадоий)

Эй юзи олким, эрур ишинг ҳамиша ол,
Солма бу ошиқинг кўнгулин лутф бирла ол.

(Ҳ. Хоразмий)

Наргис кўзингнинг ўхшали қайси чаманда бор?
Юзунг таровати қачон, эй гул, суманда бор?

(Лутфий)

Ҷоз сеҳр қилса кимгаки элликдин ўтти ёш,
Атфол сахроси қилур атрофидек маош.

(Навоий)

Эй хурвашки, покдур асру сенга сиришт,
Ранг айлар ихтисоб юзунгдин гули биҳишт.

(Мунис)

Йўқ манда фақр куйида гардунга эҳтиёж,
Бўлмас қаноат аҳлида ҳар дунга эҳтиёж.

(Огаҳий)

Ҳар сўзда ҳар бировга не ширин нукоти бор,
Бол томди оғзидинки тилингда набори бор.

(Мужрим Обид)

Келди баҳору бўлди ёқимли ҳаво латиф,
Бўлмас ҳаво бунинг каби роҳатфизо латиф.

(Ҳабибий)

Музориъи мусаммани ахраби макфуфи солими аруз ва зарб вазни шеъриятимизда жуда кам қўлланган ўлчовлардан бўлиб, унинг рукнлари ва чизмаси бир мисрада

Мафъулу фоилоту мафойлу фоилотун
— — v — v — v v — — v — v — —

тарзидадир. Яъни унинг таркибини мафойлун аслининг **ахраб** тармоғи **мафъулу** (биринчи рукнда) ҳамда **макфуф** тармоғи **мафойлу** (учинчи рукнда), **фоилотун** аслининг **макфуф** тармоғи — **фоилоту** (иккичи рукнда) ҳамда **солим** кўриниши **фоилотун** (охирги рукнда) ташкил этади.

Мазкур ўлчов фақат Алишер Навоий шеъриятидаги биргина асар, «Наводируш шабоб» девонидаги 512-ғазал учун асос бўлиб хизмат қилган. У ғазал

Кофургун лиbos аро ул сарвиноз экинму?
Ё шамъи ҳажр дафъига шамъи тироз экинму?

матлаи билан бошланади.

Мунсариҳ баҳри арузниң асосий ўлчов турларидан бўлиб, унинг асосини **мустафъилун** ва **мафъулоту** аслларининг кетма-кет такрори ташкил этади. Мунсариҳи мусаммани солим вазнининг рукнлари ва чизмаси бир мисрада

мустафъилун мафъулоту мустафъилун мафъулоту
— — v — — — — v — — v — — — — v

тарзидадир.

Алишер Навоий ўзининг «Меъзонул авzon» асарида мунсариҳ баҳрининг 11 вазнини санаб, уларнинг ҳар бирига ўзбек тилидаги байтларни мисол қилиб келтиради. Бобурнинг «Мухтасар» асарида мунсариҳ баҳри 34 вазнни ўз ичига олиши, шулардан 20 таси мустаъмал, 14 таси мухтараъ, 8 таси мустаъмали матбуъ эканлиги таъкидланиб, 34 вазнга мисоллар келтирилади.

Аммо шеъриятимизда ушбу баҳрнинг уч ўлчовидангина фойдаланилган.

Мунсариҳ баҳри Алишер Навоийга қадар ўзбек шеъриятида қўлланмаган. Бу ўлчов асосидаги дастлабки асаллар Навоийнинг «Хазойинул маоний»сидан ўрин олган ғазаллар саналади. Шоир ушбу баҳрга мансуб уч вазнда жами 12 шеър, жумладан, 9 ғазал, 2

муаммо ва бир фард яратган эди. Навоийдан сўнг бошқа шоирлар ҳам оз бўлса-да ушбу баҳр вазнларига мурожаат қилиб турдилар.

МУНСАРИҲ БАҲРИ ВАЗНЛАРИ

Шеъриятимизда мунсариҳ баҳрининг асосан икки вазнидангина фойдаланилган бўлиб, улар мустафъи-лун аслининг матвий тармоғи — муфтаилун, мафъу-лоту аслининг матвийи макшуф тармоғи — фоилун ҳамда матвийи мавқуф тармоғи — фоilonларга асосланади.

Мунсариҳи мусаммани матвийи макшуф шеъриятимизда кам қўлланган ўлчовлардан бўлиб, унинг рукнлари ва чизмаси бир мисрада

муфтаилун	фоилун	муфтаилун	фоилун
— v v —	— v —	— v v —	— v —

тарзиладир.

Ушбу вазн шеъриятимиздан XV асрда ўрин олган бўлиб, унинг асосидаги дастлабки лирик шеърлар Алишер Навоий қаламига мансубдир. «Хазойинул маоний»дан ўрин олган 5 ғазал шу ўлчовда яратилган эди. Навоийдан сўнг ушбу вазн бошқа шоирлар ижодида ҳам кам бўлса-да қўллана бошлади.

Мисоллар:

Бўлди аёғинг қаро зийнату пероядин,
Ўйлаки бўлғай қаро шамъ туви соядин.

(Навоий)

Ваҳқи чамандин яна эсди шамол ўзгача,
Ҳар дам ўлур атридин кўнглума ҳол ўзгача.

(Навоий)

Сурма биланму ул ой қўзни қаро айламиш,
Йўқса Хўтсан жайрани мушк ичида ағнамиш

(Навоий)

Кўзни ёритгач манга шамъи жамолинг ёриб,
Айлади парвоналиғ бошинга жон айлониб.

(Мунис)

¹ «Мунсариҳ» арабча сўз бўлиб, «осон» маъносини ифодалайди.

Айлади то сайдар учун шоҳсуворим сафар,
Килди онинг кейнидин жони низорим сафар

(Оғаҳий)

Жону жаҳоним ўзинг, ному нишоним ўзинг,
Ному нишоним ўзинг, жону жаҳоним ўзинг.

(Ҳабибий)

**Мунсариҳи мусаммани матвийи мавқуф шеърияти-
мизда кам қўлланган вазнлардан бўлиб, унинг руки-
лар таркиби ва чизмаси бир мисрада**

муфтаилун фоилун муфтаилун фоилон
— v v — — v — — v v — — v ~

тарзидадир. Бинобарин, ушбу ўлчовда ёзилган шеър-
нинг ҳар мисрасидаги биринчи ва учинчи рукилари
мустафъилун аслининг матвий тармоғи муфтаилунга,
иккинчи рукилари **мафъулоту аслининг матвийи мак-**
шуғ тармоғи фоилунга, охирги (аруз ва зарб) рукила-
ри мафъулоту аслининг матвийи мавқуф тармоғи —
фоилонга тенг бўлади.

Ушбу ўлчовга илк бор Алишер Навоий мурожаат
қилган эди. Ана шу ўлчовнинг халқ қўшиқлари ваз-
нига ҳамоҳанглиги шоир эътиборини ўзига тортганди.
Зеро, «Меъзонул авзон»да халқ қўшиқлари вазнлари
ҳақида фикр юритар экан, шоир «Яна чинга»дурким,
турк улуси зуфоф ва қиз кўчурур тўйларида ани
айтурлар, ул сурудедур бафоят муассир ва икки навъ-
дир. Бир навъи ҳеч вазн била рост келмас ва бир
навъида бир байт айтиурким, мунсариҳи матвийи
мавқуф баҳридур ва «ёр-ёр» лафзини радиф ўрнига
мазкур қилурлар, андоқким, байт:

Қайси чамандин эсиб келди сабо ёр-ёр,
Ким дамидин тушти ўт жоним аро ёр-ёр.
Муфтаилун фоилун муфтаилун фоилон»,

— деб ёзган эди.

Юқоридаги вазн билан мазкур ўлчов орасидаги
фарқ охирги ҳижонинг ўта чўзиқлиги халос. Шу ту-
файли бу икки вазн бир шеърнинг ўзида биргаликда
қўлланаверади.

Мисоллар:

Бода мени айлади зуҳду риёдин халос,
Зуҳду риё йўқки, минг ранжу анодин халос

(Навоий)

**Мунсариҳи мусаммани матвийи манхур шеърияти-
мизда жуда кам қўлланган вазн бўлиб, унинг рукила-
ри ва чизмаси бир мисрада**

муфтаилун фоилоту муфтаилун фаъ
— v v — — v — v — v v — —

тарзидадир. Бинобарин, ушбу ўлчовда ёзилган шеър мисраларидаги биринчи ва учинчи рукилар **мустафъи-лун аслининг матвий тармоғи муфтаилунга**, иккинчи рукилар **мафъулоту аслининг матвий тармоғи фоило-туга**, охирги рукилари эса **мафъулоту аслининг манхур тармоғи фаъ** рукнига тенг бўлади.

Ушбу вазнни шеъриятимизга илк бор Алишер Навоий олиб кириб, унинг асосида ўзининг

Кўнглум аро бир ажаб муҳол ҳавастур,
Лабларидинким ҳусули мумкин эмастур.

матлали фазали, 2 муаммо ва бир фардини битган эди.

Вазннинг нисбатан оғирлиги, мусиқа учун ноқу-
лайлиги туфайли бўлса керак, кейинчалик ушбу ўл-
човдан деярли фойданилмади.

Мисоллар:

Ноз ила аввал мени фирифта қилдинг,
Эмдики топтим фириб — шифта қилдинг.

(Навоий)

Ою қуёш айлади юзунг била даъвий,
Бизга алардин ажаб кўринди бу маъний.

(Навоий)

Жавр ила қаҳрингки ҳаддин ошти бағоят,
Ваҳки, не бор ибтидо анга не ниҳоят.

(Навоий)

Мураббаъ. Арабча «тўртлик» маъносини ифода-ловчи сўз бўлиб, аруз илмида «тўрт рукили» тушунчасини билдиради: ҳар қайси байтда тўрт рукин иштирок этувчи вазн тури ўз ном билан юритилади. Масалан, Муқимий қаламига мансуб машҳур «Саёҳатнома» асари ражази мураббаи солим, яъни солим тўрт рукили ражаз вазнида ёзилган саналади. Чунки ушбу асарнинг ҳар бир байтида мустафъилун рукин тўрт марта тақрорланади.

Шеъриятимизда мураббаъ руқни шеърлар унча кўп ёзилмаган.

Мураккаб зиҳоф. Асл руқннинг бир вақтнинг ўзида икки хил ўзгаришга дуч келиши.

Аруз тизимиға мансуб **хатм**, **залал**, **харб**, **сарм** қаби зиҳофлар ана шундай ўзгаришлардан саналади. Масалан, **харб** зиҳофи **мафоййлун** аслини бир вақтнинг ўзида икки хил зиҳоф — **харм** ва **кафф** билан ўзгартиришни тақозо этади; яъни **мафоййлун** асли аввал **харм** билан ўзгартирилиб биринчи, қисқа ҳижоси туширилади, кейин **кафф** зиҳофи билан ўзгартирилиб, охирги чўзиқ ҳижоси қисқа ҳижога айлантирилади, қолган **фоййлу** қисми ўзига teng **мафъулу** тармоқ руқни билан алмаштирилиб, «вайрон қилинганд» деган маънода «**ахраб**» деб юритилади. (Қаранг: «Тармоқ руқнлар»).

Мусаббаг. Фаулун, мафоййлун ва фоилотун аслларининг «тасбиф» («тўлдириш») зиҳоfiga дуч келиши натижасида ҳосил бўлган **фаулон** (чизмаси: у — ~), **мафоййлон** (v — — ~) ҳамда **фоилийён** (— v — ~) тармоқ руқнлари номи бўлиб, «тўлдирилган» деган маънони ифодалайди. Ушбу руқнлар мутақориб, ҳазаж ва рамал баҳрлари таркибида иштирок этади.

Мусаддас. Арабча «олтилик» маъносини ифодаловчи сўз бўлиб, аруз илмида «олти руқни» тушунчасини билдиради. Ҳар қайси байтида олти руқн иштирок этадиган вазнлар шу ном билан юритилади. Масалан, Навоий қаламиға мансуб «Хамса» асаридаги олдинги тўрт достон олти руқни вазнларда битилган. Жумладан, «Ҳайратул абров» достони сариъи мусаддаси матвийи макшуф вазнида, «Фарҳод ва Ширин» ҳазажи мусаддаси маҳзуф вазнида ёзилган. Шеъриятимизда олти руқни вазнлар кенг қўлланган.

Мусамман арабча «саккизлик» маъносини ифодаловчи сўз бўлиб, аруз илмида «саккиз руқни» тушунчасини билдиради: ҳар қайси байтда саккиз руқни иштирок этувчи вазн тури шундай ном билан аталади. Шеъриятимиздаги лирик асарларнинг аксарияти саккиз руқни вазнлар асосида яратилган. Масалан, Алишер Навоий қаламиға мансуб

Мени мен истаган ўз суҳбатига аржуманд этмас,

Мени истар кишининг суҳбатин кўнглум писанд этмас.

байти билан бошланувчи фазал ҳазажи мусамманি солим вазнида битилган. Чунки ушбу байт ҳар мисрасида тўрттадан, байтда эса саккизта мафоййлун асли

такрорига асосланади. Юқоридаги байтни ана шу рукилар билан қуйидагича кўрсатиш мумкин:

Мени мен ис — таган ўз сух — батига ар — жуманд этмас мафоийлун мафоийлун мафоийлун мафоийлун
Мени истар — кишининг сух — батин кўнглум — писанд этмас мафоийлун мафоийлун мафоийлун мафоийлун

Мустафъилюн мустафъилун аслининг «изола» зиҳоfiga дуч келиши натижасида ҳосил бўлган тармоқ руки бўлиб, вазн чизмасида — — v ~ тарзида ифодаланади ва **музол** деб юритилади. Ушбу фуруй ҳазажи мусаммани музол вазни таркибида охирги рукилар (аруз ва зарб) ўрнида қўлланади.

Мустафъилюн (1) аruz тизимига асос бўлган асллардан бири бўлиб, вазн чизмасида — — v — тарзида ифодаланади. Ушбу аслининг айнан такроридан ражаз баҳри, бошқа асллар билан қўшилиб такрорланишидан ҳафиғ, мужтасс, мунсариҳ, муқтазаб, гарип ва сарий баҳрлари тузилади. Шулардан муқтазаб ва гарип баҳрлари шеъриятимизда қўлланмаган.

Мустафъилюн (2) мустафъилун аслининг солим қўриниши бўлиб, вазн чизмасида — — v — тарзида ифодаланади ва **солим** деб юритилади. Мустафъилун ражаз баҳрига мансуб ражази мусаммани солим ва ражази мусаммани мусаббаф вазнлари таркибида 1—4 рукилар (садр, ибтидоъ, ҳашвлар, аruz ва зарб) ўрнида қўлланади.

МУСТАФЪИЛУН АСЛИНИНГ ТАРМОҚЛАРИ

Мустафъилун аслининг жами 11 хил ўзгаришга дуч келиши оқибатида унинг 18 хил тармоғи юзага келади. Шулардан қуйидагилар шеъриятимизда фаол қўлланган:

№ №	Ўзгариш номи	Ҳосил бўлган тармоқ руки	Унинг чизмаси	Аталиши	Қўлланиш ўрни
1.	хабн	мафоилун	v — v —	маҳбун	ҳамма рукиларда
2.	тай	муфтаилун	— v v —	матвий	садр, ибтидоъ,
3.	изола	мустафъилюн	— — v ~	музол	ҳашвларда
4.	хабн, изола	мафоилон	v — v ~	маҳбуни музол	аруз ва зарбда — « —

Мустафъилун асли ва унинг юқоридаги тўрт тармоғи ражаз, ҳафиғ, мужтасс, мунсариҳ ва са-

риъ баҳрларининг жами 17 вазнида фаол иштирок этади.

Мутадорик баҳри («мутадорик» арабча сўз бўлиб, «бир-бирига уланувчи» деган маънони ифодалайди) шеъриятимизда жуда кам қўлланган баҳрлардан саналади. Унинг асоси **фоилун** аслининг айнан такорори саналиб, жумладан, саккиз рукили солим вазнининг рукилари ва чизмаси ҳар мисрада

фоилун фоилун фоилун фоилун
— v — — v — — v — — v —

тарзидадир.

«Мезонул авзон»да мутадорик баҳрининг 7 вазни мисоллар билан кўрсатилган. Бобурнинг «Мухтасар» асарида эса унинг вазнлари сони 26 та эканлиги, улардан ўн тўрттаси мустаъмал, ўн иккитаси матбуъ, уттаси эса мустаъмали матбуъ эканлиги таъкидланиб, уларнинг барчасига форсий ва туркий шеъриятдан мисоллар келтирилган¹.

МУТАДОРИК БАҲРИ ВАЗНЛАРИ

Шеъриятимизда ушбу баҳрнинг саккиз рукили (мусамман) ҳамда 16 рукили баъзи ўлчовларидан фойдаланилган. Хусусан, Алишер Навоий, Оғаҳий каби шоирлар ижодида мутадорики мусаммани солим, 16 рукили мутадорики маҳбун ўлчовлари қўлланган.

Ушбу баҳр вазнларини шеъриятимизга олиб кирган шоир Алишер Навоийдир.

Улар фоилун асли, унинг маҳбун тармоғи файлун, мақтуъ тармоғи — фаълон, мақтуъи мусаббағ тармоғи — фаълон рукилари такорорига асосланади.

Мутадорики мусаммани солим вазни шеъриятимизда жуда кам қўлланган ўлчовлардан саналади. Унинг рукилари ва чизмаси бир мисрада

фоилун фоилун фоилун фоилун
— v — — v — — v — — v —

тарзида бўлиб, ушбу вазнда ёзилган шеърнинг ҳар байтидаги саккиз рукининг ҳар қайсиси **фоилун** аслига тенг бўлади. Шоирларимиз мусиқага тушиши қийин бўлган ушбу ўлчовга камдан-кам ҳолатлардаги-

¹ Бобур. Мухтасар, 40—43, 123-бетлар.

на мурожаат қилғанлар. Ўз ижодида арузнинг хилмалил вазнларини синааб күриш йўлидан борган Алишер Навоий фазалларидан бирини ушбу ўлчов асосида яратган эди. Бу асар

Жонға лаълинг майи жомидур мултамас,
Не Хизр суйи не Жоми Жамдур ҳавас

матлаи билан бошланарди.

Мутадорики мусаммани мақтуъ шеъриятимизда жуда кам қўлланган вазнлардан бўлиб, унинг асосида 2—3 тагина шеър ёзилган холос. Рукнлари ҳамда чизмаси ҳар мисрада

фаълун фаълун фаълун фаълун
— — — — — — — —

тарзида бўлган ушбу ўлчов фақат чўзиқ ҳижолар тақорига асослангани туфайли куйлашга ноқулай бўлган оғир, бўғиқ оҳанг ҳосил қилади.

Ушбу вазндаги ноёб асар Навоий «Ҳазойинул маоний»сидаги

Борғил, эй ҳамдам, ҳар ёни,
Кўнглум итмиш, топғил они

матлаъли ғазалидир.

Мутадорики мусаммани мақтуъи мусаббағ шеъриятимизда жуда кам қўлланган вазн бўлиб, баъзи шоирларгина унинг оҳанг имкониятларини синааб бирон фазал ёзганлар холос. Зоро, рукнлари ва чизмаси бир мисрада

фаълун фаълун фаълун фаълон
— — — — — — — ~

тарзида бўлган ушбу ўлчов юқоридаги вазндан охирги ҳижонинг ўта чўзиқлиги билангина фарқланиб, мусиқа учун ноқулайдир. Ушбу ўлчовни илк бор Мунис Хоразмий ўз ғазалиётida синовдан ўтказиб

Тигинг қилди кўксум афгор,
Андин топдим юз минг озор.

каби мисраларини яратган эди.

16 руқили мутадорики махбун — шеъриятимизда жуда кам қўлланган, айрим ижодкорларгина синаш учун биронта фазал ёзган вазн бўлиб, рукнлари ва чизмаси бир мисрада

файлун файлун файлун файлун файлун файлун файлун
VV— VV— VV— VV— VV— VV— VV— VV—

тарзидадир. Күриниб турибдики, ушбу ўлчов асосида яратилган 16 рукили шеърий асарнинг ҳар қайси рукили **файлун аслининг махбун** тармоғи — **файлунга** тенг бўлади. Ушбу ўлчовда Огаҳийгина бир ғазал ёзганлиги маълум. Мазкур ғазал қуйидаги матлаъ билан бошланади:

Туну кун караминг ўқини отасан ҳама
олам элинин нишона қилиб,
Вале навбат агар манга етса, хато қиласан
неча навъ баҳона қилиб.

Муталаввун арабча сўз бўлиб, «ранг-баранг, ўзгарувчи, тобланувчи» каби маъноларни ифодалайди. Аruz илмида бир неча вазнда ўқилиши мумкин бўлган байтларни шундай деб атайдилар. Гап шундаки, айрим байтларни икки ё ундан ортиқ вазнга солиб ўқиш мумкин. Байт таркибидағи унлиларни чўзиб ёки қисқа талаффуз этиш, ҳижоларни ажратиб ёки қўшиб ўқиш билан вазнни ҳам ўзгартириш мумкин. Жумладан, Бобур «Мухтасар» асарида муталаввун ҳодисаси ҳақида сўз юритар экан

Қошиға боргали кўнгул ўзига келмади нетай,
Юзига тушгали кўзига илмади ул ой

байтини келтириб «ҳар кимнинг истилоҳдин вуқуфи бўлса билгайким неча вазнда ўқулур», — деб таъкидлайди. Зоро, ушбу байтни чиндан ҳам бир неча вазнга мувофиқлаштириб ўқиш мумкин. Чунончи

Қошиға бор гали кўнгул ўзига кел мади, нетай
муфтаилун мафоилун муфтаилун мафоилун

тарзида ўқилса, ражази мусаммани матвийи махбун вазни;

Қошиға бор — гали кўнгул — ўзига кел — мади нетай
Мафоийлун мафоийлун мафоийлун мафоийлун

тарзида ўқилса, ҳазажи мусаммани солим;

Қошиға бор — гали кўнгул — ўзига кел — мади нетай
Мафоилун мафоилун мафоилун мафоилун

тарзида ўқилса, ҳазажи мусаммани мақбуз вазни ҳосил бўлади.

Бобур «Бобурнома» асарида ўзининг

Кўзу қошу сўзу тилинуму дей,
Қаду ҳадду сочу белинуму дей

байтини беш юз тўрт вазнда тақтиъ қилганини таъкидлаган эди. Ҳақиқатан ҳам, уни кўплаб вазнларга солиб ўқиш мумкин. Чунончи:

Кўзу қошу — сўзи тили — ниму дей
Мафоййлун мафоййлун фаулун

тарзида ўқилса, ҳазажи мусаддаси маҳзуф,

Кўзу қо — шу сўзу — тилини — му дей
Фаулун фаулун фаулун фаал

тарзида ўқилса, мутақориби мусаммани маҳзуф,

Кўзу қошу сўзу тили ниму дей
Фоилотун фоилотун фоилун

тарзида ўқилса, рамали мусаддаси маҳзуф,

Кўзу қошу — сўзу тили — ниму дей
Файлутун файлутун файлун

тарзида ўқилса, рамали мусаддаси маҳбуни маҳзуф,

Кўзу қо — шу сўзу — тилини — му дей
Муфтаилун муфтаилун фоилун

тарзида ўқилса, сариъи мусаддаси матвийи макшуф,

Кўзу қо — шу сўзу — тилини — му дей
файлун файлун файлун фаал

тарзида ўқилса мутадорики мусаммани маҳбуни мақтуть вазни ҳосил бўлади. Байтни яна бошқа вазнларга мослаб ўқиш мумкин.

Мустаъмал вазн — шеъриятда қўлланган вазн демакдир. Аруз тизимиға мансуб вазнларнинг аксарияти форс-тоҷик ва туркӣ адабиётларда қўлланиб келган — мустаъмал ўлчовлар саналади. Айни вақтда баъзи арузшуносликка оид асарларда тавсифланган бир қатор вазнлар у ёки бу олим ёки шоир томонидан ихтироъ қилинган бўлиб, шеъриятда турли сабабларга кўра қўлланмаган. Жумладан, Бобур ўзининг «Мухтасар» асарида ўзи таъкидлаган 537 вазннинг 289 таси мустаъмал, 248 таси Бобур ихтиро қилган, лекин ҳали шеъриятда фойдаланилмаган вазнлар эканини ёзганди. Мустаъмал вазнларнинг бир қисми ёқимли — матбуъ ўлчовлар саналади.

Мустаъмали матбуъ вазн — шеъриятда фойдаланилган ёқимли ўлчов демакдир. Чунки шоирлар ижодида қўлланган барча вазнларни ҳам ёқимли — матбуъ деб бўлмайди. «Мухтасар»да таъкидланган 248 мустаъмал вазннинг 104 тасигина мустаъмали матбуъ ўлчов ҳисобланади. Худди ана шундай вазнларда форсий ва туркӣ ижодкорлар кўплаб лирик ва лиро-эпик асарлар яратганлар. Ҳазажи мусаммани солим, ҳазажи мусаддаси маҳзуф, рамали мусаммани маҳзуф, раЖази мусаммани солим, музореъи мусаммани ахраб каби кўплаб ўлчовлар шулар жумласидандир.

Мутатаввал — арабча «узун», «чўзиқ» маъноларини билдирувчи ушбу сўз аruz илмида «кўп руқни» тушунчасини ифодалайди. Аруз тизими асосида яратилган шеърий асарларнинг байтлари ҳажми тўрт руқндан 36 руқнгача бўлиши мумкин. Байт тўрт руқни бўлса, «мураббаъ» (тўртлик), олти руқни бўлса, «мусаддас» (олтилик), саккиз руқни бўлса «мусамман» (саккизлик) деб юритилади. 12 ва ундан ортиқ руқндан ташкил топган байтлар мутатаввал деб аталади.

Бобур ўзининг «Мухтасар» асарида «... байт тўрт руқндан ё олти руқндан, ё саккиз руқндин бўлур. Агар байтнинг биноси саккиз руқндин ортуқ бўлса **мутатаввал** дерлар. Бу мутатаввалнинг миқдори муайян эмас. Ҳар не миқдор ортиқ бўлса, шоир мухтордур. Ақалли ўн икки руқн келибдур», — деб ёзган эди.

Форс-тожик шеъриятида мутатаввал руқни шеърлар ёзиш анъанаси узоқ тарихга эга. Ўзбек шеъриятида эса бу хил шеърлар, кўринишича, даставвал Алишер Навоий томонидан яратилган. Унинг мустаҳзодлари 12 руқни шеърлардир. Шоирнинг

Не пок мажнунки бир паричеҳра пок
хуснига зор бўлғай,
Бу пок ишқ ичра пок жон тарки этса не
ихтиёр бўлғай

матлаъи билан бошланувчи ғазали 16 руқни мутақориби мақбузи аслам вазнида битилган эди. Ушбу байтнинг руқнлар таркибини аниқласак, қуйидаги манзара ҳосил бўлади:

Не пок	мажнун	ки бир па	ричеҳ	ра пок
Фаулу	фаълун	фаулу	фаълун	фаулу
		хусни	га зор	бўлғай
		фаълун	фаулу	фаълун

Бу пок	ишик ич	ра пок	жон тар	ки этса
Фаулу	фаълун	фаулу	фаълун	фаулу
	не их	тиёр	бўлгай	
	фаълун	фаулу	фаълун	

Кўриниб турибдикি, байт 16 рукили бўлиб, фаулу ва фаълун такрорига асосланади.

Навоийдан сўнг бу анъанани Бобур, Огаҳий ва Фурқат каби санъаткор шоирлар давом эттиридилар. Бобур ўзининг «Мухтасар» асарида «Ҳиндистон фат-ҳининг сўнгги йили Санбал сориға борур фурсатда бир мутатаввал байт 16 руки била айтилиб эди», — дея ўша байтни келтиради:

Манга сен нечаким жавру жафо бирла азоб айласанг,
эй ёри жафожўйи пурозори ситамкор,
Санга мен қилурам қуллуқу хизмат, чекарам жавру жафо
токи тирикман эрурам ёри вафодор.

Байтни тақтиъ қилсак, ҳар қайси мисранинг охирги руки мафойилга, ундан олдинги еттигадан руки мафойилуга тенг бўлиб, мисралар 16 рукили ҳазажи макфуфи мақсур вазнида ёзилгани маълум бўлади.

«Мухтасар»да келтирилган яна бир байт — Тирозий деган шоир асари эса 20 рукили ҳазажи солим вазнида ёзилган эди. Мана ўша байт;

Бу шаклу ҳусн ила, жоно, сенингдек шўху айёру
латифу нозику
зебоу таннозу шакар гуфтору ширинкор
бир дилбар,
Анодин туғмади ҳаргиз Ироқу Чину Яғмоу Чигил,
Такину Мисру
Ховару Руму Хўтсан мулкинда,
эй раъннойи сийминбар.

Байтни тақтиъ қилсак, мисралар ҳар бири мафойилунга тенг 10 тадан жами 20 рукидан ташкил топгани аён бўлади.

Огаҳий қаламиға мансуб
Сенсан латофат тахти уза шаҳ, ҳусн аҳлидурлар
хайли сипоҳинг,
Бўлсун илоҳи то рўзи маҳшар афзуну олий иқболи
жоҳинг
байти билан бошланувчи ғазал 16 рукили мутақориби
аслам вазнида, унинг

Туну кун караминг ўқини отасан ҳама олам элини
нишона қилиб,

Вале навбат агар манга етса хато қиласан неча навъ
баҳона қилиб

байти билан бошланувчи ғазали эса 16 руқнили мутақориқи маҳбун (файлун руқни байтда 16 марта такрорланади) вазнида ёзилган эди.

Ушбу анъянани давом эттирган Фурқат ҳам ўзининг

Ақлимни олди, ҳайратга солди бир турфа жонон,
султони хўбон,

Ул бир табассум айлаб такаллум чун моҳи тобон
бўлди намоён

байти билан бошланувчи ғазалини 16 руқнили мутақориби аслами мусаббағ вазнида яратди.

Мутатаввал байтли асарлар яратиш анча мураккаб бўлгани учун шеъриятимизда бу усулга жуда кам мурожаат қилинган.

Мутафоилун — аруз тизимининг беш ҳижоли асосий руқнларидан бўлиб, *v v — v* — чизмаси билан ифодаланади. Кўриниб турганидек, ушбу руқн кичик фосила (*v v —*) ва ундан кейин келувчи бириккан ватад (*v —*) дан ташкил топади. Унинг айнан такроидан комил баҳри тузилади.

Мутафоилун асли шеъриятимизда фақат солим ҳолда қўллангани учун бўлса керак, Алишер Навоий «Мезонул авзон» асарида унинг зиҳофлари ва фуруъларини келтиришни лозим кўрмаган. Бобур эса «Мухтасар» асарида мутафоилун аслининг 7 зиҳоф билан ўзгартирилиши, бунинг оқибатида унинг 7 хил фуруъи ҳосил бўлишини таъкидлайди. (Қаранг: «Комил баҳри»).

Мутақориб баҳри («мутақориб» арабча сўз бўлиб, «бир-бирига яқинлашувчи» деган маънони ифодалайди) ўзбек шеъриятида анча кенг қўлланиб келган ўлчов турларидан бўлиб, фаулун аслининг айнан такроига асосланади. Шеъриятимизда ушбу баҳрнинг саккиз руқнили вазнларидангина фойдаланиб келинган. Мутақориб баҳрининг саккиз руқнили солим вазни руқнлари ва чизмаси бир мисрада

фаулун фаулун фаулун фаулун
v — — *v — —* *v — —* *v — —*

кўринишидадир.

Алишер Навоий «Мезонул авzon» мутақориб баҳрининг 11 вазнини санаб, уларга мисоллар келтиради. Бобурнинг «Мухтасар» асарида эса ушбу баҳрнинг 42 вазни келтирилиб, улардан ҳар бирининг оҳанг хусусиятлари байтлар билан кўрсатилган.

Мутақориб баҳри шеъриятимизда қўлланган энг қадимий ўлчовлардан бўлиб, унинг бизга қадар етиб келган дастлабки намунаси Юсуф хос Ҳожибининг «Кутадғу билиғ» достони саналади. Асар мутақориб баҳрига мансуб мутақориби мусаммани солим, мутақориби мусаммани маҳзуф ҳамда мутақориби мусаммани мақсур вазнлари асосида яратилган эди.

Кейинчалик мутақориб баҳри лирик шеъриятда ҳам, достончиликда ҳам кенг қўлланилиб келди. Жумладан, Алишер Навоийнинг «Садди Искандарий» достони, жами 75 лирик шеъри, хусусан, 51 fazali шу баҳр ўлчовлари асосида битилган.

Мутақориб баҳри вазнларида ёзилган шеърлар «Шашмақом»нинг «Бузрук», «Рост», «Дугоҳ», «Сегоҳ», «Ироқ» шаҳобчаларидағи 19 күйга, шунингдек, «Баёти Шерозий», «Дугоҳ Ҳусайн» каби куйларга мос тушади.

МУТАҚОРИБ БАҲРИ ВАЗНЛАРИ

Ўзбек шеъриятида мутақориб баҳрига мансуб бўлган жами 8 ўлчовдан, жумладан: мутақориби мусаммани солим, мутақориби мусаммани маҳзуф, мутақориби мусаммани мақсур, мутақориби мусаммани аслам, мутақориби мусаммани мақбузи аслам, мутақориби мусаммани асрани маҳзуф, 16 руқни мутақориби аслам, 16 руқни мутақориби мақбузи аслам вазнларидан фойдаланиб келинган. Ушбу вазнлар фаулун асли ва унинг қуидаги тармоқларига асосланади:

№ №	Руқн	Унинг чизмаси	Аталиши	Қўлланиш ўрни
1.	Фаулун	v — —	солим	ҳамма руқнлар ўрнида
2.	Фаулу	v — v	мақбуз	садр, ибтидоъ, ҳашвlarда
3.	Фаълу	— v	асрам	— « —
4.	Фаълун	— —	аслам	— « —
5.	Фаулон	v — ~	мусаббaf	охирги руқнларда (аруз ва зарбда)
6.	Фаал	v —	маҳзуф	— « —
7.	Фаул	v ~	мақсур	— « —

Мутақориби мусаммани солим шеъриятимизда унча кенг қўлланмаган ўлчовлардан бўлиб, руқнлари ва чизмаси

фаулун фаулун фаулун фаулун
v — — v — — v — — v — —

тарзидадир. Ушбу вазн дастлаб Юсуф хос Ҳожибнинг «Кутадғу билиг» достонида қўлланган эди. Мазкур асар сўнгидағи икки қасида ушбу ўлчов билан ёзилган. Чунончи:

Кими севдум эрса севуг жанча туттим,
Жафо келди андин кими мат севойи.

Киши кўнгли билту тануқ эрди тил сўз,
Кўнгул тил ала бўлди кимга битойи.

942-бет

Алишер Навоий лирикасида мазкур ўлчов асосида яратилган фазаллар учрайди. Чунончи, шоирнинг

Қад эрмаски, сарви хиромон эрур бу,
Лаб эрмаски, гулбарги хандон эрур бу.

Лабингким ўлук тиргизур жонму эркин,
Агар жон эмас обу ҳайвонму эркин.

Сочинг ранги анбармудур, мушки чинму?
Лабинг таъми шаккармудур, анкабинму?

матлаъли фазаллари ушбу вазнададир. Шоир ўзининг жами 38 шеърини, жумладан, 29 фазал, 7 қитъя, бир муаммо ва бир фардини ушбу ўлчов заминида битган эди.

Навоийдан сўнг ушбу вазн ўзбек шеъриятида деярли қўлланмади. Кекса арузшунос шоир Ҳабибий ўзининг

Жанобингга аҳди вафо қилмадимму?
Вафо расмини жон-бажо қилмадимму?

матлаъли фазалида ушбу ўлчов имкониятларини синаб кўрган эди.

Мутақориби мусаммани маҳзуф — шеъриятимизда кенг қўлланган ўлчовлардан бўлиб, руқнлари ва чизмаси

фаулун	фаулун	фаулун	фаал
v — —	v — —	v — —	v —

тарзидадир.

Туркий шеъриятнинг бизгача етиб келган йирик обидаси Юсуф хос Ҳожибнинг «Кутадғу билик» достони шу вазн асосида битилган эди. Шоир ўз асарини форс-тоҷик адабиётининг йирик намояндаси Абулқосим Фирдавсийнинг мана шу вазнда ёзилган машхур «Шоҳнома» достони таъсирида яратганди.

Кейинчалик ушбу ўлчов қаҳрамонлик достонлари учун маҳсус вазн бўлиб қолди ҳамда Низомий, Хисрав Ҷеҳлавий, Абдураҳмон Жомий ва Алишер Навоийларининг «Ҳамса»ларидағи Искандар ҳақида битилган достонларда фойдаланилди.

Мутақориби мусаммани маҳзуф вазни XVI—XX асрлар лирик ва лиро-эпик шеъриятида ҳам анча кенг қўлланиб борилди.

Мисоллар:

Лабинг сори токим назардур манго,
Ёш ўрнида хуни жигардур манго.

(Навоий)

Сенингдек бутте йўқтурур Чин аро
Бути Чин сенинг банданг ойин аро.

(Навоий)

Мутақориби мусаммани мақсур вазининг руқнлари ва чизмаси

фаулун фаулун фаулун фаул
v — v — — v — — v ~

тарзида бўлиб, бу ўлчовда ёзилган шеърнинг ҳар қайси мисрасидаги олдинги уч рукни **фаулун** аслига, охирги рукн эса **фаулуннинг мақсур** тармоғи **фаулга** тенг бўлади. Бу ўлчов олдинги вазнга яқин бўлиб, охирги ҳижонинг ўта чўзиқлиги билангина фарқланади. Шу туфайли ҳам ҳар иккала вазн бир шеърнинг ўзида биргаликда қўлланаверади. Юсуф хос Ҳожибининг «Кутадгу билиг» достонидаги

Қулар юз исиг сўзга ялнуқ исир,
Исинса бу ялнуқ бўлур қул асир.

...Бири бег сўзини қатиғ тутса берк,
Икинчи ҳавақа уқуш қилса эрк

...Бу тўртинг ёвуз бегка арқуқ қилинч,
Бешинчи ярафсиз бу ёлғон эринч

(346 бет)

каби анчагина байтлар ушбу ўлчов асосида ёзилган эди.

Мисоллар:

Баҳор элга айшу манга изтироб,
Кулуб ҳолима барқу йиғлаб саҳоб.

(Навоий)

Мени ишқдин манъ этар сода шайх,
Дема сода шайх, айтким лода шайх.

(Навоий)

Фалак сочти хон бошиға сийми ноб,
Бизинг шоҳ аёғиға лаъли музоб.

Фалак бирла шаҳ қадри жоҳи аро,
Тафовут нисоридин этгил ҳисоб.

(Навоий)

Мутақориби мусаммани маҳзуф ва мутақориби мусаммани мақсур вазнларидағи лирик шеърлар «Соқийномаи сарвиназ», «Талқинчай наврӯзи сабо», «Соқийномаи савти ушшок», «Дугоҳ» таронаси, «Баёти Шерозий V», «Дугоҳ Ҳусайн VII» каби куйларга мосдир.

Мутақориби мусаммани аслам форс-тожик ва туркій шеъриятларда анча кенг қўлланган ўйноқи, сержилва вазнлардан саналади. Унинг рукнлари ва чизмаси

фаълун фаулун фаълун фаулун
— — v — — — — v — —

тарзидадир. Кўриниб турибиди, унинг тарқиби **фаулун аслининг аслам** тармоғи **фаълун** ҳамда унинг **солим** кўриниши — **фаулун** рукнларининг кетма-кет такоридан иборатдир. Ушбу хил ҳижолар такорори енгил ва ўйноқи оҳанг ҳосил қиласи. Бу оҳанг эса ҳалқ қўшиқларига жуда яқин туради. Шунинг учун ҳам ушбу ўлчов XV асрдан бошлаб туркій шеъриятнинг ёқимли вазнлари қаторидан жой олди.

Ушбу ўлчов илк бор Алишер Навоий ижодида қўлланган десак янгишмасмиз. Зоро, унинг салафлари ижодида ушбу ўлчов учрамайди. Алишер Навоий «Хазойинул-маоний»дан ўрин олган

Қон айладинг кўнглумни ниҳони,
Кўргил ики кўзумда нишони.
Тушти фиғонга кўнглум ул ойдин,
Тонг йўқ етишса кўкка фиғони

байтлари билан бошланган ғазалини ушбу ўлчов асосида битганди.¹

¹ Адабиётшунос С. Мирзасев тузган вазн кўрсатичларида ушбу газал ўлчови асосиз ҳолла музорсия мусаддаси мақфуфи мақсур гарзила кўрсатилган (Қаранг: Алишер Навоий. «Хазойинул-маоний», «Наводируш шабоб», ЎзФАН. 1959, 735-бет).

Мазкур вазн кейинчалик Машраб, Ҳувайдо, Фурқат, Ҳамза каби шоирлар ижодида анча кенг қўлланди.

Ушбу вазндаги шеърлар «Бузрук» тароналари, «Соқийномаи мўғулчаи Бузрук», «Рост», «Дугоҳ», «Сегоҳ» мақомлари тароналари билан қўйлаб келинган.

Мисоллар:

Кўрсат жамолинг мастоналарга,
Ишқингда қўйган парвоналарга.

(*Машраб*)

Жилва қилурсан минг ноз бирлан,
Фарёд этарман овоз бирлан.

(*Машраб*)

Жоно, будурким рози ниҳоним,
Етмаклик эрди санга гумоним,
Ногаҳ рамаққа етганда жоним,
Кўрдим юзингни алҳамдилилоҳ.

(*Муқимий*)

Гул-гул очилган бўстонларим бор,
Ширина, газалхон хушхонларим бор.

(*Ҳабибий*)

Мутақориби мусаммани асрами маҳзуф вазни шеъриятимизда жуда кам қўлланган ўлчовлардан биридир. Рукилари ва чизмаси бир мисрада

фаълу фаулун фаълу фаал
— v v — — v v —

кўринишида бўлган ушбу вазн таркибида фаулун аслининг солим рукни, шунингдек ушбу аслининг асрар тармоғи **фаълу** ҳамда маҳзуф тармоғи **фаал** рукнлари иштирок этади.

Унча ёқимли бўлмаган ушбу вазн мусиқа учун ҳам ноқулай. Щунинг учун бўлса керак мазкур ўлчовдан туркий шеърият, жумладан, ўзбек адабиётида жуда кам фойдаланилган. Ушбу ўлчовнинг бир-икки намунаси Алишер Навоийнинг «Хазойинул маоний» асарида учрайди. Чунончи, шоирнинг

Базм аро гар ўйқ май била даф,
Ҳам ёмон эрмас ун била каф

матлаъли газали мазкур вазнда битилган эди.

**16 рукили мутақориби мақбузи аслам шеърияти-
мизда деярли қўлланмаган вазнлардан бири бўлиб,
рукилари ва чизмаси бир мисрада**

фаулу фаълун фаулу фаълун фаулу фаълун фаулу фаълун
v — v — — v — v — — v — v — — v — v — —

тарзидадир. Кўриниб турганидек, мутақориб баҳрининг ушбу ўлчовида фаулун аслининг мақбуз тармоғи фаулу ҳамда аслам тармоғи фаълун рукилари алмашиниб такрорланади. Бу ўлчовда битилган шеърларни мусиқага солиш анча мушкил. Шу туфайли бўлса керак, кўпчилик шоирлар бу вазнда асар битишмаган. Алишер Навоий, Огаҳий, Комил Хоразмий каби етук санъаткор шоирларгина ўз қаламларини синаш, ушибу ўлчовнинг вазн-оҳанг имкониятларини намойиш қилиш мақсадида бир-икки ғазал яратганлар.

Мисоллар:

Сипеҳр боғин нужум варди чу қилди ул навъиким
хаварнақ,
Юзидин ул шамъ анжуман ичра солди юз минг
сафоу равнақ.
(Навоий)

Бу гулшан ичра жунун элидек не важҳ
ила чок этар яқо гул,
Агар жамолинг гулиға вола эмас эса,
эй парилиқо, гул.

(Огаҳий)

Юзунг сипеҳри малоҳат узра қүёшдин аҳсан,
қамардин анвар,
Сўзунг бухори балофат ичра гуҳардин ашраф,
дуардин ақдар.

(Комил Хоразмий)

**16 рукили мутақориби аслам шеърияти-
мизда деярли қўллангардан бўлиб, айрим шоирлар-
гина бу вазнда ўз қаламларини синаб кўрганлар.
Мазкур ўлчовнинг рукилари ва чизмаси бир мисрада**
фаълун фаулун фаълун фаулун фаълун фаулун фаълун
— — v — — — — v — — — — v — — — — v — —

тарзида. Бинобарин, мутақориби мусаммани аслам вазнида бұлғанидек, унинг таркибидә фаулун аслининг аслам тармоғи бұлмиш **фаълун** ҳамда ўша асланинг солим құриниши **фаулун** рукни кетма-кет алмашиниб келади. Фақат бундай ўлчовда битилган асарларнинг ҳар қайси байти 16 рукндан ташкил топади.

Шеъриятимизда ушбу вазн асосида иккі ғазал битилган бұлиб, улар Оғажий ва Фурқат қаламларига мансубдир.

Эй хайли ғамзанг торожи бирла етмиш
саросар иймонга яғмо,
Ишванг сипоҳи чолғунларидин түшмуш
гадоу султонға яғмо.

(Оғажий)

Ақлимни олди, ҳайратта солди бир турфа жонон,
султони хұбон,
Ул бир табассум айлаб такаллум чүн моҳи
тобон бұлды намоён.

(Фурқат)

Мутаҳаррик ҳаракатли, яғни ости ёки устида зер, забар, пеш бор деб тасаввур этилган, бошқача қилиб айтганда, қисқа унлидан олдин келган ундош ҳарф. Масалан, «зафар» сўзидаги «з» ва «ғ» ундошлари шундай ҳарфлардан саналади. Аruz илмига кўра якка мутаҳаррик ҳарф ҳижо ташкил этмайди, иккى мутаҳаррик ҳарфгина сабаби сақийл ҳосил қилиши мумкин.

Мутаҳаррик ҳарфларнинг сокин ҳарфлар билан турлича таркибда бирикіб келишидан сабаб, ватад, фосила деган ритмик бұлак — жузвлар юзага келади (*Қаранг*: «Сабаб», «Ватад», «Фосила»).

Муфрад зиҳоф — аслларнинг биргина ўзгаришга дуч келишини назарда тутувчи зиҳоф демакдир («муфрад» «якка» маъносини ифодалайды). Арузга хос зиҳофларнинг аксарияти шу турга мансуб бұлиб, уларға дуч келган асллар таркибидаги ҳижолар туширилади ё орттирилади, қисқа ҳижо чўзиққа, чўзиқ эса қисқа ё ўта чўзиқ ҳижога айлантирилади. Жумладан, «мафойилун» асли «тасбиф» зиҳофига дуч келганды, охирги ҳижоси ўта чўзиқ ҳижога айлантирилади, «ҳазф» зиҳофига дуч келса, охирги ҳижоси туширилади. Шу каби бир хилгина ўзгариш юқоридагича ном-

ланади. Ўзбек арузида учрайдиган «батар», «жабб», «қабз», «хабн», «кафф», «шакл», «харм» каби қатор зиҳофлар ҳам муфрад саналади.

У ёки бу аслни бир вақтнинг ўзида икки жиҳатдан (хижоларни тушириб, айни чоғда бошқа ҳижони қис-қа ё чўзиққа айлантириш тарзидаги) ўзгартеришни назарда тутувчи зиҳофлар мураккаб зиҳоф саналади (*Қаранг*: «Мураккаб зиҳоф»).

Муфтаилун мустафъилун аслининг «тайй» зиҳофига дуч келиши натижасида ҳосил бўлган тармоқ руқн бўлиб, вазн чизмасида — **в в** — тарзида ифодаланади ва «матвий» деб юритилади. Ушбу фурӯъ мустафъилун асли иштирокида тузиладиган ражаз, мунсариҳ ва сариръ баҳрларига мансуб б вазн таркибида 1—3-руқнлар (садр, ибтидоъ, ҳашвлар) ўрнида қўлланади.

Мухтараъ вазн — ихтиро қилинган, лекин ҳали шеъриятда қўлланмаган шеърий ўлчов. Айрим аруз-шунослар адабиётда қўлланиб келган вазнлардан ташқари, ўzlари ҳам янги ўлчовларни яратадилар. Ана шундай вазнлар мухтараъ вазн саналади. Чунончи, Бобур «Мухтасар»да ҳар қайси баҳрнинг вазнлар қўлами ҳақида сўз юритар экан, шу вақтга-ча қўлланиб келган вазнларни изоҳлаш билан чекла-ниб қолмай, шу баҳр доирасида қўлланилиши мум-кин бўлган — ўзи ихтироъ қилган ўлчовларни ҳам санаб, уларга мисоллар келтиради. Асарда у санаб ўтган 537 вазндан 248 таси ана шундай ўлчовлардир. Масалан, рамал баҳри ҳақида гап борганда, Бобур ўзи ихтиро қилган рамали мусаммани машқули му-шаъас вазнини

Қани сенча дилдоре, қани сенча дилдода,
Қани сен каби саркаш, қани мендек уфтода
Файлоту мафъулун файлоту мафъулун

байти билан, рамали мураббаъи маҳбун вазнини

Гузаре қил манга эй гул,
Назар эт, қўй бу тағофул
Файлотун файлотун

байти билан тасдиқлайди.

Мухтараъи матбуъ вазн — ихтиро қилинган ёқим-ли шеърий ўлчов. Бобур ўз «Мухтасар»ида ўзи ихтиро қилган бир қатор вазнларни мухтараъи матбуъ деб

тақидлайди. Масалан, муаллиф ҳазаж баҳрига мансуб қуидаги ўлчовларни шундай вазнлар жумласига киритади ва, бинобарин, улардан фойдаланишни тавсия қиласди.

«Аввалғи вазн:

Менинг ғамим билмайсен, сенинг билан нетгумдур,
Жафони кам қилмайсен, бошим олиб кетгумдур.

Иккинчи вазн:

Вафони кам билурсен, сенинг била нетай мен,
Жафони күп қилурсен, бошим олиб кетай мен.

Учинчи вазн:

Таним бўлди мўйдек белингнинг фироқидин,
Кўзум ёши жўйдек юзунг иштиёқидин.

Тўртинчи вазн:

Эй ёри жафокор, гоҳи мени ёд қил,
Ҳажрингда ғамим бор васлинг била шод қил.

Бешинчи вазн:

Ишқида борибтур ороми қарорим,
Қилғайму тараҳум ҳолимга нигорим».

Мушаъас Фоилотун аслининг «ташъис» («сочилиш») зиҳофиға дуч келиши натижасида ҳосил бўлган «мафъулун» (чизмаси: — — —) тармоқ рукнининг номи бўлиб, «сочилган» деган маънони ифодалайди. Ушбу тармоқ руҳи рамал баҳрининг олти руҳни вазнлари таркибида иштирок этади (*Қаранг*: «Рамал баҳри вазнлари»).

Мушокил баҳри арузнинг асосий ўлчовларидан бири бўлиб, асосан араб шеъриятидагина қўлланган. Унинг асосини фоилотун аслининг бир марта, мағоийлун аслининг икки марта тақрори ташкил қилиб, олти руҳни солим вазни рукнлари ва чизмаси бир мисрада

фоилотун мағоийлун мағоийлун
— v — — v — — — v — — —

тарзидадир. Навоий ўз «Меъзонул авzon»ида ушбу ўлчовга мисол қилиб

Неча сансиз фироқингда фигон айлай,
Нола бирла улус бағрини қон айлай

байтини келтиради. Бобур «Мухтасар»да ушбу вазнга айтилган Навоий байтини такрорлаб, ушбу баҳрнинг яна 17 вазни қўлланиши мумкинлигини таъкидлаб, уларнинг ҳар бирига ўз байтларини мисол қилиб келтиради.

Мушокил баҳри ҳам шеъриятимизда қўлланмаган.

Муқтазаб баҳри — («муқтазаб» арабча сўз бўлиб, «кесиб олинган» деган маънони ифодалайди) арузнинг асосий ўлчовларидан бўлиб, фақат араб шеъриятида қўлланган. Унинг асосини **мағъулоту** ҳамда **мустафъилун** аслларининг кетма-кет такрорланиши ташкил қилиб, жумладан, саккиз руқнили солим вазнининг руқнлари ҳамда чизмаси бир мисрада

мағъулоту мустафъилун мағъулоту мустафъилун
— — — v — — v — — v — — v —

тарзидадир. Алишер Навоий ушбу вазнга мисол келтирмаган, Бобур ўзининг «Мухтасар» асарида мазкур ўлчовга

Эй бемехр, келгил бери, бу фурқатга бир чора қил,
Ёйук эрса кўксумни ёр, бу кўнглумни овора қил

байтини мисол қилиб келтиради. Навоий «Меъзонул авzon»да муқтазаб баҳрининг олти руқнили (мусаддас) солим вазнига мисол тариқасида

Келмас бизга ул кофири қотил даме,
Ваҳки бизни ўлтурғуси онинг ғами

байтини келтиради. Бобурнинг «Мухтасар» асарида муқтазаб баҳрининг яна ўн тўрт вазнига мисоллар берилган.

Муқтазаб баҳри вазнларидан ўзбек адабиётида фойдаланилмаган.

Ражаз¹ баҳри арузнинг асосий ўлчов турларидан бири бўлиб, унинг асосини мустафъилун аслининг айнан такори ташкил этади. Чунончи, унинг мусаммани солим вазни руқнлари ва чизмаси бир мисрада

Мустафъилун мустафъилун мустафъилун мустафъилун
— — v — — v — — v — — v —

тарзидадир.

¹ «Ражаз» сўзи арабча бўлиб, «тезлик», «изтироб» маъноларини англатади.

Алишер Навоий «Мезонул авзон» асарида ушбу баҳрнинг 13 вазни ҳақида фикр юритиб, уларнинг ҳар бирига мисоллар келтиради. Бобур ўзининг «Мухтасар» асарида ражаз баҳрининг 63 вазни ўз ичига олиши ҳақида сўзлаб, улардан 32 таси мустаъмал, 31 таси муҳтараъ, ўн вазн мустаъмали матбуъ эканини таъкидлади.

Шеъриятимизда ражаз баҳрининг саккиз рукили 4 вазнидангина фойдаланиб келинган. Улар ражази мусаммани солим, ражази мусаммани музол, ражази мусаммани матвийи маҳбун ва ражази мусаммани матвийи маҳбуни музол ўлчовларидир.

Ражаз баҳри дастлаб «Қисаси Рабғўзий»да қўлланган эди. Ушбу баҳрнинг юқорида зикр этилган тўрт ўлчовидан Атоий, Саккокий, Лутфий, Гадоийлар ижодида ҳам анча кенг фойдаланилган. Мазкур тўрт вазндан Алишер Навоий ҳам унумли фойдаланиб, улар асосида ўзининг жами 24 асари, жумладан, 22 ғазали, 1 қитъя ва бир муаммосини яратган.

Мазкур ўлчовлар барча асрларда шоирларимиздинг лирик шеъриятида қўлланиб келган. Ушбу вазнларни замонавий шоирлар ижодида ҳам учратиш мумкин.

Ражаз баҳрида ёзилган ғазал ва мухаммаслар «Шашмақом»нинг «Ироқ» куйи тароналари, шунингдек, «Баёт IV», «Дугоҳ», «Хусайн V» каби қатор куйларга мос тушади.

Ражаз баҳрининг шеъриятимизда қўлланган вазнлари мустафъилун асли ҳамда унинг куйидаги тармоқлари такрорига асосланади:

№№	Руки	Чизмаси	Аталиши	Қўлланиш ўрни
1.	Мустафъилун	— — v —	солим	Барча рукиларда охирги рукинда (аруз ва зарбда)
2.	Мустафъилон	— — v ~	музол	
3.	Муфтайлун	— v v —	матвий	1,3 рукиларда (садр, ибтидоъ ва кейинги ҳашвда)
4.	Мафоилун	v — v —	маҳбун	2,4-рукиларда (олдинги ҳашв, аruz ва зарбда)
5.	Мафоилон	v — v ~	маҳбуни музол	охирги рукинда (аруз ва зарбда)

Ражази мураббаи солим шеъриятимизда қўлланиб келган ўлчовлардан бўлиб, рукилари ва чизмаси бир мисрада

мустафъилун мустафъилун
— — v — — — v —

тарзидадир. Ушбу ўлчов дастлаб «Қисаси Рабғўзий»да қўлланган эди. Кейинчалик XIX асрнинг Й ярми шеъриятида ушбу вазнга мурожаат қилиниб, унинг асосида бир қатор «Саёҳатнома»лар яратилди. Муқимий, Завқий каби шиорлар битган «Саёҳатнома»лар шулар жумласидандир.

Мисоллар:

Ёши кичик, йўни улуг,
Зоти ориғ бек Тўқбуға,
Ул Носириддин куняти.

(*Рабғўзий*)

Қолмай шаҳарда тоқатим,
Қишлоқ чиқардим одатим,
Хоҳи яёв, бўлсун отим,
Гоҳ сайд ҳам даркор экан.

(*Муқимий*)

Олдим қўлимга хомани,
Ёздим ажойиб номани,
Тингланг қизиқ ҳантомани,
Жанжоли то алҳол экан.

(*Завқий*)

Ражази мураббаи музол вазни шеъриятимизда кам қўлланган ўлчовлардан саналади. Ушбу вазнда ёзилган шеърлар юқоридаги раЖази мураббаи солим ўлчовидан мисра охиридаги ҳижонинг ўта чўзиқлиги билангина фарқланади. Бинобарин, мазкур вазннинг рукилари ва чизмаси ҳар мисрада

мустафъилун мустафъилон
— — v — — — v ~

тарзидадир. Демак, ҳар қайси мисранинг биринчи рукни **мустафъилун** асли (солим)га, иккинчи рукни эса шу аслнинг **музол** тармоғи **мустафъилонга** тенг бўлади. Масалан, Муқимий қаламига мансуб «Саёҳатнома»нинг

Фарёдким, гардуни дун,
Айлар юрак-бағримни хун,
Күрдики, бир аҳли фунун
Чарх анга қажрафтөр экан.

...Аммо назарда Рошидон,
Фирдавс боғидин нишон,
Үйнаб оқар оби равон,
Саҳни гулзури экан.

...Бордим шаҳардин «Яккатут»,
Баққоли дузду бадбурут,
Бир танга сотқай бир қурут,
Инсофи йўқ таррор экан

бандларидағи 1—3-мисралар мазкур ўлчов асосида яратилган.

Шеърий асарларда ражази мураббай солим ва ражази мураббай музол вазнлари биргаликда қўлланаверади.

Ражази мусаммани солим шеъриятимизда анча кенг қўлланган вазнлардан бўлиб, рукнлари ва чизмаси ҳар мисрада

Мустафъилун мустафъилун мустафъилун мустафъилун
— — v — — — v — — — v — — — v —

тарзидадир. Кўриниб турганидек, ушбу ўлчов мустафъилун аслининг айнан такрорига асосланади. Чўзиқ ва қисқа ҳижоларнинг шу тарздаги такрори вазмин, салобатли оҳанг яратади. Мазкур ўлчов мусиқага ҳам осон тушади. Шу туфайли шеъриятимизда ражази мусаммани солим вазнида кўпгина лирик шеърлар яратилган.

Ушбу ўлчовнинг адабиётимизда қачондан бошлаб қўлланганини аниқ айтиш қийин. Шуни таъкидлаш лозимки, XIV аср II ярми, XV аср бошида яшаб ижод этган Атоий, Саккокий, Гадоий, Лутфий каби шоирларнинг барчаси ўз асарларининг бир қисмини мана шу ўлчов асосида яратганлар. Алишер Навоий ўзининг 9 ғазалини ушбу ўлчов асосида битган эди. Мазкур вазн ҳанузгача шеъриятимизда қўлланиб келади.

Мисоллар:

Эй кўнглум олган дилрабо, жоним фидо бўлсун санга,
Оби ҳаёти Хизр ила умре бақо бўлсун санга

(Атоий)

Эй жондин ортуқ севганим, қасд этма охир жонима,
Раҳм этгил, ўлтурма мени, ноҳақ қолурсан қонима.

(Саккокий)

Мен хаста қонина қамар соҳибжамоле боғламиш,
Қасди гарibe айламиш, нозук хаёле боғламиш.

(Лутфий)

Бир куни мени ул қотиле мажнуншиор ўлтурғуси,
Усрук чиқиб жавлон уриб девонавор ўлтурғуси.

(Навоий)

Эй шўх, кўзу қошинга олам гадо, ман ҳам гадо,
ЛАъли лаби дурпошинга олам гадо, ман ҳам гадо.

(Оғаҳий)

Меҳнаткаш элни шод этар аввал баҳорини кўринг,
Аввал баҳор иш бошлаган кенг пахтазорини кўринг.

(Ҳабибий)

Ражази мусаммани музол вазни шеъриятимиизда
кам қўлланган ўлчовлардан бўлиб, рукнлари ва чиз-
маси бир мисрада

мустафъилун мустафъилун мустафъилун мустафъилон
— — v — — — v — — — v — — — v ~

тарзидадир. Яъни бу ўлчовда ёзилган шеърий асар-
нинг садр, ибтидоъ, ҳашвлари мустафъилун аслига,
аруз ва зарб рукнлари эса мустафъилун аслининг муз-
зол тармоғи мустафъилон рукнига тенг бўлади.

Мазкур вазн ражази мусаммани солим ўлчовидан
охирги ҳижонинг ўта чўзиқлиги билангина фарқ қи-
лади. Шунга кўра ҳар икки вазн бир шеърда қўллана-
веради.

Мисоллар:

Лутф айлаб, эй пайки сабо, ҳолимни султонимға айт,
Яъники жоним дардини ишқида жононимға айт.

(Оғаҳий)

Гар истар эрсанг, эй кўнгул, қилмоқ сани масрур
ганж,
Тутғил қаноат кунжиниким, ул эрур мавфур ганж.

(Оғаҳий)

То қилмаса ўзни киши ботил
тасаввурдин халос,
Бўлмоқ анга мумкин эмас ҳаргиз
такаббурдин халос.

(Оғаҳий)

Ражази мусаммани матвийи маҳбун шеъриятимизда
алича қенг қўлланилган вазнлардан бўлиб, рукнлари ва
чизмаси бир мисрада

муфтаилун мафоилун муфтаилун мафоилун
— v v — у — у — — v v — у — у —

гарзидадир. Яъни бу ўлчовда ёзилган шеърий асар мисраларидағи биринчи ва учинчи рукнлар **мустафъилун** аслининг **матвий** тармоги **муфтаилун** рукнига, иккинчи ва тўртинчи рукнлар эса **мустафъилун** аслининг **маҳбун** тармоги — **мафоилун** рукнига тенг бўлади.

Ушбу ўлчов шеъриятимизда XIV асрдан қўллана бошлагани маълум: Атоий, Гадоий, Лутфий каби шоирлар ижодида бир қанча ғазаллар мазкур вазн асосида битилган.

Навоий ўзининг ўзбек тилидаги 9 ғазалини шу ўлчовда яратган эди. Ундан Мунис, Оғаҳий, Машраб, Завқий каби шоирлар ҳам баракали фойдалангандар. Ҳабибий ҳам ушбу ўлчов асосида бир қатор ғазаллар ёзган.

Мисоллар:

Эй бегим, ушбу юз дегул, шамс била қамармудур?
Эй бегим, ушбу сўз дегул, шаҳд била шакармудур?

(Атоий)

Тушти яна қўнгул сочинг фикринаю хаёлина,
Ҳеч била олманам мунунг фикри наю, хаёли на?

(Гадоий)

Гарчи йироқ тушмишам ул севарим висолидин,
Ўзгага солгали назар ўфтсанурам хаёлидин.

(Лутфий)

Сувда юзунгму акси ё чашма аро паримудур,
Чашмаи меҳр ичинда ё ламъай муштаримудур?

(Навоий)

Боғу баҳор аро не тонг бўлмаса гар қароримиз,
Ким сари қўйингиз эрур боғимизу баҳоримиз.

(Оғаҳий)

Ёр келур замона йўқ, келмаса келмасун нетай,
Таклиф этарга хона йўқ, келмаса келмасун нетай.

(Завқий)

Илму ҳунарга интилур бир неча она қизларим,
Чин онаю сингил каби балки дугона қизларим.

(Ҳабибий)

Ражази мусаммани матвийи маҳбуни музол вазни шеъриятимизда кам қўлланган ўлчовлардан бўлиб, руқнлари ва чизмаси бир мисрада

Муфтаилун мафоилун муфтаилун мафоилон
— v v — v — v — — v v — v — v ~

тарзидадир. Бинобарин, унинг таркибида мустафъилун аслининг матвий тармоғи **муфтаилун** (биринчи ва учинчи руқнларда), **маҳбун** тармоғи мафоилун (иккинчи руқнда), маҳбуни музол тармоғи **мафоилон** иштирок этади. Мазкур ўлчовнинг юқоридаги ражази мусаммани матвийи маҳбун вазnidан охирги ҳижонинг ўта чўзиқлиги билангина фарқланиши кўзга ташланиб турибди. Шу хусусиятига кўра ҳар икки вазн бир шеърий асарнинг ўзида қўлланаверади.

Мисол:

Шукрки айш базмидин еткурубон навид ийд,
Аҳли жаҳонни айлади маст майи умид ийд.

(Оғаҳий)

Рамал¹ баҳри шеъриятимизда жуда кенг қўлланган ўлчов тури бўлиб, унинг асосини фоилотун аслининг айнан такори ташкил қиласи. Адабиётимизда рамал баҳрининг мусамман ва мусаддас вазнларидан фойдаланиб келинган. Рамали мусаммани солим ўлчовнинг руқнлари ва чизмаси бир мисрада

фоилотун фоилотун фоилотун фоилотун
— v — — — v — — — v — — — v — —

тарзидадир.

¹ «Рамал» сўзи «туюнинг лўқиљлаши» деган маънони билдиради.

Алишер Навоий «Мезонул авзон»да рамал баҳри-нинг 13 вазнинигина санаб ўтиб, уларга мисоллар келтиради. Бобур ўзининг «Мухтасар»ида «Рамал баҳри эллик тўқиз вазн, ўттиз бир мустаъмал, йигирма сак-киз муҳтараъ, ўн икки вазн мустаъмали матбуъ», — деб таъкидлаб, 59 вазннинг барчасига мисоллар келтиради¹.

Шеъриятимизда рамал баҳрининг 24 вазнидан кенг фойдаланилган. Улар фоилотун асли ва қуидаги 12 тармоқ рукнининг турли тартибдаги такрорланишига асосланади:

№№	Рукнлар	Уларнинг чизмаси	Аталиши	Қўлланиш ўрни
1.	Фоилотун	— v — —	солим	1-4 рукнларда (садр, ибтидо, ҳашвlar, аруз ва зарбда)
2.	Файлутун	v v — —	махбун	— » —
3.	Файлоту	v v — v	машкул	1,3 рукнларда (садр, ибтидо, кейинги ҳашвда)
4.	Мафъулун	— — —	мушаъас	1—2 рукнларда (садр, ибтидо, олдинги ҳашвда)
5.	Фоилоту	— v — v	макфуф	2-рукнда (олдинги ҳашвда)
6.	Фоилийён	— v — ~	мусаббағ	охирги рукнда (аруз ва зарбда)
7.	Фоилун	— v —	маҳзуф	— » —
8.	Фоilon	— v ~	мақсур	— » —
9.	Файлун	v v —	махбуни	— » —
10.	Файлон	v v ~	маҳзуф	— » —
11.	Фаълун	— —	махбуни	— » —
12.	Фаълон	— ~	мақсур	— » —
			мақтуъ	— » —
			мақтуъи мусаббағ	— » —

Рамал баҳрида ёзилган туркий шеърлар дастлаб «Қисаси Рабғўзий»да учрайди. Шоир асаардаги қиссалар орасида ушбу ўлчовда битилган жами 29 шеър келтиради. Уларнинг аксарияти fazal шаклида ёзилган. Атоийнинг 167 шеъридан 63 таси, Гадоийнинг 233

¹ Бобур. «Мухтасар», 69—77, 145-бетлар.

шеъридан 157 таси, Саккокийнинг 56 шеъридан 11 таси, Ҳофиз Ҳоразмий қаламига мансуб 1044 шеърдан 350 таси ушбу баҳр вазнлари асосида битилган эди.

Рамал баҳри Алишер Навоий ижодидан янада кенгроқ ўрин эгаллади. «Ҳазойинул маоний» асаридан ўрин олган 3132 шеърдан 1827 таси, хусусан, (1666) газалининг ушбу баҳр ўлчовлари заминида яратилганлиги фикримизнинг далили бўла олади.

Рамал баҳри Навоийдан кейинги давр шоирлари ижодидан ҳам ғоятда кенг ўрин олди.

Рамал баҳри қўшвазнли ва кўп вазнли ўлчов гуруҳлари — шаҳобчалардан ташкил топган. Қўшвазнли ўлчовлардан ҳар бири икки вазнни ичига олса, кўп вазнли шаҳобчалардаги шеърларнинг ҳар қайсиси 8 тагача вазнда ёзилиши мумкин.

Рамал баҳри вазнлари «Шашмақом»нинг жами 49 куйига, «Баёт», «Дугоҳ Ҳусайн» туркумларидағи 9 куйга, шунингдек кўпчилик халқ куйларига мос келади.

РАМАЛ БАҲРИ ВАЗНЛАРИ

РАМАЛ БАҲРИНИНГ ҚЎШВАЗНЛИ ЎЛЧОВЛАРИ

Рамали мусаммани солим шеъриятимизда деярли мутлақо қўлланилмаган вазн бўлиб, руқнлари ва чизмаси бир мисрада

фоилотун	фоилотун	фоилотун	фоилотун
— v — —	— v — —	— v — —	— v — —

тарзидадир. Алишер Навоийнинг «Ҳазойинул маоний»сидаги биргина ғазал шу ўлчовда ёзилган. Шоир уни мазкур вазн хусусиятларини синаш мақсадида битган деб айтиш мумкин. Ушбу ғазал шундай байтлар билан бошланади:

Эй жамолу раҳматингдин гар залилу гар муazzаз,
Сафҳай кавнайн ўлуб отинг тарозидин мутарраз.
Юз бу оламча яратмоқ қудратинг оллинда жоиз,
Садякин ижод қилмоқ ўзгаларга йўқ мужавваз.

(«Наводириши шабоб», 199-ғазал)

Мазкур вазн Навоийгача яшаган шоирлар ижодида ҳам, XV—XX асрлар шеъриятида ҳам мутлақо қўлланилмаган. Бунинг сабаби вазннинг мумтоз мусиқа куйларига ҳам, халқ мусиқасига ҳам номувофиқлиги бўлса керак.

Рамали мусаммани маҳзуф вазни шеъриятимизда жуда кенг қўлланган ўлчов саналади. Унинг рукилари ва чизмаси бир мисрада

фоилотун фоилотун фоилотун фоилун
— v — — v — — v — — v —

тарзидадир. Чўзиқ ва қисқа ҳижоларнинг бу хил тақори жуда ёқимли ва жозибадор оҳанг яратади. Мазкур вазн ўз таркиби жиҳатидан мумтоз ва халқ қуйларига жуда мос бўлиб тушади. Алишер Навоий «Мезонул авзон» асарида рамали мусаммани маҳзуф вазнининг халқ ичида кенг тарқалган «Қўшуқ», «арузвоний», «туркий» деб аталган халқ қуйларига мослигини алоҳида таъкидлаб кўрсатган эди. Машҳур мусиқашунос Юнус Ражабий тузган «Шашмақом» да мана шу вазн «Шашмақом»га мансуб 52 куйга мос тушишини кузатишими мумкин. Бундан ташқари, ушбу ўлчовдаги шеърларни қўпдан қўп халқ қуйларига мослаб ижро этиш ҳам мумкин.

Бобур «Мухтасар» асарида ушбу вазнга тўхталар экан: «Бу вазн форсийда ва туркийда қўп шойиъдур. Мавлоно Абдураҳмон Жомий бу вазнда бисёр айтибтурс. Мир Алишер Навоийнинг худ жамиъ ўзга вазнда айтқон ашъори била бу вазнда айтқон ашъорининг лошаҳ борғай. Султон Ҳусайн Мирзонинг девонида ушбу вазндан ўзга вазн йўқтур. Ҳожа Хисрав Деҳдавийнинг «Дарёи аброри» бу вазнадур... Улуг шоирларлаҳу аксар татаббуъ қилибтурлар, Мир Алишер Навоийнинг «Туҳфатул афкор»ининг матлаича кам воқеъ бўлубтур»¹.

Дарҳақиқат, Алишер Навоий қаламига мансуб 3132 туркий шеърдан 1075 таси шу ўлчов асосида ёзилган эди. Мазкур вазн барча ўзбек шоирлари ижодида энг қўп қўлланган ўлчовдир. Ҳозирги замон ўзбек шоирлари ҳам ундан баракали фойдаланиб келмоқдалар. Ҳабибий, Эркин Воҳидовлар шеъриятининг асосий қисми ушбу вазн асосида битилган.

Мисоллар:

Олди таркин, берди эрса ҳақ рисолат хильнатин,
Отланиб кезди тун икра икки олам мулкатин.

(Рабғўзий)

¹ Бобур. Мухтасар, 145—146-бетлар.

Эй ҳижил гул оразингдин бўстону боғлар,
Лола рухсоринг фироқи қўйди жонға доғлар.

(Атойй)

Ё раб, ул дилбар малак ё ҳур ёхуд жон эрур,
Ҳақ назар ондин қўттармас, халқ анга ҳайрон эрур.

(Лутфий)

Эй муғаний, ёр базмида наво соз айласанг,
Жон фидонг бўлсун, ғамим шарҳидин
овоз айласанг.

(Навоий)

Сочининг савдоси тушти бошима боштин яна,
Тийра бўлди рўзгорим ул қаро қошдин яна.

(Бобур)

Борди сабрим ул пари базм ичра ором айлагач,
Ақлу ҳушим кетти майли бодау жом айлагач.

(Оғаҳий)

Үйқуда бир кун висолингни қўрар кун бормукин,
Субҳи хуршиди жамолингни қўрар кун бормукин.

(Нодира)

Тўккали жаллод эрур ишқ аҳлидин қон қўзларинг,
Лабларинг жон баҳшу аммо офати жон қўзларинг.

(Фурқат)

Келди айёми баҳор, иш даври бир он ўтмасин,
Бир нафас гафлатда бу қимматли даврон ўтмасин.

(Ҳабибий)

Тарихингдир минг асрлар ичра пинҳон, ўзбегим,
Сенга тенгдош Помири оқсоқ Тиёншон, ўзбегим.

(Э. Воҳидов)

Рамали мусаммани маҳсур вазни шеъриятимизда
кенг қўлланган ўлчовлардан бири бўлиб, руқнлари ва
чизмаси бир мисрада

фоилотун фоилотун фоилотун фоilon
— v — — — v — — — v — — — v ~

тарзидадир. Кўриниб турганидек, ушбу ўлчов юқори-
даги рамали мусаммани маҳзуф вазнидан охирги ҳи-
жонинг ўта чўзиқлиги билангина фарқланади. Ана шу
хусусиятига кўра у билан бирга бир шеърда қўллана-

веради. Баъзи арузшунослар бу икки ўлчовни бир вазн деб биладилар. Навоий ва Бобурлар Ҳусайн Бойқаро девонидаги барча шеърлар биргина ушбу вазндадир, деб таъкидлаганларида шу хил қарашга асосланадилар. Ваҳоланки, Ҳусайн Бойқаро девонида ҳар икки ўлчовдан фойдаланилган.

Рамали мусаммани мақсур вазни ҳам ёқимли оҳангга эга бўлиб, хилма-хил кўйларга осон тушади. Шунинг учун шоирларимиз XIV асрдан бошлаб бу ўлчовга кенг мурожаат қилганлар. Чунончи, Атоийнинг 11 fazali, Гадоийнинг 60 fazali, Ҳофиз Хоразмийнинг 32 fazali, Алишер Навоийнинг 344 туркий шеъри, жумладан, 331 fazali, Оғаҳийнинг 28 fazali шу ўлчовда битилган.

Мисоллар:

Дилбаро, лаълинг шароби оби қавсадин латиф,
Қоматинг нахли доги сарви санубардин латиф.

(Атоий)

Ой юзунг буржи латофаттин тулуъ этган қуёш,
Заррадек меҳриннга бўлди кўқда саргардон қуёш.

(Гадоий)

Ростлик ҳаққи, мухолиф бўлмадим ҳеч, эй нигор,
Най бикин бағрим тешиб ингратма мени зор-зор.

(Лутфий)

Ончаким Ширину Лайлидин сенинг ҳуснунг фузун,
Менда ҳам Фарҳоду Мажнундин фузун ишқи жунун.

(Навоий)

Неча даврон гуссаси бўлғай менинг жонимға хос,
Кошқи ўлсам доги бу гуссадин бўлсанмалос.

(Бобур)

Фурқат ичра қон ютуб ғам бирла чектиқ оҳи сард,
Ким ҳазон авроқидек бўлди юзим ҳажрида зард.

(Нодира)

Гарчи бордур ҳусн аро ҳар шўхи шаҳр ошуб хўб,
Лек афзунроқ алар ичра бизинг маҳбуб хўб.

(Оғаҳий)

Ишқ изҳор этгонимга қаҳр этиб, эй сарвиноз,
Жисм ила жоним итоб ўтиға то бердинг гудоз.

(Фурқат)

Эй сабо, еткур бориб мендин қадрдонимга арз,
Яни ул жон бирла тенг шафқатли жононимга арз.

(Хабибий)

Кеча ойдин, мавжли денгиз, күй түқир бедор сарв,
Ой келиб сарв узра қўнди, бўлди ойрухсор сарв.

(Э. Воҳидов)

Рамали мусаммани маҳбун вазни шеъриятимизда кам қўлланган вазнлардан саналиб, айрим ижодкорларгина унинг имкониятларидан фойдаланганлар. Ушбу ўлчовнинг рукнлари ва чизмаси бир мисрада

фоилотун фаилотун фаилотун фаилотун
— v — — v v — — v v — — v v — —

тарзидадир. Бинобарин, унинг таркибини фоилотун аслининг солими (биринчи рукнларда) ҳамда шу аслнинг маҳбун тармоғи фаилотуннинг (2, 3, 4-рукнларда) тақрори ташкил этади. Қисқа ва чўзиқ ҳижоларнинг бу хил тақрори куйларга мос келмайдиган оҳанг яратади. Шу туфайли унга жуда кам шоирлар мурожаат қилганлар. Ушбу ўлчов фақат Алишер Навоий шеъриятидагина қўлланган бўлиб, шоир ўзининг «Хазойинул-маоний»га кирган 10 ғазали ва бир қатъаси ни шу вазнда битган эди.

Мисоллар:

Ишқ таркига қилурсен туну кун кўнглума туҳмат,
Ки отин тутмагай эл, тутса бир ойин била шуҳрат.

(Навоий)

Қайди зулфини чу ёр айлади занжири иродат,
Тушти ҳар ҳалқасидин бўйнума бир тавқи саодат.

(Навоий)

Паҳлавон эрди менинг ёриму бир шўх анисим,
Бири ўлдию бири итти, ишим бўлди таассуф.

Ровиё баҳрларидин менга йўқтур кечада уйқу,
Қиссаи Ҳамза дегил тоҳию тоҳ қиссаи Юсуф.

(Навоий)

Рамали мусаммани машкул вазни шеъриятимизда жуда кам қўлланган ўлчовлардан бўлиб, унинг рукнлари ва чизмаси бир мисрада

фаилоту фоилотун фаилоту фоилотун
v v — v — v — — v v — v v — —

тарзидадир. Мазкур вазн таркибини фоилотун аслининг машкул тармоғи фаилоту (биринчи, учинчи руқнларда) ҳамда солим қўринишининг кетма-кет тақорори ташкил қиласди. 8 та қисқа ва 8 та чўзиқ ҳижонинг шу тартибда гуруҳланиб тақорорланиши туфайли анча оғир, ўқиш учун ҳам ноқулай, куйга осон тушмайдиган бир оҳанг ҳосил бўлади. Шунинг учун ҳам ушбу ўлчовдан шеъриятимизда жуда кам фойдаланилган.

Мазкур вазнни дастлаб Лутфий шеъриятида учратамиз. Шоир унинг асосида иккитагина ғазал ёзган холос. Ҳофиз Ҳоразмий ва Алишер Навоийнинг биттадан ғазали, Оғаҳийнинг иккита, Фурқатнинг 2 та ғазали шу ўлчовда битилган. Машраб эса ўзининг иккита мухаммасини шу вазнда ёзган.

Мисоллар:

Фараҳу нишот берур лаби шаккарини ёди,
Чун эрур мудом ёди манга умрнинг зиёди.

(Ҳ. Ҳоразмий)

Бу кечар жаҳонда соқий, чу эмас вафо нишони,
Бари айш бирла кечса қерак ушбу умри фоний.

(Лутфий)

Яна шуълалиқ қўнгулни ғаминг этти пора-пора,
Буки бутрашур, эрур поралари эмас шарора.

(Навоий)

Очилиб туман тароват била саҳни боғ аро гул,
Етуруб чаманга ҳар ён неча зеб ила сафо гул.

(Оғаҳий)

Санамо, юзинг биҳиштин гул очиб баҳор қилдинг,
Нега гайр ила тузуб базм, мени бекарор қилдинг,
Отибон ғаминг ўқини юрагим фигор қилдинг,
Мени, эй хумор кўзлик, нега мунча зор қилдинг,
Тилагач жамолинг, эй гул, кўчаларда хор қилдинг.

(Машраб)

Кечалар эмас фалакни ёргуғ айлаган ситора,
Чиқар оҳим оташидин бўлунуб неча шарора.

(Фурқат)

Ҳама бахтиёру эркин, на ажаб гўзал замона,
Ҳама дилда бир муҳаббат, ҳама тилда ўз тарона.

(Ҳабибий)

**Рамали мусаммани машқули мусаббағ шеърияти-
мизда жуда кам қўлланган ўлчовлардан биридир.
Рукнлари ва чизмаси бир мисрада**

фаилоту фоилотун фаилоту фоилийён
v v — v — v — — v v — v — v — ~

тарзида бўлган ушбу вазн олдинги, рамали мусаммани
машкул ўлчовидан охирги ҳижонинг ўта чўзиқлиги
билангина фарқланади ва, шу хусусиятига кўра, у билан
бир шеърда биргаликда қўлланиши мумкин.

Ушбу вазнда айрим шоирларимиз бир-иккитагина
газал ёзишган.

Мисол:

Қаро отлиқ оқ бегим, бу не юриш бўлур, не жавлон,
Жиловунгни тортароқ тутки улусда қолмади жон.

(Гадоий)

**Рамали маҳбуни маҳзуфи мустаҳзод вазни шеърия-
тимизда жуда кам қўлланган ўлчовлардан, рукнлари
ва чизмаси бир мисрада**

фоилотун фаилотун фаилотун фаилун
— v — — v v — — v v — — v v —
фоилотун фаилун
— v — — v v —

тарзида бўлиб, Хоразм шоирлари ихтироси саналади.
Ушбу ўлчовдан хоразмлик ижодкорлар — Мунис ва
Огаҳий шеъриятида фойдаланилган.

Мисол:

Ваҳ менга қаҳр этиб ул қотили бебок санам
берадур заҳри жафо,
Илтифот айлабон ағёрга тинмай бир дам
тутадир жоми вафо.

(Огаҳий)

**Рамали маҳбуни маҳзуфи мақсурини мустаҳзод вазни
юқоридаги ўлчовга яқин бўлиб, рукнлари ва чизмаси
бир мисрада**

фоилотун фаилотун фаилотун фаилун
— v — — v v — — v v — — v v —
фоилотун фаилон
— v — — v v ~

тарзидадир. Унинг асосий мисраси фоилотун аслининг маҳбуни маҳзуф тармоғи — **фаилун** рукни билан, орттирмаси эса шу аслнинг маҳбуни мақсур тармоғи **фаилон** рукни билан тугалланади. Хоразм шоирлари, хусусан, Мунис қашфиёти бўлган ушбу ўлчовда шоирнинг ягона мустаҳзоди ёзилган бўлиб, унинг матлаъи:

Ой юзунг ҳажрида ҳар тун қилиб оҳим шарари
авжи гардунга сууд,
Ёқадур анжума ой шамъини онинг асари
чархни бил анга дуд.

Рамали мусаддаси маҳзуф вазни шеъриятимиздаги мақбул ўлчовлардан бири ҳисобланади. Унинг рукнлари ва чизмаси бир мисрада

фоилотун фоилотун фоилун
— v — — v — — v —

тарзидадир. Унинг таркибини фоилотун аслининг солим кўриниши ҳамда унинг маҳзуф тармоғи фоилун рукнлари ташкил этади. Рукнлар, уларнинг таркибидаги чўзиқ ва қисқа ҳижоларнинг шу хилдағи такрори ёқимли, енгил ва мусиқабоп оҳангни вужудга келтиради. Шунинг учун ҳам ушбу ўлчовдан шоирларимиз анча кенг фойдаланганлар.

Мазкур ўлчовни даставвал туюқ ёзувчи шоирларимиз ижодида учратамиз, зеро ушбу ўлчов туюқ вазнидан бири ҳисобланади. Бинобарин Лутфий, Гадоий каби шоирлар яратган туюқлар шу ўлчовдадир. Лутфийнинг ўзи ушбу вазни асосида ўзининг 65 туюғини ёзган эди.

Фазалиётда мазкур ўлчов дастлаб Ҳофиз Хоразмий шеъриятида қўлланган кўринади. Унинг 17 fazали ушбу вазнададир. Алишер Навоий 17 туркий шеърини, жумладан, 6 fazали, 7 туюғи, 2 қитъа, биттадан муаммо ва фардини шу ўлчовда битган эди. Рамали мусаддаси маҳзуф вазни XVI—XIX асрлар ўзбек шеъриятида ҳам анча кенг қўлланиб келган.

Мисоллар:

Ҳур туурманким қилурман жон фидо,
Ҳурлуқим эмди яқин бўлди манго.
Лаънат ул малъун Язидгаким қилур
Мустафо ўғлонларинга бу жафо.

(Рабғўзий)

Дилрабо, Юсуф жамоли сенدادур,
Дилраболиқнингки ҳоли сандадур.
Умр кечти-ю, мени бир сўрмадинг,
Бевафолиқнинг камоли сенدادур.

(Лутфий)

Ул санамнинг юзиқим гулзор эрур,
Юзининг гулзорина гул зор эрур.

(Ҳ. Ҳоразмий)

Шаҳсуворим ҳар қачон жавлон қилур,
Маҳв ўлуб билмон ўзумни, ҳақ билур.

(Навоий)

Улки ҳар кўзи газоли чиндуур,
Қошида пайваста онинг чиндуур.
Чунки кўп ёлғон айитти ул манга,
Гар десам ёлғончи онинг чиндуур.

(Бобур)

Тушти савдои муҳаббат бошима,
Ор этар мардун келурга қошима.

(Машраб)

Қоматинг сарви хиромоним менинг,
Лабларинг гулбарги хандоним менинг.

(Оғаҳий)

Дилда, то эй сарви раъно, меҳрингиз,
Менга бўлди дафъи савдо меҳрингиз.

(Муқимий)

Бу замона хўбрўсида вафо,
Йўқ, тамаъ қилмоқ басе андин хато.

(Фурқат)

Ҳар кишининг севгилик ёри кўнгул,
Маҳрами асрору дилдори кўнгил.

(Ҳабибий)

Рамали мусаддаси мақсур вазни ҳам шеъриятимиз-
даги фаол ўлчовлардан бўлиб, олдинги, рамали мусад-
даси маҳзуф ўлчовидан охирги ҳижонинг ўта чўзиқли-
ги билан фарқданади. Ушбу ўлчовнинг руқнлари ва
чизмаси бир мисрада

фоилотун фоилотун фоilon
— v — — — v — — — v ~

тарзидадир. Күриниб турганидек, унинг таркибида фоилотун аслининг солим кўриниши (биринчи ва иккинчи мисраларда) ҳамда шу аслнинг мақсур тармоғи — фоилон руқни иштирок этади. Ўзаро яқинлигига кўра рамали мусаддаси маҳзуф ва рамали мусаддаси мақсур ўлчовлари бир шеърда биргаликда қўлланиши мумкин.

Мазкур вазн ҳам ёқимли оҳангга эга бўлиб, куйлаш учун ҳам қулай, халқ қуиларига ҳамоҳангдир.

Ушбу ўлчов ҳам дастлаб туюқнавис шоирлар ижодида: Лутфий, Гадоий, Муқимий (XIV аср)лар шеъриятида қўлланган. Кейинчалик бошқа жанрлардаги лирик шеърларни битишда фойдаланилган.

Ҳофиз Хоразмий ўзининг 8 газалини шу ўлчов асосида ёзган. Алишер Навоийнинг биттагина ғазали ушбу вазнда. Рамали мусаддаси мақсур ўлчови кейинги асрларда ҳам шоирларимиз ижодидан мустаҳкам ўрин эгаллаган.

Мисоллар:

Эй кўнгул, ёрсиз санга не бор, бор,
Қайдаким ул зулфи анбарбор, бор.
Чек жафоу жавру нози борини
Бир кун улгайким, дегайлар «Бор, бор!»

(Лутфий)

Чун каманди зулфидур занжири дод,
Топғаман ҳукми лабиндин бас кушод.

(Х. Хоразмий)

Эй хаёлингдин манга ҳар дам нашот,
Кўнглума васлинг сўзидин инбисот.

(Навоий)

Гул эмас рухсори тобонигча хўб,
Фунча ҳам йўқ лаъли хандонингча хўб.

(Оғаҳий)

Қилмағил зинҳор изҳор эҳтиёж,
Ким азиз элни қилур хор эҳтиёж.

(Нодира)

РАМАЛ БАҲРИНИНГ КЎПВАЗНЛИ ЎЛЧОВЛАРИ МУСАММАН (САККИЗ РУКНЛИ) ВАЗНЛАР

Рамал баҳрининг кўпвазнли мусамман ўлчовлари икки шаҳобчадан ташкил топади. Шартли равишда **«солими маҳбун»** деб аталувчи шаҳобча ўз ичига тўрт вазнни олиб, улар:

1. Рамали мусаммани солими маҳбуни маҳзуф.
2. Рамали мусаммани солими маҳбуни мақсур.
3. Рамали мусаммани солими маҳбуни мақтуъ.
4. Рамали мусаммани солими маҳбуни мақтуъи мусаббаг.

Бу ўлчовлардан ҳар бирининг биринчи (садр ва ибтидоъ) рукнлари фоилотун аслига, иккинчи, учинчи (ҳашв) рукнлари фоилотун аслининг маҳбун тармоғи — файлотунга, тўртинчи (аруз ва зарб) рукнлари фоилотун аслининг маҳбуни маҳзуф (файлун), маҳбуни мақсур (файлон), мақтуъ (фаълун) ва мақтуъи мусаббаг (фаълон) рукнларидан бирига тенг бўлади. Улар ўзаро жуда яқин бўлгани учун тўртала вазн бир шеърий асарнинг ўзида қўлланаверади.

«Маҳбун шаҳобчаси» ҳам ўз ичига тўрт вазнни олиб, ушбу тўрт вазн юқоридаги шаҳобча ўлчовларидан биринчи рукннинг фоилотун аслининг маҳбун тармоғи файлотунга тенглиги билангина фарқ қилиб, иккинчи-тўртинчи рукнлари айнандир. Бу тўрт ўлчов қўйидагилар:

1. Рамали мусаммани маҳбуни маҳзуф.
2. Рамали мусаммани маҳбуни мақсур.
3. Рамали мусаммани маҳбуни мақтуъ.
4. Рамали мусаммани маҳбуни мақтуъи мусаббағ.

Ҳар икки шаҳобчага мансуб 8 вазн, таркибига кўра ўзаро яқинлиги туфайли, бир шеърий асарнинг ўзида биргаликда қўлланаверади. Натижада 2—8 вазнли шеърий асарлар яратилади. Лекин бу хил асарларнинг аксар мисралари «солими маҳбун шаҳобчаси» ўлчовларида бўлиб, баъзиларигина «маҳбун шаҳобчаси» вазнларида ёзилади. Масалан, Огаҳийнинг «Тамаъ» радиофли ғазалида шу вазнлардан 4 таси иштирок этган бўлиб, хусусан,

Соқиё, сандин эрур қўнглума ором тамаъ
Яъни ичмак илигинг бирла тўла жом тамаъ.
Ишқ эли нўш қилурлар майи васлинг ҳар дам,
Ман ҳам они қилурам айламак ошом тамаъ.

Етиб эл сұхбатинга, айлади комин ҳосил,
Не ажаб мен дөфи топмоқ тиласам ком тамаъ.
...Чекарам ранжи фироқинг тамаи васлинг ила,
Негаким ранж чекар ҳар ким эса хомтамаъ.

байтларидаги биринчи, иккінчи ва қофияланувчи мисралар рамали мусаммани солими маңсур, учинчи мисра рамали мусаммани солими маңбуни мақтуу, бешинчи мисра рамали мусаммани маңбуни мақтуу, еттинчи мисра рамали мусаммани маңбуни маңзуф вазнларыда ёзилган.

«СОЛИМИ МАҲБУН» ШАҲОБЧАСИ ВАЗНЛАРИ

Рамали мусаммани солими маҳбуни маңзуф вазни шеъриятимизда күп қўлланган ўлчовлардан бири саналади. Унинг рукнлари ва чизмаси бир мисрада

фоилотун фаилотун фаилотун фаилун
— v — — v v — — v v — — v v —

тарзида бўлиб, асосини фоилотун аслининг **солими** (биринчи рукнларда), шу аслининг маҳбун тармоғи **фаилотун** (иккинчи, учинчи рукнларда) ҳамда маҳбуни маңзуф тармоғи — **фаилун** (тўртинчи рукнларда) такро-ри ташкил этади. 8 та чўзиқ ва 7 ва қисқа ҳижонинг жуфт-жуфт бўлиб такрорлана бориши шўх, енгил ва ўйноқи, мусиқабон оҳанг яратади. Вазннинг ана шу хил жозибаси күп шоирларни ўзига мафтун қилған.

Мазкур ўлчов шеъриятимизда Лутфий ва Ҳофиз Хоразмий ижодидан бошланган. Лутфий ушбу ўлчовда 5 fazal ва бир фард битган бўлса, Ҳофиз Хоразмийнинг 57 fazали шу ўлчовда ёзилган эди. Алишер Навоий мазкур вазн асосида жами 85 туркий шеър, жумладан, 75 fazal, бир таржеъбанд, 7 қитъя, биттадан муаммо ва фард яратган. XVI—XIX асрларда ушбу ўлчовдан унча кенг фойдаланилмаган. Чунончи, Огаҳийнинг шу ўлчовда биттагина fazal ёзгани, Увайсийнинг 8 fazали унинг заминида яратилгани маълум.

Мазкур ўлчовда битилган шеърларни Ҳабибий ижодида ҳам учратиш мумкин.

Мисоллар:

Мени расво қиладурғон бу кўнгулдур, бу кўнгул,
Хору расво қиладурғон бу кўнгулдур, бу кўнгул.

(Лутфий)

Бир ақиқ ул лаби лаълинг била ҳамранг эмас,
Чини зулфунг бики Чин мамлакати занг эмас.

(*Х. Хоразмий*)

Ёр келгач, манга душман бўлурин билмас эдим,
Йўқса тун-кун тилабон васл, дуо қилмас эдим.

(*Навоий*)

Мужда, эй зор кўнгул, бу кеча ёринг келадур,
Гул руху сарв қаду лола узоринг келадур.

(*Оғаҳий*)

Ёр кўйига етибон ватан этмай нетайин,
Васл умидин оёғимға шикан этмай нетайин.

(*Увайсий*)

Бевафодур бу жаҳон суду зиён барча абас,
Ким ғами айши баҳор ила хазон барча аbos.

(*Нодира*)

Тишламоқ борму ҳалол иш била нон, ишламасанг,
Элга кенг, тор бўладур санга жаҳон ишламасанг.

(*Ҳабибий*)

Рамали мусаммани солими маҳбуни мақсур вазни ҳам шеъриятимизда анча кенг қўлланган ўлчовлардан саналади. У ўз таркиби жиҳатидан рамали мусаммани маҳбуни маҳзуф вазнига яқин бўлиб, охирги ҳижонинг ўта чўзиқлиги билангина фарқланади. Шунга кўра унинг рукнлари ва чизмаси бир мисрада

фоилотун фаялотун фаялотун фаилон
— v — v v — — v v — — v v ~

тарзидадир. Яъни биринчи рукнлар фоилотун аслининг солимига, иккинчи ва учинчи рукнлар шу аслнинг маҳбун тармоги **фаялотунга**, охирги рукни эса фоилотун аслининг маҳбуни мақсур тармоги — **фаилонга** тенг. Қисқа ва чўзиқ ҳижоларнинг бу хил такро-ри ҳам ёқимли ва ўйноқи оҳангни вужудга келтиради.

Мазкур вазн дастлаб Ҳофиз Хоразмий ижодида кўзга ташланади. У ўзининг 22 ғазалини шу ўлчов асосида битган эди. Алишер Навоий мазкур вазнни ўзининг 32 туркий ғазали учун асос қилиб олган. Оғаҳий бу ўлчовда фақат 3 ғазал битган.

Мисоллар:

Кел бу дам ичра манга бир нафас, эй сарви равон,
То фидойи қадаминг айлагайим жону равон.

(*Х. Хоразмий*)

Бу кўҳан дайрда хуштур неча кун бодаи ноб,
Хосса бир муғбача ишқида киши бўлса хароб.

(*Навоий*)

Ваҳки ул муғбача ҳар дамки чекар бодаи ноб,
Қўзғолур арбадасидин бу кўҳан дайри хароб.

(*Навоий*)

Ваҳки сандин манга жуз жавру жафо нодиру шоз,
Ўзгага файри карам бирла вафо нодиру шоз.

(*Оғаҳий*)

Айладим тун кеча хилват аро жонон била базм,
Қилғай ул навъики, бир хаста бадан жон била базм.

(*Оғаҳий*)

Рамали мусаммани солими маҳбуни мақтуъ вазни
ҳам шеъриятимиз учун мақбул ўлчовлардан биридир.
Унинг рукнлари ва чизмаси бир мисрада

фоилотун фаилотун фаилотун фаълун
— v — — v v — — v v — — — —

тарзидадир. Демак, ушбу ўлчовнинг дастлабки уч рукни юқоридаги икки вазн билан айнан бўлиб охирги рукнгина ўзгарган, бу ўринда фоилотун аслининг мақтуъ тармоғи — **фаълун** келган. Қисқа ва чўзиқ ҳижоларнинг бу хил такрори ҳам ёқимли оҳангни вужудга келтиради.

Шеъриятимизда ушбу ўлчов асосида битилган шеърларни дастлаб **Хофиз** **Хоразмий** ижодида учратамиз. Бу ўлчовда унинг 84 ғазали битилган. Алишер Навоий ҳам ўзининг туркий 63 газали, 3 қитъаси, биттадан муаммо ва фардини шу вазн асосида яратган. Мазкур шеърий ўлчов кейинги асрларда шоирларимизнинг диққат марказида бўлиб келди.

Мисоллар:

Бандаликдин топа билсам эди мақсудимни,
Бехато топғай эдим бир йўли маъбудимни.

(*Хофиз Хоразмий*)

Хаста кўнглум қушини бошинг учун ўзод айла,
Ё бошингдин эвуруб ташлабон озод айла.

(Навоий)

Манга ўлмаклик эрур ҳажрида осон сенсиз,
Ўлайин, лек даме бўлмайин, эй жон, сенсиз.

(Навоий)

Бўлди булкун менга ул сарви хиромон ўтру,
Жонима руҳи равон, жисмима дармон ўтру.

(Увайсий)

Магар ул ёр менинг доги ниҳоним билмиш,
Кўздин ўлғон ёшурун ашки равоним билмиш.

(Баёний)

Маҳвашим чехра очиб соғу саломат келди,
Мен учун айни шараф соғу саломат келди.

(Ҳабибий)

**Рамали мусаммани солими маҳбуни мақтути мусаб-
бағ** вазни ҳам шеъриятимизда анча кенг қўлланган
ўлчовлардан бўлиб, олдинги вазндан тўртинчи рукни
билангина фарқ қиласи. Ушбу ўлчовда тўртинчи рукни
ўрнида фоилотун аслининг мақтути тармоғи **фаълон**
эмас, балки мақтути мусаббағ тармоғи бўлмиш **фаъ-
лон** иштирок қиласи. Бинобарин, вазннинг рукнлари
ва чизмаси бир мисрада

фоилотун фаилотун фаилотун фаълон
— v — v v — v v — — ~

тарзиадир. Юқоридаги ҳар икки ўлчов бир шеърнинг
ўзида биргаликда қўлланаверади.

Мазкур, вазнда ёзилган дастлабки шеърлар кам
бўлса-да, Ҳофиз Ҳоразмий (З газал) ижодида учрайди.
Алишер Навоий ушбу ўлчов имкониятларини ҳисобга
олган ҳолда ўзининг 21 ғазали ва 2 муаммосини унинг
асосида яратган эди. Ушбу вазн XVI—XIX аср ўзбек
шоирлари ижодида ҳам қўлланиб турди.

Мисоллар:

Ийди жон топғай эдим кешида бўлсан қурбон,
Чун онинг дарди эрур хаста кўнгулга дармон.

(Ҳ. Ҳоразмий)

Қотилеким, анга эрмас киши асло густох,
Тұлди қонимки, бұлубмен мени шайдо густох.

(Навоий)

Лутф этиб бир кеча кел базмим аро, эй мутриб,
Дилкушо ун била бұл нағма саро, эй мутриб.

(Оғажай)

Ёзайин бир неча сүз пайрави бұлсун ул хур,
Ёраб ул табы фалотунға бұлурму манзур.

(Увайсий)

«МАХБУН» ШАҲОВЧАСИ ВАЗИЛЛАРИ

Рамали мусаммани маҳбуни маҳзуф вазнининг
руқнлари ва чизмаси ҳар мисрада

фаилотун фаилотун фаилотун фаилун
v v — — v v — — v v — — v v —

тарзида бұлиб, бу ўлчовда ёзилған мисраларнинг би-
ринчи (садр ва ибтидоъ); иккінчи, учинчи (ҳашв)
руқнлари фоилотун аслининг маҳбун тармоғи **фаило-**
тунга, охирги (аруз ва зарб) руқнлари эса шу аслнинг
маҳбуни маҳзуф тармоғи — **фаилунга** тенг бўлади.
Масалан, Лутфий қаламига мансуб

«Қамар отлиғ юзунғ олидадур ой бир ҳабаший,
Доги юзинда нишондур», — дедим, айтур: «Санга не?»

Мени шайдо қиласурғон бу күнгулдур, бу күнгул,
Хору расво қиласурғон бу күнгулдур, бу күнгул.

байтларининг биринчи мисралари,

«Тўқма қонимни табассум била», — лаълингға дедим,
Кулиб айтур: «Мени ким сўргусудур қонинг учун?»

байтининг иккинчи мисраси; Навоийнинг

Йиқилиб ёна құпуб, чунки уруб йўлға қадам,
Ваҳки юз ништари ҳижрон аёғимға тикилиб.
Тобоним дарду бало хораларидин уюлиб,
Юрагим ранжу ано хорларидин тешилиб.

байтларидағи биринчи, учинчи, тўртинчи мисралар,
Муниснинг

Агар ул ёр карам қилмаса, Мунис, не осиғ,
Нечаким йиғлабон оҳинг унини кўқдин ошур.

байтилинг биринчи мисраси ушбу вазн асосида битилган эди.

Рамали мусаммани маҳбуни мақсур вазнининг
рукнлари ва чизмаси ҳар мисрада

фаилотун фаилотун фаилотун фаилон
v v — — v v — — v v — — v v ~

тарзида бўлиб, олдинги ўлчовдан охирги ҳижонинг ўта чўзиқлиги билангина фарқ қиласи, яъни ушбу ўлчовда ҳам ҳар қайси мисрадаги дастлабки уч руҳи фоилотун аслининг маҳбун тармоғи **фаилотунга**, охирги руҳи эса унинг маҳбуни мақсур руҳни **фаилонга** тенгдир. Масалан, Навоийнинг:

Кули бўлдум негаким мугбачаи бодафуруш
Мени маҳмурни бир жом била мамнун қилди

байтидаги биринчи мисра,

Номай ҳажр менга етмадиким, элтур қуш
Йиқилур ерга ҳаводин қаноти чурканибон

байтидаги иккинчи мисра, Муниснинг:

Илтифот айлагил арбоби вафога, жоно,
Алами ҳажрда ул хайлга йўқ тоқату тоб

байтидаги биринчи мисра, Нодиранинг:

Лабидин сўрма ҳадисики, эрур тилға гарон,
Ёр нозук лабига бермасун озор ҳадис

байтидаги биринчи мисра ушбу ўлчовдадир.

Рамали мусаммани маҳбуни мақтуъ вазнининг
рукнлари ва чизмаси ҳар мисрада

фаилотун фаилотун фаилотун фаълун
v v — — v v — — v v — — — —

тарзидадир. Кўриниб турганидек, ушбу ўлчовда ёзилган мисраларнинг олдинги уч руҳни (садр, ибтидоъ, ҳашвлар) фоилотун аслининг маҳбун тармоғи — **фаилотунга**, охирги (аруз ва зарб) руҳнлари эса ўз аслнинг мактуъ тармоғи — **фаълунга** тенг бўлади. Мазкур ўлчов ҳам «солими маҳбун шаҳобчаси» вазнлари билан биргаликда қўлланаверади.

Масалан, Лутфийнинг

Итинг уйғонди оҳимдин бошидин ўйрулдим,
Авф этиб айтти: «Нетай, ошиқи саргардонсан».

байтининг биринчи мисраси, Навоийнинг

Сўз демай икки шакардек лабиким банд ўлмиш,
Кула олмастин иши эмди шакарханд ўлмиш.
Бутун эрмас бу кўнгул шишаси аҳдингдекким,
Синмишу ҳар синуқ андин неча парканд ўлмиш.

байтларидағи иккинчи, учинчи мисралар; Увайсийнинг

На ажаб ушбу думогимни муаттар этти,
Тарқатибдурму экин зулфи муанбар мавзун.

байтининг биринчи мисраси ушбу вазнададир.

Рамали мусаммани маҳбуни мақтуъи мусаббағ вазнининг руқнлари ва чизмаси ҳар мисрада

фаилотун фаилотун фаилотун фаълон
v v — — v v — — v v — — — ~

гарзидағидир. Бинобарин, унинг дастлабки уч рукни (садр, ибтидоъ, ҳашвлар) фоилотун аслининг маҳбун тармоғи — **фаилотунга**, охирги (аруз ва зарб) руқнлари шу аслнинг мақтуъи мусаббағ тармоғи — **фаълонга** тенгдир. Ушбу ўлчов ҳам юқоридаги етти вазн билан бирғаликда қўлланаверади.

Навоийнинг:

Қила олгонча риё аҳлидин этқил эъроз,
Яхшироқ сидқ ила осики, риёлиқ муртоз.
...Кишига берса ғаму меҳнати даврон танқис,
Яхшироқким анга бергай ғами ҳижрон танқис.

байтларининг биринчи мисралари, Оғаҳийнинг:

Соз этарда юзунг узра солибон зулфунгни,
Тароғ айлаб дили решимни таро, эй мутриб

байтидаги иккинчи мисраъ, Увайсийнинг:

Лабинг эрмиш сени жонбахш масиҳо мавзун,
Бош кўтарди хатинг ул сорида хузро мавзун.
Топаолман неча ахтарсам ани мазмунин,
Табъи номавзунима тушти бу савдо мавзун.

байтларидағи биринчи ва учинчи мисралар шу вазнададир.

МУСАДДАС (ОЛТИ РУКИЛИ) ЎЛЧОВЛАР

Рамал баҳрига мансуб мусаддас кўп вазнли ўлчовлар ҳам асосан икки шаҳобча — «солими маҳбун» ва «маҳбун» гуруҳларидан ташкил топади. «Солими маҳбун» шаҳобчаси тўрт вазнни ўз ичига олади:

1. Рамали мусаддаси солими маҳбуни маҳзуф.
2. Рамали мусаддаси солими маҳбуни мақсур.
3. Рамали мусаддаси солими маҳбуни мақтуъ.
4. Рамали мусаддаси солими маҳбуни мақтуъи мусаббағ.

Бу тўрт вазннинг ҳар қайсиси фоилотун асли (солим) билан бошланиб, ўртадаги (ҳашв) руқн фоилотун аслининг маҳбун тармоги — **фаилотунга**, охирги (аруз ва зарб) руқнлари эса шу аслнинг маҳбуни маҳзуф (фаилун), маҳбуни мақсур (фаилон), мақтуъ (фаълон) ёки мақтуъи мусаббағ (фаълон) тармоқларидан бирига тенг бўлади. Демак, ушбу тўрт вазннинг олдинги икки руқни бир хил бўлиб, охирги руқндагина бироз фарқланади. Таркиби жиҳатидан ўзаро яқин бўлган бу тўртала вазн бир шеърий асарнинг ўзида биргаликда қўлланаверади.

«Маҳбун» шаҳобчаси ҳам тўрт вазнни ўз ичига олиб, улар биринчи руқннинг фоилотун аслига эмас, унинг маҳбун тармоги — фаилотунга тенг бўлиши билангина юқоридаги «солими маҳбун» шаҳобчаси вазнларидан фарқланади. Қолган икки руқн эса улар билан айнандир. Бу тўрт вазн:

1. Рамали мусаддаси маҳбуни маҳзуф.
2. Рамали мусаддаси маҳбуни мақсур.
3. Рамали мусаддаси маҳбуни мақтуъ.
4. Рамали мусаддаси маҳбуни мақтуъи мусаббағ.

Улар рамал ва хафиғ баҳрларида ёзиладиган шеърларда «солими маҳбун» шаҳобчаси вазнлари билан биргаликда қўлланаверади, натижада 2—8 вазнли шеърлар яратилади. Шуни эътиборга олиш лозимки, адабиётимизда яратилган рамал баҳридаги асарларда асосан «солими маҳбун» шаҳобчаси вазнлари қўлланган бўлиб, бу хил асарларнинг баъзи мисраларигина «маҳбун» шаҳобчаси вазнларида битилган. Жумладан, Алишер Навоийнинг ғазалидаги

Холу хаттинг уза, эй турфа санам,
Айладинг нуқта хат устида рақам.
...Ўқи заҳми уза қўйдурдум доғ,
Қораси заҳм уза бўлди марҳам.

Ўзига қилмағон ўзлукни ҳаром,
Ҳарами ишқ аро бўлмас маҳрам.
...Эй Навоий, санга саъб ўлса хирад
Телбалик силсиласин тут маҳкам.

байтларида юқоридаги 8 вазндан бештаси иштирок этган. Чунончи матладаги ва еттинчи мисралар рамали мусаддаси солими маҳбуни маҳзуф, учинчи мисра маҳбуни мақтуғи мусаббаг, тўртингчи ва олтинчи мисралар маҳбуни мақтуғ, бешинчиси — маҳбуни мақсур, саккизинчи мисра — солими маҳбуни мақтуғ вазни дадир.

Рамал баҳрига мансуб қўпвазнли олти руқни шеърий асарларни ёзишда асосан юқоридаги саккиз вазндан фойдаланилган. Лекин Муҳаммад Солиҳ XVI аср бошида ўзининг «Шайбонийнома» достонини битишда ушбу гурӯҳ вазнлари имкониятларини янада кенгайтириб, асардаги анчагина мисраларда «солими мушаъас», «маҳбуни мушаъас», «мушаъаси маҳбун» шаҳобчаларига мансуб яна тўққиз вазнни қўллади ва достон вазнлари сонини 17 тага етказди.

«Солими мушаъас» ва «маҳбуни мушаъас» шаҳобчалари юқорида кўриб ўтилган «солими маҳбун» ва «маҳбун» шаҳобчаларидан иккинчи руқнлар ўрнида фоилотун аслининг маҳбун тармоғи — фаилотун эмас, шу аслнинг мушаъас тармоғи — мағъулун қўлланиши билангина фарқланади. Натижада янги саккиз вазн юзага келади.

«Мушаъаси маҳбун» шаҳобчаси эса тўрт вазнни ўз ичига олиб, биринчи руқнда фоилотун аслининг маҳбун тармоғи фаилотун ўрнига мушаъас тармоғи мағъулун келиши билан «маҳбун» шаҳобчасидан фарқланади.

Юқоридаги янги 12 вазн таркибида фоилотуннинг маҳбун тармоғи фаилотун ўрнида шу аслнинг мушаъас тармоғи — мағъулуннинг қўлланиши аruz тизимиға хос бир қоида — сабаби сақийлнинг сабаби хаифи билан, бошқача қилиб айтганда, икки қисқа ҳижонинг бир чўзиқ ҳижо билан алмаштирилиши мумкинлиги туфайли юз беради. Бинобарин, бундай ҳолларда аruz ички қонунларининг бузилиши рўй бермайди.

Муҳаммад Солиҳ «Шайбонийнома»сида ушбу 17 хил вазннинг алмашиниб қўлланиши оҳангни воқеалар тасвирида тез-тез ўзгартириб туриш, зарур ўринларда керакли сўзларни эркин танлаш, асар жозиба-

дорлигини кучайтиришга имконият яратганини күриш қийин эмас. Жумладан, достондан олинган қуидаги мисраларда 17 вазннинг барчаси қўлланган.

Ишқдиндур бори ашё мавжуд
Ишқдин ўзга нимага не вужуд.
...Совуқ айлаб эди Сирга таъсир,
Тунгуб эрди топо олмай тадбир.
...Ёниб андин олибон молу яроғ,
Тушуриб қўлига асбоби фароғ.
...Туркмондин доги кўп ўлди киши,
Киши ўлтурмоқ эди ўзбек иши.
Еткуруб эрди қўргонга ўзин
Андоғи маҳкам қўргонга сўзин.
Соқлагайлар кечакундуз они ҳам,
Банд ила бўлгай ул ҳам маҳкам.
Бостириб келган улуслар бисёр
Йиғлагондурлар хон ҳолига зор.
Бойсунғар била Султон Маҳмуд
Чиқариб эрдилар элдин дуд.
Чун ҳукм айлади хони аъзам,
Хоникахон қўлига олди қалам.
Сен агар ваҳм қилурсен хондин,
Кечак олмассан бу ўғлондин.
...Черикин йигсун, фурсат берали
Ул йигиндин сўнг аларни терали.

«СОЛИМИ МАХБУН» ШАҲОБЧАСИ ВАЗИЛАРИ

Рамали мусаддаси солими маҳбуни маҳзуф вазни ҳам шеъриятимизда анча кенг қўлланган. Унинг руқнлари ва чизмаси ҳар мисрада

фоилотун	фаилотун	фаилун
— v —	v v —	v v —

тарзида бўлиб, асосини фоилотун аслининг солими (биринчи руқнда), маҳбун тармоғи фаилотун (иккинчи руқнларда) ҳамда маҳбуни маҳзуф тармоғи фаилун (учинчи, охирги руқнларда) ташкил этади.

Мазкур ўлчов ҳам ёқимли оҳангга эга бўлиб, енгил куйларга ниҳоятда мос. Шу туфайли ҳам XV асрданоқ шоирларимиз дикқатини ўзига жалб қилган эди. Ушбу вазндаги дастлабки шеърларни Алишер Навоий девонларида учратамиз. Шоир ўзининг жами 29 шеъри, хусусан, 25 fazali, 4 қитъасини шу ўлчов асосида яратган эди. Навоий ўз таржиъбандини ва соқийномасини битишда шу ўлчовга ҳам кенг мурожаат қилган эди.

Мазкур вазн Навоийдан кейин ҳам шоирларимиз ижодидан муносиб ўрин эгаллади. Хусусан, Бобур ўзининг маснавийларини яратишда ундан кенг фойдаланди.

Мисоллар:

Эй юзунг оллида беҳол хирад,
Васфин айларда бўлуб лол хирад.

(Навоий)

Ҳар ўқунг келса мени зор сари,
Юз дуом ўқи борур ёр сари.

(Навоий)

Холу хаттинг уза, эй турфа санам,
Айладинг нуқта хат устида рақам.

(Навоий)

Эй жамолинг қошида лол хирад,
Ишқинг ошубиға помол хирад.

(Навоий)

Юзида ул лаби ҳайвон кўрунур,
Сутга кўп боқса бале қон кўрунур.

(Бобур)

Жисминга заъф эса жоним садақа,
Жонинга икки жаҳоним садақа.

Қўзунга бу тани бемор фидо,
Белинга бу бадани зор фидо.

Сенсизин жисм била жонни нетай,
Дард сендин эса дармонни нетай.

(Бобур)

Талабим — то абадий шафқатингиз,
Ҳавасим — кунда ширин суҳбатингиз.

(Ҳабибий)

Рамали мусаддаси солими маҳбуни мақсур вазни шеъриятимизда унча кўп қўлланмаган ўлчовлардан. Унинг руқнлари ва чизмаси бир мисрада

фоилотун файлутун файлон
— v — — v v — — v v ~

тарзида, яъни аввалги, рамали мусаддаси маҳбуни маҳзуф ўлчовидан охирги ҳижонинг ўта чўзиқлиги билангина фарқланади, шунга қўра у билан биргаликда қўлланана олади.

Мазкур вазн дастлаб Ҳофиз Хоразмий шеъриятида учрайди. Шоир икки ғазалини шу ўлчов асосида яратган. Рамали мусаддаси маҳбуни мақсур ўлчови Алишер Навоий ижодида анча кенг қўлланган. Унинг 5 ғазали, бир таржеъбанди ва бир соқийномаси шу вазнда ҳам ёзилган эди. Ундан Бобур ҳам ўз маснавийларида фойдаланган.

Мисоллар:

Гулни маст айлагали жоми аласт,
Гул қадаҳтек борадур даст-бадаст.

(Ҳ. Хоразмий)

Эй сенинг дарди ғаминг жонима хос,
Ким алардин тиламон жонни халос.

(Навоий)

Эй мусаллам санга ҳар яхши сифот,
Бу сифотинг била йўқ сен киби зот.

(Навоий)

Чун сўзи хуштур, ўзи хушҳаракот,
То абад бўлсун анга умру ҳаёт.
...Ким бири бу эдиким солди йироқ,
Сени бағримға қўюб доғи фироқ.
...Чекайин оҳ юракдинки сипеҳр
Пардаға чирмасун оинаи меҳр.
...Паҳлавонона кетур согари жарф,
Куюбон майдин анга баҳри шигарф.

(Навоий)

Файри ихлосу дуо бирла салом —
Не дейин ўзга, сўзум бўлди тамом.

(Бобур)

Рамали мусаддаси солими маҳбуни мақтуъ вазни адабиётимизда анча кенг қўлланган ўлчовлардан бўлиб, рукнлари ва чизмаси бир мисрада

фоилотун фаилотун фаълун
— v — — v v — — — —

тарзидадир. Унинг таркиби фоилотун аслининг солими маҳбун ва мақтуъ тармоқлари **фаилотун** ҳамда **фаълунлардан** ташкил топади. Кўриниб турганидек, ушбу ўлчов аввалги икки вазнга яқин, зеро уларнинг барчасида ҳам дастлабки икки руҳнайтина тақорланиб, учинчи рукнгина алмашинади. Мазкур ўлчовдаги учинчи рукнда икки чўзиқ ҳижо келган. Оддинги вазнларнинг охирги рукнлари фаилун ва фаилонлар таркибидаги дастлабки икки қисқа ҳижо ушбу ўлчовнинг охирги рукни аввалидаги бир чўзиқ ҳижога тенг саналади. Шунга кўра бу уч ўлчов бир шеърий асарда биргаликда қўлланаверади.

Рамали мусаддаси маҳбуни мақтуъ вазнини шеъриятимизга Алишер Навоий олиб кирган бўлиб, шоир ушбу ўлчовда ўзининг «Хазойинул маоний»даги 15 газали ва бир қитъасини ёзган. Ушбу вазндан шоир ўзининг таржеъбанди ҳамда соқийномасида ҳам кенг фойдаланган. Ушбу ўлчовни Бобур ўзининг 3 та маснавийсида қўллаган эди.

Мисоллар:

Онсиз ўлмоқ эрур ўлмоқ жонсиз,
Бўлайнин жонсизу, бўлмай онсиз.

(Навоий)

Бир йўли бизни унутқунг бори,
Илтифот этмайин ўттунг бори.

(Навоий)

Қуйдум ул ҳусни жаҳонородин,
Ўлдум ул нуктаи руҳафзодин.
... Дину имонима оғат етди,
Ул бути ишвагари тарсадин.

(Навоий. Таржиъбанд)

Соқиё, тут қадаҳи шоҳона,
Қатраси лаъл, vale яқдона.
Соз айлаб, мени ҳам шод айланг,
Бир нафас қайғудин озод айланг.

...Мулку кишвар элига дод айла,
Адл иликкисин обод айла.

...Зор жисмимга анолар келди,
Телба бошимга балолар келди.

(Навоий. «Соқийнома»)

Файрға неча вафо қылғайсен,
Жонима неча жафо қылғайсен.

(Бобур)

Үлтуур гарчи мени гуфторинг,
Тургузур ул лаби шаккарборинг.

(Бобур)

Рамали мусаддаси солими маҳбуни мақтууи мусаббaf вазни шеъриятимизда унча кенг қўлланмаган ўлчовлардан бўлиб, олдинги, рамали мусаддаси маҳбуни маҳзуф ўлчовидан охирги ҳижосининг ўта чўзиқлиги билангина фарқланади. Шунга кўра унинг таркибини фоилотун аслининг солими, маҳбун тармоғи — **фаилотун** ҳамда мақтууи мусаббаф тармоғи **фаълонлар** ташкил қиласди. Бинобарин, унинг руқнлари ва чизмаси бир мисрада

фоилотун фаилотун фаълон
— v — — v v — — — ~

тарзидадир.

Ушбу ўлчовни ҳам шеъриятимизда илк бор Алишер Навоий қўллаган. Шоир ўзининг 4 ғазали, 2 қитъасини шу вазнда битган эди. Ушбу ўлчовдан шоир ўзининг таржиъбанди ва соқийномасида кенг фойдаланган. Бобур ўзининг 3 маснавийсида ушбу ўлчовга мурожаат этган. Мазкур вазн бошқа шоирлар ижодида кам учрайди.

Мисоллар:

Эй лабинг зоҳир этиб ширин лафз,
Хоҳ ёлғон десун ар худ чин лафз.

(Навоий)

Қон тўкуб ул бути зебо густоҳ,
Бориб ул ён мени шайдо густоҳ.

(Навоий)

Ишқдин кўнглум эрур дард олуд,
Ҳажрдин жоним эрур ғам фарсад.
...Менки муг дайри аро эрдим шод,
Хотирим дағдагалардин озод.
...Яна муг дайрида масти бебок,
Кезарам бош ялангу хирқам чок.

...Манга дайр ўлди чу байтул — маъмур,
Дайр пириға бўлубмен маъмур.

(Навоий. Таржиъбанд.)

Соқиё, тут қадаҳи моломол,
Ранги хуноб сиришкимдек ол.

Жоми поку майи ноб андин пок,
Қуёшу чашмаи ҳайвондин пок.

...Соқиё, қил тӯла жоми заркор,
Бир газал бошла Фаридун осор.
Жомнинг бодаси доги рангин,
Назмнинг нуқтаси доги ширин.

(Навоий. «Соқийнома»)

Билмишам ҳар неки қилдинг таҳрир,
Фаҳм қилдим фаразингни бир-бир.

(Бобур)

Менга сенсен бу жаҳондин мақсуд,
Не жаҳон, жисм ила жондин мақсуд.

(Бобур)

«МАХБУН» ШАҲОБЧАСИ ВАЗНЛАРИ

Рамали мусаддаси маҳбуни маҳзуф вазнининг
руқнлари ва чизмаси ҳар мисрада

фаилотун фаилотун фаилун
v v — — v v — — v v —

тарзида бўлиб, биринчи (садр ва ибтидоъ) ва иккинчи (ҳашв) руқнлар фоилотун аслининг маҳбун тармоғи — фаилотунга, учинчи (аруз ва зарб) руқнлари эса ушбу аслнинг маҳбуни маҳзуф тармоғи — фаилунга тенгдир. Мазкур вазн «солими маҳбун» шаҳобчаси ўлчовлари билан бирликда қўлланаверади. Масалан, Навоийнинг

Ҳам шакардур лабингу ҳам хандон,
Ярашур асру шакарханд санга.
Хўблар майли кўнгул қилмадиким,
Эмас эрди бири монанд санга.

байтларининг иккинчи мисралари, Нодиранинг

...Эй юзунг қиблии арбоби сафо,
Сари кўйингда кўнгул қибланамо.

...Бўлса то умри ҳаётим боқий,
Мени илгимдуру домони вафо.
байтларининг иккинчи мисралари,

Кишига ҳиммати мардона керак,
Йўқки оройиш ила решу бурут

байтининг биринчи мисраси ушбу ўлчовдадир.

Рамали мусаддаси маҳбуни мақсур вазни юқорида-
ги ўлчовдан фақат охирги ҳижонинг ўта чўзиқлиги
 билангина фарқланади. Унинг руқнлари ва чизмаси
 бир мисрада

фаилотун фаилотун фаилон
v v — — v v — — v v ~

тарзида бўлиб, биринчи (садр ва ибтидоъ) ҳамда ик-
кинчи (ҳашв) руқнлари фоилотун аслининг маҳбун
тармоғи **фаилотунга**, учинчи (аруз ва зарб) руқнлари
эса шу аслнинг маҳбуни мақсур тармоғи **фаилонга**
тенгдир.

Ушбу вазн ҳам солими маҳбун шаҳобчаси ўлчов-
лари қатнашган шеърий асарларда улар билан бирга-
ликда қўлланаверади. Масалан, Навоийнинг

Адам истар чу вужудимни сипеҳр,
Тенг кўрай эмди вужуду адамин.
...Ўзига қилмағон ўзлукни ҳаром
Ҳарами ишқ аро бўлмас маҳрам

байтларининг биринчи мисралари, Нодира қаламига
мансуб

Қон тўқар ғамзаси, мижгонлари ҳам,
Кўзи қатлига чекан ханжара боҳ.
Ҳажр тиги била багрим юз чок,
Ани ҳар чокида юз минг яра, боҳ.

байтларининг иккинчи мисралари шу вазнда битил-
ган.

Рамали мусаддаси маҳбуни мақтуъ вазни ҳам шеъ-
риятимизда кам қўлланувчи ўлчовлардан бўлиб, унинг
руқнлари ва чизмаси ҳар мисрада

фаилотун фаилотун фаълун
v v — — v v — — — —

тарзидадир. Кўриниб турганидек, бу вазнда битилган
шеърлардаги мисраларнинг биринчи (садр, ибтидоъ),

иккинчи (ҳашв) рукнлари фоилотун аслининг маҳбун тармоги — фаилотунга, учинчи (аруз ва зарб) рукнлари эса шу аслининг мақтуъ тармоги — фаълонга тенг бўлади. Ушбу ўлчов ҳам «солими маҳбун» шажараси вазнлари билан биргаликда кўлланаверади. Жумладан, Алишер Навоийнинг

Онсиз ўлмоқ эрур ўлмоқ жонсиз,
Бўлайн жонсизу бўлмай онсиз

байтидаги иккинчи мисра, Муниснинг «Рўза» шеъридаги

Рўза бисёр мени танг этмиш.
Баданим суст, аёғим ланг этмиш.

...Янги ой шавқи таним зор айлаб
Қоматим ийд ғами чанг этмиш.

...Бода маҳмурлигидин рўза
Мени ўлтургали оҳанг этмиш.

байтларининг иккинчи, учинчи, олтинчи мисралари ушбу вазн асосида ёзилган.

Рамали мусаддаси маҳбуни мақтуъи мусаббағ вазни юқоридаги ўлчовдан охирги ҳижонинг ўта чўзиқлиги билангина фарқланади. Унинг ҳам асосини фоилотун аслининг маҳбун тармоги — **фаилотун** (садр, ибтидоъ, ҳашвларда) ҳамда шу аслининг мақтуъи мусаббағ тармоги — **фаълон** (аруз ва зарбда) ташкил этади. Бинобарин, ушбу вазннинг рукнлари ва чизмаси ҳар мисрада

фаилотун фаилотун фаълон
v v — — v v — — — ~

тарзидадир. Мазкур вазн асосан «солими маҳбун» шаҳобчаси ўлчовлари қатнашган шеърий асарларнинг баъзи мисраларида кўлланади. Масалан, Навоий ғазалининг

Сени то кўрдум ичарда майи ноб,
Тиламас хотирим илло мутриб.

байтидаги иккинчи мисра, Муҳаммад Солихнинг «Шайбонийнома» достонидаги

Яна бир жонибида себистон,
Яна бир жониби қасру айвон.
Мевалардан билиб осойиши жой,

Эвини айлар эди боғистон.
... Бенавое агар ўлса бемор,
Тиласа хизматидин бирта нор.

байтларининг иккинчи мусралари ушбу ўлчовда ёзилган.

«СОЛИМИ МУШАЬАС» ШАҲОБЧАСИ ВАЗНЛАРИ

Рамали мусаддаси солими мушаъаси маҳбуни маҳзуф вазнининг рукнлари ва чизмаси ҳар мисрада

фоилотун мафъулун файлун
— v — — — — — v v —

тарзидадир. Яъни бу ўлчовда ёзилган шеърий мисраларининг биринчи (садр ва ибтидоъ) рукнлари фоилотун аслига, иккинчи (ҳашв) рукнлари шу аслнинг мушаъас тармоғи — **мафъулунга**, охирги (аруз ва зарб) рукнлари эса мазкур аслнинг маҳбуни маҳзуф тармоғи — файлунга тенг бўлади. Ушбу вазн шеъриятимизда кам қўлланган бўлиб, Муҳаммад Солиҳнинг «Шайбонийнома» достонида «солими маҳбун» ва «маҳбун» шаҳобчалари вазнлари билан биргаликда асарнинг баъзи мисраларидағина фойдаланилган. Масалан, достондаги:

Ким эди Боқи Тархон, билингиз,
Билибон қисса бошиға келингиз.
... Ул набира ўн икки ёшида,
Лек юз фитна онинг бошида
... Шоҳ Абулмуҳсин ғофилға магар,
Йибориб эрдилар ул хайл хабар.
... Ўлтуруб эрди қўргон ичида,
Юз туман ҳасрату армон ичида

байтларининг биринчи мисралари ушбу вазнададир.

Рамали мусаддаси солими мушаъаси маҳбуни мақсур вазнининг рукнлари ва чизмаси ҳар мисрада

фоилотун мафъулун файлон
— v — — — — — v v ~

тарзидадир. Бинобарин, ушбу ўлчов юқоридаги вазндан охирги ҳижонинг ўта чўзиқлиги билангина фарқланади. Унинг ҳам биринчи (садр ва ибтидоъ) рукни **фоилотун** аслига, иккинчи (ҳашв) рукнлари фоилотун аслнинг мушаъас тармоғи — **мафъулунга**, охирги

(аруз ва зарб) рукнлари эса шу аслнинг маҳбуни мақсур тармоғи — **фаилонга** тенгдир. Ушбу вазн ҳам шеъриятимизда кам қўлланган бўлиб, Муҳаммад Солиҳнинг «Шайбонийнома» достонидаги баъзи мисраларгина мазкур ўлчов асосида ёзилган. Чунончи:

Бостуруб келган улуслар бисёр
Йиглагондурлар хон ҳолига зор.
...**Корсоз ўлди шаҳзода Убайд,**
Борча оламни қилурмен деб сайд.

Рамали мусаддаси солими мушаъаси мақтуъ вазнинг рукнлари ва чизмаси ҳар мисрада

фоилотун мафъулун фаълун
— v — — — — — —

тарзида бўлиб, биринчи (садр ва ибтидоъ) рукнлари **фоилотун** аслига, иккинчи (ҳашв) рукнлари фоилотун аслининг мушаъас тармоғи **мафъулуга**, учинчи (аруз ва зарб) рукнлари эса шу аслнинг мақтуъ тармоғи **фаълуга** тенгдир. Ушбу вазндан ҳам шеъриятимизда кам фойдаланилган бўлиб, Муҳаммад Солиҳнинг «Шайбонийнома» достонидаги баъзи мисраларгина шу ўлчов асосида ёзилган. Масалан, достондаги

Кўрмадим хайре мирзолардин,
Тиладим раъие донолардин.
...Ул киши бордур Шайбонийхон,
Хони Шайбондуру Маҳдиийи замон.
...Беш ёғоч йўлдур бу манзилдин,
Гар хабар бермаса бу маҳфилдин

байтларининг биринчи мисралари,

Ҳам қиличи қинида мустаҳкам,
Халқ қонидин рангин ул ҳам.
...Бу етиким рақам этти хома,
Бўлди ораста андин нома.
...Менга бисёр тавозеъ қилди
Кўпуб ўрнидин ўтру келди.

байтларининг иккинчи мисралари шу вазндадир.

Рамали мусаддаси солими мушаъаси мақтуъи мусаббағ вазнининг рукнлари ва чизмаси ҳар мисрада

фоилотун мафъулун фаълон
— v — — — — — ~

тарзидадир. Унинг биринчи (садр ва ибтидоъ) руқнлари **фоилотун** аслининг мушаъас тармоғи — **мағъулунга**, учинчи (аруз ва зарб) руқнлари шу аслнинг мақтуви мусаббағ тармоғи — фаълонга тенгдир. Кўриниб турганидек, ушбу ўлчов юқоридаги рамали мусаддаси солими мушаъаси мақтувуз вазнидан охирги ҳижонинг ўта чўзиқлиги билангина фарқланади. Мазкур вазн ҳам шеъриятимизда кам қўлланган бўлиб, ундан Муҳаммад Солиҳнинг «Шайбонийнома» достонидаги баъзи мисралардагина фойдаланилган. Жумладан, асарнинг

Борчадин бурно Султон Маҳмуд,
Ўтти дарёдину бўлди хушнуд.
...Ким юруб Боқи Тархон филҳол,
Термиз устига очсун пару бол.
...Чун вилоятга кирди Султон,
Килди ёрлиғки чи яхши, чи ямон.
Чун бу навъ ўлди хондин фармон,
Едилар тўра ғамин яхши-ёмон.

байтларидағи биринчи мисралар ушбу вазнададир.

«МАҲБУНИ МУШАЪАС» ШАҲОБЧАСИ ВАЗНЛАРИ

Рамали мусаддаси маҳбуни мушаъаси маҳзуф вазни шеъриятимизда жуда кам қўлланган вазнлардан бўлиб, руқнлари ва чизмаси ҳар мисрада

фаилотун	мағъулун	фаилун
v v — —	— — —	v v —

тарзидадир. Бинобарин, ушбу вазнадаги мисраларнинг биринчи (садр ва ибтидоъ) руқнлари фоилотун аслининг маҳбун тармоғи — **фаилотунга**, иккинчи (ҳашв) руқнлари шу аслнинг мушаъас тармоғи — **мағъулунга**, охирги (аруз ва зарб) руқнлари шу аслнинг маҳбуни маҳзуф тармоғи **фаилунга** тенг бўлади.

Муҳаммад Солиҳ қаламига мансуб «Шайбонийнома» достонидаги баъзи мисралар ушбу ўлчовда битилган. Чунончи,

Черикин йигсун, фурсат берали,
Ул йигиндин сўнг оларни терали

байтининг биринчи мисраси шу ўлчовдадир.

Рамали мусаддаси маҳбуни мушаъаси мақтувуз вазни шеъриятимизда жуда кам қўлланган, аникроғи, Муҳаммад Солиҳнинг «Шайбонийнома» достонидаги айрим

мисралардагина фойдаланилган вазн бўлиб, рукилари ва чизмаси бир мисрада

фаилотун мафъулун фаълун
VV — — — —

тарзидадир. Яъни садру ибтидоъ фоилотуннинг махбун тармоғи фаилотунга, ҳашвлар шу аслнинг мушиъас тармоғи — мафъулунга, аruz ва зарб эса унинг мақтуъ тармоғи — фаълунга тенгдир. Масалан,

Сен агар ваҳм қилурсен хондин
Кеча олмассан бу ўғлондин.
...Манго бисёр тавозе қилди,
Қўпуб ўрнидин ўтру келди.

байтларининг иккинчи мисралари,

...Маза топмас эрдим бу жондин,
Лаззате қилмас эдим имондин

байтининг биринчи мисраси шу вазнададир.

Рамали мусаддаси махбуни мушиъаси мақтуъи мусаббаг вазни юқоридаги ўлчовдан охирги ҳижонинг ўта чўзиқлиги билангина фарқланиб, рукилари ва чизмаси

фаилотун мафъулун фаълон
VV — — — — — ~

тарзидадир. Муҳаммад Солиҳнинг «Шайбонийнома» достонидаги баъзи мисралар шу ўлчовда ёзилган. Чунончи:

Бойсунғар била Султон Маҳмуд,
Чиқарип эрдилар элдин дуд.

Яна бир ёндин Султон Маҳмуд,
Келди ўз лашкари бирла хушнуд.

байтларининг иккинчи ва учинчи мисралари ана шу вазнда битилган эди.

«МУШАЪАСИ МАХБУН» ШАҲОБЧАСИ ВАЗНЛАРИ

Рамали мусаддаси мушиъаси махбуни мақтуъ вазни кам қўлланган ўлчовлардан бўлиб, рукилари ва чизмаси ҳар мисрада

мафъулун фаилотун фаълун
— — — VV — — —

тарзидадир. Яъни ушбу вазнаги шеърий мисралар нинг садр ва ибтидоъ рукнлари фоилотун аслининг мушаъас тармоғи — **мафъулуга**, ҳашвлари шу аслининг маҳбун тармоғи — **файлутунга**, аруз ва зарб тармоғи — **фаълуга** тенг бўлади. Муҳаммад Солиҳнинг «Шайбонийнома» достонидаги бир неча мисра шу ўлчовда ёзилган. Масалан:

Чун ҳукм айлади хони аъзам,
Хоникахон қўлиға олди қалам.

байтининг биринчи мисраси шу вазнададир.

Рамали мусаддаси мушаъаси маҳбуни мақтуви мусаббаг вазни шеъриятимизда жуда кам қўлланган ўлчовлардан бўлиб, рукнлари ва чизмаси ҳар мисрада

мафъулун файлотун фаълон
— — — v v — — — ~

тарзидадир. Кўриниб турганидек, мазкур ўлчов юқоридаги вазндан охирги ҳижонинг ўта чўзиқлиги билангина фарқланади. Муҳаммад Солиҳнинг «Шайбонийнома» достонидаги бир неча мисра ушбу вазнда битилган. Жумладан,

Бойсунғар била Султон Масъуд,
Чиқориб эрдилар элдин дуд.
... Сиз ким бу мулк гавфо қилмоқ,
Бежиҳат мунча таманно қилмоқ

байтларининг биринчи мисралари шу ўлчовдадир.

Рубоий вазнлари. Шеъриятимизда яратилган барча рубоийлар, худди форс-тоҷик адабиётидаги каби, ҳараж бахрига мансуб 24 вазнга асосланган. Ушбу ўлчовлар мафоийлун асли ҳамда унинг қуидаги 9 тармоғидан ташкил топган:

№№	Руки ва чизмаси	Аталиши	Қайси рукнларда қўлланади
1.	мафоийлун v — — —	солим	иккинчи, учинчи (ҳашвларда)
2.	мафоилун v — v —	мақбуз	иккинчи (олдинги ҳашвда)
3.	мафоийлу v — — v	макфуф	иккинчи, учинчи (ҳашвларда)
4.	мафъулун	ахрам	биринчи, иккинчи, учинчи (садр, ибтидо, ҳашвларда)

1	2	3	4
5.	мафъулӯ	аҳраб	биринчи, иккинчи, учинчи (садр, ибтидо, кейинги ҳашвларда)
6.	фоилун — v —	аштар	иккинчи (олдинги ҳашвда)
7.	фаал v —	ажабб	тўртинчи (аруз ва зарбда)
8.	фаул v —	аҳтам	« — «
9.	фаъ —	абтар	« — «
10.	фөъ ~	азалл	« — «

Юқоридаги руқниларнинг турли хилдаги таркибидан таъкидланган 24 ўлчов тузилади. Улар роппа-расо ўн иккитадан икки гуруҳга бўлинади. Гуруҳларни арузшуносликда дараҳт шаклида ифодалангани учун уларни шажара (дараҳт) деб аталган.

Мафоййлуннинг аҳраб тармоғи мафъулу рукни билан бошланувчи 12 вазн аҳраб шажарасини, шу аслнинг аҳрам тармоғи мафъулун билан бошланувчи яна 12 вазн аҳрам шажарасини ташкил қиласиди (*Қаранг*: «Аҳраб шажараси», «Аҳрам шажараси»).

Рубоийнавислигимизда аҳраб шажарасига мансуб 8 ўлчовдан жуда кенг фойдаланилган. Аксарият рубоийлар ушбу ўлчовлар асосида битилган. Аҳрам шажарасига мансуб 8 вазндан эса жуда кам фойдаланилган бўлиб, шоирлар ўз рубоийларининг баъзи мисраларида гина бу ўлчовларга мурожаат қилганлар. Навоий, Бобур, Мунис, Огаҳий, Аваз ижодида яратилган 801 рубоийнинг жами 3204 мисрасидан 136 таси — 4,3 фоизигина аҳрам шажараси вазнларида битилган.

Рубоийлар вазнига хос бир хусусият кўпвазнлиликдир. Анъанага мувофиқ шеъриятимиздаги рубоийлар 1, 2, 3, 4 вазнли шеърлар сифатида яратилган. Бир вазн асосида ёзилган туркий (ўзбекча) рубоийлар шу жанрдаги барча асарларнинг тахминан 19 фоизини, икки вазнлилари эса тахминан 59 фоизни, уч вазнли рубоийлар 21, тўрт вазнли рубоийлар эса 1 фоизни ташкил этади. Чунончи, Алишер Навоий, Бобур, Мунис, Огаҳий, Авазлар қаламига мансуб жами 801 рубоийнинг 150 таси бир вазнли, 474 таси икки вазнли, 167 таси уч вазнли, фақат 10 тагинаси тўрт вазнли асарлардир. Бир вазнли рубоийларнинг барчаси аҳраб шажараси ўлчовларида битилган. Икки вазнли 474 рубоийнинг 436 таси аҳраб шажараси ўлчовла-

рида бўлиб, 38 тасидагина ахрам шажараси вазнлари иштирок этган. Уч вазнли 167 рубоийнинг 91 таси фақат ахраб шажарасига мансуб ўлчовларда бўлиб, 76 тасида ахрам шажараси вазнлари қатнашган.

Икки вазнли рубоийларнинг ўлчовлар таркиби қизиқарли. Бу хил 474 асарнинг 183 тасида икки мисра бир хил, яна икки мисра иккинчи хил вазнда ёзилган. 291 рубоийнинг уч мисраси бир хил, бир мисраси иккинчи хил вазнда. Улардан 123 тасида иккинчи вазн учинчи мисрага тўғри келади. Бу эса рубоийларга хос ихчам қурилиш билан, учинчи мисрада оҳангнинг кескин ўзгариши, ифодаланаётган фикрнинг алоҳида таъкидланиши билан изоҳланади.

Рубоийларимизда ахрам шажарасига мансуб вазнларнинг қўлланиш кўлами ҳам эътиборга лойиқ. Бу соҳадаги тадқиқотларнинг кўрсатишича, ахрам шажараси вазнлари асосан ахраб шажараси ўлчовларида яратилган асарларнинг бир мисрасида (89 фоиз), баъзан икки мисрасида (7 фоиз), кам ҳолда 3 мисрасида (3 фоиз), ундан ҳам кам ҳолда 4 мисрасида (1 фоиз) иштирок этади. Чунончи, Навоий, Бобур, Мунис, Огаҳий, Авазлар яратган жами 801 рубоийнинг жами 119 тасида ахрам шажараси вазнлари қатнашган бўлиб, улар 136 мисрани ташкил қиласиди. 106 рубоийда биттадан, 9 рубоийда иккитадан, 3 рубоийда 3 тадан ва 1 рубоийда 4 та мисранинг барчаси ахрам шажараси вазнларидир:

Мисоллар:

Навоий яратган

Гар ошиқ эсанг меҳру вафо қилма ҳавас,
Дард истау дафъига даво қилма ҳавас.
Ҳижрону висол мутлақо қилма ҳавас,
Дилдорингдин файри ризо қилма ҳавас.

рубоийсининг 1—3 мисралари ахраб шажараси вазнларида бўлиб, тўртинчиси ахрам шажарасига мансуб ҳазажи мусаммани ахрами ахраби макфуфи ажабб ўлчовидадир.

Бобур ёзган

Асру кўп эмиш журъату ҳиммат сизга,
Рўзи қилғай худой нусрат сизга.

Мардоналиғингизни бори эл билди,
Раҳмат сизга, ҳазор раҳмат сизга.

рубойисининг 1,3-мисралари ахраб шажараси вазнида бўлиб, 2,4-мисралари ахрам шажарасига мансуб ҳазажи мусаммани аҳрами аштари солими абтар ўлчовидадир.

Мунис қаламига мансуб

Мен кимман айламак иноятни тамаъ,
Яъни сендин бирор китоботни тамаъ,
Қилмоқ менга мунча басдуур гоҳ-гоҳи
Мунис бандам, деган ҳикоятни тамаъ.

рубойисининг учинчи мисрасигина ахраб шажараси вазни — ҳазажи мусаммани ахраби мақбузи макфуфи ажабб ўлчовида бўлиб, 1, 2, 4-мисралари ахрам шажарасига мансуб ҳазажи мусаммани аҳрами аштари макфуфи ажабб ўлчовида битилган.

Рубой вазнларидан баъзи шоирлар ғазал, туюқ, қитъа, фард каби шакллардаги шеърий асарларни яратишда ҳам фойдаланганлар. Масалан, Сайфи Саройининг:

Эй лашкар ичинда белгили форис эр,
Душманни кўруб заиф сен, қимла тараф.
Бир киччи киши кечиб равон жониндан
Арслонни уруб чиқарса жонин не ажаб.

шеъри каби кўпгина қитъалари рубой вазнларида ёзилган эди.

Машраб қаламига мансуб бўлган
Чиқсан кўчаларга шаҳсуворим келадур,
Гул гунчасидек лола узорим келадур.

матлаъли ғазалда, Увайсий битган

Мендин сўрасанг шўхи замондин гафурай,
Изҳор этибон дарди ниҳондин гафурай.

матлаъли ғазалида ахрам шажарасидаги рубой вазнлари ҳазажи мусаммани ахраби макфуфи маҳзуф вазни билан биргаликда қўлланган.

Ушбу анъанани давом эттирган кекса арузшунос Ҳабибий ҳам баъзи ғазалларини мазкур вазнлар асосида битган эди. Жумладан, унинг

Бу фабриканинг кўксида чевар қизлар,
Атлас тўқимоқ фанлари яксар қизлар.
Корхона фазосига йиғилган чоғда
Гўё кўринур ўртада хулкар қизлар.

деб бошланувчи ғазали рубоий вазнларидан ҳазажи мусаммани ахраби макфуфи солими абтар, ҳазажи мусаммани макфуфи солими азалл ва ҳазажи мусаммани макфуфи ажабб ўлчовларида ёзилган эди.

РУБОИЙЛАР ВАЗНИНИ АНИҚЛАШ УСУЛЛАРИ

Рубоийлар вазнини аниқлаш учун аввало шеърнинг ҳар бир мисрасини ифодали ўқиши, бу жараёнда эса ўта чўзиқ ҳижоларнинг ўқилиши, васл ҳодисасига алоҳида аҳамият бериш, яхшиси ўта чўзиқ ҳижолар ҳамда васл белгисини кечиктиргай, ўқиши чоғидаёқ қўйиб қўйиш маъқул. Шундан сўнг ҳар қайси ҳижонинг чўзиқ ёки қисқалиги белгиланади.

Маълумки, рубоийлар бир, икки, уч, тўрт вазнли асарлар сифатида яратилади, яъни ҳар бир мисраъ алоҳида бир вазнда ёзилиши мумкин. Шунга мувофиқ ҳар қайси мисраъ вазни алоҳида белгиланади.

Вазнни аниқлаш учун аввало рубоий мисрасининг қайси шажара вазнларида битилганини белгилаб олиш лозим. Бунинг учун олдинги уч ҳижо алоҳида руҳн (садр, ибтидоъ) қилиб ажратилади. Агар у мағойилун аслининг — — в чизмасига эга бўлган ахраб тармоғи — мағъулуга тенг бўлса, ахраб шажараси вазнларидан бирида ёзилгани маълум бўлади. Бу ҳолда ҳашвларни, яъни иккинчи ва учинчи руҳнларни тўрт ҳижоли қилиб ажратилади-да, чизмасига кўра руҳн тури аниқланади. Тўртинчи руҳн — аруз ва зарб эса бир ёки икки ҳижолидир.

Агар биринчи руҳн, яъни садр ёки ибтидоъ мағойилуннинг — — чизмасига эга бўлган ахрам тармоғи — мағъулундан иборат бўлса, мисраъ ахрам шажарасида ёзилгани маълум бўлади. Бу ҳолда иккинчи руҳн (олдинги ҳашв)ни уч ҳижоли, учинчи руҳн (кейинги ҳашв)ни тўрт ҳижоли қилиб ажратилади ва чизмага кўра барча руҳнларнинг турлари, номлари аниқланиб, вазн белгиланади. Масалан, Бобурнинг

Сен гулсену мен ҳақир булбулдумен,
Сен шуъласен, ул шуълаға мен қулдурмен.

Нисбат йўқтур деб ижтиnob айламаким,
Шаҳмен элга, vale санга қулдурмен.

рубоийси вазнини аниқлаб қўрайлик:

Биринчи мисрани ифодали ўқиб, чизмасини чизамиз.

Сен гулсе ну мен ҳақыр булбулдурмен
— — v v — v — — —

Олдинги уч ҳижони биринчи руқн қилиб ажратамиз. «Сен гулсе» рукнни чизмага күра мағъулу тармоқ рукнига тенг. Бинобарин, мисра ахраб шажараси вазнларидан бирида ёзилган. Шуни ҳисобга олиб кейинги икки рукн (ҳашвлар)ни түрт ҳижоли қилиб «-ну мен ҳақы», «р булбулдур» тарзида ажратамиз. Чизмасига күра олдинги рукн мағойлун (мақбуз)га, кейингиси эса мағойлун (солим)га тенг. Түртинчи рукн бир ҳижоли бўлиб, фаъ (абтар) тармоғидан ташкил топган. Барча рукнлар белгилангач, вазнни аниқлаймиз: ҳазажи мусаммани ахраби мақбузи солими абтар.

Иккинчи мисра ҳам ахраб шажарасидан бўлиб, ҳазажи мусаммани ахраби макфуфи солими абтар вазнида эканини белгилаймиз.

Учинчи мисра чизмасини чизсак,

Нисбат йўқтур деб ижтиоб айламаким
— — — — v — v — — v v —

куриниши ҳосил бўлади. Биринчи уч ҳижони ажратсан, мисранинг мағъулун (— — —) тармоқ рукни билан бошланувчи, яъни ахрам шажараси вазнларидан бирида ёзилгани маълум бўлади. Шуни назарда тутиб иккинчи рукнни уч ҳижоли қилиб «тур деб иж», учинчисини эса түрт ҳижоли қилиб «тиноб айла» тарзида ажратиб, аввалгиси **фоилун** — (аштар), кейингиси **мағойлу** (макфуф)га, түртингчи рукн эса **фаал** (ажабб)га тенглигини аниқлаймиз. Натижада мисранинг ҳазажи мусаммани ахрами ахраби макфуфи ажабб вазнида ёзилгани маълум бўлади.

Шу усул билан охирги мисранинг ҳазажи мусаммани ахрами аштари солими абтар вазнида эканлигини аниқлаймиз. Бинобарин, мазкур рубоий ахрам ва ахраб шажараларига мансуб түрт вазнда ёзилгани аён бўлади.

Руқн — арабча «устун» маъносини билдириб, аруз ўлчов тизими асосидаги шеърий байтларни ташкил қилувчи кичик ритмик бўлак ҳисобланади.

Байтлар тўртгдан 36 тагача рукндан ташкил топиши мумкин. Тўрт рукнли байтлар мураббаъ («тўрт рукнли» маъносида), олти рукнлилари мусаддас (олти рукнли), саккиз рукнлилари мусамман (саккиз рукн-

ли), 12 дан ортиқ бўлганлари (16, 20, 30, 36) мутатаввал (чўзиқ рукнли, кўп рукнли) деб юритилади. (Қаранг: «Мутатаввал»).

Рукнлар ҳар қайси байтдаги ўрнига қўра ҳам турлича номланади: биринчи мисранинг биринчи рукни **садр** (раис, бошлиқ маъносида), охирги рукни **аруз**, иккинчи байтнинг биринчи рукни **ибтидоъ** (бошловчи), охиргиси — **зарб**, садр билан аруз, ибтидоъ билан зарб ўртасидаги барча рукнлар сонидан қатъий назар **ҳашв** деб аталади.

Байтлардаги ритмик бўлакларни ўлчаш учун қўлланувчи маҳсус атамалар ҳам умумий тарзда рукн деб юритилади. Улар асосий ва тармоқ рукнларга (асллар ва фуруъларга) бўлинади. Арузга хос баҳрлар таркиби ни ташкил этувчи асосий саккиз (баъзи арузшунослар фикри бўйича ўнта асосий рукнлар асллар (афоийлу тафоийл ёки авзони мавозин) дейилади. Улар уч ҳижоли: фаулун (чизмаси: v — —), фоилун (— v —); тўрт ҳижоли: мафоийлун (v — — —), фоилотун (— v — —), мустафъилун (— — v —), мафъулоту (— — — v); беш ҳижоли: мутафоилун (v v — v —) ҳамда мафоилатун (v — v v —) рукнларидир. Ушбу асллар мумтоз арузшунослик илмига қўра сокин ва мутаҳаррик ҳарфларнинг турли таркибдаги бирикувидан, ҳозирги арузшунослик илмига қўра эса қисқа ва чўзиқ ҳижоларнинг турлича таркибидан ҳосил бўлади (Қаранг: «Асллар»).

Юқоридаги асллар шеърий байтлардаги турли-туман ҳажм ва кўринишдаги ритмик бўлакларни ўлчаш, аниқлаш учун кифоя қилмайди. Шунинг учун уларни турли хилда ўзгартириб, кўплаб тармоқ рукнлари (фуруълар)ни юзага келтирилади. Бундай тармоқ рукнлар (фуруълар) Бобур таъкидича, шаклан 40 хил бўлиб, жами 96 тадир. Улардан 22 хили ўзбек шеъриятида қўлланган (Қаранг: «Тармоқ рукнлар»).

C

Салм фаулун аслига хос зиҳофлардан бирининг номи бўлиб, «бузилиш», «нуксон етказиш» маъноларини ифодалайди. Бу хил ўзгаришга дуч келган фаулун аслининг биринчи қисқа ҳижоси туширилиб, колган «улун» қисми ўзига тенг фаълун (чизмаси: — —) тармоқ рукни билан алмаштирилиб, «нуксонли» маъносида **аслам** деб юритилади. Ушбу фуруъ мутако-

риби мусаммани аслам, мутақориби мусаммани аслами мусаббағ вазнлари таркибидаги биринчи ва учинчи, мутақориби мусаммани мақбузи аслам вазни таркибидаги 2- ва 4-рукнлар ўрнида қўлланади (*Қаранг*: «Мутақориб баҳри вазнлари»).

Сарам фаулун аслига хос зиҳофлардан бўлиб, «олдинги тишни синдириш» деган маънони ифодалайди. Бундай ўзгаришга дуч келган фаулун аслининг биринчи қисқа ҳижоси туширилиб, охирги, чўзиқ ҳижо қисқа ҳижога айлантирилади. Колган «улу» қисми ўзига тенг **фаълу** (чизмаси: — у) тармоқ руқни билан алмаштирилиб, «тиши синик» маъносида **асрам** деб юритилади.

Ушбу фурӯй мутақориби мусаммани асрам ва мутақориби мусаммани асрами мусаббағ вазнлари таркибидаги биринчи ва учинчи руқнлар ўрнида қўлланади (*Қаранг*: «Мутақориб баҳри вазнлари»).

Сарий¹ баҳри арузнинг асосий ўлчов турларидан бўлиб, унинг асосини **мустафъилун** аслининг ҳар мисрада икки марта, **мафъулоту** аслининг бир марта такорори ташкил қиласди. Чунончи, ушбу баҳрнинг олти руқнли солим вазни руқнлари ва чизмаси бир мисрада

мустафъилун	мустафъилун	мафъулоту
— — v —	— — v —	— — — v

тарзидадир.

Алишер Навоий «Меъзонул авzon»да сарий баҳрининг беш вазни ҳақида маълумот бериб, уларнинг ҳар бирига мисоллар келтиради. Бобур эса ўзининг «Мухтасар» асарида «сарий баҳри ўн етти вазн: ўн бир мустаъмал, олти мухтараъ, бир вазн мустаъмали матбуъ» эканини таъкидлаб, шу ўн етти вазнга биттадан байт келтиради.

Сарийнинг вазнлари кўп бўлса ҳам, улардан иккитасигина шеъриятимиздан ўрин олган бўлиб, булар сарию мусаддаси матвийи макшуф ҳамда сарию мусаддаси матвийи мавқуф ўлчовларидир. Охирги ҳижонинг чўзиқ ёки ўта чўзиқлиги билангина фарқланувчи бу икки вазн бир шеърий асарнинг ўзида биргаликда қўлланаверади.

Сарий баҳрининг шеъриятимиздан ўрин олиши Алишер Навоий номи билан боғлиқдир. Унинг ижо-

¹ «Сарий» арабча сўз бўлиб, «тез» деган маънони ифодалайди.

дига қадар ушбу баҳрда шеър ёзиш анъанаси ўзбек шеъриятида учрамайди. Навоий ушбу икки вазн асосида ўзининг икки ғазали, бир фардини, энг муҳими «Хайратул аббор» достонини яратиб, сариъ баҳрининг ўзбек адабиётидан ўрин олиши ва кенг қўллана боришига кучли таъсир кўрсатди. Бу соҳада унинг анъаналарини Огаҳий, Муқимий каби шоирлар давом эттирилар. Шоир Ҳабибий ҳам ушбу вазнларда ўзининг ғазалини яратган.

САРИЙ БАҲРИ ВАЗНЛАРИ

Сариъи мусаддаси матвийи макшуф шеъриятимизда анча кенг қўлланган вазнлардан бўлиб, руқнлари ва чизмаси бир мисрада

муфтаилун	муфтаилун	фоилун
— v v —	— v v —	— v —

тарзидадир. Кўриниб турибдики, ушбу ўлчов таркибида мустафъилун аслининг матвий тармоғи **муфтаилун** ҳамда мағъулоту аслининг матвийи макшуф тармоғи **фоилун** руқнлари иштирок этади.

Ушбу шеърий ўлчов дастлаб Низомийнинг «Маҳзанул асрор» достонида қўлланган эди. «Хамса»чилик анъанасига кўра озарбайжон шоири изидан борган Хисрав Дехлавий ҳам, Абдураҳмон Жомий ҳам, Алишер Навоий ҳам ўз «Хамса»ларининг биринчи достонларида шу ўлчовни сақлаб қолдилар. Ушбу вазн лирик ва ҳажвий шеъриятимизда ҳам анча кенг қўлланган. Чунончи, Ҳайдар Хоразмийнинг «Гулшани асрор» достони, Муқимийнинг «Танобчилар» ҳажвияси каби асарлар ушбу вазн асосида яратилган. Мазкур вазнни Ҳабибий ҳам ўз ижодида синааб кўрган эди.

Мисоллар:

Оҳки ишқ айлади шайдо мени,
Солди жунун кўйига савдо мени

(Навоий)

Одамий эрсанг, демагил одами
Оники, йўқ ҳалқ ғамидин ғами.

(Навоий)

Аҳли назар шевасини сўз билур,
Нури басар мевасини кўз билур.

(Ҳайдар Хоразмий)

Ҳар нимаким истаса инсон топар,
Топғали қасд айласа имкон топар.

(Ҳабибий)

Сариъи мусаддаси матвийи мавқуф шеъриятимизда анча кенг қўлланган ўлчовлардан бири. Унинг руқнлари ва чизмаси бир мисрада

муфтаилун муфтаилун фоilon
— v v — — v v — — v ~

тарзидадир. Кўриниб турганидек, унинг таркибида **мустафъилун** аслининг матвий тармоғи — муфтаилун ҳамда **мафъулоту** аслининг матвийи мавқуф тармоғи — **фоilon** руқнлари иштирок этади.

Мисоллар:

Зулм ўзунға фисқдур, эй ҳушёр,
Гум қил ани бўлса санга ҳуш ёр.

(Навоий)

Лаълинг эрур беҳаду ғоят лазиз,
Сўзинг эрур ўйлаки шарбат лазиз!

(Мунис)

Элга қилиб лутфини инъом ом,
Айлади кўп дилни дилором ром.

(Ҳабибий)

Шуниси ҳам аёнки, олдинги, сариъи мусаддаси матвийи макшуф вазнидан ушбу ўлчов охирги ҳижонинг ўта чўзиқлиги билангина ажralиб туради. Ана шу хусусиятига кўра мазкур вазн олдинги ўлчов билан бир шеърнинг ўзида қўлланаверади. Бошқача қилиб айтганда, ғазалнинг матлаъ ҳамда қофияланувчи мисралари сариъи мусаддаси матвийи макшуф вазнида бўлса, унинг қофияланмайдиган мисраларида матвийи мусаддаси матвийи мавқуф ўлчови қўлланиши ёки аксинча бўлиши мумкин.

Масалан, Ҳабибий қаламига мансуб

Етса алам қайси жасадга агар,
Үзи билур, ўзга жасад бехабар.
Ҳар кишининг томига гар ёгса қор,
Не иши бор ўзгани, ўзи куар

парчасининг 1, 2, 4 мисралари сариғи мусаддаси матвийи макшуф, учинчи мисра эса сариғи мусаддаси матвийи мавқуф вазнида ёзилган.

Маснавий шаклида ёзилган асарларнинг айрим байтлари сариғи мусаддаси матвийи макшуф вазнида бўлса, бошқа байтлари сариғи мусаддаси матвийи мавқуф вазнида бўлиши мумкин.

Масалан, Алишер Навоийнинг «Ҳайратул аброр» достонидаги

Бил муниким, сен дағи бир бандасен,
Кўпрагидин ожизу афгандасен.
Эрмас алар туфроғу сен нури пок,
Хилқат аларғау санга — тийра хок.

байтларининг биринчиси сариғи мусаддаси матвийи макшуф, иккинчиси эса сариғи мусаддаси матвийи мавқуф ўлчовидадир.

Шу тарзда иккала вазн бир асарнинг ўзида алмашиниб қўлланаверади. Бу ҳар бир шеър икки ўлчов асосида ёзилади, деган сўз эмас, албатта. Айрим шеърлар бир вазн асосида ёзилиши ҳам мумкин.

Солим арабча «соғлом, ўзгармаган» деган маъноларидаги сўз бўлиб, аруз тизими асоси бўлган руқнлар сифати, ҳолатини ифодалаш учун қўлланади, вазнларни ташкил қилувчи асллар ўзгаришга дуч келмаган бўлса, солим саналади. Барча руқнлари солим бўлган, яъни барча руқнлари у ёки бу аслнинг ўзидангина ташкил топган вазн ҳам солим деб юритилади. Масалан: «Бобурнинг

Хазон япроги янглиғ гул юзунг ҳажрида саргардим,
Кўруб раҳм айлагил, эй лоларух бу чехрай зардим

байти билан бошланувчи газали ҳазажи мусаммани солим вазнида ёзилган саналади. Чунки ушбу байтни ташкил этувчи саккиз руқннинг ҳар бири мафойлуннинг солим кўриниши — мафойлунга teng. Уни руқнларга ажратсан

Хазон япро — фи янглиф гул — юзунг ҳажри — да сарғардим
Мафоийлун мафоийлун мафоийлун мафоийлун
Құруб раҳмай — лагил, эй ло — ларух бу чөх — раи зардим
Мафоийлун мафоийлун мафоийлун мафоийлун

манзараси ҳосил бўлади. Демак, байтдаги барча руқнлар мафоийлуннинг солим қўринишига тенг бўлгани учун вазн ҳам солим деб аталади.

Т

Тавил баҳри («тавил» сўзи арабча бўлиб, «узун» деган маънени ифодалайди) арузнинг асосий ўлчовларидан бири бўлиб, фаулун ҳамда мафоийлун аслларининг кетма-кет тақорига асосланади. Масалан, унинг саккиз руқни солим қўриниши ҳар мисрада

фаулун мафоийлун фаулун мафоийлун
v — — v — — v — — v — —

руқнлари ва чизмасидан ташкил топади.

Навоий «Мезонул авзон»да тавил баҳрига мансуб тавили мусаммани солим вазнигагина тўхталиб унга

Фироқингда жон бердим, бошимға қадам еткур,
Агар худ тирик эрмас, у ёлгон дедим ўлтур.

байтини мисол қилиб келтирганди. Бобур ўзининг «Мухтасар» асарида ушбу баҳрнинг олти вазндан иборат бўлиб, улардан иккитаси мустаъмал, тўрттаси мухтараъ, икки вазн мустаъмали матбуъ эканлигини таъкидлайди ва ҳар қайси вазнга мисоллар келтиради¹.

Тавил баҳри араб арузига маҳсус ўлчовларидан санаған ва форс-тоҷик ҳам туркий шеъриятларда деярлик қўлланмаган. Айрим ўзбек шоирларигина ушбу баҳр вазнларида шеърлар яратиб, уларнинг оҳанг имкониятларини синовдан ўтказганлар. Шулардан бири Алишер Навоий эди.

ТАВИЛ БАҲРИ ВАЗНЛАРИ

Шеъриятимизда тавил баҳрининг биргина ўлчовидан фойдаланилган. Ушбу вазн тавили мусаммани солим саналади.

¹ Бобур. Мухтасар, 168—169-бетлар.

Тавили мусаммани солим вазни шеъриятимизда жуда кам қўлланган ўлчовлардан бўлиб, рукинлари ва чизмаси бир мисрада

фаулун мафоийлун фаулун мафоийлун
v — v — — v — — v — —

тарзиадир. Қисқа ва чўзиқ ҳижолар таркибига кўра ёқимли оҳангга эга бўлмаган ушбу вазн умуман туркӣ шеъриятга мувофиқ тушмайдиган ўлчовлардан саналади. Шунга қарамай айрим ижодкорлар унинг вазн-оҳанг имкониятларини синаб кўриш мақсадида бир-икки газал ёзиб кўрганлар. Ушбу ўлчовда биринчи бўлиб шеър битган шоир Алишер Навоий бўлди. Унинг «Хазойинул маоний» асаридан ўрин олган уч шеър, яъни:

Лабинг чашмаи ҳайвон, қадинг руҳи инсони,
Бу обу ҳаво бирла бирининг йўқ имкони.

Зиҳи қадди наҳдингдин хижил сарв бўстони,
Хат ичра лабингдин мунфаил роҳи райҳони.

Юзунгдек қамар йўқтур, қадингдек шажар йўқтур,
Шажар бўлса ҳам анда, лабингдек самар йўқтур.

матлаъли фазаллари ана шу ўлчов асосида яратилган эди.

Тазниб «дум ясамоқ» деган маънони ифодаловчи аруз атамаси бўлиб, сўзларни у ёки вазнга мувофиқлаштириш учун уларга бирор ҳарфни орттириш усулини ифодалайди. Бу усул қўлланганда:

1. Баъзи сўзлар таркибига бирор унли ҳарф кири-тилади. Масалан:

Итобу жавру жафога доги керак инсоф,
Айтки, неча менинг жонима жафо қилғунг?

(Лутфий)

Эй вужуд, ул тор оғиздин ҳеч бўлсанг, не ажаб,
Ушбу йўлда **юрганларга** адамдин чора йўқ.

(Лутфий)

Эй юзи ойина эмин **қўнгулунг** ойинидин
Мунинг бикин кишининг куйдирур жаҳон оҳи.

(Саккокий)

Парда ёпқоч юзга, тутти қон ёшим оғоқни,
Мехр ўёққонда **уфуқ** сори ёйилғондек шафак.

(Навоий)

2. Шакар, умид, сиҳат, хумор каби сўзлар ўртасидаги ундош қўшалоқлаштирилади. Мисоллар:

Ирнингки қалам тилини шириклиғи ёрди,
Шаккар дедим ондинки самар сўз келишидин.

(Лутфий)

Айрим сўзлар ўртасидаги якка ундош баъзан вазн талаби билан қўшалоқлаштириб ўқилиши мумкин. Масалан, Огаҳий қаламига мансуб

Шакар демак ғалатдур лаълинга жонбахшлик ичра,
Қачон Исоу Марям мұжизин **шаккар** қилур пайдо.

байти бошидаги **шакар** сўзи ўртасидаги ундош иккичи мисра ҳашвида қўшалоқлаштирилиб **шаккар** тарзида ўқилади.

Мисоллар:

Ҳажр навмид эрконимда ўргар **уммида** шавқ,
Ваҳки, ё навмидлиғ айлар ҳалоким ё **умид**.

(Навоий)

Дурдкашлар ичра мендин фориги гар йўқ, не тонг,
Чун харобот ичра йўқ мендин киши **хумморроқ**.

(Навоий)

Лаъл уза хат ичра холингдур ниҳон, ё ҳиндуе
Сабзада ёшунди **шаккар** қасдида айлаб камин

(Навоий)

Дарҳол хаста жисмим **сиҳҳат** топар лабининг
Гулқандидан ичирса бир қатравор шарбат.

(Огаҳий)

3. Қад, хат, дур каби сўзларга бирон эгалик қўшимчаси қўшилганда, шу сўзлар ўзагидаги кейинги ундош қўшалоқлаштирилади. Масалан:

Ул рост қаддинг сарвтек ингратти найни ҳар нафас
Ширил лабинг оғзинг бикин қилди шакар
айшини танг.

(Лутфий)

Ул ёшунгай зулмат ичра, бу фалакдин ёнмағай
Кўрсалар хатту лабингни ногаҳон Хизру Масиҳ.

(Навоий)

Дүррү гавҳар оллида туфроқ мисиллик хордур,
Кимки фарқ идрок эта олмас дуру туфроқ аро.

(Оғажий)

Тайй зиҳоф номи бўлиб, «йигиш» деган маънени ифодалайди. Бу хил ўзгаришга дуч келган **мустафъи-лун** аслининг иккинчи чўзиқ ҳижоси қисқа ҳижога айлантирилади, қолган мустафъилен қисми ўзига тенг муфтаилун (чизмаси: — v v —) тармоқ рукни билан алмаштирилиб, «йигилган» маъносида **матвий** деб юритилади. Ушбу фурӯъ ражаз, мунсариҳ ва сарий баҳрларига мансуб олти вазн таркибидаги 1, 2, 3-рукнлар ўрнида иштирок этади (*Қаранг*: «Ражаз», «Мунсариҳ», «Сарий»).

Таслим «емирмак» маъносини ифодаловчи аруз атамаси бўлиб, сўзларни вазнга мослаш учун уларнинг ўзак-негизларидаги бирон ҳарфни тушириш усулини ифодалайди. Гап шундаки, бир қатор сўзлар баъзи вазнларда назарда тутилган рукнга мос тушмайди, шунда уларни мазкур тарзда ўзgartириб шеър ўлчовига мувофиқлаштирилади. Бу усул бир неча тарзда намоён бўлади.

1. Таркибида жуфт ундош қўлланувчи икки, етти, саккиз, тўққиз, қаттиқ, иссиқ, ҳамма каби сўзлар ўтасидаги ундошлардан бири туширилади. Масалан:

Ўн **сакиз** минг олам ошуби агар бошиндадур,
Не ажаб, чун сарвнозим ўн **сакиз** ёшиндадур.

(Навоий)

Чу ўн саккизга етти ёшинг, ол бурқаъ жамолингдин,
Ки ўн саккиз минг олам ўн **сакиз** ёшингдин айлансин.

(Оғажий)

Ҳама обод бўлди, бўлмадим обод дастингдан,
Ки ман ҳар қайга борсам, дод этарман, дод дастингдан.

(Машраб)

Ўшал дарёни мавжидур табассум,
Қатиқ кулгуси қилғонда талотум.

(Фурқат)

Бўлди ситораси **исиф** хулқига меҳри ёри гарм,
Манда **исиф** ситора йўқ, бўлмаса бўлмасун нетай.

(Оғажий)

2. Сув, гавҳар каби сўзлар ҳамда ювмоқ феъли билан боғлиқ сўзлар таркибидаги «в» ундоши туширилади. Масалан:

Су берса ўйла афзорига устод
Юз ил хоро демайким йўнса пўлод.

(Навоий)

Чун **юди** кўзлар савобин ашқ, ёрут кўз очиб,
Ким дирамсиз элга бой эл фарздор бермак закот.

(Навоий)

Ваҳ не янглиғ билгуси ҳайвон **ѓұхарнинг** қадрини,
Ким топар ҳаз этса ул кунжарау сомонга сўз.

(Оғаҳий)

3. **Йироқ**, **йил** қаби сўзлар таркибидаги «й» ундоши туширилади.

Ёрдин, э рақиб, бизни неча бошқа тутарсен,
Жон берсам **ироқлик** била бўйнунгда вуболим.

(Лутфий)

Май ички, англамағайлар бу дайрдин рамзе,
Гар аҳли зуҳд юз **иљ** истиҳора қилғайлар.

(Лутфий)

XV асрнинг I ярми шеъриятида «эй» ундовининг ундоши туширилишини кузатиш мумкин.

Охир э фалак, волау фарёдим эшитгил,
Ҳар неча менинг оҳим оғир қилди қулоғинг.

(Лутфий)

Сен бор, э рақиб, жоним эрур ушбу эв ичра,
Мен кетмон эшикингдин агар чиқмаса жоним.

(Лутфий)

4. Қилмоқ, кўрмоқ, соғинмоқ қаби феълларни ҳозирги келаси замондаги ифодасида «й» ундоши туширилади.

Неча лаълингдин менинг бағрим тўла қон **қилғасен**,
Хотиримни неча зулфингдин паришон **қилғасен**.

(Бобур)

Не вафо умрумда ул жону жаҳондин **кўргамен**,
Ким вафо жондин кўрубдурким, мен ондин
кўргамен.

(Бобур)

Беҳад вафоу меҳр сенга кўрсатиб эдим,
Сен ҳам **соғинғасен** мени меҳру вафо била.

(Бобур)

Қилғосен ул моҳ меҳрин ошкор,
Субҳ янглик пок домон, марҳабо.

(Нодира)

5. Кўп ҳолатларда шоирларнинг «ий» қўшимчасини олган таҳаллусларидағи «й» ундоши туширилади. Масалан:

Сочинг билан юз ёпмагилу **Лутфига** кўргуз,
Кун, оре, булаттин очилур, яхши кўрунур.

(Лутфий)

Фамзангиз қон тўккали қасд этса ҳар дам ул замон,
ЛАълингиздин кўп бўлур **Саккокига** жон миннати.

(Саккокий)

Йиглар **Муқими** токай, топмас мурод найлай,
Ўйнайлигу кулайлик, эсон-омон бўлайлик.

(Муқимиий)

Ушбу таҳаллусларни мазкур байтларда Лутфийга, Саккокийга, Муқимиий тарзида ёзилса ва шундай ўқилса, вазн бузилиши муқаррар.

Баъзида Увайсий таҳаллусининг Вайсий, Вайси тарзида олдинги «у» унлисининг туширилиб ўқилишини кузатамиз.

Вайси шаънига муносиб кўрсаким ҳар қанча сўз
Минг забон пайдо бўлур айтса яно бўлса оз.
...**Вайсидинким** мунтазирлиғни деманг сиз, саҳлдор,
Багри қон олудаи гирёна дийдам мунтазир.

6. Баъзан **ингичка** каби сўзлардаги икки ҳарф туширилиб, **инчка** тарзида ёзилади. Масалан:

Лутфий бошин эвурди сочи **инчка** бел бирла,
Ул ҳинду ришта бирла магар қилди жодуйи.

(Лутфий)

7. Айрим феълларнинг баъзи қўшимчалари тарки-
бидаги қисқа «и» унлиси туширилади. Масалан:

Кўзум паймонаси ҳар дам тўкар куйган юрак қонин,
Бале тўклир бўулур лобуд тўлиб тошқонда ҳар кайле.

(Саккокий)

Фурқатинг **иҷрур** манга бағрим қонин май ўрнида,
Айш ила ичкан кечаларни соғинсам гоҳ-гоҳ.

(Атоий)

Сийратингда, дилрабо, давлат нишони **қўрнадур**,
Суратингда доғи анвои маоний **қўрнадур**.

(Гадоий)

Ҳар жафоким келса сендин Лутфиға миннат вале,
Қилмағон ёзуқни **кечруб** қилғин андин даргузор.

(Лутфий)

Бу хил ҳолатлар асосан ўзбек арузининг шаклланиш даври — XIV асрнинг II ярми ва XV асрнинг I ярми учун хос бўлиб, кейинги даврларда кузатилмайди.

8. Баъзи ўзакларга, хусусан, турли эгалик қўшимчаларини олган сўзларга жўналиш, тушум, қаратқич келишиклари қўшимчалари қўшилганда, келишик қўшимчалари бошидаги «г», «н» ундошлари туширилди. Масалан:

Эй Навоий, ишқ атворини ҳифз айлай деган
Барча ишни тарк этиб, қилсун **бизинг** девонни ҳифз.

(Навоий)

байтидаги «бизинг» сўзини «бизнинг» тарзида ёзилса, биринчи ҳижо чўзиқ ҳижога айланиб, вазн бузилади.

Мисоллар:

Жоним чиқар **жамолинга** қилғонда бир назар,
Дардоки бокқали яна бир жон бадандада йўқ.

(Лутфий)

Эй сарви сиҳи **қоматинга** жон била мойил,
Не хуш ярашур **қаддинга** ул шаклу шамоийл

(Лутфий)

Эй Навоий, **күнглунга** берсанг сафо ёр оллида
Фош ўлур сирринг, не ҳожат айламак изҳор лафз.

(Навоий)

Эй гул баданим, гул **юзунга** банда бўлойин,
Курбони шакар лаблари пурханда бўлойин.

(Машраб)

Бу хил сўзларни ушбу мисраларда жамолингга, қоматингга, қаддингга, кўнглунгга каби тарзда ёзилса, вазн бузилади. Чунки мазкур байтларнинг вазнлари жамолинга, қоматинга сўзларининг учинчи ҳижолари-ли, -ти тарзида, қаддинга, кўнглунга, юзинга сўзларининг иккинчи ҳижолари эса-ди, -лу, -зу тарзида қисқа бўлишини тақозо этади.

Ташъис зиҳоф номи бўлиб, «сочилиш» маъносини ифодалайди. Бундай ўзгаришга дуч келган **фоилотун** аслининг қисқа бўғини туширилиб, қолган фолотун қисми ўзига тенг **мафъулун** тармоқ рукни билан алмаштирилиб, «сочилган» маъносида **мушаъас** деб юритилади Ушбу фуруъ рамал баҳрининг қатор вазнлари таркибида қатнашади (*Қаранг*: «Рамал баҳри вазнлари»).

Тақтиъ «кесиш» маъносини ифодаловчи сўз бўлиб, аruz илмида шеър вазнини аниқлаш учун байтни ритмик бўлакларга — рукнларга ажратиш демакдир. Мумтоз арузшуносликда буни вазнни белгилашнинг ягона усули деб ҳисобланган.

У ёки бу байтни тақтиъ қилиш учун уни оҳанг бўлакларига ажратилиб, ҳар бир бўлак — рукнни асллар ёки фуруълардан бири билан ўлчаб кўрилади. Байтдаги барча рукнлар шу тарзда аниқлангач, шеър баҳри ҳамда вазни келтириб чиқарилади. Чунончи, Бобурнинг

Хати бинафша, ҳади лола, зулфи райҳондор,
Баҳори ҳуснида юзи ажаб гулистондор

байтини тақтиъ қилиш учун уни аввало ритмик бўлак — рукнларга қуйидагича ажратамиз:

Хати бинаф — ша ҳади ло — ла зулфи рай — ҳондор,
Баҳори ҳус — нида юзи — ажаб гулис — тондор

Энди ҳар бир бўлакни асллар ёки фуруларга солиб, ўлчовини аниқлаймиз: «Хати бинаф» рукни

оҳанг жиҳатидан мафоилун фуруъига, «ша ҳади ло» — рукни «фаилотун», «ла зулфи рай» — мафоилун, «ҳондур» — рукни «фаълун», «Баҳори ҳус» — мафоилун, «нида юзи» — фаилотун, «ажаб гулис» — мафоилун, «тондур» — фаълун рукнига тенг келади. Энди байтдаги барча рукнларни ўлчови билан айтиб кўрамиз.

«Хати бинаф» — мафоилун, «ша ҳиди ло» — фаилотун, «ла зулфи рай» — мафоилун, «ҳондур» — фаълун. Демак, ҳар қайси мисра рукнлари «мафоилун фаилотун мафоилун фаълун» кўринишида экан. «Мафоилун» — мустафъилун аслининг маҳбун тармоғи, фаилотун — фоилотун аслининг маҳбун тармоғи, фаълун эса шу аслнинг мақтуъ тармоғи. Байт мустафъилун ва фоилотун рукнларининг кетма-кет такрорига асослангани учун унинг мажтасс баҳрига мансуб эканини, унда мустафъилун ва фоилотун аслларининг маҳбун ва мақтуъ тармоқлари иштирок этәётгани, байтнинг саккиз рукндан тузилганини назарда тутиб, шоир ушбу асарини мужтасси мусаммани маҳбуни маҳзуф вазнида ёзганини аниқлаймиз.

Тақтиъ усули анча мураккаб бўлиб, аруздан яхши хабардор одамгина шу усулдан фойдаланиб вазнларни аниқлай олади. Эски ўзбек ёзувида айрим ҳарфлар ёзилса ҳам ўқилмайди, ёзилмаганлари талаффуз этилади ва ҳоказо. Шунинг учун ҳам арузшуносликда тақтиъ усули анча кенг ва батафсил баён қилинади.

Ҳозирги арузшуносликда тақтиъ усули эмас, байтлар таркибидаги ҳижоларнинг чўзиқ — қисқалигини аниқлаб чизиб чиқиб, уларни рукнларга ажратиш, сўнг чизмалар асосида асллар ва фуруъларни белгилаб баҳр ҳамда вазнни топиш усули қабул қилинган. Бу осонроқ усул бўлиб, камроқ хато қилинади.

Вазнни шу хил усул асосида аниқлаш учун:

1. Ҳар қайси байт ифодали ўқилади. Бу жараёнда унлилар талаффузига алоҳида диққат қилинади. Ҳусусан, ўта чўзиқ ҳижолар таркибидаги унлиларни чўзиқ ўқиш, кўш ундош билан тугалланган ҳижоларнинг охирги ундошини (агар у кейинги ҳижога қўшиб ўқилмаса) алоҳида қисқа ҳижо тарзида талаффуз этиш, вазн тақозо этган ўринларда ёпиқ ҳижо охиридаги ундошни унли билан бошланган кейинги ҳижога қўшиб ўқиш ҳолатларига эътибор бериш лозим.

2. Шундан сўнг байтни ташкил этувчи ҳижолар-

нинг чўзиқ-қисқалиги ёки ўта чўзиқлиги аниқланиб, қабул қилинган белгилар билан кўрсатилади.

3. Энди байт ритмик бўлакларга ажратилади ҳамда ҳар бир бўлак чизмасига кўра уларнинг қандай рукнга (асл ёки фуруъга) тенглиги аниқланиб ёзиб қўйилади.

4. Ҳар бир байтнинг рукнлар таркиби белгиланиб, вазн кўрсатилади. Масалан, Лутфийнинг

Сенсан севарим хоҳ инон, хоҳ инонма,
Қондур жигарим хоҳ инон, хоҳ инонма

байти вазнини белгилаш учун:

— аввало уни ифодали ўқиймиз, бу жараёнда хусусан «хоҳ» сўзларининг ўта чўзиқлигини ҳисобга олиб, «о» унлисини анча чўзиб талаффуз қиласиз;

— байтни ҳижоларга ажратиб чиқамиз, натижада қуидагича манзара ҳосил бўлади:

Сен—сан—се—ва—рим—хоҳ—и—нон—хоҳ—и—нон—ма
Қон—дур—жи—га—рим,—хоҳ—и—нон, хоҳ—и—нон—ма.

Энди ҳар қайси ҳижони ўқиб туриб (унли билан тутгалланган ҳижоларни кейинги ҳижо билан кўшиб ўқиб) уларнинг чўзиқ — қисқалигини белгилар билан ифодалаймиз. Натижа қуидагича бўлади:

Сен—сан—се—ва—рим, хоҳ—и—нон—хоҳ—и—нон—ма
— — v v — — v v — — v v — —
Қон—дур—жи—га—рим, хоҳ—и—нон—хоҳ—и—нон—ма.
— — v v — — v v — — v v — —

Энди байтни рукнларга ажратамиз:

Сен—сан—се ва—рим—хоҳ и—нон—хоҳ и—нон—ма
— — v v — — v v — — v v — —
Қон—дур—жи га—рим—хоҳ и—нон—хоҳ и—нон—ма
— — v v — — v v — — v v — —

Навбатдаги ишимиз чизмаларга кўра ҳар бир рукнни аниқлашдан иборат бўлади:

Сен—сан—се ва—рим—хоҳ и—нон—хоҳ и—нон—ма
— — v v — — v v — — v v — —

Мағъулу мафойилу мафойилу фаулун
ахраб макфуф макфуф маҳзуф

Қон—дур—жи га—рим—хоҳ и—нон—хоҳ и—нон—ма
— — v v — — v v — — v v — —

Мағъулу мафойилу мафойилу фаулун
ахраб макфуф макфуф маҳзуф

Мафъулу, мафоийлу, фаулун руқнлари мафоийлун аслининг фуруғлари, демак, шеър ана шу асл такрорига асосланувчи ҳазаж баҳрида ёзилган. Байт — саккиз руқнли — мусамман. Вазн солим эмас, унда ахраб, макфуф, маҳзуф тармоқ руқнлари иштирок этгани. Шунга кўра байт вазни ҳазажи мусаммани ахраби макфуфи маҳзуф деб кўрсатилади.

Тағийир — «ўзгартириш» маъносини ифодаловчи аруз атамаси бўлиб, айрим сўзларни вазнга мувофиқлаштириш учун уларнинг таркибидаги айрим товушлар, ҳарфлар ўрнини алмаштириш усулини ифодалайди.

1. Айрим сўзларнинг биринчи ҳижоларидаги ҳарфлар ўрни алмаштирилади. Чунончи:

Банда ғам ичра хастаман, зулфунг бикин **ишқастаман**,
Ишқастаю ҳам бастаман, бу қулни, кел, озод қил!

(*Комил Хоразмий*)

Байтда «шиқастаман» сўзининг «ишқастаман» тарзида ўзгартирилгани кўриниб турибди.

2. Айрим сўзларнинг иккинчи ҳижоларидаги товушлар, ҳарфлар ўрни алмаштирилади. Масалан:

Латофатда юзунг ҳам гул эмиш, ҳам **гулситон** эрмиш,
Ҳаловатда лабинг ҳам жону ҳам оромижон эрмиш.

(*Навоий*)

Баҳору боғ сайрин не қиласким, **дилситонимнинг**
Юзи гул, зулфи сунбул, қомати сарви хиромондур

(*Бобур*)

Лутф этиб ушшоқ аро қилғил мени
Сарфарозу сарфарозу сарфарозу¹.

3. Баъзан Атоий, Навоий тахаллусларини вазнда мувофиқлаштириш учун бу сўзлар охиридаги икки ҳарф ўрни алмаштирилиб, Атоий, Навоий тарзида ёзилади.

Атоий кўзларига ёр хоки роҳинг эрур,
Ки кўзга лойиқ эмас тўтиёдин ўзга мусоҳиб.
Етмасму бир **Атоига** эй хусн ила ғани
Кўз учидин назарки жамолинг закотидир.

¹ Аслида «сарафроз» бўлиши керак.

Дайрда күр **Навойини** мүгбачалар гамидаким,
Эгнида чок хирқаву илгидә бир аёғ эрур.

4. Шеъриятда кенг құлланувчи айрим сұзлар вазн тақозоси билан турлича тарзда ўзгартырилиб үқилиши мүмкін:

а) **жамъ**, **шамъ**, **навъ**, **нафъ**, каби арабча айн ҳарфи билан тугалланувчи сұзлар шеърдаги ўрнига құра бир чүзиқ ҳижо ёки бир чүзиқ, бир қисқа ҳижо тарзда құлланиши мүмкін. Масалан:

Сұз ила **нафъ** ўлмаса әл пешаси,
Яхши керак күнглида андешаси.

(*Навоий*)

Бу **навъ** әрмас ато құймоди отин,
Ки күргач ишқ аннинг покиза зотин.

(*Навоий*)

Шабистонида ул **шамъ** ўлди равшан,
Ки базми гулларидин бўлди гулшан.

(*Навоий*)

каби мисраларда бу сұзлар бир чүзиқ ҳижога тенг қилиб, **наф**, **нав**, **шам** тарзда үқилса,

Хайр тегурмак гар әмас әл била,
Нафъ тегурмак ҳам ўлур тил била.

(*Навоий*)

Ато бу **навъ** күргач иш ҳисобин,
Муносиб англади илм иктисобин.

(*Навоий*)

Неча ул **шамъ** бор эрди дилафруз,
Вале кўп шуъла тортар эрди жонсўз.

(*Навоий*)

мисраларида бу сұзлар бир чүзиқ ва бир қисқа ҳижога тенг қилиб, **нафъ-и**, **навъ-и**, **шамъ-и** тарзда үқилади.

Туюқ вазнлари. Туркий шеъриятта маҳсус бўлган туюқ жанридаги лирик шеърлар рамал баҳрига мансуб фақат икки вазн асосида яратилган бўлиб, уларнинг биринчиси рамали мусаддаси маҳзуф деб аталади. Рукнлари ва чизмаси эса ҳар мисрада:

Фоилотун фоилотун фоилун
— v — — v — — v —

тарзидадир. Шеъриятимизда яратилган туюқларнинг аксарияти ана шу ўлчовга асосланади. Жумладан, Лутфийнинг

Сурати Юсуф, нигоро, сенدادур,
Дойим анфоси Масиҳо сенدادур.
Юзум ўлди заъфарон дард илгидин,
Қил иноятким, мудово сенدادур.

Навоийнинг

Ё раб, ул шаҳду шакар ё лабдуур,
Ё магар шаҳду шакар ёлабдуур.
Жонима пайваста новак отқали,
Фамза ўқин қошига ёлабдуур

туюқлари мазкур вазн асосида битилган.

Иккинчи вазн рамали мусаддаси мақсур бўлиб, юқоридаги ўлчовдан охирги ҳижонинг ўта чўзиқлиги билан-гина фарқланади. Руқнлари ва чизмаси эса бир мисрада:

Фоилотун фоилотун фоilon
— v — — — v — — — v ~

тарзидадир. Навоийнинг

Тийфи ишқинг ёрасидур бутмаган,
Дардини ҳар кимга айтиб бутмагон.
Ҳажр саҳросидур оҳим ўтидин
Анда гул ёхуд гиёҳе бутмагон

Оғаҳийнинг

Чехрасининг гарчи муҳриқ нори бор,
Бергуси доим ниҳоли нори бор.
Сигмағунг базми аро, эй муддай,
Телмуруб турма бу ерда, нори бор.

туюқларининг қофияланувчи мисралари ана шу ўлчов асосида ёзилган.

Ф

Фаал (I). Мафоийлун аслининг «жабб» («бичиш, ахта қилиш») зиҳоfiga дуч келиши натижасида ҳосил бўлган тармоқ руқн бўлиб, шеър чизмасида у — тарзизда ифодаланади ҳамда «ажабб» («бичилган») деб юритилади. У ҳазаж баҳрига мансуб рубоий вазнлари

таркибида охирги руқнлар (аруз ва зарб) ўрнида құлланади (*Қаранг*: «Хазаж баҳри вазнлари»).

Фаал (ІІ) фаулун аслининг «ҳазф» («ташлаш») зиҳофига дуч келиши натижасида ҳосил бўлган тармоқ руқн; чизмаси **v** — тарзида бўлиб, «охири ташланган» маъносида маҳзуф деб аталади. У мутақориби мусаммани **маҳзуф** ва мутақориби мусаммани асрами маҳзуф вазнлари таркибида охирги (аруз ва зарб) руқнлар ўрнида фаол қўлланади (*Қаранг*: «Мутақориб баҳри вазнлари»).

Фаилийён — фоилотун аслининг «хабн» («этакни йиғиши») ва «тасбиг» («тўлдириш») зиҳофларига дуч келиши натижасида ҳосил бўлган тармоқ руқн бўлиб, **v v** — ~ чизмаси билан ифодаланади ҳамда «этаги йигилган ва тўлдирилган» маъносида **махбуни мусаббағ** деб юритилади. У, рамал ва мужтасс бахрларига мансуб рамали мусаммани маҳбун ва мужтасси мусаммани маҳбуни мусаббағ вазнлари таркибида охирги, аruz ва зарб руқнлари ўрнидагина қўлланади. («*Қаранг*: «Рамал баҳри вазнлари», «Мужтасс бахри вазнлари»).

Файлон — фоилотун аслининг «хабн» («этакни йиғиши») ва «қаср» («қисқа қилиш») зиҳофларига дуч келиши натижасида юзага келган тармоқ руқн. Унинг чизмаси **v v** ~ тарзида бўлиб, «этаги йигилган ва қисқа қилинган» маъносида «махбуни мақсур» деб аталади. Ушбу фуруъ рамал, хафиғ, мужтасс бахрларига мансуб 4 вазн таркибида охирги руқнлар (аруз ва зарб) ўрнида фаол қўлланади (*Қаранг*: «Рамал баҳри вазнлари», «Хафиғ баҳри вазнлари», «Мужтасс баҳри вазнлари»).

Файлоту фоилотун аслининг «шакл» («тушовлаш») зиҳофига дуч келиши оқибатида ҳосил бўлган тармоқ руқн бўлиб, «тушовланган» маъносида «машкул» деб аталади, чизмаси эса **v v** — **v** тарзидадир. Ушбу фуруъ рамали мусаммани машкул ҳамда рамали мусаммани машкули мусаббағ вазнлари таркибида биринчи ва учинчи руқнлар (садр, ибтидоъ ва ҳашвлар) ўрнида қўлланади (*Қаранг*: «Рамал баҳри вазнлари»).

Файлотун фоилотун аслининг «хабн» («этакни йиғиши») зиҳофига дуч келиши натижасида юзага келган ва чизмаси **v v** — — тарзида бўлган тармоқ руқн бўлиб, «этаги йигилган» маъносида «махбун» деб аталади. Ушбу фуруъ рамал, хафиғ, мужтасс бахрларига мансуб 20 га яқин вазн таркибида 1—4-руқнлар (садр, ибтидоъ, ҳашвлар, аruz ва зарб) ўрнида фаол қўлланана-

ди (*Қаранг*: «Рамал», «Хафиф», «Мужтасс» баҳрлари вазнлари»).

Файлун (I) фоилотун аслининг «хабн» («этакни йи-шиш») ва «ҳазф» («ташлаш») зиҳофларига дуч келиши натижасида ҳосил бўлган тармоқ руқн. Чизмаси **v v** — тарзида бўлиб, **маҳбуни маҳзуф** деб юритилади. Мазкур фуруъ рамал, хафиф, мужтасс баҳрларига мансуб 4 вазн таркибида охирги рукнлар (аруз ва зарб) ўрнида фаол қўлланади (*Қаранг*: «Рамал баҳри вазнлари», «Хафиф баҳри вазнлари», «Мужтасс баҳри вазнлари»).

Файлун (II) фоилун аслининг «хабн» («этакни йи-шиш») зиҳофига дуч келиши натижасида ҳосил бўлган тармоқ руқн; чизмаси **v v** — тарзида бўлиб, **маҳбун** деб аталади. У шеъриятилизда жуда кам қўлланган 16 рукнли мутадорики маҳбун вазни таркибида садр, ибтидоъ, ҳашвлар, аruz ва зарб рукнларида қатнашади (*Қаранг*: «Мутадорик баҳри вазнлари»).

Фаул (I) мағоийлун аслининг «хатм» «тишни тагидан синдириш») деб аталган зиҳофига дуч келиши натижасида ҳосил бўлган тармоқ руқн бўлиб вазн чизмасида **v ~** тарзида ифодаланиб, «тиши тагидан синиқ» маъносида **ахтам** деб юритилади. Ушбу руқн ҳазаж баҳрига мансуб рубоий вазнлари таркибида охирги рукнлар (аруз ва зарб) ўрнида қўлланади (*Қаранг*: «Ҳазаж баҳри вазнлари»).

Фаул (II) фаулун аслининг «қаср» («қисқа қилиш») зиҳофига дуч келиши натижасида ҳосил бўлган тармоқ руқн; чизмаси **v ~** тарзида бўлиб, («қисқа қилинган») **мақсур** деб юритилади. У мутақориби мусамманни мақсур, мутақориби мусамманни асрами мақсур вазнлари таркибида аruz ва зарб рукнлари ўрнида қўлланади (*Қаранг*: «Мутақориб баҳри вазнлари»).

Фаулу фаулун аслининг «қабз» («тутиш») зиҳофига дуч келиши оқибатида ҳосил бўлган тармоқ руқн; чизмаси **v — v** тарзида бўлиб, **мақбуз** деб аталади. У мутақориб баҳрининг 4 вазни таркибида садр, ибтидоъ, ҳашв рукнларида иштирок этади. (*Қаранг*: «Мутақориб баҳри вазнлари»).

Фаулон — фаулун аслининг «тасбиф» («тўлдириш») зиҳофи билан ўзgartирилишидан ҳосил бўлган тармоқ руқн бўлиб, шеър чизмасида **v — ~** тарзида ифодаланади ва «тўлдирилган» деган маънода «мусаббағ» деб юритилади. У, асосан мутақориб баҳрига мансуб мутақориби мусамманни мусаббаг ҳамда мутақориби му-

саммани аслами мусаббағ вазнлари таркибида охирги, аруз ва зарб рукнлари ўрнида қўлланади (*Қаранг*: «Мутақориб баҳри вазнлари»).

Фаулун (I) фаулун аслининг солим кўриниши бўлиб, вазн чизмасида **v —** — тарзида ифодаланади ва «солим» деб юритилади. Ушбу руҳи мутақориб баҳрига мансуб 7 вазн таркибида 1—4 рукнлар (садр, ибтидоъ, ҳашвлар, аруз ва зарб) ўрнида қўлланади (*Қаранг*: «Мутақориб баҳри вазнлари»).

Фаулун (II) мағоийлун аслининг «ҳазф» («ташлаш») зиҳофиға дуч келиши натижасида ҳосил бўлган тармоқ руҳи бўлиб, вазн чизмасида **v —** — тарзида ифодаланади ҳамда «ташланган» маъносида «маҳзуф» деб юритилади. Ушбу фурӯҳ ҳазаж баҳрига мансуб ҳазажи мусаддаси маҳзуф, ҳазажи мусаммани ахраби макфуфи маҳзуф ҳамда ҳазажи мусаммани ахраби макфуфи маҳзуфи мустаҳзод вазнлари таркибида охирги рукнлар (аруз ва зарб) ўрнида қўлланади (*Қаранг*: «Ҳазаж баҳри вазнлари»).

Фаулун аслининг тармоқлари. Фаулун асли 7 хил ўзгаришга дуч келади, бунинг натижасида ушбу аслининг 7 тармоғи ҳосил бўлади. Улардан олтитаси шеъриятимизда қўлланади.

№№	Ўзгариш номи	Тармоқ руҳи	Унинг чизмаси	Аталиши	Қўлланиш ўрни
1	тасбиг	фаулон	v — ~	мусаббағ	аруз ва зарбда
2	қабз	фаулу	v — v	мақбуз	садр, ибтидоъ, кейинги ҳашвларда
3	ҳазф	фаал	v —	маҳзуф	аруз ва зарбда
4	қаср	фаул	v ~	мақсур	аруз ва зарбда
5	салм	фаълун	— —	аслам	садр, ибтидоъ, ҳашвлар, аруз ва зарбда
6	сарам	фаълу	— v	асрам	- « -

Фаулун асли ва унинг юқоридаги тармоқлари фаяқат мутақориб баҳри вазнлари таркибида иштирок этади (*Қаранг*: «Мутақориб баҳри вазнлари»).

Фаъ. Мағоийлун аслининг «батр» («илдиздан ағдариш») заҳофиға дуч келиши натижасида ҳосил бўлган тармоқ руҳи бўлиб, **абтар** («илдизидан ағдарилган») деб аталади ва шеър чизмасида — тарзида ифодаланади. У ҳазаж баҳрига мансуб рубой вазнларида охирги

рукнлар (аруз ва зарб) ўрнида қўлланади (*Қаранг*: «Рубоий вазнлари»).

Фаълон фоилотун аслининг «қатъ» («кесиш») ва «тасбиф» («тўлдириш») зиҳофларига дуч келиши натижасида ҳосил бўлган тармоқ рукн; чизмаси — ~ тарзида бўлиб, «кесилган ва тўлдирилган» маъносида **мақтуғи мусаббағ** деб аталади. У рамал, хафиф ва мұжтасс баҳрларига мансуб 4 вазн таркибида фаол қўлланади.

Фаълу фаулун аслининг «сарам» («олдинги тишинги синдириш») зиҳофига дуч келиши натижасида ҳосил бўлган тармоқ рукн; чизмаси: — v тарзида бўлиб, «олдинги тиши синик» маъносида асрар деб аталади. У мутақориби мусаммани асрар ва мутақориби мусаммани асрарни мусаббағ вазнлари таркибида садр, ибтидоъ ва ҳашв рукнлари ўрнида қатнашади (*Қаранг*: «Мутақориб баҳри вазнлари»).

Фаълун (I) фоилотун аслининг «қатъ» («кесиш») зиҳофига дуч келиши оқибатида ҳосил бўлган тармоқ рукн; чизмаси — — тарзида бўлиб, **мақтуғ** («кесилган») деб аталади. У рамал, хафиф, мұжтасс баҳрларига мансуб тўрт вазн таркибида охирги рукнлар (аруз ва зарб) ўрнида фаол қатнашади.

Фаълун (II) фаулун аслининг «салм» («бузилиш») деб аталган зиҳофга дуч келиши натижасида ҳосил бўлган тармоқ рукн; чизмаси: — — тарзида бўлиб, «бузилган» маъносида **аслам** деб аталади. У мутақориб баҳрининг 6 вазни таркибида садр, ибтидоъ, ҳашв, аruz ва зарб рукнлари ўрнида фаол қатнашади.

Фоилийён фоилотун аслининг «тасбиг» («тўлдириш») зиҳофига дуч келиши оқибатида юзага келган тармоқ рукн. Унинг чизмаси — v — ~ тарзида бўлиб, «тўлдирилган» маъносида **«мусаббағ»** деб аталади. Мазкур фуруй рамали мусаммани мусаббағ, рамали мусаммани машкули мусаббағ, музориъи мусаммани ахраби мусаббағ вазнлари таркибида охирги рукнлар (аруз ва зарб) ўрнида қўлланади.

Фоилоту фоилотун аслининг «кафф» зиҳофига дуч келиши натижасида ҳосил бўлган тармоқ рукн; чизмаси — v — v тарзида бўлиб, «макфуф» деб аталади. Ушбу фуруй фоилотун асли асосида тузиладиган музориъ баҳрининг музориъи мусаммани ахраби макфуфи маҳзуф ҳамда музориъи мусаммани ахраби макфуфи мақсур вазнлари таркибида иккинчи рукн (олдинги ҳашв) ўрнида қўлланади.

Фоилотун (I) аруз асоси бўлган саккиз аслининг бири бўлиб, чизмаси — **v** — тарзида. Унинг айнан такоридан рамал баҳри, мафойлун асли билан қўшилиб такрорланишидан музориъ, қариб ва мушокил; мустафаъилун асли билан қўшилиб такрорланишидан эса хафиғ, мужтасс ва фариб баҳрлари ҳосил қилинади. Булардан рамал, музориъ хафиғ ва мужтасс баҳрлари шеъриятимизда кенг қўлланиб, қариб, мушокил ва фариб баҳрларидан фойдаланилмаган.

Фоилотун (II) фоилотун аслининг солим қўриниши бўлиб, чизмаси — **v** — тарзидадир. Фоилотун рамал баҳрининг ҳамма вазнлари, шунингдек музориъ хафиғ баҳрларининг тўрт вазни таркибида 1—4-руқнлар (садр, ибтидоъ, ҳашвлар, аруз ва зарб) ўрнида фаол қўлланилади.

Фоилотун аслининг тармоқлари

Фоилотун аслининг 10 хил ўзгаришга дуч келиши натижасида унинг 15 хил тармоғи ҳосил бўлади, булардан 11 таси шеъриятимизда фаол қўлланган:

№№	Ўзгариш номи	Ҳосил бўлган тармоқ руқн	Унинг чизмаси	Аталиши	Қўлланиш ўрни
1.	хабн	фаилотун	v v — —	махбун	ҳамма руқнларда
2.	шакл	фаилоту	v v — v	машкул	садр, ибтидоъ, кейинги ҳашвда
3.	кафф	фоилоту	— v — v	макфуф	олдинги ҳашвда
4.	ташъис	мафъулун	— — —	мушаъас	садр, ибтидоъ, ҳашвларда
5.	тасбиг	фоилийён	— v — ~	мусаббағ	аруз ва
6.	ҳазф	фоилун	— v —	маҳзуф	зарбда
7.	қаср	фоilon	— v ~	мақсур	—»-
8.	хабн, ҳазф	фаилун	v v —	махбуни	—»-
9.	хабн, қаср	фаилон	v v ~	маҳзуф	—»-
10.	қатъ	фаълун	— —	мақтуб	—»-
11.	қатъ, тасбиг	фаълон	— ~	мақтуби мусаббағ	—»-

Фоилотун асли ва унинг юқоридаги тармоқлари рамал, музориъ, хафиғ ва мужтасс баҳрларининг жами 40 қа яқин вазни таркибида фаол иштирок этади.

Фоилун (I) аруз асоси бўлган саккиз аслининг бири бўлиб, чизмаси — **v** — тарзида дадир. Унинг айнан такоридан мутадорик баҳри юзага келади.

Фоилун (II) мафоийлун аслининг «шатар» («айб қилиш») зихофига дуч келиши натижасида ҳосил бўлган тармоқ руҳи. Унинг чизмаси — **v** — тарзида бўлиб, «айбли» маъносида «аштар» деб аталади. Ушбу фуруъ ҳазажи мусаммани аштар, ҳазажи мусаммани аштари мусаббағ ҳамда ахрам шажарасига мансуб тўрт рубоий вазни таркибида 1—3-руқнлар (садр, ибтидоъ, ҳашвлар) ўрнида қўлланади (*Қаранг*: «Ҳазаж баҳри вазнлари»).

Фоилун (III) фоилотун аслининг «ҳазф» («ташлаш») зихофига дуч келиши натижасида ҳосил бўлган тармоқ руҳи. Унинг чизмаси — **v** — тарзида бўлиб, «ташланган» маъносида «маҳзуф» деб аталади. Ушбу фуруъ рамали мусаммани маҳзуф ва рамали мусаддаси маҳзуф вазнлари таркибида охирги руқнлар (аруз ва зарб) ўрнида фаол қўлланади (*Қаранг*: «Рамал баҳри вазнлари»).

Фоилун (IV) мустафъилун аслининг «тайй» («йиғиш») ва «кашф» («очиш») зихофларига дуч келиши натижасида ҳосил бўлган тармоқ руҳи. Унинг чизмаси — **v** — тарзида бўлиб, «йифилган ва очилган» маъносида **матвийи макшуф** деб аталади. Ушбу фуруъ мустафъилун асли иштирокида тузиладиган мунсарих ҳамда сарис баҳрларига мансуб тўрт вазн таркибида 2—4-руқнлар (ҳашвлар, аруз ва зарб) ўрнида фаол қўлланади.

Фоилун аслининг тармоқлари

Арузуносликка бағишлиланган асарларда фоилун асли тўрт хил ўзгаришга дуч келиши натижасида унинг олти фуруъи — тармоғи ҳосил бўлишини таъкидланади (*қаранг*: Бобур. «Мухтасар»). Булар фоilon, файлун, фаълун, файлон, фаал ва фаъ руқнларидир. Шеъриятимизда файлун рукнигина қўлланган. Ушбу руҳи фоилун аслининг хабн («этакни йиғиш») зихофига дуч келиб, биринчи, чўзиқ ҳижосининг қисқа ҳижога айлантирилиши оқибатида юзага келади. Чизмаси **v v** — тарзида бўлган ушбу руҳи «этаги йиғиқ» маъносида **маҳбун** деб аталади ҳамда мутадорик баҳрига мансуб мутадорики мусаммани маҳбун вазни таркибида фаол иштирок этади (*Қаранг*: «Мутадорик баҳри вазнлари»).

Фосила аruz тизимининг асосий жузвларидан бўлиб, уч ёки тўрт мутаҳаррик ҳарфдан сўнг бир сокин ҳарфнинг келишидан, бошқача қилиб айтганда, икки ё уч қисқа ҳижодан сўнг бир чўзиқ ҳижо келишидан таркиб топади. Аксарият аruzшунослик асарларида фосиланинг икки турли экани таъкидланади, яъни уч мутахаррикдан сўнг сокин ҳарф келганда, ҳозирги аruzшуносликка кўра, икки қисқа ҳижодан сўнг бир чўзиқ ҳижо келганда **кичик фосила** («фосила сурро») ҳосил бўлади. Чизмаси **v v** — тарзида бўлган ушбу фосила мафоилатун (чизмаси: **v v u**) ҳамда мутафоилун (чизмаси: **u v v**) асллари таркибида иштирок этади.

Тўрт мутаҳаррикдан сўнг бир сокин ҳарф келиб, бошқача қилиб айтганда, уч қисқа ҳижодан сўнг бир чўзиқ ҳижо келганда, чизмаси **v v v** — тарзида бўлган **катта фосила** («фосилаи кубро») юзага келади. Фосиланинг ушбу тури туркий шеъриятда қўлланмаган.

Бобур ўзининг «Мухтасар» асарида фосиланинг яна бир тури — **фосилаи узмо** ҳақида маълумот беради. Унинг фикрича, бу хил фосила беш мутаҳаррик ва бир сокин ҳарфдан, яъни тўрт қисқа ва бир чўзиқ ҳижо таркибидан юзага келади («қораламади» сўзи каби). Бу хил фосила ҳам шеъриятимизда қўлланмаган.

Шу асарда Бобур машҳур аruzшунос Хожа Носирнинг фосила алоҳида жузв эмас, балки сабаби сақийл ва сабаби хафиф (кичик фосила), шунингдек сабаби сақийл ва ватади мажмуъдан (катта фосила) ташкил топган бўлаклардир, деган фикрини ҳам таъкидлайди.

Фоъ мафоийлун аслининг «залал» («соннинг гўштисиз бўлиб қолиши») зиҳоfiga дуч келиши натижасида ҳосил бўлган тармоқ руқн бўлиб, вазн чизмасида — тарзида ифодаланади ва **азалл** деб юритилади. У ҳараж баҳрига мансуб рубоий вазнлари таркибидаги охирги руқнлар (аруз ва зарб) ўрнида қўлланади (*Қаранг*: «Рубоий вазнлари»).

Фуруъ — аruz атамаларидан бўлиб, «шаҳобчалар», «тармоқлар» маъноларини ифодалайди. Мумтоз аruz илмида асл руқнларни турлича ўзгартириш билан ҳосил қилинган тармоқ руқнлар фуруълар деб аталган. Ҳозирги аruzшуносликда «тармоқ руқн» атамаси кўпроқ қўлланади (*Қаранг*: «Тармоқ руқнлар»).

X

Хаби зиҳоф номи бўлиб, «этакни йифиш ва қисқартириш учун тикиш» деган маънони ифодалайди. Бу хил ўзгаришга дуч келган **фоилун**, **фоилотун**, **мустафъилун** аслларининг биринчи, чўзиқ ҳижолари қисқа ҳижога айлантирилиб, ҳосил бўлган **фаилотун** (чизмаси: v v — —), **мафоилун** (мустафъилуннинг қолган мутафъилун қисми ўзига тенг ушбу руҳни билан алмаштирилади) (чизмаси: v — v —) ва **фаилун** (чизмаси: v v —) тармоқ рукнлари «этаги йигилган» маъносида **махбун** деб юритилади.

Харб зиҳофлардан бирининг номи бўлиб, «вайрон қилиш» деган маънони ифодалайди. Бу хил ўзгаришга дуч келган **мафоийлун** аслининг қисқа ҳижоси туширилиб, охирги, чўзиқ ҳижко қисқа ҳижога айлантирилади; қолган **фоийлу** қисми ўзига тенг **мафъулу** (чизмаси: — — v) рукни билан алмаштирилиб, «вайрон қилинган» деган маънода **ахраб** деб юритилади. У ҳазаж ва музориъ баҳрларининг кўпгина вазнлари таркибида 1—3-рукнлар ўрнида фаол қўлланади.

Харм зиҳофлардан бирининг номи бўлиб, «буруни кесиц» деган маънони ифодалайди. Бу хил ўзгаришга дуч келган **мафоийлун** аслининг биринчи, қисқа ҳижоси туширилиб, қолган **фоийлун** қисми ўзига тенг **мафъулун** (чизмаси: — — —) рукни билан алмаштирилиб, «бурни кесик» маъносида **«ахрам»** деб юритилади. У ҳазаж баҳрининг рубоий вазнларида анча кенг қўлланади (*Қаранг*: «Рубоий вазнлари»).

Хатм зиҳоф номи бўлиб, «тишни тагидан синдириш» деган маънони ифодалайди. Бу хил ўзгаришга дуч келган **мафоийлун** аслининг кейинги икки чўзиқ ҳижоси туширилиб, иккинчи ҳижоси ўта чўзиқ ҳижога айлантирилади, қолган **мафоъ** қисми ўзига тенг **фаул** (чизмаси: v ~) тармоқ рукни билан алмаштирилиб, «тиши тагидан синдирилган» маъносида **ахтам** деб юритилади. Ушбу руҳни ҳазаж баҳрининг рубоий вазнларида фаол иштирок этади (*Қаранг*: «Рубоий вазнлари»).

Хафиғ¹ баҳри шеъриятимизда кенг қўлланган ўлчов турларидан бўлиб, унинг асосини **фоилотун** ва **мустафъилун** аслларининг кетма-кет такори ташкил қиласиди. Шеъриятимизда мазкур баҳрнинг олти рукн-

¹ «Хафиғ» арабча сўз бўлиб, «сингил» деган маънони ифодалайди.

ли вазнларидангина фойдаланилган. Хафифи мусаддаси солим ўлчовининг рукнлари ва чизмаси бир мисрада

фоилотун мафоийлун фоилотун
— v — — v — — — — v — —

тарзидадир.

Алишер Навоий «Мезонул авзон» асарида хафиф баҳрининг беш вазнини санаб, уларга мисоллар келтиради. Бобур ўзининг «Мухтасар» асарида хафиф баҳрининг 22 вазни борлигини таъкидлаб, улардан «тўққизтаси мустаъмал, ўн учтаси муҳтараъ, уч вазн мустаъмали матбуъ»², эканлигини айтиб ўтади ва барча ўлчовларга мисоллар келтиради.

Шеъриятимизда хафиф баҳрига мансуб 8 вазндан кенг фойдаланиб келинган. Ушбу ўлчов асосида яратилган ғазалларни дастлаб Атоий ва Лутфий лирикасида учратамиз. Атоий ушбу баҳрда биттагина ғазал битган бўлса, Лутфийнинг 4 ғазалу битта фарди шу баҳр ўлчовлари асосида яратилган. Хоғиз Хоразмий эса ўзининг 33 ғазалини битишда шу ўлчовлардан фойдаланган эди.

Алишер Навоий ушбу баҳр вазнлари имконини ўрганиб чиқиб, жами 63 асарини, жумладан, «Сабъаи сайёра» достонини, 27 ғазали, 27 қитъаси, 3 муаммо ва 5 фардини мазкур ўлчов асосида яратди.

Хафиф баҳри XVI—XIX асрлар шеъриятида ҳам доимий равищда қўлланиб келди.

Хафиф баҳри вазнлари

Хафиф баҳри кўпвазнлиликка асосланган ўлчов тури бўлиб, ушбу баҳр асосида ёзилган шеърий асарларда саккиз вазн бир-бири билан алмашиниб қўлланаверади. Ушбу саккиз вазнни икки шаҳобчага ажратиш мумкин. «Солими маҳбун» шаҳобчаси деб аталувчи вазнлар гуруҳи тўрт вазнни ўз ичига олади:

1. Хафифи мусаддаси солими маҳбуни маҳзуф.
2. Хафифи мусаддаси солими маҳбуни мақсур.
3. Хафифи мусаддаси солими маҳбуни мақтуъ.
4. Хафифи мусаддаси солими маҳбуни мақтуъи мусаббағ.

Бу ўлчовларнинг тўрталаси ҳам фоилотун асли билан бошланиб, иккинчи (ҳашв) рукнлари мустафъи-

² Бобур. Мухтасар, 196-бет.

шун аслининг маҳбун тармоғи — мағоилунга, учинчи (аруз ва зарб) руқнлари эса фоилотун аслининг маҳбуни маҳзуф (фаилун), маҳбуни мақсур (фаилон), мақтуъ (фаълун), мақтуъи мусаббағ (фаълон) руқнларидан бирига тенг бўлади.

«Маҳбун шаҳобчаси» деб аталувчи вазнлар гуруҳи ҳам ўзаро яқин бўлган тўрт ўлчовдан ташкил топади:

1. Хафиғи мусаддаси маҳбуни маҳзуф.
2. Хафиғи мусаддаси маҳбуни мақсур.
3. Хафиғи мусаддаси маҳбуни мақтуъ.
4. Хафиғи мусаддаси маҳбуни мақтуъи мусаббағ.

Ушбу тўрт вазннинг биринчи (садр ва ибтидоъ) руқнлари фоилотун аслининг маҳбун тармоғи — фаилотунга, иккинчи (ҳашв) руқнлари мустағъилун аслининг маҳбун тармоғи — мағоилунга, учинчи (аруз ва зарб) руқнлари эса фоилотуннинг маҳбуни маҳзуф (фаилун), маҳбуни мақсур (фаилон), мақтуъ (фаълун) ёки мақтуъи мусаббағ (фаълон) тармоқ руқнларидан бирига тенг бўлади.

Қўриниб турибдики, мазкур ҳар икки шаҳобча биринчи руқн ўрнида фоилотун асли ёки унинг маҳбун тармоғи — фаилотуннинг келиши билангина бир-бидан фарқланади. Юқоридаги саккиз вазннинг барчаси ўзаро ниҳоятда яқин бўлгани учун бир шеърнинг ўзида алмашиниб қўлланаверади, натижада 2—8 вазнли асарлар вужудга келади. Масалан, Навоийнинг «Сабъаи сайёра» достонидан танланган қўйидаги парчада ушбу саккиз вазннинг барчаси иштирок этган.

Деди: «Ушбу замон ўзум борайин,
Ул биёбонни бир-бир ахтарайин.
Қайда бўлса топай нигоримни,
Қиласин садқа жони зоримни.
Тирик ўлса бўлай фидоси анинг,
Берибон жон топай ризоси онинг».
... Тамаъ ўз мулкин айлади обод,
Кўнгли мулкин ҳам айлади барбод.
«... Мехрдин сенда бўлса эрди нишон,
Қўзум ўлмас эди ситора фишон...».

Шеъриятимизда яратилган хафиғ баҳридаги лирик ва лиро-эпик шеърий асарларнинг аксарияти ана шундай кўп вазнлидир. Лекин бундай шеърларнинг кўпчилик мисралари «солими маҳбун» шаҳобчаси вазнларида битилиб, озчилик мисраларигина «маҳбун» шаҳобчаси ўлчовларида ёзилади.

«СОЛИМИ МАХБУН» ШАҲОВЧАСИ ВАЗНЛАРИ

Хафифи мусаддаси солими маҳбуни маҳзуф вазни шеъриятимизда анча кенг қўлланган ўлчовлардан бўлиб, рукилари ва чизмаси бир мисрада

фоилотун	мафоилун	фаилун
— v — —	v — v —	v v —

тарзидадир. Кўриниб турганидек, ушбу вазнда фоилотун аслининг солим кўриниши (биринчи, садр ва ибтидоъ рукиларида) ҳамда маҳбуни маҳзуф тармоғи **фаилун** (охирги, учинчи аruz ва зарб рукиларида), шунингдек, мустафъилун аслининг маҳбун тармоғи **мафоилун** (иккинчи, ҳашв рукиларида) иштирок этади.

Ушбу вазн даставвал Атоий, Ҳофиз Хоразмий, Лугфий шеъриятида қўлланган. Алишер Навоийнинг 6 газали, 12 қитъаси, биттадан муаммо ва фарди шу ўлчовда ёзилган. Ушбу вазн Мунис, Огаҳий, Нодира ва бошқа шоирлар ижодида ҳам қўлланган. Ҳабибий шеъриятида ҳам шу ўлчовда яратилган ғазаллар учрайди.

Мисоллар:

Сўзласа оғзидин шакар кўринур,
Садафи лаълидин гўҳар кўринур.

(*Атоий*)

Пистадек оғзинга шакар дедилар,
Файб сиррин не муҳтасар дедилар.

(*Лутфий*)

Лаби лаъли чу руҳпарвар эрур,
Сўз ўшандин манга чу шаккар эрур.

(*Ҳ. Хоразмий*)

Келмай ул қотили замона менга,
Бўлди ҳажр ўлгали баҳона менга.

(*Навоий*)

Телбалик сенсиз, эй пари, менга иш,
Кўксума тош урармен, эгнима ниш.

(*Навоий*)

Васлин ул ой манга маҳол қилур,
Ҳажридин мени хастоҳол қилур.

(Бобур)

Ютубон бу замонда қон шуаро,
Назм этар гавҳари фигон шуаро.

(Мунис)

Хафиғи мусаддаси солими маҳбуни мақсур вазни шеъриятимизда унчалик кўп қўлланмаган. Унинг рукнлари ва чизмаси бир мисрада

фоилотун	мафоилун	фаилон
— v — —	v — v —	v v ~

тарзидадир. Бинобарин, ушбу ўлчов фоилотун аслининг солими (биринчи рукнда) ҳамда маҳбуни мақсур тармоғи — **фаилон** (учинчи рукнларда), шунингдек, мустафъилун аслининг маҳбун тармоғи **мафоилун** (иккинчи рукнларда)га асосланади. Кўриниб турганидек, бу вазн юқоридаги, хафиғи мусаддаси солими маҳбуни маҳзуф ўлчовидан охирги ҳижонинг ўта чўзиқлиги билангина фарқланади. Шунга кўра у билан бир шеърда қўлланиши мумкин.

Ушбу ўлчов хафиғ баҳрининг бошқа вазнлари қатори шу баҳр ўлчовларида битилган шеърларнинг қофияланмайдиган мисраларида кўп қўлланган. Аммо шу ўлчовдаги матлали ғазаллар жуда кам ёзилган. Масалан, Ҳофиз Ҳоразмий ва Алишер Навоийлар матласи шу вазнда бўлган биттадан ғазал битганлар холос. Кўп шоирларда бундай шеърлар учрамайди.

Мисоллар:

Ҳар нечаким санга жафода русух,
Мен жафокашгалур вафода русух.

(Навоий)

Бўлмишам токи мубталойи фироқ,
Қасди жоним қилур жафойи фироқ.

(Оғаҳий)

Солди бошимға то замона фироқ,
Манга фам кунжин этти хона фироқ.

(Оғаҳий)

Хафифи мусаддаси солими мақтұъ вазни мазкур баҳрнинг энг фаол ўлчовларидан бўлиб, рукнлари ва чизмаси бир мисрада

фоилотун мафоилун фаълун
— v — v — v — — —

тарзидадир. Демак, унинг таркиби фоилотун аслининг солими (биринчи рукнларда) ҳамда мақтұъ тармоғи фаълун (учинчи рукнларда), мустафъилун аслининг маҳбун тармоғи мафоилундан ташкил топади.

Ўз тузилишига кўра вазмин ва ёқимли оҳанг яратувчи ушбу ўлчов шеъриятимизда кенг қўлланган. Бу вазнда битилган дастлабки шеърлар Лутфий ва Ҳофиз Хоразмийлар қаламига мансубдир. Лутфий ушбу ўлчов асосида 2 ғазал, Ҳофиз Хоразмий 16 ғазал битган. Алишер Навоийнинг жами 19 шеъри, жумладан, 6 ғазали, 9 қитъаси, 2 тадан муаммо ва фарди ушбу ўлчовда ёзилган эди. Навоийдан кейинги шоирлар ушбу ўлчовда кам бўлса-да ғазаллар ва маснавийлар ёзганлар.

Мисоллар:

Ҳар жафо келса, эй санам, сендин,
Ҳошолиллоҳки, ўсонман сендин.

(Лутфий)

Бўлма бегона, ошно бўлғил,
Фақрнинг йўлида гадо бўлғил.

(Ҳ. Хоразмий)

Ҳар ён ул юзда тер оқиздингму,
Ё оқар меҳр чашмасидин сув?

(Навоий)

Ҳар неча жавр қилса ноз аҳли,
Тортмай найлагай ниёз аҳли!

(Навоий)

Зуҳд кетти, эса карам қилди,
Ишқ келди-ю муҳтарам қилди.

(Бобур)

Кўрубон ул жамоли зебони,
Борму қилмоқ кўзумни ҳайрони.

(Мунис)

Эй мени беҳисоб инжитма,
Мубталони хароб инжитма.

(Увайсий)

Хафиғи мусаддаси солими мақтуғи мусаббаг вазни ҳам шеъриятимизда кам қўлланган ўлчовлардан саналади. Унинг руқнлари ва чизмаси бир мисрада

фоилотун мафоилун фаълон
— v — — v — v — — ~

тарзи дадир. Бинобарин, таркиби жиҳатидан олдинги ўлчовга яқин бўлиб, ундан охирги рукннинг фоилотун аслининг мақтуғи мусаббаг тармоғи фаълонга тенг бўлиши, яъни охирги рукннинг ўта чўзиқдиги билангина фарқланади. Шу хусусиятга қўра ҳар икки вазн бир шеърда биргаликда қўлланиши мумкин.

Ушбу ўлчовда шеърлар жуда кам ёзилган. Йирик шоирлар ижодида матласи шу ўлчовда бўлган бир икки ғазал ёки қитъа учрайди холос.

Мисоллар:

Бўлди бағрим кабоби ишқ, эй дўст,
Келтур эмди шароби ишқ, эй дўст.

(Ҳофиз Ҳоразмий)

То юзи бўлди қиблай мақсад,
Юзи қошинда йўқтур ойға вужуд.

(Ҳофиз Ҳоразмий)

Жон шаробинга лабларидур жом,
Зулфи бирла кўзи тақи бодом.

(Ҳофиз Ҳоразмий)

Фақр аҳлиға подшоҳ муҳтоҷ,
Ўйлаким шоҳға гадо муҳтоҷ.

(Навоий)

Эй юзунг нуриға қамар муҳтоҷ,
Вай, лабинг шаҳрига шакар муҳтоҷ

(Оғаҳий)

Топти ул навъ зебу оро боғ,
Ким эрур жонға роҳатағзо боғ.

(Оғаҳий)

Хафиф баҳри хусусиятларидан бири күп вазнли-ликдир. Ушбу ўлчовнинг шеъриятимизда фойдаланилган тўрт вазни бир-бирига яқинлиги билан ажраби туради. Юқорида кўрганимиздек, уларнинг тўртвидаги ҳам биринчи ва иккинчи руқнлар **фоилотун ма-фоилун** тарзида такрорланиб, охирги, учинчи руқнларгина **фаилун**, **фаилон**, **фаълон** тарзида келиб бироз фарқланади. Ушбу тўрт руқн ўлчов жиҳатидан бир-бирига жуда яқин. Шу туфайли бу тўрт вазн бир шеърнинг ўзида қўлланаверади. Натижада 2, 3, 4 вазнли шеърлар майдонга келади. Чунончи, Оғажийнинг

Топти ул навъ зебо боғ,
Ки эрур жонға роҳатафзо боғ.
Эсибон дам-бадам насими баҳор,
Бўлди сарто қадам мусаффо боғ.
... Қилди алқисса ушбу мавсимида
Ишрат асбобини муҳайё боғ.
Жумла одам беҳишт аҳли киби
Шодлиғ бирла қилди маъво боғ

байтларини кўздан кечирсак, шеър матлаи ҳамда қоғияланувчи мисралар хафиғи мусаддаси маҳбуни мақтуви мусаббаг, учинчи мисра — хафиғи мусаддаси маҳбуни мақсур, бешинчи мисра — хафиғи мусаддаси маҳбуни мақтуъ, еттинчи мисра эса хафиғи мусаддаси маҳбуни маҳзуф вазнларида ёзилганини, бинобарин, шеър хафиғ баҳрига мансуб тўрт вазнда битилганини кўрамиз.

«МАҲБУН» ШАҲОБЧАСИ ВАЗНЛАРИ

Хафиғи мусаддаси маҳбуни маҳзуф вазни «солими маҳбун» шаҳобчаси вазнлари билан биргаликда қўлланувчи ўлчов бўлиб, руқнлари ва чизмаси

фаилотун мафоилун фаилун
v v — — v — v — v v —

тарзидадир. Бинобарин, мазкур ўлчов хафиғи мусаддаси солими маҳбуни маҳзуф вазнидан биринчи (садр ва ибтидоъ) руқнларда фоилотун аслининг солими ўрнида унинг маҳбун тармоғи **фаилотун** келиши билангина фарқланади. Иккинчи руқн — ҳашвлар ўрнида мустафъилун аслининг маҳбун тармоғи — **мафоилун**, учинчи — аруз ва зарб руқнлари ўрнида эса фоилотун

лотун аслининг маҳбуни маҳзуф тармоғи — **фаилун**
қўлланади. Масалан, Лутфий қаламига мансуб

Гоҳи юзни қароқи оли била
Жигарим қонидин қилас жигари.
... Қочарини кўрай десам қочадур,
Мени куйдирди,вой, анинг қочари

мисраларининг ҳар қайсиси, Навоийнинг

Розни аспа, чунки фош эттинг
Яна пинҳон бўлурин этма ҳавас
... Назмим ичра ғариб маънилар
Фуррабо хайлидин нишонадур.

Оғаҳийнинг

Халқа зулм айламак ишидур,
Ситам этмак ҳамиша вардишидур

байтларидаги иккинчи мисралар ушбу вазнададир.

Хафиғи мусаддаси маҳбуни мақсур вазни юқорида-
ги ўлчовдан охирги ҳижонинг ўта чўзиқлиги билан-
гина фарқланиб, руқнлари ва чизмаси ҳар мисрада

фаилотун мафоилун фаилон
v v — v — v — v v ~

тарзидадир. Бинобарин, ушбу ўлчовда ёзилган шеър-
ларнинг биринчи (садр ва ибтидо) руқнлари фоилотун
аслининг маҳбун тармоғи — **фаилотунга**, иккинчи
(ҳашв) руқнлари мустафъилун аслининг маҳбун тар-
моғи — **мафоилунга**, учинчи (аруз ва зарб) руқнлари
эса фоилотун аслининг маҳбуни мақсур тармоғи —
фаилонга тенг бўлади.

Мазкур вазн ҳам шеъриятимиздаги хафиғ баҳри-
да ёзилган асарларда бошқа ўлчовлар билан бирга
алмашиниб қўлланаверади. Жумладан, Навоийнинг
«Сабъаи сайёра» достонидаги биринчи ҳикоядан
ўрин олган

Боқти Фарруҳ чу ул тараф бетоб,
Тўлун ойни ёшурди тийра саҳоб
...Ушбу сўз бирла шоҳи давлатманд
Фазаб айлаб Ахийни айлади банд.

байтларидаги иккинчи мисралар ушбу ўлчовда битил-
ган.

Хафифи мусаддаси мақтуъ вазнининг рукилари ва чизмаси бир мисрада

фаилотун мафоилун фаълон
v v — — v — v — — ~

тарзида бўлиб, биринчи (садр ва ибтидоъ) рукилари **фоилотун** аслининг **махбун** тармоғи — **фоилотунга**, иккинчи (ҳашв) рукилари **мустафъилун** аслининг **махбун** тармоғи — **мафоилунга**, учинчи (аруз ва зарб рукилари **фоилотун** аслининг **мақтуъ** тармоғи — **фаълонга** тенгdir. Масалан: Лутфий ғазалидаги

Қўрали қайсимиз енгар охир,
Сабр мендин дағи ситам сендин.
Бош кўтарсанг дило, қора қошина,
Кўтарилимиш магар қалам сендин,
Дами Исоки жон берур эрди,
Фаҳм қилди кўнгул бу дам сендин

парчасининг биринчи, тўртинчи ва бешинчи мисралари ушбу вазнда битилган.

Навоийнинг «Сабъаи сайёра» достонидан ўрин олган биринчи ҳикоядаги

Хирадим қилди бу ҳавас беҳуд.
Чун ҳавас ғолиб ўлди кетти хирад.
...Ҳалаб аҳли кўп эрди ғоятсиз,
Йўлда сув оз эди ниҳоятсиз.
...Ҳаракатдин қолур тани зори,
Ўзини чекти бир бузуғ сори

байтларининг биринчи мисралари ушбу ўлчовдадир.

Хафифи мусаддаси мақтуъи мусаббағ вазнининг рукилари ва чизмаси ҳар мисрада

фаилотун мафоилун фаълон
v v — — v — v — — ~

тарзида бўлиб, юқоридаги ўлчовдан охирги ҳижонинг ўта чўзиқлиги билангина фарқланади, яъни мазкур вазнда охирги (аруз ва зарб) рукинда фоилотун аслининг мақтуъи мусаббағ тармоғи бўлган **фаълон** қатнашади. Масалан, Навоийнинг

Илми дин касб қилки суд эрмас
Чарх мушкилларини ҳал қилмоқ.
Лекин ул илм доги нафъ этмас
Билибон бўлмаса амал қилмоқ.

қитъасининг тўртингчи мисраси, «Сабъаи сайдо» дос-
тонидаги

Суруб ул ён Ахийи давлатманд
Туштию берди қулларига саманд.
Келиб олиға деди: «Эй марҳум,
Кимсан, аҳволинг эт манга маълум.

байтларининг биринчи мисралари ушбу ўлчовдадир.
Огаҳийнинг «Зулмидин дод» деб аталаётган масна-
вийсидаги

Ситамидин улусга қон ютмоқ,
Бир-бири ҳолига азо тутмоқ.
На ямон қолгуси, на яхши омон,
Барча жаврин чекардадур яксон

парчасининг биринчи мисраси ушбу вазнда битилган.

Ч

Чўзиқ ҳижко чўзиқ унли билан тугалланган очиқ ҳижко ёҳуд таркибида қисқа унли бўлган ёпиқ ҳижодири. Бундай ҳижолар шеър чизмасида — белгиси билан ифодаланади. **Доно, зебо, гулшан, дилбар** каби сўзлардаги ҳижолар чўзиқ ҳижога мисол бўла олади.

Гарчи бу икки хил чўзиқ ҳижко ўлчов жиҳатидан тенг саналиб, шеър чизмасида бир хил ифодаланса ҳам, мисраларда оҳанг яратиш жиҳатидан улар бир-биридан фарқланади. Чўзиқ унли билан битган очиқ ҳижко тарзидаги чўзиқ ҳижолар мисра оҳангдорлигини, шеър жозибадорлигини кучайтиришда ёпиқ чўзиқ ҳижога қараганда муҳимроқ аҳамият касб этади.

Айни вақтда ёпиқ чўзиқ ҳижолар ҳам мисраларда ўзининг муайян ўрни ва қимматига эгадир.

Ш

Шакл зиҳоф турларидан бирининг номини билдириб, «тушовлаш» маъносини ифодалайди. Бу хил ўзгаришга дуч келган **фоилотун** аслининг биринчи ва охирги чўзиқ ҳижолари қисқа ҳижога айлантирилади. Қолган **фаилоту** (чизмаси: **v v — v**) тармоқ рукни «тушовланган» маъносида **машкул** деб юритилади. У рамал баҳрига мансуб икки ўлчов — рамали мусаммани машкул ҳамда рамали мусаммани машкули мусаббағ вазнлари таркибидаги 1- ва 3-руқнлар

ўрнида иштирок этади (*Қаранг*: «Рамал баҳри вазнлари»)

Шатар зиҳоф номи бўлиб «айб қилиш» деган маънони ифодалайди. Бу хил ўзгаришга дуч келган **мағоийлун** аслининг биринчи ҳижоси туширилиб, учинчиси қисқа ҳижога айлантирилади. Ҳосил бўлган **фоилун** (чизмаси: — v —) тармоқ рукни «айбли» маъносида **аштар** деб юритилади. У ҳазаж баҳрининг мусаммани аштар, мусаммани аштари мусаббағ ҳамда ахрам шажарасидаги рубойй вазнлари таркибида 1—3 рукилар ўрнида қўлланади (*Қаранг*: «Ҳазаж баҳри вазнлари»).

Ў

Ўзбек арузи. Ҳалил ибн Аҳмад аruz илми ва амалиётига асос солар экан, араб тилининг хусусиятлари, араб адабиётининг азалий анъаналари, услубиёти, шеър турларидан келиб чиқсан эди, албатта. У белгилаб берган баҳрлар, вазнлар араб тили ва шеъриятига қойилмақом бўлиб тушган эди. Аруз бошқа халқлар адабиётларига ўтиб борар экан, ҳар қайси тил, ҳар қайси адабиёт хусусиятларига мос келиши қийин эди, албатта. Шунинг учун ҳам форс-тожик шеъриятига кириб борган аруз назарий жиҳатдан ҳам, амалий нуқтаи назаридан ҳам қатор ўзгаришларга дуч келди: араб адабиётига мувофиқ келувчи қатор баҳр ҳамда вазнлар, хусусан, тавил, мадид, басит, муқтазаб, қарийб, мушокил, ғарип баҳрлари форс-тожик шеъриятига мос келмаганлиги туфайли тушиб қолди, бошқа баҳрларнинг вазнларида ҳам кўпгина ўзгаришлар — алмашувлар рўй берди; булар оқибатида форс-тожик арузи деб аталган шеърий ўлчов тизими шаклланиб борди.

Аруз туркий адабиётларга қўчганида ҳам худди шу хил ҳолат юз берди, юқорида зикр этилган баҳрларнинг туркий шеъриятларга ҳам мос тушмаслиги маълум бўлди. Туркий тилларнинг араб ва форс тилларига нисбатан ўзгачалиги, хусусан, унда чўзиқ ҳижоларнинг нисбатан камроқ қўлланиши, қисқа хижоларнинг кетмакет келиши каби хусусиятлар туркий арузининг шаклланишига сабаб бўлди. Унинг узвий бир қисми бўлган ўзбек арузи ҳам бир қатор жиҳатлари билан араб ва форс-тожик арузидан ажралиб туради. Аруз фонетикаси — ҳижолар — бўғинларнинг тузилиши ва турлари, асл рукиларнинг ҳосил қилиниши ва хилма-хил кўри-

нишлари, баҳрларнинг ташкил топиши, зиҳоффлар — ўзгаришларнинг хусусиятлари ва турлари араб, форс-тожик арузи каби ўзбек арузига ҳам хосдир. Ўзбек арузига маҳсус жиҳатлар қуидагилар:

1. Ўзбек арузида 19 баҳрдан 11 тасигина қўлланади. Улар ҳазаж, ражаз, рамал, мунсариҳ, музориъ, мұжтасс, ҳафиғ, сариъ, мутақориб, мутадориқ, комил баҳрлари дидир. Араб шеъриятига маҳсус бўлган воғир, тавил, мадид, басит, қариб, мушокил, ғариб, муқтазаб баҳрлари ўзбек арузида қўлланмайди.

2. Ўзбек арузида қўлланадиган баҳрларнинг ўзбек тили хусусиятлари билан белгиланадиган вазнлар доираси мавжуд. Бинобарин, шеъриятимизда қўлланадиган вазнлар сони ва турлари жиҳатидан араб ва форс-тожик шеъриятидаги вазнлардан фарқланиши мумкин.

3. Ўзгаришларнинг барчаси ҳам ўзбек арузига мос келавермайди, шунинг учун араб ва форс-тожик арузига хос жами 44 хил ўзгаришнинг 23 туригина шеъриятимизда қўлланади.

Ўта чўзиқ ҳижо таркибида чўзиқ унли келган ёки қўш ундош билан тугалланувчи ёпиқ ҳижодир. Бундай ҳижолар шеър чизмасида — у (мисра ичиди) ёки ~ (мисра охирида) белгилари билан ифодаланади.

Қўш ундош билан тугалланувчи ўта чўзиқ ҳижолар шеър мисраларида яққол кўзга ташланиб турса, таркибида чўзиқ унли бўлган ўта чўзиқ ҳижолар мисраларни вазнга мувофиқ ифодали ўқиш жараёнидагина аниқланади.

Шеъриятимизда ёпиқ ҳижолар таркибидаги «о» унлисининг чўзиқ ўқилиши натижасида ҳосил бўладиган ўта чўзиқ ҳижолар жуда кўп учрайди. Айни вактда «у», «ў», «и», «э» унлиларининг чўзиб ўқилишига асосланган ўта чўзиқ ҳижолардан ҳам шеъриятимизда анчагина фойдаланилган. Ёпиқ ҳижо таркибидаги «а» унлисининг чўзиб ўқилишига асосланган ўта чўзиқ ҳижолар шоирларимиз ижодида деярли қўлланмаган. Чунончи:

Эй ҳижил гул оразингдин бўстону **боғлар**
Лола рухсоринг фироқи қўйди жонга **доғлар**.

(Атойи)

Ўшал пари на малойик сифатл **хўр** бўлур,
Ки гар башар деса они киши **қусур** бўлур.

(Гадоий)

Эй «қулур-хұр» оятыни лаъли тасвýр айлаган,
Исо анфосин такаллум бирла таъбýр айлаган!

(Лутфий)

Чу нома чирмадим ёзіб юзунг васфида шавқ ангéз,
Дамимдин ўт тушуб бир бошиға қылди они гулрéз.

(Навоий)

Үта чүзиқ ҳижоларнинг бу икки тури үлчов жиҳатидан тенг саналса ҳам, шеърий асарларда тутган ўрни, хусусан, оңанғ яратиш имкониятлари нұқтаи назаридан бир-биридан анча кескин фарқланиб туради. Гап шундаки, таркибіда чүзиқ унли бұлған ёпік ҳижо күринишидаги үта чүзиқ ҳижо унлининг анча чүзиқ талаффуз этилиши туфайли мисра оңанғига сезиларлы таъсир күрсатиб, унга айрича жило, айни чоғда салобат, вазминлик бағишлиайды. Шоирларимиз шу хил ҳижолардан байтлардаги садр, ибтидоъ, аruz ва зарб руқнларыда кенг фойдаланиб, үз асарлари жозибадорлигини оширганлар, мусиқијилигини кучайтирганлар. Масалан:

Қадингнинг нахли, эй сарви сарафroz,
Ниҳоли дилраболикдур, бари — ноз.

(Лутфий)

Күкрагимдур субхнинг пийраханидин чокроқ,
Күзларим шабнам тұкулған сабздар намнокроқ.

(Навоий)

Бұлмаса жинси жамолингга харидор офтоб,
Не учун зарпошлиелар айлар изҳор офтоб.

(Мунис)

Ваҳки манга күргузуб ул бути таниз ноз,
Жонима ўт солғали айлади оғоз ноз.

(Оғажий)

Тиларлар аҳли олам доимо дилдордин хушиуд,
Бұлурму ҳеч одам мен киби озордин хушиуд.

(Увайсий)

Қылмагил зинҳор изҳор эҳтиёж,
Ким азиз әлни қилур хор эҳтиёж.

(Нодира)

Қўш ундош билан тугалланган ўта чўзиқ ҳижоларнинг таркибида чўзиқ унли бўлган турлари ҳам ўз хусусиятига кўра юқорида таъкидланган хилдаги ҳижоларга тенг саналади. Зоро, улар ҳам шеърларга салоботли оҳанг ва жило баҳш этадики, буни Навоийнинг

Эй насими субҳ аҳволим дилоромимга **айт**,
Зулфи сунбул, юзи гул, сарви гуландомимга **айт**.
... Войким, душмандек ўлди аҳдидин бегона **дўст**,
Душманим ўлтурса, аҳд эттимки, тутмай ёна **дўст**.

Оғаҳийнинг

Не бало хуштур кишига лутф айлаб ёр субҳ,
Кирса ҳамроҳ боғ аро **сайр** эткали гулзор субҳ.
Шукрки айш базмидин еткурубон навид **ийд**,
Аҳли жаҳонни айлади **маст** майи умид **ийд**

каби байтлар мисолида кўриш мумкин.

Хусусан, қофиялари тажниси мукаррар санъатига асосланган байтларда кетма-кет келган ўта чўзиқ ҳижолар шеърга алоҳида жозиба бағишлайди. Мисоллар:

Дайр аро то тутти соқийи фараҳ фаржом **жом**,
Бўлди бетоқат кўнгулга беҳжату **ором жом**.

(Оғаҳий)

Бормукин оламда сендек дилкашу хушёр ёр,
Риштаи жон зулфинг ичра бўлгали хуштор **тор**.

(Ҳабибий)

Лирик ва лиро-эпик шеърий асарларнинг байтларида ўта чўзиқ ҳижоларнинг ҳар икки турига мурожаат қилинаверади. Масалан:

Ул **сиймтанки** рух анингдек латиф йўқ,
Гар хулла бўлмаса анга кўнглак зариф йўқ.

(Лутфий)

Тийра қилмиш тун киби **оғоқни** оҳим менинг,
То эшиттимким қилур шабгардлик моҳим менинг.

(Навоий)

Ёз фасли, ёр васли, дўстларнинг сұхбати,
Шеър баҳси, ишқ дарди, боданинг кайфияти.

(Бобур)

Қилурлар бир-бирининг сұхбатин гарчи ҳавас аҳбоб,
Эмаслар лек даврон гардишидин дастрас аҳбоб.

(Мунис)

Бундай ҳижолар охиридаги ундошларнинг васл ҳодисаси туфайли ўзидан кейинги ҳижога қўшилиб кетиши юз берган ҳолатларда улар ўзларининг ўта чўзиқлик хусусиятларини йўқотадилар ва чўзиқ ҳижо ҳисобланадилар. Жумладан, Навоийнинг

Чун ўтуб **ишқ** аҳлидин ошуби сабру **фаҳм** ўлуб,
Чун етиб зуҳд аҳлиға торожу ақлу дин солиб

байтидаги **ишқ**, **фаҳм**, зуҳд ўта чўзиқ ҳижолари, Огаҳийнинг

Оғзин қачон **зикр** айласам, ширин **мақол** айлар мани,
Белин қачон **фикр** айласам, нозик **хаёл** айлар мани

байтидаги **зикр**, **фикр**, **мақол**, **хаёл** ўта чўзиқ ҳижоларининг охирги ундошлари кейинги ҳижога қўшилишида шундай ҳодиса юз берган.

К

Қабз зихофлардан бирининг номи бўлиб, «қисиши», «ушлаш» маъноларини ифодалайди. Бу хил ўзгаришга дуч келган мафойлун, фаулун аслларининг учинчи, чўзиқ ҳижолари қисқа ҳижога айлантирилади. Мафойлундан ҳосил бўлган **мафойлун**, фаулундан ҳосил бўлган **фаулу** тармоқ руқнлари «ушлаб қолинган» маъносида «мақбуз» деб юритилади.

Қариб баҳри («қариб» арабча сўз бўлиб, «яқин» маъносини ифодалайди) арузнинг асосий ўлчовларидан бўлиб, мафойлун аслининг икки марта ҳамда фоилотун аслининг бир марта такрорига асосланади ва олти руқни шеърлар яратишдагина фойдаланилади. Олти руқни солим вазнининг руқнлари ва чизмаси бир мисрада

мафойлун	мафойлун	фоилотун
v - - -	v - - -	- v - -

тарзидадир.

Қариб баҳри араб шеъриятига маҳсус бўлиб, форстожик ва туркий шеъриятларда қўлланмаган. Алишер Навоий ўзининг «Меъзонул авzon» асарида қариб баҳрининг юқоридаги вазнига

Жамолингдин қуёш асру бор ўётлиқ,
Сочингта банда боғ ичра сунбул отлик.

байтини мисол қилиб келтирган эди. Бобур «Мухтасар»да ушбу байтни такрорлайди, шунингдек, мазкур баҳрнинг яна 13 вазнига ўз байтларини мисол келтиради.

Қариб баҳри вазнларидан шеъриятимизда фойдаланилмаган.

Қаср зихофлардан бири бўлиб, «қисқа қилиш» маъносини ифодалайди. Бу хил ўзгаришга **мафоийлун**, **фоилотун**, **фаулун** асллари дуч келиб, уларнинг охиридаги — ун қисми туширилади; ушбу асллардан қолган **мафоийл**, **фоилот** (уни ўзига тенг **фоilon** билан алмаштирилади) ҳамда **фаул** рукнлари «қисқа қилинган» маъносида **мақсур** деб аталади.

Катъ зихоф номи бўлиб, «кесиш» деган маънони ифодалайди. Бу хил ўзгаришга дуч келган **фоилотун** аслининг охирги икки ҳижоси туширилиб, иккинчи, қисқа ҳижоси чўзиқ ҳижога айлантирилади, қолган **фоий** қисми ўзига тенг **фаълун** тармоқ рукни билан алмаштирилиб, «кесилган» маъносида **мақтуъ** деб аталади.

Қисқа ҳижо қисқа унли билан тугалланувчи очиқ ҳижодир. У шеър чизмасида в белгиси билан ифодаланади. Ватан, томон, китоб, девор, сурур, ўғит каби сўзларнинг биринчи бўғинлари чўзиқ ҳижога мисол бўла олади. Масалан, Навоийнинг

Кечакелгумдур дебон ул сарви гулрӯй келмади,
Кўзларимга кеча тонг отқунча уйқу келмади,

байтининг биринчи мисрасидаги - ча, - де, - ви, - ма, ҳижолари, иккинчи мисрадаги - ла, -ча, - ча, - ма ҳижолари қисқадир.

Баъзи ёпиқ ҳижолар охиридаги ундошнинг ўзидан кейин турган ва унли билан бошланган ҳижо билан қўшилиб ўқилиши (васл ҳодисаси) туфайли чўзиқ ҳижолар қисқа ҳижога айланиси мумкин. Масалан, Навоийнинг

Қаро кўзум, келу мардумлиғ эмди фан қилғил,
Кўзум қаросида мардум киби ватан қилғил

байтидаги «мардумлиғ» сўзининг «лиғ» ҳижоси таркибидаги «ғ» ундоши ўзидан кейинги ҳижога қўшилиб ўқилгани учун шу ҳижонинг - ли қисми қисқа ҳижога айланади. Муқимиининг:

Навбаҳор, очилди ғуллар, сабза бўлди боғлар,
Суҳбат айлайлик, келинглар, жўралар, ўртоғлар

байтигининг иккинчи мисрасидаги «суҳбат» сўзи тарки-
бидаги «т» ундошининг кейинги ҳижога қўшилиб
ўқилиши туфайли «-ба» ҳижоси қисқа ҳижога айланади.

Ўта чўзиқ ҳижолар чўзиқ ва қисқа ҳижолардан
таркиб топган саналади. Жумладан, Бобурнинг

Ёз фасли, ёр васли, дўстларнинг суҳбати,
Шеър баҳси, ишқ дарди, боданинг кайфияти

байтидаги «ёз», «ёр», «дўст», «шеър», «ишқ» ўта чўзиқ
ҳижолари чўзиқ ва қисқа ҳижолардан ташкил топган-
лиги учун байт ҳижолари шеър чизмасида

Ёз фасли,	ёр васли,	дўстларнинг	суҳбати
— v — —	— v — —	— v — —	— v —
Шеър баҳси,	ишқ дарди,	боданинг	кайфияти
— v — —	— v — —	— v — —	— v —

тарзида ифодаланади.

Баъзан ёпиқ ҳижоларга қўшилган эгалик, шунинг-
дек жўналиш, тушум келишиклари қўшимчалари тар-
кибидаги бирон ундошнинг вазн талаби билан туши-
рилиши ҳам шу қўшимча олдидағи ҳижонинг қисқа
ҳижога айланишига олиб келади. Масалан, На-
воййнинг

Не ўтдурур буки етмас экач эриб оқти
Урурға қўксума ердин не тошниким олдим

байтида «қўксума» сўзида

Бизинг шайдо кўнгул бечора бўлмиш,
Маломат даштида овора бўлмиш

байтидаги «бизинг» сўзида, Муниснинг

Оқмайин қолмади қўзумдин сув,
Сув демай балки бағриминг қони

байтидаги «бағриминг» сўзида, Огаҳийнинг

Эй шўх, қўзу қошиига олам гадо, ман ҳам гадо,
Лаъли лаби дурпошинга олам гадо, ман ҳам гадо

байтидаги «қошинга», «дурпошинга» сўзларида шундай ҳодиса рўй берган.

Баъзан шоирларнинг «ий» қўшимчасини олган тахаллуслари охиридаги «й» ундоши вазн талаби билан туширилиб, шу сўзларнинг охирги ҳижоси қисқа ҳижога айланади. Жумладан,

Бир кун жамолин кўрмайин ҳасратга қолди гўиё,
Бечора мискин Лутфига рўзи бори эҳсон эрур.

...«Оғаҳи комини недин айламагунг раво», — дедим,
«Ком топарму жонин ул қилмағучा фидо», — деди.

Билдилар юзин кўруб Саккоки ҳолин сўр майин,
Хосу ому, шаҳру дех, доноу нодон йиғлади.

байтларидаги тахаллусларда шундай ҳолат ифодасини кўрамиз.

Баъзида вазн талаби билан **гулистон**, **дилистон**, **шаккаристон** каби сўзларнинг иккинчи ёки учинчи чўзиқ ҳижоларидаги ҳарфлар ўрни алмаштирилиб, қисқа ҳижога айлантирилади. Масалан, Навоийнинг қуйидаги байтида шу хил ҳодиса рўй берган:

Гар вафо қил, гар жафо қил **дилистоним** сен менинг,
Гар мени ўлтур, вагар тургузки жоним сен менинг.

Баъзи сўзлар таркибидағи «о» ва «а» ҳарфларини алмаштириб қўллаш билан қисқа ҳижоларни чўзиққа, аксинча, чўзиқ ҳижоларни қисқага айлантириш мумкин. Чунончи, Навоийнинг

Қаро қилди нечукким рўзгорим,
Онинг ҳам хонумони қора бўлмиш

байтидаги «қаро» сўзининг биринчи ҳижоси қисқа, иккинчиси чўзиқ саналса, шу ҳарфларни ўзгартириш оқибатида қора сўзидағи биринчи ҳижо чўзиқ, иккинчиси қисқа ҳижога айланган.

Фарид (ёки **жадид**) **баҳри** («фарид» сўзи «ажойиб», «камёб» маъноларини, «жадид» сўзи эса «янги» деган маънони ифодалайди) арузнинг асосий ўлчов турларидан бири бўлиб, унинг асосини **фоилотун** аслининг икки марта ва **мустафъилун** аслининг бир марта такрорланиб келиши ташкил этади. Чунончи, фариди мусаддаси солим вазнининг рукнлари ва чизмаси ҳар бир мисрада

фоилотун фоилотун мустафъилун
— V — — — V — — — — V —

тарзидадир. Алишер Навоий ӯзининг «Меъзонул авzon» асарида ушбу ўлчовга мисол қилиб

Не балолиғ ҳажр эрурким, зор ўлмишам,
Келки ул кўз ҳажрида бемор ўлмишам.

байтини келтиради. Бобур «Мухтасар» асарида мазкур баҳрнинг яна ўн вазнини санаб, уларнинг ҳар бирига туркй байтлар келтиради.

Ушбу баҳр ҳам араб шеъриятига маҳсус бўлиб, форс-тожик ва туркй адабиётларда қўлланмаган.

Ҳазаж¹ баҳри шеъриятизизда қўлланиш кўлами жиҳатидан рамал баҳридан сўнг иккинчи ўринда турувчи ўлчов туридир. Унинг асосини **мафоийлун** аслининг айнан такорори ташкил қилиб, мусаммани солим вазнининг руқнлари ва чизмаси

мафоийлун мафоийлун мафоийлун мафоийлун
v — — — v — — — v — — — v — — —

тарзидадир.

Алишер Навоий «Мезонул авзон» асарида ҳазаж баҳрига мансуб 46 вазни санаб ўтиб, уларнинг ҳар бирига мисоллар келтиради.

Бобур ӯзининг «Мухтасар» асарида: «Ҳазаж баҳри юз беш вазн, олтмиш бир мустаъмал, қирқ тўрт мухтараъ, ўн тўққиз мустаъмали матбуъ»², — дея таъкидлаб, 105 вазннинг ҳар бирининг хусусиятларини форсий ва туркй мисоллар билан қўрсатиб берган эди.

Ҳазаж баҳри вазнлари ўз хусусиятларига кўра мумтоз ва халқ куйларига мос бўлиб тушади. «Шашмақом» куйларидан 63 тасининг ҳазаж баҳри вазнларидаги шеърларга басталангани шундан далолат беради.

Шеъриятизизда мазкур баҳрнинг 30 дан ортиқ вазnidан кенг фойдаланиб келинган.

Ҳазаж баҳри XIV асрдан бошлаб шеъриятизизда ӯзининг муносиб ўрнини эгаллади. Атоийнинг 167 шеъридан 74 таси, Саккокийнинг 56 шеъридан 24 таси, Гадоийнинг 233 шеъридан 45 таси, Лутфий қаламига мансуб 430 шеърдан 141 таси, Ҳофиз Хоразмийнинг 1404 шеъридан 306 таси, Алишер Навоийнинг «Ҳазойинул маоний» тўпламидаги 3132 шеърнинг 669 таси ва «Фарҳод ва Ширин», «Лайли ва Мажнун» достонлари мана шу баҳр вазнлари асосида яратилган эди.

¹ «Ҳазаж» арабча сўз бўлиб, «овозни ёқимли қилиш» деган маънони ифодайди.

² Бобур. Мухтасар, 123-бет.

Ҳазаж баҳри XVI—XX асрлар ўзбек шеъриятида ҳам кенг ўрин эгаллади. Бобур, Машраб, Огаҳий, Ноңира, Фурқат, Муқимий, Ҳамза каби шоирлар яратган лирик ва лиро-эпик асарларнинг катта қисми шу ўлчовга асосланади. Бобурнинг 39 ғазали ва 196 руబойиси, Огаҳийнинг 133 ғазали, 31 мухаммаси, 73 руబойиси, бошқа жанрлардаги 43 шеъри, жами 310 асари шу баҳрда битилган эди. Нодиранинг 53 та ўзбекча ва 52 тожикча ғазали шу баҳр вазнларида яратилган. Мазкур ўлчовлардан замонавий шеъриятимиз, Ҳабибий, Собир Абдулла, Эркин Воҳидовлар лирикасида ҳам анча кенг фойдаланилган.

Шеъриятимизда ҳазаж баҳрининг асосан саккиз ва олти руқнили вазнлари қўлланган.

Ҳазаж баҳри вазнлари мафоййлун асли ҳамда унинг 12 хил ўзгаришига дуч келиши натижасида ҳосил бўлган жами 13 руқнга асосланади:

№№	Руқнлар	Чизмаси	Аталиши	Қўлланиш ўрни
1.	мафоййлун	v — — —	солим	садр, ибтидо, ҳашв-лар, аruz, зарбда
2.	мафойилун	v — v —	мақбуз	садр, ибтидоъ, ҳашвларда
3.	мафъулун	— — —	ахрам	-»-
4.	мафъулу	— — v	ахраб	-»-
5.	фоилун	— v —	аштар	-»-
6.	мафойилу	v — — v	макфуф	-»-
7.	мафойлон	v — — ~	мусаббағ	аруз ва зарбда
8.	мафойил	v — ~	мақсур	-»-
9.	фаулун	v — —	маҳзуф	-»-
10.	фаал	v —	ажабб	аруз ва зарбда
11.	фаул	v ~	ахтам	-»-
12.	фаъ	—	абтар	-»-
13.	фоъ	~	азалл	-»-

Юқоридаги руқнлардан **мафъулу** ва **мафойилу** ҳазаж ва музориъ баҳрлари, қолганлари эса фақат ҳазаж баҳри вазнларида иштирок этади. Ушбу руқнларнинг турлича таркибидан ҳазаж баҳрининг шеъриятимизда қўлланган қуйидаги вазнлари тузилади:

ҲАЗАЖ БАҲРИНИНГ ОЛТИ РУҚНИЛИ (МУСАДДАС) ВАЗНЛАРИ

Ҳазажи мусаддаси маҳзуф вазни шеъриятимизда анча кенг қўлланган ўлчовлардан бўлиб, руқнлари ва чизмаси бир мисрада

мафоийлун мафоийлун фаулун
v — — — v — — — v — —

тарзидадир. Бинобарин, унинг таркибини мафоийлун аслининг солими ҳамда шу аслнинг маҳзуф тармоғи **фаулунлар** такори ташкил қиласди. З қисқа ва 8 чўзиқ ҳижонинг шу тарздаги такори ёқимли ва мусиқий оҳангни ҳосил қиласди. Олти руқиши ушбу ўлчов лирик шеърият учун ҳам, достончилик учун ҳам ниҳоятда қулайдир. Шунинг учун ҳам мазкур вазн шеърия тимизда XIV асрдан XX аср бошларига қадар муттасил ва кенг қўлланиб келган. Ушбу ўлчовда битилган лирик ва лиро-эпик шеърий асарларни деярли барча шоирларимиз ижодида учратишими из мумкин. Атоийнинг 167 фазалидан 40 таси, Лутфийнинг 326 фазалидан 23 таси, Алишер Навоийнинг 84 шеъри, жумладан 50 фазали шу ўлчовда битилган эди. Хоразмий «Мұҳаббатнома»си, номаълум шоирнинг «Гул ва Наврӯз» достони, Алишер Навоийнинг «Фарҳод ва Ширин» достони каби қатор лирик асарлар ҳам шу ўлчовда ёзилган эди.

«Шашмақом»нинг «Соқийномаи савти наво», «Соқийномаи мұғулчай наво», «Соқийномаи савти чоргоҳ» куйлари ушбу вазндаги шеърларга басталанган.

Мисоллар:

Мени девона қилгон бир паридур,
Ки инсону малакнинг дилбаридур.

(Атоий)

Кўнилик ҳақ ризосидур, кўни бўл,
Сени мақсудинга элтур кўни йўл.

(Сайфи Саройи)

Фироқингға мени солди қароқинг,
На ҳожат қийнаса эмди фироқинг.

(Лутфий)

Куяр ҳажрингда жисми нотавоним,
Не жисми нотавонким, хаста жоним.

(Навоий)

Керакмас жон менга жонондин айру,
Киши нетсун баданни жондин айру.

(Мунис)

Түшуб бошимға кулфат лаҳза-лаҳза,
Чекармен ранжу ҳасрат лаҳза-лаҳза.

(Фурқат)

Бу кун кулбумга, жоно, хуш келибсиз,
Тилак бўлди муҳайё, хуш келибсиз.

(Ҳабибий)

Ҳазажи мусаддаси мақсур ҳам шеъриятимиздаги севимли ўлчовлардан бўлиб, ҳазажи мусаддаси маҳзуф вазнидан охирги ҳижонинг ўта чўзиқлиги билан фарқланади. Ушбу ўлчовнинг рукнлари ва чизмаси бир мисрада

мафоийлун мафоийлун мафоийл
v — — — v — — — v — ~

тарзидадир. Яъни унинг гаркиби **мафоийлун** аслининг солими ҳамда шу аслнинг **мақсур** тармоғи **мафоийл**дан ташкил топади. Ўзаро яқин бўлган **ҳазажи мусаддаси маҳзуф** ҳамда **ҳазажи мусаддаси мақсур** вазнлари бир шеърий асарнинг ўзида қўлланаверади. Масалан, Хоразмий «Муҳаббатнома»сида ҳам, Алишер Навоийнинг «Фарҳод ва Ширин» достонида ҳам ҳар икки ўлчов биргаликда иштирок этган.

Хати мушкинкидур жон бирла ҳамроҳ,
Хизрдур оби ҳайвон бирла ҳамроҳ.

(Атойи)

Кўнгул то оразингға бўлди муштоқ,
Қўзумда гаҳ қизил гулдур, гаҳи оқ.

(Лутфий)

Кўнгулнинг хонумонин берди барбод
Фами ишқингки, хонумони обод.

(Навоий)

Ажални дастидин юз доду фарёд,
Ки умрим ҳосилини берди барбод.

(Нодира)

Кишиким бўлмаса баҳти хумоюн,
Ҳамиша бўлғуси нокому маҳзун.

(Аваз)

Құрунди бир ажаб якбора мужгон,
Узун қайрилгану қоп-қора мужгон.

(Хабибий)

Ҳазажи мусаддаси ахраби мақбузи солим вазни шеъриятимизда жуда кам құлланған ўлчовлардан бўлиб, баъзи шоирларгина фойдаланганлар халос. Унинг рукилари ва чизмаси бир мисрада

мағъулу мафоилун мафоийлун
— — v v — v — v — —

тарзида бўлиб, таркиби **мафоийлун** аслининг **ахраб** тармоғи **мағъулу** (садр ва ибтидоъда), **мақбуз** тармоғи мафоилун (ҳашвларда), солим кўриниши (аруз ва зарбда)дан ташкил топади.

Ушбу ўлчовда Алишер Навоийнинг биргина ғазали ёзилган бўлиб, унинг матлаъи:

Боғ ичра чу гарм бўлди бозоринг,
Юз важҳ ила бўлди гул харидоринг.

Ҳазажи мусаддаси ахраби мақбузи маҳзуф вазни шоирларимиз ижодида кенғ құлланған ўлчовлардан саналади. Унинг рукилари ва чизмаси бир мисрада

мағъулу мафоилун фаулун
— — v v — v — v — —

тарзидадир. Кўриниб турганидек, унинг таркибини мафоийлун аслининг ахраб тармоғи **мағъулу** (садр ва ибтидоъда), мақбуз тармоғи **мафоилун** (ҳашвларда) ҳамда маҳзуф тармоғи **фаулун** (аруз ва зарбда) ташкил қиласди. 4 қисқа ва 6 чўзиқ ҳижонинг бу хилдаги такори ёқимли, енгил ва ўйноқи, айни чоғда ғоятда мусиқий оҳанг яратади. Шунинг учун ҳам ушбу ўлчов XIV асрдан бошлиб XX аср бошларига қадар шоирларимиз ижодида кенғ құлланиб келган. Унинг асосида фақат лирик шеърларгина эмас, балки Алишер Навоийнинг «Лайли ва Мажнун» достони каби йирик бадиий обидалар ҳам яратилган. Ушбу ўлчов «Шашмақом»нинг «Соқийномаи мўғулчай дугоҳ», «Уфори мўғулчай сегоҳ», «Ироқ» мақомининг IV таронаси куйларига мосдир.

Мисоллар:

Қон бўлди кўнгул фироқи бирла,
Куиди жоним иштиёқи бирла.

(Атошӣ)

Ким эрмас ул ой мубталоси,
Ёлгуз манга йўқ анинг балоси.

(Саккокий)

Ё рабки, не маҳлиқо бўлурму?
Не чехра даги сафо бўлурму?

(Лутфий)

Кўзунг не бало қаро бўлуптур,
Ким жонга қаро бало бўлуптур.

(Навоий)

Кўнглумни чу ул пари олибтур,
Девона бўлурга не қолибтур.

(Бобур)

Эй зинда мақолинга фасоҳат,
Эй бандад жамолинга сабоҳат.

(Мунис)

Ўлкамда етишди хил йигитлар,
Файратли, етук, дадил йигитлар.

(Ҳабибий)

Ҳазажи мусаддаси ахраби мақбузи мақсур вазни адабиётимизда анча кенг қўлланган ўлчовлардан бўлиб, руқнлари ва чизмаси бир мисрада

мағъгулу мафоилун мафоийл
— — v v — v — v — ~

тарзидадир. Ушбу вазн ҳазажи мусаддаси маҳзуф ўлчовидан фақат охирги ҳижонинг ўта чўзиқлиги билангина фарқланади, яъни мисралар охири мафоийлун аслининг мақсур тармоғи **мафоийл** руқни билан тугалланади. Шу хусусиятига кўра ушбу иккала вазн бир шеърий асарда бир вақтда қўлланаверади. Чунончи, Алишер Навоийнинг «Лайли ва Мажнун» достонида мазкур иккала ўлчов ҳам кенг қўлланган. Шунинг учун ҳам ушбу достон ҳазажи мусаддаси маҳзуф ҳамда ҳазажи мусаддаси мақсур ўлчовларида ёзилган икки вазни асар саналади.

Ҳазажи мусаддаси мақсур вазни XIV—XX асрлар мобайнида шеъриятимизда фаол қўлланиб келди.

Мисоллар:

Жонға тегадур жафойи ҳижрон,
Кимдин тилайин давойи ҳижрон.

(Атоиій)

Эй хусну вафо танинда сен жон,
Ой бирла қуёш юзунгда ҳайрон.

(Гадоиій)

Мақсудга текурмай ул гуландом,
Ошиқни құлур жақонда бадном.

(Лутфий)

Бординг назаримдин, эй паризод,
Мен құлни дубора құлмадинг ёд.

(Нодира)

Сендин нафасе мурод топмон,
Ишқингда күңгүлни шод топмон.

(Бобур)

Хазажи мусаддаси ахрами аштари маҳзуф
шө腥иятимизда кам құлланган вазнлардан бўлиб,
руқнлари ва чизмаси

мағъулун фоилун фаулун
— — — — v — v — —

тарзидадир. Кўриниб турганидек, ушбу ўлчов асосида ёзилган мисраларнинг аввалги руқнлари **мафъулун** аслининг ахрам тармоғи **мафъулун**, ҳашвлари шу аслининг аштар тармоғи **фоилун**, охирги руқнлари эса маҳзуф тармоғи **фаулунга** тенг бўлади. Мазкур вазн Алишер Навоийнинг «Лайли ва Мажнун» достонида құлланган бўлиб, асаддаги жами 140 мисра шу ўлчов асосида ёзилган. Жумладан, достондаги

Кўрсанг ул ён дури ягона,
Сен қылгунг кўз ёшини дона.
... Лайли ишқин танимда жон қил,
Лайли шавқин рангимд қоň қил.
... Жоним бўлсун танинг нисори,
Бағрим бўлсун тишинг фигори.
... Қизни асраб ҳижоб ичинда,
Ойдек тўққуз ниқоб ичинда.

каби мисралар ушбу вазндаридир.

Ҳазажи мусаддаси ахрами аштари мақсур вазни юқоридаги ўлчовдан охирги ҳижонинг ўта чўзиқлиги билангина фарқланиб, руқнлари ва чизмаси

мағъулун фоилун мафоийл
— v — — v — v —

тарзидадир. Ҳар икки вазндан биринчи ва иккинчи руқнлар бир хил бўлиб, охирги руқн ҳазажи мусаддаси маҳзуф вазнида мафоийлун аслининг маҳзуф тармоғи фаулунга тенг бўлса, ҳазажи мусаддаси мақсур ўлчовида шу аслнинг мақсур тармоғи мафоийлга тенглиги кўриниб турибди. Ушбу вазн ҳам Алишер Навоийнинг «Лайли ва Мажнун» достонида қўлланган бўлиб, асаддаги жами 96 мисра унинг асосида ёзилган. Чунончи:

Сарв ўлмай меҳнатидин озод,
Қолмай шамшод дардидин шод.
«Лайли!», «Лайли!» дебон чекиб ун,
Эл деб «Мажнундур, ушбу Мажнун!».
... Чун кўрмак бир газоли мушкин,
Чекмак қатлига ханжари кин.
... Оқшомдин тонгга жони маҳзун,
Тонгдин оқшомға ашки гулгун.

каби мисралар шулар жумласидандир.

Мазкур икки вазннинг достоннинг асосий ўлчовлари бўлмиш ҳазажи мусаддаси ахраби мақбузи маҳзуф ҳамда ҳазажи мусаддаси ахраби мақбузи мақсур вазнлари билан алмашиниб қўлланиши аruz илмига хос бир қонун-икки қисқа ҳижонинг бир чўзиқ ҳижо билан алмаштирилиши мумкинлиги асосида рўй берган. Яъни асосий ўлчовларнинг олдинги икки ҳижоси кейинги икки вазнда мағъулун руқнидаги учинчи чўзиқ ҳижо билан алмаштирилган. Шуни ҳам айтиш лозимки, кейинги икки вазн достондаги айрим мисралар оҳангига алоҳида жозиба, таъсирчанлик бағицлаган.

ҲАЗАЖ БАҲРИНИНГ САККИЗ РУКНЛИ (МУСАММАН) ВАЗНЛАРИ

Ҳазажи мусамман солим вазни шеъриятимиздаги энг ёқимли ўлчовлардан бири саналади. Унинг руқнлари ва чизмаси бир мисрада

мафоийлун мафоийлун мафоийлун мафоийлун
v — — — v — — — v — — — v — — —

тарзидадир. Тұртта қисқа ҳамда 12 та чүзиқ ҳижонинг бу хилдаги мутаносиб тақори жозибали ва мусиқий оҳангни вужудга келтиради. Мазкур ўлчовни дастлаб Атоий, Саккокий, Лутфий, Гадой, Ҳофиз Хоразмийлар лирикасида учратамиз. Ҳазажи мусаммани солим вазни бу шоирлар ижодида ҳазаж баҳри ўлчовлари ичида иккинчи, учинчи ўринларда турса, Алишер Навоий «Хазойинул маоний»сида анча кенг құлланиб ушбу баҳр вазнлари ичида бириңчи ўринни эгаллайди. Шоирнинг ҳазаж баҳридаги жами 305 шеъридан 143 таси, жумладан, 121 ғазали, 7 қытъаси, 13 фарди, биттадан чистон ва муаммоси шу ўлчовда битилған эди. Бу анъана кейинги давр шеъриятида ҳам изчил давом этди. Жумладан, Оғаҳийнинг ҳазаж баҳрида ёзған 310 шеъридан 103 таси, хусусан, 77 ғазали ҳазажи мусаммани солим вазни асосидаадир.

Мазкур вазн ҳозирги замон шоирлари ижодида ҳам кенг фойдаланилған. Ушбу ўлчовдаги шеърларнинг «Шашмақом» күйларининг 40 тасига мос тушиши аниқланған.

Мисоллар:

Боқар охулайин ҳар ён үшал икки қаро құзлар,
Ҳаданги ғамзасин отлиғ учун гүё қаро құзлар.

(Атоий)

Мени мен истаган ўз сұхбатига аржуманд этmas,
Мени истар кишининг сұхбатим күнглум писанд этmas.

(Навоий)

Хазон япроги янглиғ гул юзунғ ҳажрида сарғардим,
Күрүб раҳм айлагил, эй лоларух бу чөхраи зардим.

(Бобур)

Бу гулшан соз экан, соз устига соз этгали келдик,
Қадрлонларни шод айлаб, сарафroz этгали келдик.

(Ҳабибий)

Варактарни очурман тозалаб йилларни чангидин,
Бу дониш маңзани сўзлар манга афсона янгидин.

(Э. Воҳидов)

Ҳазажи мусаммани мусаббаг вазни шеъриятимизда кам қўлланган ўлчовлардан саналиб, юқоридаги, ҳазажи мусаммани солим вазнидан охирги ҳижонинг ўта чўзиқлиги билан фарқланади ва у билан бир шеърда қўлланаверади.

Ҳазажи мусаммани мусаббаг вазнининг рукнлари ва чизмаси бир мисрада

мафоийлун мафоийлун мафоийлун мафоийлон
v — — — v — — — v — — — v — — ~

тарзидадир. Ушбу ўлчов ҳазажи мусаммани солим вазнидаги ёзилган шеърнинг қофияланмайдиган мисраларида кўп ҳолларда қўлланса ҳам, матласи ҳазажи мусаммани мусаббаг вазнида бўлган ғазаллар жуда кам ёзилган. Айрим шоирлар ижодидагина, шунда ҳам бир иккита, баъзангина 5—6 ғазал шу ўлчовда битилган.

Мисоллар:

Сен ўз хулқунгни тузгил, бўлма эл ахлоқидин хурсанд,
Кишига чун киши фарзанди ҳаргиз бўлмади фарзанд.

(Навоий)

Каро зулфунг фироқида паришон рўзгорим бор,
Юзунгнинг иштиёқинда не сабру не қарорим бор.

(Бобур)

Зиҳи афлок уза чун азм этиб чиқдинг шаби меърож,
Буроқингнинг изин қилди малоик боши узра тож.

(Оғаҳий)

Ажаб васлингга мен энди етишганда кўринди моҳ,
Масал борким оғиз ошга, бурун тошта тегибдур, воҳ.

(Э. Воҳидов)

Ҳазажи мусаммани аштар вазни шеъриятимизда анча кенг қўлланган ўлчовлардан биридир. Унинг рукнлари ва чизмаси бир мисрада

фоилун мафоийлун фоилун мафоийлун
— v — v — — — — v — v — — —

тарзидадир. Чўзиқ ва қисқа ҳижжаларнинг шу хилдаги такрори ёқимли оҳангни ҳосил қиласди.

Ушбу ўлчов XVI асрга қадар туркий адабиётларда, жумладан, ўзбек шоирлари ижодида қўлланмаган кўринади. Зеро, Атоий, Саккокий, Лутфий, Гадоий, Хофиз Хоразмийлар ижодида ушбу ўлчов асосида ёзилган шеърни учратмаймиз. Мазкур вазнни Алишер Навоий «Мезонул авзон»да тилга ҳам олмайди, унинг асосида ўзи ҳам туркий шеър ёзмаган. Бу ўлчовдаги дастлабки шеърлар Бобур ижодида учрайди. Шоир ўзининг «Мухтасар» асарида бу вазнни «мустаъмали матбуъ», яъни ёқимли ўлчовлар қаторида санаб, Жомий ва Ҳофизлар ижодига мурожаат қиласи ҳамда туркий шеърга мисол тариқасида ўзининг газали байтларини келтиради. Бу Бобурнинг ушбу ўлчовда ёзилган ягона ғазали эди.

Мазкур ғазал кейинги асрларда шеъриятимиздан мустаҳкам ўрин олди ва тобора кенгроқ қўллана борди. Оғаҳийнинг 17 ғазали шу ўлчовда эканлиги фикримизнинг далилидир. Ушбу вазн ҳозирги замон шеъриятида ҳам фойдаланиб келинмоқда. Ушбу ўлчовдаги шеърлар «Шашмақом»нинг «Рост», «Сегоҳ», «Ироқ» мақомлари тароналарига мос тушади.

Мисоллар:

Фоғил ўлма, эй соқий, гул чоғин ғанимат тут,
Вақти айш эрур боқий, ол чогир, кетур, бот тут.

(Бобур)

Коқулунг дурур анбар, жон ичинда жонон қиз,
Кўзларинг дурур ахтар, юзи моҳи тобон қиз.

(Машраб)

Фасли навбаҳор ўлди кетибон зимистонлар,
Дўстлар, ғаниматдур, сайд этинг гулистонлар.

(Фурқат)

Келди очилур чоғи, ўзлигинг намоён қил,
Парчалаб кишанларни ҳар томон паришон қил.

(Ҳамза)

Эй қаро кўзим, ул кун ўзни ошкор эттинг,
Кўз учида бир боқдинг, дил қушин шикор эттинг.

(Ҳабибий)

Кимда иқтидор йўқдир, илм ила ҳунар зое,
Иқтидор берурман деб чекма ранж, кетар зое.

(Э. Ваҳидов)

Хазажи мусаммани ахраб вазни адабиётимиздаги ёқимли ўлчовлардан бири бўлиб, руқнлари ва чизмаси бир мисрада

мафъулуу мафоийлун мафъулуу мафоийлун
— — v v — — — — v v — — —

тарзи дадир. Ушбу ўлчовда ёзилган дастлабки шеър Атоий ижодида учрайди. Мавлоно Лутфийнинг эса 5 та фазали шу ўлчовда ёзилган эди. Ҳофиз Хоразмий мана шу вазн асосида ўзининг 9 фазалини битган.

Алишер Навоий «Мезонул авзон»да ҳазаж баҳрининг ёқимли вазнлари қаторида ушбу ўлчовни ҳам санаб ўтиб, унга

То кўз била кўнглумни ул ғамза мақом этмиш,
Қонимни ҳалол айлаб, уйқумни ҳаром этмиш.

байтини мисол қилиб келтиради. Бобур ўзининг «Мухтасар» асарида ҳазаж баҳрига мансуб мустаъмали матбуъ ўлчов қаторида ушбу вазнни ҳам алоҳида таъкидлаб, унинг оҳанг имкониятларини намойиш қилиш учун Ҳофиз Шерозий, Жомий, Шоҳийнинг форсий шеърларидан, Алишер Навоий, Шоҳ Наълий Мирзо ҳамда ўзининг туркий фазалларидан мисоллар келтиради.

Алишер Навоий ҳазажи мусаммани ахраб вазнида жами 19 шеър, жумладан, 17 фазал, бир қитъя ва бир фард яратган. Бобур эса биргина фазалини шу ўлчовда ёзган бўлиб, у ҳам бўлса «Мухтасар»да келтирилган асардир.

Ҳазажи мусаммани ахраб кейинги давр ижодкорларининг севимли вазнларидан бўлиб қолди. «Шашмақом»нинг «Бузрук», «Дугоҳ», «Сегоҳ», «Ироқ» мақомлари тароналари ушбу ўлчовда ёзилган шеърларга басталанган.

Мисоллар:

То тушта юзин кўрдум, бўлмиш манга ком уйқу,
Лекин ғамидин бўлмиш кўзумга ҳаром уйқу.

(Навоий)

То олғали кўнглумни ул юз била ул гису,
Кундуз манга не ором, кеча манга не уйқу.

(Бобур)

Ишқинг ўтиға, дилбар, ҳар дам чу күй дерман,
Қоним била, эй жонон, оламни бүй дерман.

(Машраб)

Ишқингда күйиб, жоно, хоки таҳи по бўлдум,
Совғурди фаминг боди, алқисса фано бўлдум.

(Фурқат)

Ҳар лаҳза менинг кўнглум ёр истару боғ истар,
Ёр илгига боғ ичра май тўлган аёғ истар.

(Ҳабибий)

Ҳазажи мусаммани ахраби мусаббағ вазни шеърия-
тимиизда жуда кам қўлланган ўлчовлардан саналади.
Унинг руқнлари ва чизмаси бир мисрада

мафъулу мафойлун мафъулу мафойлон
— — v v — — — — — — v v — — ~

тарзида бўлиб, олдинги, ҳазажи мусаммани ахраб ваз-
нидан охирги ҳижонинг ўта ҷўзиқлиги билангина
фарқланади. Шу хусусиятига кўра ҳар икки вазни бир
шеърий асарда биргаликда қўллана олади.

Мазкур вазн ҳазажи мусаммани ахраб ўлчовида
битилган шеърларнинг қофияланмайдиган мисрала-
рида анча кенг қўлланади. Масалан, Оғаҳийнинг
ҳазажи мусаммани ахраб вазнида ёзилган ғазали-
нинг

То зулфи паришонин юз узра ниқоб этмиш,
Хуршид уза оҳимнинг дудини саҳоб этмиш.
...Зулфи тушубон ўтлуг юз узра нечукким дуд,
Рашқ ўти аро жону кўнглимни кабоб этмиш.
...Сўрмоқ тиласам лаълин тонг йўқки ҳакими сунъ
Ул дуржи мусаффони пур шаккари ноб этмиш.

байтларини кўздан кечирсак, 3- ва 5- мисралар ҳаза-
жи мусаммани ахраби мусаббағ ўлчовида эканини кў-
рамиз.

Аммо матлаъси ва қофияланадиган мисралари шу
ўлчовда бўлган шеърлар кам ёзилган. Биргина шун-
дай ғазал Навоий ижодида учрайди:

Боғ ичра санга сочти гул оқу қизил япроқ,
Шаҳ бошиға андоғким эл оқу қизил ёрмоқ.

(Навоий. «Бадоеъул васат», 317-ғазал)

Хазажи мусаммани маңзуфи мақсур вазни шеърия-
тимизда энг кам құлланған ўлчовлардан бири бұлиб,
унинг рукилари ва чизмаси бир мисрада

мафоийлун фаяулун мафоийлун мафоийл
v — — — v — — v — — — v — ~

тарзидадир. Ушбу ўлчовда Алишер Навоийнинг бир-
гина газали ёзилған холос. Бошқа шоирларда ҳам уш-
бу ўлчовда яратылған шеърлар учрамайди.

Мисол:

Санову зотинг ичра топиб ажз аҳли идрок,
Гаҳи лоуҳси айтиб замоне мо арафнок
Не янглиғ аҳли идрок ки чун гардунға сурди,
Күзига сурма қылди губорин хайли афлок
Зулоли сунъунг ичра сипеҳру сидра шоҳи,
Тенгизда ул хубобе, бу ҳам андоқки хошок.
...Навоий ҳамдинг айтүр ажаб йўқ гар тилига
Иноят лужжасидан кетурсанг гавҳари пок.

(«Наводириши шабоб», 322-ғазал)

Хазажи мусаммани ахраби макфуфи маңзуф вазни
шеъриятимиздаги ёқимли, мусиқий ўлчовлардан би-
ридир. Рукилари ва чизмаси бир мисрада

мафъулу мафоийлу мафоийлу фаяулун
— — v v — — v v — — v v — —

тарзида. Күриниб турганидек, унинг таркиби **ма-
фоийлун** аслининг **ахраб** тармоғи **мафъулу** (садр ва
ибтидода), **макфуф** тармоғи **мафоийлу** (ҳашвларда)
ҳамда **маңзуф** тармоғи **фаяулунларнинг** такроридан
ташкыл топади. Мисраларда 6 қисқа ва 8 чўзиқ ҳижо-
нинг шу тарздаги жуфт-жуфт бұлиб такрорланиши
жозибали ва шўх оҳангни вужудга келтиради. Шу ту-
файли ушбу ўлчов XIV асрдаёқ шоирларимиз ижоди-
дан мустаҳкам ўрин олган эди.

Мазкур вазнда ёзилған шеърлар Атоий, Саккокий,
Гадоий, Ҳофиз Хоразмий каби шоирларимиз лирика-
сида кенг құлланған. Мавлоно Лутфий шеъриятида
эса бу ўлчов рамали мусаммани маңзуф вазnidан ке-
йин иккинчи ўринда туради. Шоирнинг 430 шеъри-
дан 66 таси, хусусан, 61 газали шу ўлчов асосида
яратылған эди.

Алишер Навоий ўзининг 50 шеъри, хусусан, 48
газалини шу вазнда ёзған. Ушбу халқыл ўлчовдан

Машраб шеъриятида ҳам кенг фойдаланилган. Шоир 36 шеърини шу вазнда битган эди. Мазкур вазн кейинги асрларда ҳам шоирларимизнинг диққат марказида турди. Замонавий шеъриятимизда, Ҳабибий, Э. Воҳидов, Ж. Камол каби ижодкорлар ғазалиётида ҳам мазкур ўлчовдан фойдаланилган.

Ушбу ўлчовда ёзилган шеърлар «Шашмақом»нинг «Уфори савти наво», «Уфори сегоҳ», «Уфори чоргоҳ», «Уфори мӯғулчай наво» ҳамда «Ироқ» мақоми таронаси куйларига мос бўлиб тушган.

Мисоллар:

Ёр бордию кўнглумда аниң нози қолибтур,
Андоқки, қулоғим тўла овози қолибтур.

(Навоий)

Сендеқ манга бир ёри жафокор топилмас,
Мендек санга бир зори вафодор топилмас.

(Бобур)

Садқанг бўлайин, менга ажаб ноз қилурсан,
Кўп қилма десам ноз, кулиб боз қилурсан.

(Ҳабибий)

Гул фасли санам сайр ила гулшанда бўлубдур,
Фунча кўз очиб гул юзида ханда бўлубдур.

(Э. Воҳидов)

Биз, телба кўнгил, ошиги шайдо тарафиннан,
Сиз ишвали ул нартиси шаҳло тарафиннан.

(Ж. Камол)

Ҳазажи мусаммани ахраби макфуфи мақсур вазни юқоридаги ҳазажи мусаммани ахраби макфуфи маҳзузф ўлчовидан охирги ҳижонинг ўта чўзиқлиги билангина фарқланади. Унинг руқнлари ва чизмаси бир мисрада

мафъулу мафоийлу мафоийлу мафоийл
— — v v — — v v — — v v — ~

тарзидадир. Кўзга ташланиб турганидек, ушбу ўлчов таркибида **мафоийлун** аслининг **ахраб** тармоғи **мафъулу** (биринчи руқнларда), макфуф тармоғи **мафоийлу** (иккинчи, учинчи руқнларда) ҳамда мақсур тармоғи

мағоиілү (тұртінчи руқнларда) иштирок қиласы.
Ұзаро яқынлиғи туфайли ушбу иккі ўлчов бир шеър-
да биргаликда құлланаверади.

Мазкур вазн ҳазажи мусаммани ахраби макфуфи
маңзуғ ўлчовида битилган шеърларнинг қофиялан-
майдиган мисраларида анча кенг құлланади. Чунон-
чи, Алишер Навоий ғазалидаги

Бир ойни тиілаб хаста күнгүл зорму эрмас,
Хажри ғамидин юз туман ағформу эрмас.
...Ишқида ситамлар била ўлсам, не ажаб, ёр
Қотилму эмас, шүху ситамкорму эрмас.
Диним бошиға титрар эсам, тонг эмас, ул күз
Коғирму эмас, маству дилозорму эрмас.
Чун сурди самандин, нега ўлдуң дема, эй шүх,
Сархушму эмас, чобуки айерму эрмас.
Гар даҳр арусиға дедим берма күнгүл, бок,
Мұхтоламу, пурхайламу, маккорму эрмас.

байтларини күздан кечирсак, барча қофияланмайди-
ган мисралар ҳазажи мусаммани ахраби макфуфи
мақсур ўлчовида эканлигининг гувоҳи бұламиз.

Шуны айтиш керакки, матлағы ҳам ушбу ўлчовда
бұлған шеърлар анча кам битилган. Атоій ва Гадой
шеъриятида 2 тадан, Лутфий ижодида 5 та ғазал ва 2
та фард, Ҳофиз Хоразмий ғазалиётида 26 асар, Али-
шер Навоий қаламига мансуб 12 ғазал ва бир муаммо
ҳазажи мусаммани ахраби макфуфи мақсур ўлчовида
яратылған. Шу вазн асосида Машраб ва Нодиранинг
биттадан, Увайсийнинг 4 ғазали ва бир мухаммаси
битилған эди. Кекса арузчи шоир Ҳабибий ҳам ушбу
вазнда ўз қаламини синааб құрган.

Мисоллар:

Холим ким экин айлагучи ёрға маъруз,
Мен бедил ишин қылғучи дилдорға маъруз.

(Навоий)

Мажнун ила кездим неча йил дашту биёбон,
Лайлини сұрғылаб юрудум бесару сомон.

(Машраб)

Ул сарвки бордур ани мавзун қади озод,
Машшота учун шона чекар зулғиға шамшод.

(Нодира)

Үлкамда ажаб дашту биёбонларимиз бор,
Хар қайсида ҳар турли неча конларимиз бор.

(Ҳабибий)

Ҳазажи мусаммани ахраби макфуфи маҳзуфи мустаҳзод вазни шеъриятимиздаги ёқимли ўлчовлардан бири саналади. Унинг рукнлари ва чизмаси бир мисрада

мафъулу	мафоийлу	мафоийлу	фаулун
— — v	v — — v	v — — v	v — —
		мафъулу	фаулун
		— — v	v — —

тарзидадир. Диққат қилинса, унинг асосини ҳазажи мусаммани ахраби макфуфи маҳзуф вазни ташкил қилиши, ундан фарқи орттирмаси эканлигини, мисрадан сўнг биринчи ва тўртинчи рукнлар — **мафъулу** ва **фаулун** рукнлари ортирилиб, ҳар бир мисрада қисқа ва чўзиқ ҳижоларнинг шу хилдаги такрори енгил ва ўйноқи оҳанг ҳосил қилишини кўриш мумкин.

Мустаҳзод вазнида ёзилган шеърларни дастлаб Гадойи ва Ҳофиз Хоразмийлар ижодида учратамиз. Гадойи бу ўлчовда биттагина, Ҳофиз Хоразмий иккита-гина асар яратганлиги бу ўлчов XIV аср охири ва XV аср бошларида унча кенг қўлланмаганидан далолат беради. Мазкур ўлчовдаги шеърлар «Шашмақом» кўйларидан «Мустаҳзоди наво», «Уфори мустаҳзоди наво»ларда ижро этилган.

Алишер Навоий «Мезонул авzon» асарида ҳазаж баҳри вазнларини санаб ўтар экан, бу ўлчов ҳақида маълумот бермайди. Асарнинг охирроқ қисмида халқ қўшиқлари вазнлари тўғрисида тўхталар экан: «Ва яна бу халқ (турк халқи — А. Ҳ.) орасида бир суруд бор эканким, ҳазажи мусаммани ахраби макфуфи маҳзуф вазнида, анга байт бошлаб битиб, аниң мисраидан сўнгра ҳамул баҳрнинг икки рукни била адо қилиб, суруд нағамотига рост келтурурлар эрмиш ва ани «мустазод» дерлар эмиш, андоқким (мустазод):

Эй ҳуснунга зарроти жаҳон ичра тажалли
мафъулу мафоийлу мафоийлу фаулун
маҳзар санга ашё
мафъулу фаулун

Сен лутф била кавнұ макон ичра мувалли,
Оlam санға мавло».¹

деб таъкидлайди. Шоирнинг ўзи ҳам шу ўлчовни синовдан ўтказиш мақсадида 4 та мустаҳзод битиб, уларни «Хазойинул маоний» девонларининг ҳар бирига биттадан киритган. Бобур «Мухтасар»да мазкур вазн ҳақида тұхталмаган, ўзи ҳам мустаҳзод ёзмаган.

Мустаҳзод вазни XVII—XIX асрлар ўзбек шеъриятыда кенг құлланыла үшінде адабиёттегі мустаҳкам йүрін олды. Бунда Машраб ижодининг таъсири сезиларлы бўлди, деб айтиш мумкин. Ҳалқ оғзаки ижодини яхши билган, ўзи ҳам халқона услубдаги шеърлар яратишга алоҳида эътибор берган Машраб мустаҳзод жанрида 18 асар ёзиб, ушбу ўлчовнинг ёқимли оҳангига ва ўта мусиқијилигини узил-кесил исботлаб берди. Шоир анъаналарининг давомчилари бўлган Мунис, Огаҳий, Баёний, Комил Хоразмий каби шоирлар мазкур вазнда қатор асарлар яратибгина қолмай, мустаҳзод вазнини янада такомиллаштиришга ўзларининг муносиб ҳиссаларини қўшдилар.

Мисоллар:

Эй ғамзаси фитна, кўзи фаттон, ўзи офат,
раҳм айла бу жона.

Хатм ўлди санға салтанати мулки латофат,
эй шоҳи ягона.

(Гадоий)

Эй ҳуснунга зарроти жаҳон ичра тажалли,
мазҳар санға ашё,
Сен лутф била кавнұ макон ичида мавли,
олам санға мавло.

(Навоий)

Эй моҳ, нетай, ишқинг ўти айлади расво,
Девона бўлубман,
Ишқинг ўти сийнам узадур, сенга не парво,
Парвона бўлубман.

(Машраб)

¹ Алишер Навоий. Асарлар. 15 томлик. 14-том, F. Фулом номидаги бадиий адабиёт нашриёти. Тошкент, 1967, 180—181-бетлар.

Хазажи мусаммани ахраби макфуфи маҳзуфи мақсурини мустаҳзод вазнининг руқнлари ва чизмаси бир мисрада

Мафъулу	мафоийлу	мафоийлу	фаулун
— — v	v — — v	v — — v	v — —
		мафъулу	мафоийл
		— — v	v — ~

тарзидадир. Кўриниб турганидек, ушбу ўлчов мустаҳзоддаги асосий мисранинг охирги рукни мафоийлун аслининг маҳзуф тармоғи **фаулунга**, орттирма рукнларнинг иккинчиси эса мафоийлун аслининг мақсур тармоғи **мафоийлга** тенг бўлишини тақозо этади.

Мисол:

Жононаким онинг сўзи жонимга ёқодур,
Ширин даҳани бор,
Дин йўлида кофир кўзи ҳам айни балодур,
Кўп макру фани бор.

(*Хофиз Хоразмий*)

Хазажи мусаммани ахраби макфуфи мақсурини мустаҳзод вазнининг руқнлари ва чизмаси бир мисрада

Мафъулу	мафоийлу	мафоийлу	мафоийл
— — v	v — — v	v — — v	v — ~
		мафъулу	фаулун
		— — v	v — —

тарзида бўлиб, асосий мисра охиридаги рукни мафоийлун аслининг мақсур тармоғи **мафоийлга**, ортируманинг иккинчи рукни эса мафоийлун аслининг маҳзуф тармоғи **фаулунга** тенг бўлади.

Мисоллар:

Не вўсмау не қесмадур ул зулфи сумансой,
Не гамзай жоду
Машшота санга золи фалакдур магар эй ой,
Хуршид анга кўзгу.

(*Навоий*)

Сенсан мулуку салтанатинг олама тўлғон
Ким барчадин аъло,
Бу жону кўнгул ишқинг аро волаю ҳайрон,
Эй орази зебо.

(*Машраб*)

Гулшанда қадинг воласи, эй сарви хиромон,
шамшоду санубар,
Меҳринг руҳи бори биладир шамс дурахшон,
бир зарраи музтар.

(Аваз)

Ҳазажи мусаммани ахраби макфуфи мақсурин
мустанаҳзод вазни ўз тузилишига кўра юқоридаги ўлчовга жуда яқин бўлиб, асосий мисра ва орттирма
охиридаги ҳижоларнинг ўта чўзиқлиги билангина фарқ қиласди. Унинг руқнлари ва чизмаси бир мисрада

Мафъулу	мафойилу	мафойилу	мафойил
— — v	v — — v	v — — v	v — ~
		мафъулу	мафойил
		— — v	v — ~

тарзи дадир.

Мисоллар:

Ногоҳ кўрунуб жилва қилиб ўтти паризод
Бағримни қилиб қон.
Фурқат ила гам даштида дил айлади ношод
Ул ваъдаси ёлғон.

(Машраб)

Ҳажринг тунида қолмишам оч, эй моҳи тобон,
Хуршид киби юз,
Кўнглум уйини сели ғаминг айлади вайрон,
Васлингдин они туз.

(Оғаҳий)

Жоно, караминг бирла шарафли назаринг бор,
Мендин хабаринг бор,
Кўйингда неча волау шайдо башаринг бор,
Кўп ғамзаларинг бор.

(Ҳабибий)

**16 рукили ҳазажи ахраби макфуфи маҳзуфи
мақсурин** мустанаҳзод вазни шеъриятимизда жуда кам
қўлланган ўлчовлардан бўлиб, баъзи шоирларимиз
ижодидагина фойдаланилган. Унинг руқнлари ва чизмаси бир мисрада

Мафъулу	мафойилу	мафойилу	фаулун
— — v	v — — v	v — — v	v — —
		мафъулу	мафойил
		— — v	v — ~
		мафъулу	фаулун
		— — v	v — —

тарзидадир. Ушбу ўлчовни, куринишича, Мұхаммадризо Огаҳий кашф этган бұлиб, ўзи шу вазн асосида биргина мустаҳзод битган. Бу асар шундай матлаъ билан бошланған эди:

Эй ёр, санго ушбу жаҳон боя аро гул
бир ошиқи ҳайрон,
дийдоринга шайдо.

Бир шефтадур кокули мушкулинга сунбул,
ҳам ҳоли паришон,
ҳам бошида савдо.

Ҳазф зиҳоф номи бұлиб, «ташлаш» маъносини ифодалайды. Бу хил ўзгаришга дуч келган **фаулун**, **ма-фойлун** ҳамда фоилотун аслларининг охирги чўзиқ ҳижолари туширилиб, қолган **фау**, **мафой** ва **фоило** қисмлари ўзларига тенг **фаал** (чизмаси: у —), **фаулун** (v — —) ва **фоилун** (— v —) тармоқ руқнлари билан алмаштирилиб, «охирни ташланған» деган маънода маҳзуф деб юритилади. **Фаал** рукни мутақориб баҳрининг, **фаулун** — ҳазаж баҳрининг, **фоилун** эса рамал баҳрининг бир қатор вазнлари таркибида фаол иштирок этади (Қаранг: «Мутақориб баҳри», «Ҳазаж баҳри», «Рамал баҳри»).

Ҳашв — шеър байтларидаги садр ва аруз, ибтидоъ ва зарб рукнлари ўртасидаги рукнлар ўрнининг номи. Маълумки, байтдаги биринчи мисранинг биринчи рукни ўрнига кўра садр деб, охирги рукни аruz деб, иккинчи мисранинг биринчи рукни ибтидоъ, охирги рукни зарб деб, улар ўртасидаги рукнлар эса ҳашв деб юритилади. Байтлар таркибида ҳашвлар бўлмаслиги ҳам мумкин. Хусусан, мураббаъ (тўрт рукнли) байтлар фақат садр, аруз, ибтидоъ ва зарбдан иборат бўлиб, ҳашв келмайди. Аксар ҳолларда мусаддас (олти рукнли) ва мусамман (саккиз рукнли) байтларда ҳар мисра ўртасидаги бир ёки икки рукни ҳашв ўрнида қўлланади. Мутатаввал (кўп рукнли) байтлар таркибида эса ҳар мисрадаги ҳашвлар тўрттадан 16 тагача келиши мумкин.

Ҳижо (арабча «бўғин» демак) аруз вазнида ёзилған шеърий асар мисраларини ташкил қилувчи ва бир овоз билан талаффуз этилувчи энг кичик ритмик бўлак бўлиб, бир унлидан ёхуд бир унли билан бир ёки бир неча ундош ҳарф бирикмасидан ташкил топади. Мумтоз арузшунослигимизда мисрани ташкил этувчи энг кичик ритмик бўлак сифатида ҳарф олинган Араб

алифбоси қўлланмагани туфайли ҳозирги ўзбек аруз-шунослигида энг кичик ритмик бўлак ҳижо саналади.

Ҳижолар унлиларнинг турлича талаффуз этилиши, шунингдек турлича ажратилиши билан бўғинлардан фарқланади. Агар бўғинлар ёзилишига кўра ажратиласа, ҳижолар вазнга мувофиқ ўқилишига кўра ажратилди. Бу ҳолатда эса ёпиқ ҳижолар очиқ ҳижога айланниб қолиши ҳам мумкин.

Ҳижолар қисқа, чўзиқ ва ўта чўзиқ турларга бўлинади. Бир қисқа унли ёки ундошдан кейин келган қисқа унли бирикмаси қисқа ҳижони ташкил қиласи. «Умид», «аҳил» каби сўзларнинг, шунингдек, «китоб», «баҳор» каби сўзларнинг биринчи ҳижолари қисқа ҳижога мисол бўла олади. Бундай ҳижолар шеър чизмасида «v» белгиси билан кўрсатилади.

Чўзиқ унлиниңг ўзидан («омад», «олам» сўзларнинг биринчи ҳижолари каби), шунингдек ундошдан сўнг келган чўзиқ унли бирикмасидан («доно», «зебо» сўзларининг бўғинлари каби) ташкил топган ҳижолар очиқ чўзиқ ҳижони, ундошдан олдин қисқа унли келган ҳижолар («мактаб», «жаннат» сўзларининг ҳижолари каби) ёпиқ чўзиқ ҳижони ҳосил қиласи. Чўзиқ ҳижолар шеър чизмасида «—»белгиси билан ифодаланади.

Таркибида чўзиқ унли бўлган («шод», «боғ» каби), шунингдек, қўш ундош билан тугалланган («илм», «жисм» каби) ёпиқ ҳижолар ўта чўзиқ ҳижо саналади. Улар мисра ичida «— v», мисра охирида эса «~» белгиси билан ифодаланади.

Ҳижоларнинг чўзиқ-қисқалиги уларнинг вазнга мувофиқ ўқилишига кўра аниқланади. Масалан, Бобур қаламига мансуб:

Ёз фасли, ёр васли, дўстларнинг суҳбати,
Шеър баҳси, ишқ дарди, боданинг кайфияти

мисраларини вазнга мослаб ўқиб туриб ҳижоларга ажратсан, улардаги ба, да-, я- ҳижолари қисқа, фас-, ли, вас- ли, лар-, нинг, суҳ, ти, баҳ, си, дар-, ди, бо, нинг кай-, фи-, ти ҳижолари чўзиқ, ёз, ёр, дўст, шеър, ишқ ҳижолари эса ўта чўзиқ эканлиги маълум бўлади.

Қисқа, чўзиқ, ўта чўзиқ ҳижоларнинг турли тартибдаги бирикувидан арузниңг каттароқ ритмик бўлаклари — рукнлар тузилади (*Қаранг*: «Қисқа ҳижо», «Чўзиқ ҳижо», «Ўта чўзиқ ҳижо», «Рукнлар»).

МУНДАРИЖА

Муаллифдан	3
----------------------	---

А

Абтар	7
Ажабб	7
Азалл	7
Азл	7
Амиқ баҳри	8
Ариз баҳри	8
Аруз (I)	9
Аруз (II)	13
Арузшунослик	13
Аруз доиралари	16
Аслам	18
Асллар	18
Асрам	19
«Афойлу тафоийл»	19
Ахраб	19
Ахраб шажараси	19
«Ахраби мақбуз» шаҳобчаси вазнлари	22
«Ахраби макфұғ» шаҳобчаси вазнлари	25
Ахрам	28
Ахрам шажараси	28
«Ахрами аштар» шаҳобчаси вазнлари	30
«Ахрами ахраб» шаҳобчаси вазнлари	33
Ахтам	36
Аштар	36

Б

Байт	36
Басит баҳри	36
Батар	37
Баҳр	37
Баҳрларни аниқлаш усууллари	39

В

Вазн	41
Вазнларни аниқлаш усууллари	42
Васл	44
Васли «ҳо»	45
Ватад	45
Ватади касрат	45

Ватади мажмұъ	46
Ватади мафруқ	46
Воғир баҳри	46

Д

Доира	47
Доираи «мужталиба»	47
Доираи «мужталибаи музоҳафа»	47
Доираи «мужталибиа мухтария»	48
Доираи «мужтамиа»	48
Доираи «мунтазия»	49
Доираи «муттафиқа»	49
Доираи «мухталита»	49
Доираи «мухталифа» (I)	50
Доираи «мухталифа» (II)	50
Доираи «муштабиҳа» (I)	51
Доираи «муштабиҳа» (II)	51
Доираи «муштабиҳаи солим»	52
Доираи «мұтталифа» (I)	52

Ж

Жабб	53
----------------	----

З

Залал	53
Зарб	53
Зиҳофлар	53

И

Имола	57
<u>Истиҳлоф</u>	57

К

Кафф	59
Кашф	59
Комил баҳри	59
Комил баҳри вазнлари	60
Комили мусаммани солим	60

М

Мавқұф	61
Мадид	61
Мажзу	62
Макфуф	62
Макшүф	62
Матбуъ	62
Матний	63
Матинни мавқұф	63

Матвийи макшуф	63
Мафойил	63
Мафойилон	63
Мафойилу	63
Мафойилун (I)	63
Мафойилун (II)	63
«Мафойилун» аслининг тармоқлари	64
Мафоилатун	64
Мафоилон	64
Мафоилун (I)	65
Мафоилун (II)	65
Мафъулоту	65
«Мафъулоту» аслининг тармоқлари	65
Мафъулу	65
Мафъулун (I)	66
Мафъулун (II)	66
Махбун	66
Махбуни мақсур	66
Махбуни маҳзуф	66
Махбуни музол	66
Машқул	67
Маштур	67
Мақбуз	67
Мақсур	67
Мақтұй	67
Мақтұйи мусаббаг	68
Маҳзуф	68
Мужтасси баҳри	68
Мужтасси мусаммани махбун	70
Мужтасси мусаммани махбуни маҳзуф	70
Мужтасси мусаммани махбуни мақсур	72
Мужтасси мусаммани махбуни мақтұй	72
Мужтасси мусаммани махбуни мақтұйи мусаббаг	74
Музол	75
Музориъ баҳри	75
Музориъи мураббаи ахраб	76
Музориъи мусаммани ахраб	77
Музориъи мусаммани ахраби мусаббаг	78
Музориъи мусаммани ахраби макфуфи маҳзуф	79
Музориъи мусаммани ахраби макфуфи мақсур	80
Музориъи мусаммани ахраби макфуфи солими аруз ва зарб	82
Мунсариҳ баҳри	82
Мунсариҳ баҳри вазнлари	83
Мунсариҳи мусаммани матвийи макшуф	83
Мунсариҳи мусаммани матвийи мавқүф	84
Мунсариҳи мусаммани матвийи манхур	85
Мураббаъ	85
Мураккаб зиҳоф	86
Мусаббаг	86
Мусадас	86
Мусамман	86
Мустафъилон	87
Мустафъилун (I)	87
Мустафъилун (II)	87
Мустафъилун аслининг тармоқларир	87

Мутадорик баҳри	88
Мутадорик баҳри вазнлари	88
Мутадорики мусаммани солим	88
Мутадорики мусаммани мақтұу	89
Мутадорики мусаммани мақтұу мусаббагр	89
16 руңли мутадорики маҳбун	89
Муталаввун	90
Мустаъмал вазн	91
Мустаъмали матбұй вазн	92
Мутатаввал	92
Мутафоилун	94
Мутақориб баҳри	94
Мутақориб баҳри вазнлари	95
Мутақориби мусаммани солим	95
Мутақориби мусаммани маҳзуф	96
Мутақориби мусаммани мақсур	97
Мутақориби мусаммани аслам	98
Мутақориби мусаммани асрәми маҳзуф	99
16 руңли мутақориби мақбузи аслам	100
16 руңли мутақориби аслам	100
Мутаҳаррек	101
Муфрад зиҳоф	101
Муфтаилун	102
Мухтараъ вазн	102
Мухтараъи матбұй вазн	102
Мушаъас	103
Мушокиль баҳри	103
Мүкәзаб баҳри	104

Р

Ражаз баҳри	104
Ражази мураббаи солим	106
Ражази мураббаи музол	106
Ражази мусаммани солим	107
Ражази мусаммани музол	108
Ражази мусаммани матвийи маҳбун	109
Ражази мусаммани матвийи маҳбуни музол	110
Рамал баҳри	110
Рамал баҳрининг құшвазнли ўлчовлари	112
Рамали мусаммани маҳзуф	113
Рамали мусаммани мақсур	114
Рамали мусаммани маҳбун	116
Рамали мусаммани машқул	116
Рамали мусаммани машқули мусаббаг	118
Рамали маҳбуни маҳзуфи мустаҳзод	118
Рамали маҳбуни маҳзуфи мақсuri мустаҳзод	118
Рамали мусаддаси маҳзуф	119
Рамали мусаддаси мақсур	120
Рамали мусаммани солими маҳбуни маҳзуф	123
Рамали мусаммани солими маҳбуни мақсур	124
Римили мусаммани солими маҳбуни мақтұу	125
Римили мусаммани солими маҳбуни мақтұы мусаббаг	126
Римими мусаммани маҳбуни маҳзуф	127
Римими мусаммани маҳбуни мақсур	128

Рамали мусаммани маҳбуни мақтұу	128
Рамали мусаммани маҳбуни мақтұы мусаббағ	129
Рамали мусаддаси солими маҳбуни маҳзуф	132
Рамали мусаддаси солими маҳбуни мақсур	133
Рамали мусаддаси солими маҳбуни мақтұу	134
Рамали мусаддаси солими маҳбуни мақтұы мусаббағ	136
Рамали мусаддаси маҳбуни маҳзуф	137
Рамали мусаддаси маҳбуни мақсур	138
Рамали мусаддаси маҳбуни мақтұу	138
Рамали мусаддаси маҳбуни мақтұы мусаббағ	139
Рамали мусаддаси солими мушаъаси маҳбуни маҳзуф	140
Рамали мусаддаси солими мушаъаси маҳбуни мақсур	140
Рамали мусаддаси солими мушаъаси мақтұу	141
Рамали мусаддаси солими мушаъаси мақтұы мусаббағ	141
Рамали мусаддаси маҳбуни мушаъаси маҳзуф	142
Рамали мусаддаси маҳбуни мушаъаси мақтұу	142
Рамали мусаддаси маҳбуни мушаъаси мақтұы мусаббағ	143
Рамали мусаддаси мушаъаси маҳбуни мақтұу	143
Рамали мусаддаси мушаъаси маҳбуни мақтұы мусаббағ	144
Рубоий вазнлари	144
Рубоий вазнларини аниқлаш усуллари	148
Рукн	149

C

Салм	150
Сарам	151
Сариъ баҳри	151
Сариъ баҳри вазнлари	152
Сариъи мусаддаси матвийи макшүф	152
Сариъи мусаддаси матвийи мавқүф	153
Солим	154

T

Тавил баҳри	155
Тавил баҳри вазнлари	155
Тавили мусаммани солим	156
Тазниб	156
Тайй	158
Таслим	158
Ташъис	162
Тақтиъ	162
Тағыйир	165
Туюқ вазнлари	165

Ф

Фаал (I)	167
Фаал (II)	168
Файлайён	168
Файлон	168
Файлотов	168
Файлотовун	168
Файлун (I)	169

Файлун (II)	169
Фаул (I)	169
Фаул (II)	169
Фаулу	169
Фаулон	169
Фаулун (I)	170
Фаулун (II)	170
Фаулун аслининг тармоқлари	170
Фаъ	170
Фаълон	171
Фаълу	171
Фаълун (I)	171
Фаълун (II)	171
Фоилийён	171
Фоилоту	171
Фоилотун (I)	172
Фоилотун (II)	172
Фоилотун аслининг тармоқлари	172
Фоилун (I)	173
Фоилун (II)	173
Фоилун (III)	173
Фоилун (IV)	173
Фоилун аслининг тармоқлари	173
Фосила	174
Фоль	174
Фурӯъ	174

X

Хабн	175
Харб	175
Харм	175
Хатм	175
Хафиф	175
Хафиф баҳри вазнлари	176
Хафифи мусаддаси солими маҳбуни маҳзуф	178
Хафифи мусаддаси солими маҳбуни мақсур	179
Хафифи мусаддаси солими маҳбуни мақтубъ	180
Хафифи мусаддаси солими маҳбуни мақтубъи мусаббағ	181
Хафифи мусаддаси маҳбуни маҳзуф	182
Хафифи мусаддаси маҳбуни мақсур	183
Хафифи мусаддаси маҳбуни мақтубъ	184
Хафифи мусаддаси маҳбуни мақтубъи мусаббағ	184

Ч

Чўзиқ ҳижо	185
----------------------	-----

Ш

Шакл	185
Шатар	185

Ү

Ўзбек арузи	186
Ўти чўзиқ ҳижо	187

K

Қабз	190
Қарыб баҳри	190
Қаср	190
Қатъ	191
Қисқа ҳижо	191

F

Фарыб баҳри	193
-----------------------	-----

X

Ҳазаж баҳри	194
Ҳазаж баҳрининг олти руқнили (мусаддас) вазнлари	195
Ҳазажи мусаддаси маҳзуф	195
Ҳазажи мусаддаси мақсур	197
Ҳазажи мусаддаси ахраби мақбузи солим	198
Ҳазажи мусаддаси ахраби мақбузи маҳзуф	198
Ҳазажи мусаддаси ахраби мақбузи мақсур	199
Ҳазажи мусаддаси ахрами аштари маҳзур	200
Ҳазажи мусаддаси ахрами аштари мақсур	201
Ҳазаж баҳрининг саккиз руқнили (мусамман) вазнлари	201
Ҳазажи мусаммани солим	201
Ҳазажи мусаммани мусаббаг	203
Ҳазажи мусаммани аштар	203
Ҳазажи мусаммани ахраб	205
Ҳазажи мусаммани ахраби мусаббаг	206
Ҳазажи мусаммани маҳзуфи мақсур	207
Ҳазажи мусаммани ахраби макфуфи маҳзуф	207
Ҳазажи мусаммани ахраби макфуфи мақсур	208
Ҳазажи мусаммани ахраби макфуфи маҳзуфи мустаҳзод	210
Ҳазажи мусаммани ахраби макфуфи маҳзуфи мақсuri мус- таҳзод	212
Ҳазажи мусаммани ахраби макфуфи мақсuri маҳзуфи мус- таҳзод	212
Ҳазажи мусаммани ахраби макфуфи мақсuri мустаҳзод	213
16 руқнили ҳазажи ахраби макфуфи маҳзуфи мақсuri мустаҳзод .	213
Ҳазф	214
Ҳашв	214
Ҳижо	214

АНВАР ҲОЖИАҲМЕДОВ

ЎЗБЕК АРУЗИ ЛУФАТИ

«Шарқ» нашриёт-матбаа концернининг
Бош таҳририяти
Тошкент — 1998

Муҳаррир *Г. Зокирова*

Рассом *А. Баҳромов*

Бадиий муҳаррир *Ф. Башарова*

Техник муҳаррир *Д. Габдрахманова*

Теришга берилди 18.12.97. Босишга рухсат этилди 19.02.98. Бичими
 $84 \times 108^{1/2}$. Таймс гарнитураси. Офсет босма. Шартли босма табоги
11,76. Нашриёт ҳисоб табоги 9,8. Адади 7000. Буюртма № 1885.
Баҳоси келишилган нарҳда.

**«Шарқ» нашриёт-матбаа концернининг босмахонаси,
700083, Тошкент шаҳри, «Буюк Турон» қўчаси, 41.**

X 59

Хожиаҳмедов А.

Ўзбек арузи луфати.—Т.: «Шарқ», 1998.—2246.

Сарл олдида: Халқаро ислом тадқиқот маркази.

Қўлингиздаги китоб маънавиятимизнинг ажралмас қисми бўлган мумтоз адабиётимизда минг йилдан бери қўлланиб келаётган аruz шеърий ўтчов тизимининг назарий асослари ва шеъриятимиздаги амалий татбиқи ҳақида атрофлича маълумот бериш мақсадини қўзлади. У билан танишар экансиз, аruz тизимининг энг кичик жуззвари: ҳижолар, рукилар, уларнинг тузилиши ва турлари, хилма-хил баҳрларнинг таркиби ва оҳанг имкониятлари, ўзбек арузининг ўзига хос нафосати ва назокати, шоирларимиз фойдаланган 100 дан ортиқ вазнининг хусусиятлари ва қўлланиш қўлами ҳақида мукаммал билимга эга бўласиз. Лугат мумтоз адабиётимизнинг безавол асарларини ифодали ўқиш ва уларнинг бадииятидан баҳраманд бўлишингизда, шоирларимизнинг вазндан фойдаланиш маҳоратларини кашф этишингизда, энг муҳими, арузда битилган асарларнинг вазн хусусиятларини осонгина аниqlаш малакасини ҳосил қилишингизда сизга амалий ёрдам беради, деб умид қиласиз.

